

L, VII, 108.

L



108

ex Libris

Joannis Michaelis Perinj

J.V. Dⁿⁱ

Ex Libris

Thomae de Vico

1720

C O D E X
D O N A T I O N V M
P I A R V M,
I N Q V O

*Testamenta, Codicilli, Littera fundatio-
num, Donationum, Immunitatum, Pri-
vilegiorum, & alia pia liberalitatis mo-
numenta, à Pontificibus, Imperatoribus,
Regibus, Ducibus ac Comitibus, in fauo-
rem Ecclesiarum, præsertim Belgicarum,
edita continentur.*

AVBERTVS MIRÆVS Bruxellensis
cruebat, & Notis illustrabat.



BRUXELLIS,
Apud IOANNEM MERBECIUM
M. D. C. XXIV.

THE UNIVERSITY OF CHICAGO

LIBRARY

1900

1900


1900

1900



1900

AMPLISSIMO VIRO
DOMINO
PETRO PECQVIO
EQVITI AVRATO
PHILIPPO IV.
REGI CATHOLICO
BELGARVMQVE PRINCIPI
A CONSILIIIS STATVS
BRABANTIÆQVE CANCELLARIO.

 Rincipum nostrorum DONATIONES PIÆ, aliaque Diplomata, *Herici Vvveni*, Gelriæ Cancellarij doctrina clarissimi, hortatu, à me colligi primùm cæpta, tuo nunc impulsu, VIR AMPLISSIME, in publicum prodeunt. Ea variorum apud nos Principatuum origines aperiunt, multa antiquitatis Belgicæ, cum sacræ tum politicæ, arcana hætenus abdita recludunt, ad omnis denique nostratis Historiæ illustrationem conferunt.

Itaque nē in leges peccarē videar, quæ sigilli principalis, cui præes, rationem omnem tibi reddi sanxerunt, Principum nostrorum Diplomata ac Tabulas ad tribunal tuum ad fero: vt iudices, an earum exempla ex fide à me repræsententur. Et verò vnus inter Belgicæ nostræ primos hoc genus antiquæ doctrinæ intelligis, vnus æstimas, vnus inter grauissima Reipublicę negotia, si quando otiū detur, libentissimè tractas.

Laudandum sanè studium in Viro ad Reipublicæ clauum sedente. Vna enim hac ratione veterum nostrorum Principū in Deum pietas, erga Ecclesias munificentia, aliæque posteris imitandæ actiones fideliter discuntur: negotiorū denique omniū, quæ maiores nostri vsurparunt, formulæ certò cognoscuntur. Quod sine iactantia dixero, inuenient hīc quod discant Theologi, Iureconsulti, Historiæ item ecclesiasticę ac politicæ, præsertim nostratis, studiosi. Priamis, Brabonibus, Forestarijs, Alberoni-

beronibus, & id genus supposititijs Principibus explosis; Rothingum cum Bebelina, Gothilonem Magnum cum filio Stephano IX. Papa, Godefridum Barbatum cum Beatrice, God. Gibbosum cum Mathilde, God. Bullonium cum tribus fratribus, aliosque Marchiones hîc suos ANTVERPIA, Ragineros Comites HANNONIA, Wicmannos GANDA, Balduinos ALOSTVM, Aufridos LOVANIVM, LOTHARINGI denique superior & inferior, suos quæque Duces, velut ab Orco reuocatos hîc agnoscent, atque ex ijs non paucos etiam loquentes audient.

Hunc porrò antiquitatis Belgicæ Thesaurum (sic appellare liceat) tuo Tibi iure deberi nemo negauerit, qui & res omnes nostrates apprimè calles, & omnium disciplinarum atque elegantiarū studiosissimus existis. Omitto præstantissimas ingenij doctes, exactissimā Iurisprudentiæ cognitionē, Legationes in Gallia, Germania & alibi laudatissimè obitas, denique maxima Chri-

stianæ Reipublicæ negotia à Te felicissimè
pertractata. Prætereo illustres & in ore om-
niū positas Virtutes tuas, cū priuatas tū
publicas: vt Te velut suum hodie Papinianū
vniuersa Belgica meritò suspiciat ac vene-
retur. Desino itaque, & rogo, vt libens vo-
lensq̃ accipias hoc munus antiquarium,
sua quidem natura Tibi debitum, ab illo
autem oblatum, qui & virtutum admira-
tione & beneficiorum memoria se in pri-
mis obnoxium profitetur. Bruxellis X Kal.
Maias M.DCXXIV.

AMPLITVDINIS VESTRÆ

Studiosissimus

AVB. MIRÆVS.

AD LECTOREM.

M Agnorum ac piorū virorum hor-
tatu, ex cœnobiorum urbiumq; ar-
chivis, privatis item ac publicis bi-
bliothecis, ingēti labore ac sumptu,
à multis retrò annis, cū plus otij mihi esset,
Donationes ac Diplomata Principum no-
strorum eruere cœpi. Horū vnā nunc Cētū-
riam profero: plures per me aut alium Deo
adiutante daturus, si qua ad æternas velut
tenebras illustris antiquitatis monumenta
perperam nonnulli damnarunt, in lucē pro-
duxerint, & nobiscum amicè cōmunicarint,
in suum patriāq; nostra bonum atque orna-
mentum. Thesauri inuisi, & sapientiæ ab-
scōdite nulla est vtilitas: ut Sapiēs Hebraus
verissimè adfirmat. Cum blattis itaque ac
tineis pugnantia (quod indignum) exempla
principalium litterarum ut inā in lucē adspe-
ctumq; publicum proferant tot opimorum
prædiorum à Principibus donatorū possessio-
res, & velleo salte nomine gratos sese me-
moresque præsent. In quo voto desino.

INDEX CAPITV M.

- Cap. 1. **T**estamentum S. Remigij, Remorum Archiepiscopi, Francorum ac Belgarū Apostoli. pag. 1.
2. Chilpericus Frācorum Rex donat ecclesiam cathedralē Tornacensem. 15
3. Origo & fundatio Abbatie Sithienfis, quæ nunc S. Bertini dicitur, in Artesia, an. 654. 17
4. S. Amandi Tungrensis Episcopi Epistola, seu Codicillus de sepultura sui corporis. 20
5. S. Humberti, Maricolenfis in Hannonia Abbatis, donatio, facta in fauorem Ecclesie Maricolenfis. 23
6. Rothingus, Antuerpiensium Princeps, S. Willibrordi, donat ecclesiam castri Antuerpiensis, & tertiam partem telonei. 27
7. Rothingi eiusdem aliud diploma. 30
8. Testamentum S. Willibrordi Archiepiscopi Vltraiectini Hollandorum, Frisiorum & Antuerpiensium Apostoli. 31
9. S. Bonifacij Moguntini & Vltraiectini Archiepiscopi Epistola, ad Stephanum Pāpā circa an. 754. scripta, de statu Ecclesie Vltraiectinæ post obitū S. Willibrordi. 36.
10. Zachariæ Papæ epistola ad Gallie Belgicæ & Germaniæ Episcopos, qua S. Bonifacium Archiepiscopū Moguntinum, & Sedis Apostolicæ Legatum ipsis commendat. 40
11. Caroli Magni Imp. Sermo de fundatione Aquisgranensis basilicæ Marianæ, illiusque consecratione per Leonem III. Papam. 43
12. Caroli Magni Imp. diploma de fundatione Episcopatus Osnaburgensis in Westphalia. 48
13. Ludouicus Pius Imp. ad Arnonem Archiepiscopū Salisburgensem mittit Regulas Canonice institutionis, à Concilio Aquisgranensi an. 817. collectas. 51
14. Ludouici Pij. Imp. diploma concessum monasterio S. Bauonis Gandensis, petente Einhardo Abbate, an. 819. 55
15. Conuentus apud Marsnam prope Traiectum Mosæ, an. 847 celebratus, per Lotharium Imperatorem, Ludouicum Germaniæ, & Carolum

- lum Caluum Franciæ Reges,
fratres. 59
16. Ebo, Remorum Archiepiscopus, Balduino Ferreo, Fládriz Comiti, mittit corpus S. Donatiani VII. Remorum Episcopi. 64
17. Hincmarus Remensis Archiepiscopi Epistola ad Nicolaum I. Papam, de Balduino Ferrei, Flandriæ Comitis, coniunctione cum Iuditha, Caroli Calui Francorum Regis filia, & de vacatione Episcopatus Cameracensis. 67
18. Carolus Caluus, Francorum Rex, prædia Gandensi S. Bauonis monasterio olim collata confirmat, an. 864. 72
19. Pactio Aquisgranensis, inter Carolum Caluū Franciæ Regem, & eius fratrem Ludouicum Germaniæ Regem, anno 870. pridie Nonas Martij, in ita Aquisgrani. 76
20. Diuisio regni Lotharij, anno 870. VI. Idus Augusti inter Carolum Caluum Fraciæ, & Ludouicum Germaniæ Reges, facta in Procaspide ad Mosam fl. 78.
21. Testamentum S. Euerardi Comitis (qui fundauit Abbatiam Cisoniensem, Canonorum regulariū in diocesi Tornacensi) anno 937. conditum. 94
22. Carolus Caluus Imp. prædia Abbatiz Hasnoniensis anno 877. confirmat. 103
23. Ludouicus Germaniæ Rex Theoderico Comiti donat Waldam, id est, Wasiam 106
24. Arnulphus Imp. Gerolfo Comiti, Theoderici I. Hollandiæ Comitis parenti, varia prædia confert, an. 889. 107
25. Ludouicus Germaniæ Rex Laubium, Fossas, & alia loca Stephano Leodicensi Episcopo attribuit, seu confirmat, an. 908. 110
26. Carolus Simplex Francorum Rex Egmondam cum appendicibus donat Theoderico I. Hollandiæ Comiti, an. 913. 113
27. Pactum Bonnenfe, inter Carolum Simplicem Franciæ & Henricum Germaniæ Reges an. 921. initum. 115
28. Carolus Simplex Francorum Rex varia prædia Maricolenfi Abbatiz attribuit seu confirmat, an. 921. 119
29. Eiusdem Caroli Simplicis diplomata alterum, in fauorē eiusdem Maricolenfis monasterij concessum an. eodem. 921. 12
30. Henricus Auceps Imp. 12
an.

- an.932.confirmit fundationem Abbatia Bronienfis, in Comitatu & diocefi Namurcenfi, quæ nunc S. Gerardi nuncupatur, ab ipfo fundatore ibi quiefcete. 123
31. Arnulphus I.cognomento Magnus,Flandria Comes prædia varia monasterio Blandiniëfi reftituit,feu donat,hortatu Transmarî Nouiomenfis ac Tornacenfis Epifcopi. 125
32. Otho I.Imp. Lambertum Comitem Louanienfem an. 948. conftituit Aduocatum Gemblacenfis Abbatia in Brabantia. 130
34. Arnulfus Magnus Flandria Comes an. 961. dotat ecclefiam Eruenfem S.Donatiانى,quæ nunc eft cathedralis,& XII. Canonicos in ea conftituit. 138
35. Wicmānus,noui caſtri Gādenfis ab Othone Imp.ſtructi Comes,dāt villam Theſſam monaſterio Blandiniëfi an. 962. 141
36. Lotharius Francorum Rex Gandenſe S.Bauonis monaſterium, ab Arnulfo Flandria Comite eiusque filio Balduino,opera S. Gerardi Abbatis Bronienfis inſtauratum, ſua auctoritate firmat. 145
37. Idem Lotharius Rex varia prædia Bauonenſi monaſterio an. 967.confirmit,petente Balduino Comite Cameracenſi. 150
38. Gerberga Francorum Regina alodium Marſanenſe, prope Traiectum Moſæ, donat monaſterio S. Remigij Remenſis an.968. 155
39. Otho II.Imp.prædia ablata monachis S. bauonis Gandenſis reſtituit an.974. 161
40. Otho II.Imp.cōfirmit poſſeſſiones eccleſiæ Leodicenſis an. 981. 164
41. Otho III.Imp.an.985.donat Notgero Leodicenſi Epifcopo Comitatum Hoienfem ſeu Huienfem, quem Aufridus Comes antea tenuerat. 137
42. Othonis III. Imp. diploma largitionis,qua Theodericū Hollandiæ Comitem,auunculum ſuum, eſt proſecutus an.985. 140
43. Aufridus,ex Comite factus Epifcopus Vltraiectinus,eidem Eccleſiæ dat Weſterlo, & alias villas in Comitatu Rieniſi ſitas. 171
44. S.Henricus Imp. Baldrico Epifcopo Leodicenſi,& Baldrico Comiti an. 1008. dat bannum beſtiarum in ſiluis quas poſſidebant. 144
45. Hu-

45. Hugonis Episcopi Nouomen-
 mensis ac Tornacensis di-
 ploma, de fundatione Ab-
 batię Falempinensis, Cano-
 nicorum regul. in d. Torna-
 censi, per Saswalonem,
 Castellatum Insulensem
 an. 1039. 155
46. Gerardus I. Cameracensis
 & Atrebatensis Episcopus
 fundat ac dotat abbatiam S.
 Andreę, monachorum Be-
 nedictinorum, an. 1046. in
 Castro seu Caste llo Came-
 racefij, ditionis episcopalis
 opido. 149
47. Conradus Imp. confirmat
 fundationem Abbatie S.
 Andreę in Castello Came-
 racefij, à Gerardo I. Came-
 racefi Episcopo factam, an.
 1033. 154
48. Baldricus Comes Bracba-
 tēsis fundat collegium Ca-
 nonicorum in vrbe Bruxel-
 lenfi, anno 1047. 158
49. Ecclesia Bruxellensis, in
 qua Lambertus Comes Lo-
 uaniensis Canonicos posu-
 erat, libertate donatur à
 Lietberto Cameracensi E-
 piscopo. 162
50. Philippus Francorum Rex
 an. 1063. confirmat funda-
 tionem collegij Canonico-
 rum in Harlebeca, à Baldui-
 no Insulano, Flandriz Co-

- mite, eiusque coniuge Ade-
 laide factam. 165
51. Balduinus & Ratbodus E-
 piscopi Nouomētes ac Tor-
 nacenses confirmant fun-
 dationem collegij Harlebe-
 becani anno 1063. & 1089.
 168
52. Alexāder II. Papa an. 1070.
 confirmat Harlebecani col-
 legij Canoniconum insti-
 tutionem. 171
53. Rodolphus, Abbas & Chro-
 nographus Trudonensis,
 Waleramo Duci Limbur-
 gensi, & Aduocato mona-
 sterij Trudonensis, per epi-
 stolam explicat originem
 actatum eiusdem sui mo-
 nasterij, circa an. 1130. 173
54. Adelbero Metensis Epif-
 copus explicat iura ad mo-
 nasterij Trudonensis Aduo-
 catum & Subaduocatū per-
 tinentia, anno 1065. 176
55. Theodericus Metensis E-
 piscopus monasterio S. Tru-
 donis Scrutum sine Grutā
 eiusdem opidi Trudonopo-
 litani dederat: id successor
 eius Adelbero confirmat.
 180
56. Drogo Teruanensis Epif-
 copus anno 1065. talem dat
 libertatem ecclesię Meci-
 nensi seu Melsinensi, qua-
 lem Bertefridus Episcopus

- Ambianensis circa an. 662.
dedit ecclesiæ Corbeienſi.
183
57. Philippus Francorum Rex
prædia, per Balduinum In-
ſulanum, eiſſue coniugem
Adelam Meſſinenſi mona-
ſterio attributa, anno 1066.
confirmat. 188
58. Robertus Friſius, Flandriæ
Comes, monaſterij Meſſi-
nenſis, ab Adelâ matre ſua
conditi, poſſeſſiones anno
1080. confirmat. 192
59. Balduinus, cognomento In-
ſulanus ſeu Pius, Inſulene
Canonicorum collegium,
à ſe fundatum, an. 1066. do-
tat. præſente Philippo Fran-
corum Rege. 196
60. Theoduinus Leodiienſis Ep-
iſcopus in Hoienſi ſeu Hu-
ienſi eccleſia xv. Canoni-
cos an. 1066. conſtituit. 200
61. Robertus Friſius, Flandriæ
Comes, anno 1072. cõfirmat
prædia ac poſſeſſiones mo-
naſterij S. Petri Gandenſis.
202
62. Egmondanz Abbatiæ in
Hollandia fundatio, dotatio
ac confirmatio prædiorum,
per Theodericum v. Hollân-
diæ Comitem an. 1083. 205
63. Lotbertus Abbas Haſno-
nienſis anno 1088. vëdit Gi-
ſelberto, Balduin Ganden-
ſis filio, alodia in Aloſt, Raſ-
ſeghem & Lede. 109
64. Gerardus II. Cameracenſis
Epiſcopus alodia aliquot,
iure hereditario ad ſe per-
tinentia, dat Eccleſiæ Ca-
meracenſi, & alia alodia à
Manſcelino Præpoſito do-
nata confirmat 1089. 202
65. Henricus III. Comes Lo-
uanienſis & Brabatēſis an.
1086. fundat dotatque Abba-
tiam Affligemienſem. 215
66. Vrbanus II. Papa Atreba-
tenſibus dat propriũ Epif-
copum an. 1093. 218
67. Godefridus Bullonius, Dux
Lotharingiæ, poſtea Rex
Hierofolymorũ, copioſius
dotat monaſteriolum ſeu
Prioratum S. Petri, in muni-
cipio Bulloniienſi, à Gode-
frido Barbatofeniore, Loth.
Duce, fundatum. 220
68. Ida Boloniienſis Comitiffa,
Godefridi Bullonij, Hiero-
ſolymorum Regis mater,
decimas Genapiæ an. 1096.
dat monaſterio Afflige-
mienſi. 223
69. Foreſtenſis Abbatia, mo-
nialium Benedictinarum,
prop e Bruxellas à Giſel-
berto Aloſtano fundatur, &
à Fulgentio I. Abbate Affli-
gemienſi legibus firmatur.
256

70. Ida Boloniensium Comitiſſa anno 1098. dotat S Bertini monalterium in Arteſia. 226
71. Baldricus Nouiomenſis ac Tornacenſis Epiſcopus parrochiam Tiletanam donat Canonicis Harlebecanis, an. 1105. 231
72. Lambertus Epiſcopus Atrebatenſis an. 1106. confirmat poſſeſſiones Lenſienſis collegij Canonicoꝝ in Arteſia, Ida Godefridi Bullonij matre, Euſtathio Boloniensium & Lenſienſium Comite, eiꝛſque coniuge Maria, petentibus. 234
73. Odardus Cameracenſis Epiſcopus an. 1108. confirmat Teneramondanum Canonicoꝝ collegium, à Remigio ſeu Ringoto Caluo, Teneramondæ domino, eiꝛſque coniuge Adelvvide fundatum. 1108. 339
74. Balduinus cognomento Securiſ, Flandriæ Comes, aloidium Valfenſe eccleſiæ S. Petri Inſulenſis detractum circa an. 1115. eidem reſtituit. 241
75. Euſtathius Comes Bononiensis, Godefridi Bullonij frater, terram Merckenſem, quæ ad S. Bertini monaſterium pertinet, ab omni exactione liberam facit, anno 1122. 243
76. Godefridus Barbatuſ, Lotharingiæ Brabanticꝛq; Dux, Montem S. Guiberti immunitate ac priuilegijs anno 1123. honorat. 245
77. Antuerpiana S. Michaelis Abbatia, ord. Premonſtratenſis, an. 1124. fundatur ac dotatur, per Hildolphum Prapoſitum & Canonicos Antuerpienſes; qui S. Norberto eiꝛſque ſodalibus eccleſiam S. Michaelis ceſſerũt & ad baſilicam Marianam, nunc cathedralem, ſeſe tranſulerunt. 247
78. Burchardus Cameracēſis Epiſcopuſ eccleſiam Antuerpienſem libertate donat, & approbat Canonicoꝝ migrationem ex baſilica S. Michaelis ad baſilicam S. Mariæ, an. 1124. 250
80. Godefridus Barbatuſ, Lotharingiæ Dux & Marchio Antuerpienſis, decimas, per Godefridum Bulloniũ, prædeceſſorem ſuum, Antuerpienſi Canonicoꝝ collegio datas, poſt ſublatas, eidem reſtituit an. 1124. 256
81. Henricuſ V. imp decimas Sanctiſſimæ Antuerpienſi S. Michaelis eccleſiæ concedit, petente Godefrido Barbato,

- Loth. Duce & S. R. I. Marchione ad Scaldum, an. 1125. 260
82. Balduinus Comes Alostanus, eiusq; frater Iuanus an. 1125. ecclesiā & pradiaria in Herenbaldegem dat monasterio Affligemienfi. 262
83. Godefridus Barbatus, Lotharingæ Brabantixq; Dux & Comes Louanienfis, fundat Fliderbecanā seu Vlirebekanam Benedictinorum Abbatiam prope Louaniū an. 1125. 264
84. Parcum seu viuarium ferarum, prope Louanium, à Godefrido Barbato, Loth. Brabantixq; Duce, in Abbatia ord. Præmonstratensis an. 1131. conuertitur. 266
85. Alexāder Episcopus Leodiensis, Innocentij II. Pape mandato, an. 1131. è terra eleuat corpus S. Gerardi Abbatiss Broniēsis, & illius monasterij prædia recenset. 299
86. Innocentius II. Papa ecclesiam maioris Xenodochij, quod S. Ioannis dicitur, in vrbe Bruxellensi, an. 1131. consecrat. Diplom. pontificium an. 1497. se vidisse testatur Hēricus Bergius Cameracensis Episcopus. 271
87. Lotharius III. Imp. iura ac priuilegia ecclesiæ S. Seruatijs Traiectensis ad Mosam an. 1131. confirmat. 75
88. In Grimbergana ecclesia (quæ primò Canonicorum ord. S. Augustini, post monachorum fuit) S. Norbertus instituti Præmonstratensis Canonicos an. 1128. collocauit. id Liethardus Episcopus Cameracensis anno 1132. probauit, & priuilegijs firmavit. 78
89. S. Bernardo Claræ-Vallis Abbate petente, Tunderloēsis ecclesia à Burchardo Cameracensi Episcopo libertate donatur, & Canonici regulares ord. Præmonstratensis in ea collocantur an. 1133. 181
90. Liethardus Cameracensis Episcopus donat Canonicis ecclesiæ S. Gudilæ Bruxellensis altare in Meltbruck an. 1134. 286
91. Godefridus Barbatus, Loth. & Brab. Dux, an. 1133. fundat Bigardiam maiore, quæ est Abbatia monialium Benedictinarum, prope Bruxellas. 88
92. Arnulphus seu Arnoldus III. Comes Loffensis fundat Auerbødienfem Abbatiam ord. Præmonstratensis. 190
93. S. Foillani monasterium incohatur, prope Rodium Hå-

- noniꝑ opidũ Burchardo Ca
meracensi Episcopo dotare
& ecclesiasticis aliquot parochia
lis an. 1115. attribuẽte. Id Ni
colaus Burchardi successor
an. 1137. confirmavit. 293
- 94 Iuanus Comes Alostanus,
eiusque vxor Laureta, Theo
derici Flandriꝑ Comitis fi
lia, an. 1139. dotant Trunci
niensem ord. Pręmonstra
tensis Abbatiam, prope Gā
daum. 296
- 95 Conradus Imp. an. 1145. cõ
firmat Marsna, & alia præ
dia monasterio S. Remigij
Remensis donata. 298
- 96 Theodericus, Comes &
Princeps Alostanus, damna
monasterio Afligemiensi
illata reparat, an. 1164. 299
- 97 Cõuẽtio facta an. 1179. inter
Godefridum Brabantie Duc
cem, & super matrimonio,
quod Henricus, Godefridi
filius, cum Machilde, Philip
pi nepte, contraxit. 302
- 98 Balduinus, Comes Hānoniꝑ
& Marchio Namurci, fun
dat ac dotat altare in Mon
tensi S. Waldetrudis basilica
an. 1195. 303
- 99 Balduini Imp. Constātino
politani, Flandriꝑ Hanno
niꝑque Comitantis, Epistola, de
vrbis Constantinopolitane
per Latinos an. 1204 expug
natione: ex ms. codice So

- negienfi. 312
100. Henricus I. Lotharingiꝑ
& Brabantie Dux an. 1206.
fundat ac dotat Louanienfẽ
S. Gertrudis Abbatiam, quę
est Canonicoꝝ regulariũ,
nobili genere ortorum. 320
101. Egidius Bertholdus, Do
minus in Berlar, ex familia
toparcharum Machliniæ &
Grimberge, an. 1235. fundat
Abbatiam S. Bernardi, ord.
Cist prope Antuerpiā. 323
102. Henricus II. Lotharingiꝑ
& Brabantie Dux Locum
S. Bernardi ad Scaldim Ab
bati eiusdem monasterij in
purum alodium confert, an.
1243. 325
103. Ludouicus Bertholdus,
Dominus in Berlar, dona
tiones ab Egidio fratre suo
factas, ad fundādum S. Ber
nardi monasterium, prope
Antuerpiam, approbat an.
1245. 327
104. S. Ludouicus Galliæ Rex
Comitatum Artesiæ, à Lu
douico patre suo institutum
an. 1237. confirmat. 329
105. Ducatus Burgundiꝑ Phi
lippo filio à Ioanne Frāco
rum Rege an. 1363. datur:
quam donationem postea
Carolus V. Rex Philippi
frater anno 1364. editis ta
bulis laudauit. 331

SVMMA PRIVILEGHII REGII.

PHILIPPI IV. Regis Catholici Belgarumq; Principis diplomate sancitum est, ne quis AVBERTI MIRÆI CODICEM DONATIONVM PIARVM, præter ipsius voluntatem intra sexennium imprimat, aut alibi excusum diuendat, sub pana confiscationis eorumdem librorum & 30. Florenorum. Datum Bruxellæ 16. Martij. 1624.

APPROBATIO CENSORIS.

Memoria ac laude sæculorum dignum censeo R. D. AVBERTI MIRÆI, viri longè doctissimi, CODICEM PIARVM DONATIONVM, cum quo & varia pie liberalitatis monumenta a Pontificibus, Imp̃ Regibus ac Principibus, in fauorem Ecclesiarum præsertim belgicarum edita, distinctè & cum veritate commemoret, tum quòd nihil contineat quod aut Catholicam Religionem, aut Christianos Principes aut mores offendat. Quare summo cum fructu & legentium voluptate, ac Ecclesiæ Belgicæ honore, in lucem emitti, & omnium manibus teri posse iudico. Datum Bruxellæ VII. Kalendas Maias M.DC.XXIV.

HENRICVS SMEYERS

S.Th.L.Scholasticus
Bruxell.Lib. Censor:

1

C O D E X
DONATIONVM
PIARVM.

CAPVT PRIMVM.

*Testamentum S. Remigij, Remorum
Archiepiscopi, Francorum ac Bel-
garum Apostoli.*

IN nomine Patris & Filij & Spiritus sancti,
gloria Deo, Amen. Ego REMIGIVS Episcopus
ciuitatis REMORVM, sacerdotij cō-
pos, testamentum meum condidi iure prę-
torio, atque id codicillorum vice, valere prę-
cepit, si ei iuris aliquid videbitur defuisse. Quandoque ego
REMIGIVS Episcopus de hac luce transiero, tu mihi
heres esto sancta & venerabilis Ecclesia Catholica vrbis
Remorum, & tu fili fratris mei, LVPE Episcopo, quem
pręcipuo semper amore dilexi, & tu nepos meus AGRI-
CULO presbyter, qui mihi obsequio tuo à pueritia pla-
cuisti in omni substantia mea, quę mea sorte obuenit, an-
tequam moriar, pręter id quod vnicuique donauero, le-
gauero, darive iussero, vel vnumquemque vestrum volu-
ero habere pręcipuum.

Tu sancta heres mea Remensis Ecclesia, colonos quos
in *Portensi* habeo territorio, vel de paterna maternaque
substantia, vel quos cum fratre meo sanctę memorię
PRINCEPIO Episcopo commutavi, vel donatos habeo
possidebis,

possidebis, *Dagaredum*, *Profuturum*, *Prudentium*, *Ternacum*, *Maurilionem*, *Bauloleisum*, *Provinciolum*, *Nauiatenam*, *Lautam*, *Suffroniam*, colonas, *Amorinum* quoque seruum cum omnibus quos intestatos reliquero, tuo dominio vindicabis. Nec non villas, agrosque, quos possideo in solo *Portensi*, *Tudiniacum* scilicet & *Valatonium*, siue *Plerinacum*, & *Vacculiacum* vel quæcumque in eodem solo *Portensi* qualibet auctoritate possedi, integrè cum omnibus campis, pratis, pascuis, siluis, ad te Testamenti huius auctoritate reuocabis.

Vide Onuphrium.

SIMILI modo, sanctissima heres mea, quæcumque tibi à propinquis & amicis meis, in quocumque solo & territorio collata sunt, sicuti disposuero in ptochijs, cœnobijs, martyrijs, diaconijs, Xenodochijs, omnibusque matriculis sub tua ditione degentibus, ordinationem meam futuri successores mei, ordinis sui memores, sicut ego prædecessorum meorum, ita quoque inconuulsè & absque vlla refractione scruiabunt.

Deest dictio in manu.

Ex quibus *Celtus*, quem per manum meam *Celsa* sobrina mea tibi tradidit, & *Huldriciaca* villa, quam *Huldricus* Comes, ei loco ubi ossa mea sancti fratres, & Cœpiscopi diœceseos tuæ ponenda elegerint, in tegumentis deseruiant. Sitque locus ille successoribus meis Remorum Episcopis peculiariter proprius, & in alimonijs ibidem Deo militantium, vicus ex proprio in *Portensi* & . . . villanis quoque ex Episcopo in Remensi deseruiant. *Blancibaccius* villa in Portensi, quam à coheredibus meis *Benedicto* & *Hilario*, datis pretijs, emi de thesauro ecclesiæ, & *Albinus* ex Episcopo, in alimonijs clericorum Remensis ecclesiæ communiter deputentur. Quibus etiam *Berna* ex Episcopo, quæ peculiaris prædecessoribus meis esse solebat, cum duabus villis, quas *L v d o v v i c v s*, à me sacro baptismatis fonte susceptus, amore nominis mei, *Bischofheim* sua lingua vocatis, mihi tradidit, siue cum *Coslo* & *Gl n*, vel omnibus siluis, pratis, pascuis, quæcumque per diuersos ministros in *Vosago* infra, circum, & extra, tam vltra quam citra Rhenum, pretio dato comparavi, picem annuatim ministret, cunctisque locis regularibus, tam à me

Clodouus
i. Rex.

me quam ab antecessoribus meis ordinatis, siue in futuro ab Episcopis successoribus meis ordinandis, pro necessitate locorum, ad vascula vinaria componenda, annuatim distribuat.

CRUSCINIACVM verò & *Faram*, siue villas quas sanctissima virgo Christi *Genouefa*, à Rege Christianissimo Ludowico, pro compendio itineris sui, cum Remensem ecclesiam sapissimè visitare soletet, adipisci promeruit, alimonijque ibidem Deo famulantium deputauit, sicut ab ea ordinatum est, ita confirmo, vt *Crusciniacus* futuri Episcopi successoris mei obsequijs, & sartatectis principalis Ecclesiae deputetur. *Faram* verò eidem Episcopo, & sartatectis ecclesiae, ubi iacuerò, perpetualiter seruire iubeo.

SPARNACVS villa, quam datis quinque millia libris argenti, ab *Eulogio* comparauit, tua (sanctissima heres mea) non extraneorum heredum meorum, esse cernitur, eò quod cum criminis accusatione regiae maiestatis idem teneretur obnoxius, & se minimè purgare posset, non solum ne occideretur, dato iam dicto pretio de thesauris tuis, sed ne pecunia eius publicaretur, vnà tecum obtinui: & ideo vt praefata *Sparnacus* perpetualiter tibi ad restituendum thesaurum, stipendijsque tui Pontificis deferuiat, liberali sanctione firmaui.

DVODECIACVS verò, sicut à **CLODOUALDO**, nobilissimae indolis puero, confirmatum est, tibi heres mea perpetualiter famuletur.

VILLAS, quas mihi Dominus illustrisque memoriae **LDOWICVS** Rex, quem de sacro baptisinatis fonte suscepi, cum adhuc paganus Deum ignoraret, ad proprium tradidit, locis pauperioribus deputauit: ne fortè, cum esset infidelis, cupidum terrenarum rerum me arbitrari posset, & non potius suae salutem animae, quam exteriora ab ipso bona requirere. Quod & admiratus, intercedere me pro quibuscumque necessitate patientibus, & fidelis & ante fidem, benignè liberaliterque concessit.

Et quia ex omnibus Episcopis Galliarum, pro fide & conuocatione Francorum, potissimum me laborare cognouit,

nouit, dedit mihi Deus tantam gratiam in conspectu eius, virtusque diuina, quæ per Spiritum sanctum me peccatorem plurima signa ad salutem præfatæ gentis Francorum operari fecit, ut non solum ablata omnibus ecclesijs regni Francorum restitueret, sed etiam de proprio, gratuita bonitate, plurimas ditaret Ecclesias. Neque prius de regno eius, quantum passus est pedis, ecclesiæ Remorum iungere volui, donec ut hoc omnibus ecclesijs adimpleret, obtinui.

Coucy.
July.

SED neque post eius baptismum, nisi *Codiciacum & Inliacum*, super quibus iam dictus puer sanctissimus, & vnanimus mihi *Clodoualdus*, & incolæ loci illius multiplicibus xenijs grauati, obnixè deprecantes, quod Regi debebant, Ecclesiæ meæ soltendum me petere compulerunt. Quod idem pijsimus Rex & grātanter accipiens, promptissima voluntate largitus est, visibusque tuis, sanctissimæ heres mea, iuxta eiusdem pijsimi datoris præceptum, Episcopali auctoritate firmati.

RES etiam, quas sæpe dictus Rex pijsimusque Princeps, tibi in *Septimania & Aquitania* concessit, & eas quas in *Prouincia Benedictus* quidam (cuius filiam mihi ab *Alarico* missam, gratia sancti Spiritus, per impositionem manus meæ peccatricis, non solum à diabolica fraudis vinculo, sed ab inferis reuocauit) ad vsum luminis tui, & loci, vbi corpus meum iacuerit, continuatim deferuire præcipio, villasque in *Austria* siue *Toringia*.

Austria, id
est, Austria-
sia.

FVTRVO Episcopo successori meo amphibalum album paschalem relinquo, stragula columbina duo, vela tria, quæ sunt ad ostia diebus festis triclinij, cellæ, & culinæ.

VAS argenteum triginta, & aliud decem & octo librarum, inter te, heres mea, & diocesim tuam Ecclesiam *Laudunensem*, factis patenis atque calicibus, ad ministerij sacrosanctum, pro ut volui, Deo annuente, distribui.

ILLVD quoque vas aureum decem librarum, quod mihi sæpe nominatus Dominus illustrisquæ memoriz *LVDOWICVS* Rex, quem (ut p̄tēdixi) de sacro baptismatis fonte suscepi, donare dignatus est, ut de eo facerem quod

quod ipse voluiffem, tibi heredi mea Ecclefia fupra memorata iubeo turriculum & imaginatum calicem fabricari, & epigramata, quæ Laudum in argenteo ipfe dicta- ni, in hoc quoque conferibi volo. Quod faciam per me, fi habuero fpatium vite, fi autem claufero vltimum diem, tu fili fratris mei L V P E Epifcope, fpecies ante dictas, tui ordinis memor, efficias.

COMPRESBYTERIS meis & diaconibus, qui funt Remis, **xxv.** folidos æqualiter diuidendos in commune dimitto. Vitis plantam, fuper vineam meam, ad suburbanum po- fitam, fimili modo communiter poffidebunt, cum *Mela- nio* vinitore, quem do in loco ecclefiaftici hominis *Albe- nichii*, vt *Albonichus* libertate pleniffima perfruat.

SUBDIACONIBVS folidos duodecim, Lectoribus, Oſtiarijs, & iunioribus folidos octo iubeo dari. Pauperi- bus duodecim in matricula poſitis, ante fores ecclefia ex- ſpectantibus ſtipem, duo folidi, vnde ſe reficiant, inferen- tur, quibus *Corcellum* villam dudum deſeruire præcepi. Alijs pauperibus tribus, vbi fratres quotidie pedes lauare debent, quibus etiam *Palatoforum*, quod dicitur xenodo- chion, ad hoc miniſterium ſtatui, ſolidus vnus dabitur.

VIDVIS quadraginta, in porticu ecclefia alimoniam præſtolantibus, quibus de decimis villarū *Calmiſciaco*, *Teſ- cino*, *Nonanilla* ſtipēdia miniſtrabātur, ſuperaddo de villa *Huldriciata* ſuperius memorata, eis in perpetuum ſtipen- dia inferri, & tres folidos & denarios quatuor dari iubeo.

ECCLESIAE S. Villois, ad portam Sueſſonicam, ſo- lidos duos: ecclefia *S. Martini*, ad portam Collatitiam, ſo- lidos duos: ecclefia *S. Hilarij*, ad portam Martis, ſolidos duos: ecclefia ſanctorum *Criſpini* & *Criſpiniani*, ad portam Treuericam; ſolidos duos: ecclefia *S. Petri* infra urbem, quæ *Curtu Dominica* dicitur, ſolidos duos: ecclefia, quam in honore omnium martyrum ſupra Cryptam Remoruna ædificauimus, cum per auxilium virtutis Dei, ab igne & monis parte iam totam urbem cōcrematam eripui, ſolidos duos: ecclefia, quam pro eodem ſigno virtutis Dei, in honore *S. Martini* & omnium Confefſorum, infra urbem ædificauimus.

solidos duos. Diaconia infra urbem, quæ dicitur ad *Apostolos*, solidos duos. Titulo *S. Mauricii*, in via Cæsarea, solidos duos. Ecclesiæ Iovinianæ, tituli beati *Agricolæ*, vbi ipse vir Christianissimus *Iouinus*, & sanctus martyr *Nicasius*, cum plurimis societatis suæ Christi martyribus, requiescunt, vbi etiam quinque cōfessores proximi antecessores domini *Nicassii*, cum sanctiſſima virgine, & martyre *Eutropia*, conditi sunt, solidos tres. Eidem quoque ecclesiæ proprium, quod fuerat *Iouini* in solo Sueſſonico, cum ecclesiæ beati *Michaelis*, rebus prioribus superadididi.

ECCLESIAE sanctorum martyrum *Timothei* & *Apollinaris*, vbi etiam Domino dante, si fratribus ac filiis meis Episcopis diœceseos nostræ visum fuerit, ossa mea ponere disposui, solidos quattuor. Ecclesiæ *S. Ioannis*, vbi virtus Christi, me orante, filiam *Benedicti* suscitauit, solidos duos. Ecclesiæ *S. Sixti*, vbi cum tribus successoribus suis requiescit, solidos tres, cui etiam de proprio meo *Plebeias* supra Matronam adiunxi. Ecclesiæ *S. Martini*, in eodem solo sanctæ Remensis ecclesiæ positæ, solidos duos. Ecclesiæ *S. Christophori*, solidos duos. Ecclesiæ *S. Germani*, quam ipse in solo Remensi ædificaui, solidos duos: ecclesiæ SS. martyrum *Cosma* & *Damiani*, in præfatæ matris solo positæ, solidos duos.

Marne fl.

MATRICVLAE *S. Mariæ*, quæ dicitur Xenodochion, vbi duodecim pauperes stipem expectant, solidus dabitur. Quam denique matriculam loco, vbi cumque fratribus meis & filiis ossa mea ponere placuerit, perſeuerare præcipio, & vt diu noctuque pro peccatis atque criminibus meis Dominum deprecetur, de proprio hereditatis meæ iure, rebus quas antecessores mei in eorum stipendijs Domino dederunt, superaddo etiam villam *Scladronæ*, & villam *S. Stephani*, & quidquid in villa *Herimundi* mihi per successionem euenit. Quod verò pretio ibidem comparari, ecclesiæ *S. Quintini* martyris iam diu delegaui.

DE iam dicto *Vacculiaco*, *Fruminium*, *Dagaleisum*, *Dagaredum*, *Duelionem*, *Baudouvicum*, *Vaulsum*, *Vinoſeſam*, liberos esse præcipio. *Tennaredum*, qui de ingenua nascitur matre, statu libertatis vtatur.

TV verò fili fratris mei *LYPE* Episcopo, tuo dominio vindicabis *Nisastem*, & matrem suam *Nuciam*. Vineā quoque quam *Ancas* vinitor colit. *Ancam* & *Monulfum*, eius filium iuniore, iubeo libertate perfungi. *Melloficum* porcarius, & *Paschasidem* coniugem suam, *Verninianum* cum filiis suis, excepto *Widragasio*, cui tribui libertatem, tuo iuri deputabis. Seruum meum de *Cesurnico*, tuum esse præcipio. Agrorum partem ad te, quam frater meus *Principius* Episcopus tenuit, cū filiis, pratis, pascuis, reuocabis. Seruū meum, quem *Mellaovicus* tenuit, *Viteredum* tibi derelinquo. *Tencursolum*, *Capalinum* & vxorem suam *Theodorosnam*, tuo iuri dominioque transcribo. *Theodonima* quoque ex mea præceptione sit libera. *Edoneifam*, quæ homini tuo sociata fuit, & eius cognationem retinebis. Vxorem *Aregildi*, & cognationem suam, ingenuos esse iubeo. Partem meam de prato, quod *Lauduni* iuxta vos habeo, ad imitatē montium posito, & quæ *Ionia* sunt pratella, quæ tenui, ad te reuocabis. *Labrinacum* tibi, vbi ossa genitricis meæ posui, cum præfixis terminis deputaui.

TIBI autem nepos meus *AGRICOLA* presbyter, qui intra domesticos parietes meos exegisti pueritiam tuam, trado atque transcribo *Merumvastem* seruum, & vxorem suam *Meratenam*, & eorum filium nomine *Marconicum*. Eius fratrem *Medonicum* iubeo esse liberum. *Amantium* vxorem suam tibimet relinquo. Eorum filiam esse præcipio liberam *Dasoundam*. *Alaricum* seruum tuæ deputo portioni: cuius vxorem, quam redemi & manumisi, commendando ingenuam defendendam. *Bebrimodum*, & vxorem suam *Moriam*, tuo dominio vindicabis. Eorum filius *Monacharius* gratulabitur beneficio libertatis. *Mellaricum*, & vxorem suam *Placidiam*, ad tuum dominium reuocabis: *Medaridus* eorum filius sit libertus. Vineam, quam *Mellaricus* *Lauduni* fecit, tibi dono: *Briobaudem* seruum meum, nec non etiam *Gibericum*. Vineam quam *Bebrimodus* facit, tibi eatenus derelinquo, vt diebus festis & omnibus diebus Dominicis, sacris altaribus mea inde offeratur oblatio, atque annua conuiuia Remensibus presbyteris & diaconibus præbeantur.

DELEGOQUE nepoti meo *Prætextato Moderatum*, *Totticionem*, *Marconicum*, *Innocentium* seruum, quem accepi à Profuturo originario meo, cochlearia quattuor de maioribus, acetabulum, lacernam, quam mihi *Tribunus Friaredus* dedit, & argenteam cabutam figuratam. Filiolus illius *Paronio* acetabulum, & tria cochlearia, & casulam, cuius simbrias commutauit.

REMI G I A E cochlearia tria, quæ meo sunt nomine titulata, mantile ipsius, quod habeo feriale, transcribo: hichinaculum quoque dono illi, de quo *Gondebodo* dixi.

DELEGOQUE benedictæ filia meæ H I L A R I A E Diaconæ ancillam nomine *Nocam*, & vitium pedaturam, quæ suæ iungitur vineæ, quam *Catusio* facit, dono: & partem meam de *Talpusiaco* transcribo, pro obsequijs, quæ mihi indefinenter impedit. *Actio* nepoti meo partem de *Cesurnico*, quæ mihi sorte diuisionis obuenerit, cum omni iurè, quod tenui atque possedi. *Ambrosium* quoque puerum ad ius illius dominiumque transmittito.

VITALEM colonum liberum esse iubeo, & familiam suam ad nepotem meum *Agathimerum* pertinere: cui vineam dono, quam posui *Vindonisse*, & meo labore constitui, sub ea conditione, vt à partibus suis, omnibus diebus festis ac Dominicis, pro commemoratione mea, sacris altaribus offeratur oblatio: & Laudunensibus presbyteris atque diaconibus annua conuiuia, concedente Domino, præbeantur.

DONO Ecclesiæ Laudunensi ex villis, quas mihi sanctæ recordationis præfatus Rex L V D O W I C V S dedit, duas, *Anisiacum*, solidosque decem & octo, quos presbyteri & diaconi inter se æquali diuisione distribuunt. Partem meam de *Secio* ex integro ad se reuocet Ecclesia Laudunensis, & *Lauscitam*, quam mihi carissima filia & soror mea virgoque (vt credo) Christi sanctissima *Genoncsa*, in vrbibus pauperum Christi, tibi dandam ad integrum delegauit.

COMMEMDO sanctitati tue, fili fratris mei, L V F E Episcopo, ex præfatis villis, quos liberos esse præcipio, *Catumionem*, & *Auliacenam* coniugem suam, *Nonniam*, qui
meam

meam vineam facit. *Sonnoucisum*, quam captiuam redemi, bonis parentibus natam, & eius filium *Leusiberedum*, *Mellaridum*, & *Mellatcnam*, *Vasantem*, *Cocum*, *Caſariam*, *Dagarafenam*, & *Baukloroſenam*, Leonis neptem, & *Marcolciſum* filium Totnonis: hos totos, fili ſtatris mei *LYPE* Epifcope, ſacerdotali auctoritate liberos defenſabis.

Tibi autem, heredi Eccleſiæ meæ, *Flauianum*, & vxorem ſuam *Sparagildem* dono. Eorum filiolum paruulum *Flauaraſenam* liberam eſſe conſtitui. *Fedamiam* vxorem *Melani*, & eorum paruulam *Remenſes* preſbyteri & diaconi poſſidebunt.

CISPICIOLVN colenum liberum eſſe præcipio, & ad nepotem meum AETIVM eius familiam pertinere, ad vtrumque, id eſt, ad *Acritum*, & *Agatimerum* peruenire colonicam *Paſſiacum*.

PRONEPTI meæ *Protextata* dono *Modoroſenam*, *Proſuturo* *Lendocharium* puerum trado. *Proſutura* dari iubeo *Lendoneram*.

LAVDVNENSIBVS ſubdiaconibus, Lectoribus, Oſtiarijs, & Iunioribus quattuor ſolidos derelinquo: pauperibus in matricula poſitis ſolidus dabitur, ad eorum reſeſtione. Delegoque ex dato præfati Principis *Saluonarias* ſuprà *Moram*, & decem ſolidos Eccleſiæ *Sueſſoniæ*, pro commemoratione nominis mei. Nam *Sablouarias* ſuprà *Matronam* heredibus meis deputaui.

Fortè,
Sablouarias
ſuprà *Moſam*.

CATALAVNENSI Eccleſiæ, ex dato ſæpe dicti filij mei, *Gellonos* ſuprà *Matronam*, & ſolidos decem: Eccleſiæ ſancti *Memmij*, *Faſcinarias*, ex donis præſcripti Principis & ſolidos octo. *Moſomagenſi* ſolidos quinque, *Vongenſi*, agrum apud officinam molinarum, quæ ibi eſt conſtituta: *Cataringenſi* eccleſiæ ſolidos quattuor, totidemque *Porrenſi*, pro commemoratione mei nominis, inferentur.

ECCLESIAE ATREBATENSI, cui Domino annuente, *Vedaſum* fratrem meum cariſſimum Episcopum conſecraui, ex dono iam dicti Principis, villas duas in alimonijs clericorum deputaui, *Ortos* videlicet & *Sabuocum*:

Eccl. Atrebatensis do-
tor a S. Re-
migio.

quibus etiam, pro memoria nominis mei, solidos viginti dari iubeo.

VRSI Archidiaconi familiaribus vsus obsequijs, dono ei domitextilis casulam subtilem, & aliam pleniorrem, duo saga delicata, tapete, quod habeo in lecto, & tunicam, quam tempore transitus mei reliquero meliorem.

HEREDES mei, LVPE Episcopo, & AGRICOLA presbyter, porcos meos inter vos æqualiter diuidetis. *Friaredus*, quem, ne occideretur, quatuordecim solidis comparavi, duos concessos habeat: duodecim det ad basilicæ domnorum martyrum *Timothei & Apollinaris* cameram faciendam. Hęc ita do, ita lego, ita testor. Ceteri omnes exheredes estote, suntote.

Hic autem testamento meo dolus malus abest, aberitque in quo si qua litura vel caraxatura fuerit inuenta, facta est me præsentem, dum à me relegitur & emendatur. Neque ei duo priora testamēta primum quidem, quod ante xiiij. & alterum quod ante septem condidi annos, obsistere, obuiare, aut vllatenus nocere poterunt: cō quòd quidquid in ipsis cōtinebatur, in præsentia fratrum meorum hic inserta, & quæ deerant, adiuncta, insuper & quæ Dominus mihi largiri in postmodum dignatus est, superaddita noscuntur. Sed incōvulsum, & incontaminatum præsens hoc, quod condidi, testamētum à fratribus meis successoribus, videlicet Remorum Episcopis, conseruandum: à Regibus quoque Francorum, filiis scilicet meis carissimis, quos per baptismum, Iesu Christi dono, & gratia spiritus sancti cooperante, Domino consecraui, vbique defensum, atque protectum, contra omnia & in omnibus, inuiolabilem perpetuamque semper obtineat firmitatem.

Et si quis in ordine clericali, à presbytero vsque ad tonsuram, contradicere, aut obuiare ei præsumpserit, & corruptus à successore meo satisfacere neglexerit, conuocatis ex vicinioribus locis Remorum diœceseos tribus Episcopis, deponatur à gradu. Si verò (quod non opto, nec cupio, sed neque spero) successor quilibet mihi in
hac

hac sede Remorū Episcopus, execrabili cupiditate ductus, res præfatas, sicut à me, auctore Domino meo Iesu Christo, ad illius honorem, & eius pauperum consolationem ordinatæ sunt, aliorum distrahere, inmutare, commutare, seu quolibet obtentu, in vsus laicorum, beneficij gratia dare, aut à quolibet datas, fauere, aut consentire præsumpserit, conuocatis totius diœceseos Remorum Episcopis, presbyterisque ac diaconibus, nec nõ & ex filiis meis carissimis Francis religiosis quàm plurimis, reatus sui pœnam, priuatione sui Episcopatus persoluat, & nequaquam vltra recuperationem gradus amissi, in hoc sæculo, promerebitur.

QUI CVMQVE verò ex laico habitu à nobis statuta parvipendens, si bique fauens, quæ pauperibus Ecclesiæ attributa sunt, abuti, aut vsurpare quolibet obtentu præsumpserit, pari simul perpetuæque damnatione, alienator, petitor, dator, acceptor, peruasor, anathematis vinculo ab Ecclesia Catholica seiungantur: donec valeant, Deo miserrante, condignæ satisfactionis emendatione indulgentiam promereri. Sin autem in hoc perseverare, cuiuscumque donationis occasione, quilibet delegerit, spes ei præsentis ac futuræ restitutionis à successore meo, Remorū scilicet Episcopo, omnimodis auferatur.

GENERI tantummodo regio, quod ad honorem sanctæ Ecclesiæ & defensionem pauperum, vnà cum fratribus meis & Coepiscopis omnibus *Germania, Gallia atque Neustria*, in regis maiestatis culmen perpetuò regnaturum statuens elegi, baptizavi, à fonte sacro suscepi, donoque septiformis spiritus consignavi, & per eiusdem sacri chrismatis vñctionem ordinato, in Regem, parces, statuo, vt si aliquando genus illud regium, per benedictionem meam totiens Domino consecratum, mala probationis reddens, Ecclesiarum Dei peruasor, destructor, depopulator, grauis aut contrarius existere voluerit, conuocatis Remorum diœceseos Episcopis, primùm moneatur, & deinde Ecclesia Remensis præfata, adiuncta sibi sorore, Ecclesia scilicet *Treuerensi*, iterum conueniatur. Tertio verò Archiepiscopis tantummodo Gal-

liarum tribus aut quattuor cōuocatis, Princeps ille, qui-
cumque fuerit, moneatur: ita ut vsque ad septimam mo-
nitionem, si prius satisfacere renuerit, paternæ pietatis
longanimitate, differatur. Tandemq; si postpositis om-
nibus præfatis benedictionibus, incorrigibilis contuma-
ciæ spiritum non deposuerit, & se per omnia Deo subdi-
nolens, benedictionibus Ecclesiæ participare noluerit,
elogium segregationis à corpore Christi ab omnibus ei
porrigatur, quod per Prophetam & Regem Dauid lon-
ge ante, eodē, qui in Episcopis est, dictāte Spiritu sancto,
nosceitur decantatum. *Quia persecutus est (inquit) hominē*

*Psal. 108. inopem & mendicū, & compunctum corde, & non est re-
cordatus facere misericordiam, & dilexit maledictionem, &*

ueniet ei, & noluit benedictionem, & elongabimur ab eo. Totū-
que ei, quod in persona Iudæ, traditoris Domini nostri
Iesu Christi, & malignorum Episcoporum Ecclesia de-
cantare solet, per singulas ei decantetur Ecclesias, quia

*Matth. 25. Dominus dixit: Quamdiu fecistis vni ex minimis meis, mi-
hi fecistis: & quamdiu his non fecistis, nec mihi fecistis.* Et i-
dē quod probatur in capite, in membris intelligendū
esse non dubitetur. Vnum tantum inodo ibi verbum per

*Psal. 108. interpositionem commutetur. Fiant dies eius pauci, & prin-
cipatum eius accipiat alter.*

Quod utique si successores mei, Remorum scilicet
Archiepiscopi, operari, sicut à me ordinatum est, negle-
xerint, in se, quidquid in Principibus rescandum fue-
rat, maledictionibus deprauati reperiant: *ut fiant dies eo-
rum pauci, Episcopatum eorum accipiat alter.*

Si verò Dominus meus IESVS CHRISTVS vocem ora-
tionis meæ, quam quotidie pro genere illo, in conspectu
diuinæ maiestatis specialiter fundo, audire dignatus fu-
erit, ut sicut à me accepit, ita in dispositione regni, & or-
dinatione sanctæ Dei Ecclesiæ perseueret, benedictio-
nibus, quas Spiritus sanctus per manum meam pecca-
tricem super caput eius infudit, plurimæ super caput il-
lustrius, per eundem Spiritum sanctum, superaddantur: &
ex ipso Reges & Imperatores procedant, qui in præsen-
ti & in futuro, iuxta voluntatem Domini, ad augmentū
sanctæ

sanctæ suæ Ecclesiæ, virtute eiusdem, in iudicio & iustitia confirmati, & corroborati, regnum obtinere atque augere quotidie valeant: & in domo David, hoc est, in cælesti Ierusalem, cum Domino in æternum regnaturi, sublimari mereantur. Amen. Peractum Remis die & Consule supradicto, intercedentibus, & medijs signatoribus.

EGO REMIGIUS Episcopus testamentum meum legi, signavi, subscripsi, & in nomine Patris, & Filij & Spiritus sancti (Deo adiuvante) compleui.

VEDASTYS Episcopus, cui pater meus Remigius maledixit, maledixi, & cui benedixit, benedixi, interfui quoque atque subscripsi.

S. Vedastus
Episcopus
Atrebat. &
Camerac.

GENEBAUDVS Episcopus, cui pater meus Remigius maledixit, maledixi, & cui benedixit, benedixi, interfui quoque atque subscripsi.

S. Gencbaudus
Laudunensis.

MEDARDVS Episcopus, cui pater meus Remigius maledixit, maledixi, & cui benedixit, benedixi, interfui quoque atque subscripsi.

S. Medardus
Noniomensis
& Tornac.

LUPVS Episcopus, cui pater meus Remigius maledixit, maledixi, & cui benedixit, benedixi, interfui quoque atque subscripsi.

S. Lupus
Suessionensis.

BENEDICTVS Episcopus, cui pater meus Remigius maledixit, maledixi, & cui benedixit, benedixi, interfui quoque atque subscripsi.

EVLOGIUS Episcopus, cui pater meus Remigius maledixit, maledixi, & cui benedixit, benedixi, interfui quoque atque subscripsi.

AGRICOLA presbyter, cui pater meus Remigius maledixit, maledixi, & cui benedixit, benedixi, interfui quoque atque subscripsi.

THEODONIVS presbyter, cui pater meus Remigius maledixit, maledixi, & cui benedixit, benedixi, interfui quoque atque subscripsi.

CELSIVS presbyter, cui pater meus Remigius maledixit, maledixi, & cui benedixit, benedixi, interfui quoque atque subscripsi.

V. C. PASSOLVS interfui & subscripsi.

- V. C. EVLODIVS interfui, & subscripsi.
 V. C. EVSEBIVS interfui, & subscripsi.
 V. C. RYSTICOLVS interfui, & signavi.
 V. C. EVTROIIVS interfui & signavi.
 V. C. DAVVEVS interfui, & signavi.

Post conditum testamentum, imò signatum, occurrit sensibus meis, vt basilicæ domnorum martyrum *Timothei & Apollinaris* missorium argenteum, sex librarum ibi deputem, vt ex eo sedes futura meorum os suum componatur.

NOTATIONES.

S REMIGII testamentum Flodoardus in Historia Remensis ecclesiæ lib. 1. cap. 18. & ex eo Barnabas Briffonius, Præses Parisiensis, recitat li. 7. de Formulis & solemnibus populi Romani verbis.

Eodem libro Briffonius habet Testamentum HADONDI Cenomanensis Episcopi, à Flodoardo lib. 2. cap. 5. laudati, quod est eiusdem fere sæculi ac stili.

S. GENNADII Asturicensis in Hispania Episcopi Testamentum an. 915. scriptum ex autographo recitat Prudentius Sandouallius, Episcopus Pompelonenfis, lib. de Foundationibus monasteriorum Benedictinorum in Hispania. Nos infra S. WILLIBORDI, primi Vltraiectensis Archiepiscopi, & S. EVERARDI Comitæ Cisoniensis Testamenta commemorabimus. Ex quibus, habet quod Iureconfulti, & antiquitatis cum sacræ tum profanæ studiosi hauriant & discant.

Quo anno
S. Remigius
obierit.

CETERVM S. REMIGIVS. obiit circa annum Christi 525. vt ex Concilio Aruernensi colligit Egidius Bucherius, in Tabulis suis Chronologicis. Georgius Coluenerius, in Notis ad Flodoardi Hist. Remensem, vult eum vixisse vsque ad an. 544. quod repugnat Concilio Aruernensi, an. 535. celebrato; cui Flavius subscripsit. S. Remigij post Romanum successor. Quo anno idem Remigius Testamentum suum scripserit, non constat: quòd

nomina

nomen Consulis, sub quo scriptum, in manuscriptis codicibus desideretur.

BISCHOFESHEIM.) Id est, Episcopi domus. Vel hinc liquet, Francos olim Germanica lingua vsos fuisse.

ATREBATENSIS.) Clericis seu Canonicis ecclesie cathedralis Atrebatensis S. Remigius dedit villas duas Ortos, hodie *Ourton*, in medietate Artesie, & Sabucetum hodie *Souchè*, tertio lapide ab Atrebato.

LAUDUNENSEM.) Laudunum Clauatum, hodie *Laon*, cum ad diocesim Remensem pertineret, S. Remigius Lauduni Episcopatum instituit ac dotauit: vt Flodoardus in Hist. Remensi lib. 1. cap. 14. & Sigebertus in Chron. ad an. 500. narrant.

DIE ET CONSULE.) Hæc desunt in mss. codicibus: ex quo constat S. Remigij Testamentum hætenus plene à nemine esse editum: quod utinam quis præstet!

CAPVT II.

Ghilpericus Francorum Rex dotat ecclesiam cathedralem Tornacensem.



In nomine omnipotentis Dei, & Saluatoris nostri Iesu Christi. CHILPERICVS, diuina præueniente clementia, Rex Francorum. Quamto alios regia celsitudine præcellimus, tantò Christum honorare, & eius Ecclesiam impensius volumus. Et in Christi repensionibus sacerdotum & Pontificum, vel seruorum Dei, quæ pro eorum vtilitatibus pertinent, libenter præstamus vel cōcedimus, & hoc nobis ad laudem vel stabilitatem regni nostri, in Dei nomine pertinere confidimus.

Idcirco noscat fidelium humilitas vel magnitudo, quòd nos Apostolico viro domino CHRASMARO, Nouiomagenſis vel Tornacenſis vrbiſ Epifcopo, teloneum de nauibus ſuper fluuio *Scalt*, qui pertinet ad fiſcum Tornacum, vel quolibet commercio, ſeu & de cariaigio vel de ſagenis, nec non de ponte ſuper fluuio *Scalt*, vel de omnibus vānalibus vbicumque vendantur . . . vnde cumque teloneus exigitur, ſicut fiſcus noſter, & regia potetas vendicare poteſt, unò & iuſtitiam de ipſo teloneo, in ſtipendijs Canonicorum, . . . noſtra gratia plenè viſi ſumus conceſſiſſe. Quapropter per hoc præceptum ſpecialius decernimus pro donando, quòd perpetualiter circa ipſum donum CHRASMARVM Pontificem, vel ipſius ſanctæ eccleſiæ Tornacenſis ſucceſſoribus ſuis, pro tempore, volumus eſſe conceſſum. Datum *Bibrax*, Chilperici anno primo, Indictione XII. in Dei nomine feliciter, Amen.

An. 575.

NOTATIONES.

ANNO Chriſti 575. *Sigebertus* Auſtraſiæ Rex contra CHILPERICVM fratrem, Pariſiorum Regem, bellum inouit, & *Theodebertum* Chilperici filium occidi t. Chilpericus Tornacum fugit: cuius loci Epifcopus CHRASMARVS, ac ciues eum humaniter exceperunt, & contra fratrem tutati ſunt. Sigebertus cùm Chilpericum perſecutus fuiſſet Tornacum vſque, doſo Fredegundis, vxoris Chilperici, gladio conſoſſus eſt, & *Iambriſ* prope Diuacum ſepultus, inde poſtea ad S. Medardi Sueſſionenſis mon. tranſſatus. Chilpericus, beneficij accepti memor, Eccleſiam Tornacenſem ampliter dotauit: vt ex diplomate iam recitato conſtat.

NOVIOMAG. VEL TORNAC. Anno 546. deſuncto S. ELEVETHERIO, Tornacenſium Epifcopo, S. MEDARDVS, Nouiomagēſis ſeu Nouiomenſis Epifcopus, curam Eccleſiæ Tornacenſis quoque ſuſcepit. Ex eo tempore Epifcopatus Nouiomenſis ac Tornacenſis manſerunt vniti, vſque

*Noyon.
Tournay.*

vsque ad an. 1146. quo eos diuifit Eugenius III. Papa, procurante S. Bernardo Abbate Claruallis.

BI BRAX.) Remorum opidum, I. Czfari notum, hodie Bray, aut Bresne.

ANNO PRIMO) regni Austrasie, quod Chilpericus inuaserat, Sigeberto fratre occiso. Illud tamen regnum retinere non potuit, Childeberto Sigeberti filio demum proualente.

INDICTIONE XIII.) Legendum puto, INDICTIONE VIII. & videtur lapsus librarij, x. pro v. transcribentis.

CAPVT III.

*Origo & fundatio Abbatie Sinhiensis,
qua nunc S. Bertini dicitur, in
Artesia, an. 654.*

DOMINIS sanctis presbyteris BERTINO, MOMMOLENO, EBERTRANDO, ego in Dei nomine ADROALDVS, sana mente sanoque consilio integra deliberationis, prout mundana peccata abstergere Dominus dignetur, dono vobis omnem rem portionis hereditatis meae, in pago Tarnanense, quam domino patri AVDOMARO, Apostolico viro, ad xenodochium suum edificandum, dare voluimus: sed ipse salubre consilium nobis donauit, vt ipsam rem vobis delegarem, vt ibi monasterium in honore Petri, principis Apostolorum, construere debeatis, ad conuertendum monachis, vbi beati pauperes spiritu & domestici fidei adiuuari debeant, quorum voces quotidie ad aures Domini personare noscantur, quorum petitiones audit & implet.

PROPTEREA vobis in Christo patribus dono, per hanc epistolam donationis, in pago *Tarnanensi*, villam proprietatis meæ nuncupatam *Sithiu*, super fluvium *Agnione*, cum omni merito suo, vel adiacentijs seu aspicientijs ipsius villæ. Hæc sunt, villa *Magnigeloca*, *Vinciaco*, *Tatinga*, villa *Amreio*, *Masto*, *Fabruinio*, *Lonsantanas*, & *Adfundenis* seu *Malros*, *Alciaco*, *Lauriadiaca*, villa *Franciliaco*, cum omni merito eorum, cum domibus, ædificijs, terris cultis & incultis, mansiones cum siluis, pratis, pascuis, aquis, aquarumque decursibus seu farinarijs, mancipijs, accolabus, greges cum pastoribus, mobilibus & immobilibus, vel quibuscumque ædificijs.

HÆC omnia vobis ad integrum trado atque confirmo, ut hereditate teneatis atque possideatis, & quibus volueritis ad possidendum relinquatis. Si quis verò, quod futurum esse non credo, si ego aut unus de heredibus meis, vel quælibet opposita persona contra hanc donationem venire cogitauerit, villo nunquam tempore, in præsentia iram Dei incurrat, & S. Petri offensam, & insuper, fisco cogente, auri libras xv. argenti pondo xxx. coactus exsoluat, & quod repetit non valeat euindicare. Et ut hæc donatio omnibus temporibus firmissima sit, manu nostra roborauimus, & qui signarent aut subscriberent, ad præsens rogauimus.

FACTA donatio viii. Idus Septembris, anno xi. regni domini nostri *Clodouis* Regis.

ACTVM *Astio*, villa dominica publicè, coram strenuis viris, quorum nomina cum subscriptionibus vel signaculis subter tenentur inserta.

SIGNAUI ego *ADROALDVS* hanc donationem à me factam, in Christi nomine, peccator.

AVDOMARVS, nomine, absque opere, Episcopus, pro testimonio.

EGO AGOLFVS presbyter.

EGO INGOBERTVS presbyter.

SIGNVM CHVNEBERTI Graphionis.

S. LAYDEBERTI.

S. MAY.

S. MAVRILIONIS.

S. BABONI, & aliorum.

NOTATIONES.

S BERTINVS.) Abbas primus Sithienſis an. 654. obiit, ibidem conditus: à quo poſtea monaſterium iſtud S. BERTINI nomen accepit.

S. MOMMOLENVS,) ſeu Mommolinus, poſtea Episcopus Nouiomenſis ac Tornacenſis, S. Eligij ſucceſſor.

S. AVDOMARVS.) Morinorum ſeu Teruanenſium Episcopus: à quo nomē accepit Audomaropolis, vrbs hodie Episcopalis Arteliz. Obijt is an. 661. S. Omer.

TARVANENSE.) Taruana ſeu Teruana vrbs olim Episcopalis Morinorum, *Ternane*, iuſſu Caroli V. Imp. an. 1553. funditus exciſa.

AGNIO fluuius hodie Aa dicitur.

CHVNEBERTVS Graphio, id eſt, Comes, Germanis ſuperioribus & inferioribus. Idem, niſi fallor, eſt *Chonebertus*, vir illuſtris, monaſterij Maricolenſis in Hannonia fundator, cuius meminit Baldericus in Chron. Cameracenſi lib. 1. cap. 27. & nos infra cap. 7. Gram.

C A P I T V L V.

S. Amandi, Tungrensis Episcopi Epistola, seu Codicillus de sepultura sui corporis.

IN nomine Domini nostri Iesu Christi, ego AMANDVS miserrimus & peccator. Credimus vbique diuinam nos pietatem regere, & clementer saluare velle, quia & ingressum nostrum in mundum, & exitum de mundo, ante secula ipse prænoscit. Proinde omnibus nō habetur incognitum, qualiter nos longē lateque per vniuersas prouincias seu gentes, propter amorem Christi, seu verbum Dei annuntiare, vel baptismum tradere volentes, discursum habuimus: & nos de multis periculis pietas Dei eripuit, & vsque tempore isto perducere dignata est.

SED dum iam corpore fessio, & multis laboribus fatigato, iam in summa senectute pænē corpore præmortuo, exitum de hoc mundo in proximo habere speramus; & quia nos Deus in istum locellum, qui vocatur *Elnonis*, perducere dignatus est, quem super largitate regia proprio labore visi sumus construxisse; si nos ibi Deus de hoc mundo decreuerit emigrare, peto & coram Christo Iesu, filio Dei, coniurare præsumo, vt nulli Episcoporum vel Abbatum, seu sæcularium virorum, aut quibuscumque potestatibus hoc contrarium sit, vt corpusculum meum in ipso monasterio, quod superius diximus, *Elnone*, inter illos fratres requiescat, vbi iam nos
ad ipsos

*Elnonensis
mon. con-
structor S.
Amandus.*

ad ipsos fratres & corpore & anima commendauimus.

ET si in itinere, aut vbicumque finis noster prouenerit, ad ipsum locum, quem superius memorauimus, corpusculum nostrum licentiam habeant fratres vel Abbas de ipso monasterio Elnone ibidem reuocare.

SI quis verò contradicere, aut de ipso monasterio corpus meum per fortia abstrahere, aut temerario spiritu contradicere voluerit inprimitus S. Trinitatis offensam incurrat, & ab omnibus Ecclesijs Catholicis excommunicatus appareat, & à societate sanctorum extraneus efficiatur, & damnationem, quam Dathan & Abiron sustinuerunt, quos infernus viuos absorbit, ipse sustineat, & sit anathema maranatha quod est perditio in aduentu Domini nostri Iesu Christi. Et nec sic nostram voluntatem mutare valeat, sed hæc deliberatio nostra in perpetuo firma, & inuiolata permaneat.

ET vt certius credatis, manu propria subscripsi, & omnibus hominibus Deum timentibus, vt subscribant, supplicamus & rogamus. Quam epistolam fratri nostro BAYDEMYNDO presbytero, fieri rogauimus.

FACTA epistola in monasterio Elnone, anno secundo regni THEODORICI Regis, sub die decima quinta Kal. Maij.

An. 661.
iuxta Chron.
Elnonense
m. s.

EGO AMANDVS peccator hanc epistolam à me factam consensi & subscripsi.

EGO in Christi nomine REOLVS, ac si peccator subscripsi.

EGO in Christi nomine MYMMOLENVS Episcopus subscripsi.

EGO in Christi nomine VINDITIANVS Episcopus, ac si peccator, hanc epistolam rogante Domino Amando, consensi & subscripsi.

EGO BERTINVS Abbas subscripsi.

EGO ALDEBERTVS Abbas subscripsi.

EGO IOANNES, rogatus à Domino Amando, consensit, hanc epistolam subscripsi.

EGO BAYDEMYNDS peccator, iubente Domino meo

Amando, hanc epistolam deliberationis suæ scripsi & subscripsi.

NOTATIONES.

EX his qui subscripserunt, S. REOLVS seu REGVLVS fuit Archiepiscopus Remensis, & quiescit in Orbacensi monasterio à se fundito: de quo Flodardus in Hist. Rem.

S. MVMMOLENVS seu MOMMOLENVS fuit Nouiomensis ac Tornacensis Episcopus: de quo superiore cap. 8. diximus.

S. VINDICTIANVS fuit Cameracensis & Atrebatensis Episcopus: de quo vide Baldericum in Chron. Cameracensi.

S. BERTINVS fuit Abbas & fundator monasterij Sithiensis, quod Bertinense nunc dicitur: de quo egimus cap. superiore.

ALDEBERTVS seu Adelbertus fuit Abbas monasterij S. Bauonis Gandensis.

IOANNES fuit Abbas Blandiniensis prope Gandium, à S. Amando constitutus.

BAVDEMUNDVS fuit tertius Abbas Blandiniensis; & ab ipso quantum conijcio, scripta est vita S. Amandi, quam Surius publicauit. Errant enim, qui *Miloni Elnonensi* eam adscribunt, quod auctor narret se à Bono presbytero, qui Amandum Tornaci vidit, nonnulla accepisse. Milo autem longè posterior ætate fuit, vtpote qui Caroli Calui temporibus vixit, & an. 870. obiit.

Annus mortis
S. Amandi.

CETERVM S. AMANDVS in monasterio suo Elnonensi (quod hodie S. *Amandi* dicitur, & à Benedictinis monachis possidetur, tertio lapide à Tornaco) an. 662. die 6. Februarij in Domino obdormiuit: qui annus Sigeberto Gemblacensi, & Iac. Meiero, anni initium à Paschate ducentibus, est annus Christi 661. Ioannes Cognatus in Hist. Tornacensi obitum eius ad an. 672. refert.

De

DE annis regni THEODERICI magna apud Chronographos est quaestio, alibi à nobis aliquando tractanda. Nonne mo dubitare possit, an non sit legendum, *Anno secundo regni Lothary Regis*, qui fuit annus Christi 661. eoq̃ue anno videtur hæc epistola à S. Amando scripta, hoc est, nono circiter mense ante obitum.

CAPVT V.

S. Huntberti, Maricolensis in Hannonia Abbatis, donatio, facta in fauorem Ecclesie Maricolensis.

ANNO XII. regni Domni nostri CHILDE-
 ricigloriosi Regis, XV. Kal. Aprilis, ego
 in Dei nomine HUNTBERTVS, etli indignus
 peccator, cogitans de Dei timore, vel æter-
 ni boni retributione, seu ablucendis meis
 peccatis; quia dicit scriptura: *Facite vobis amicos de mō-* Luc. 16.
mona iniquitatis, qui vos perducant in æternas mansiones
sanctorum. Rursumque dicit: *Facite vobis saccos eleemosy-* Luc. 12.
na, qui non veterascunt.

Idcirco dono, quod in perpetuum donatum esse vo-
 lo, ad sacrosanctum monasterium, quod vocatur MA-
 RICOLAS, quod vir illustris CHONEBERTVS quondam
 suo opere construxit, vbi ego ipse indignus peccator
 Abbas præesse videor, consecratum in honore S. Mariz,
 matris Domini nostri Iesu Christi, & SS. Petri & Pauli
 Apostolorum, vel reliquorum dominorum, qui in ipsa
 basilica venerantur, situm in pago *Fanoniartensi*, super
 fluuiolum, qui vocatur *Helpe*: hoc est, partem maximā
 de possessione nostra in villa nuncupata *Macerium*, sita in
 pago *Laudunensi*, super fluuium *Iseram*, quam de auz
 mea

mea, Deo sacrata, AVDELIANA, quondam dato pretio, per venditionis titulum comparavi, hoc est, manfos Dominicos, vbi ipsa AVDELIANA māsīt, vel postea nos ædificauimus, & terrationes & seruos, & ancillas illos & illas.

Hos igitur manfos, cum terris confitis & pascuis, in integrum per hanc seriem epistolæ nostræ donationis, quam VLFINVM Notarium scribere rogauimus, ad ipsam basilicam S. Mariæ Maricolis constructam, à præsentī die tradimus ad possidendum.

HAEC OMNIA supra nominata ad ipsum monasterium delegauimus, vt ipsi monachi vel successores nostri in suo iure vel dominatione à præsentī die recipiant ad possidendum, tam in terris, quàm domibus, ædificijs, mancipijs, vineis, siluis, pratis, pascuis, aquis, aquarumque decursibus, absque vllius iudicis interpellatione: habeantque in sua potestate tenendi, dandi, vendendi, commutandi, vel quod exindē voluerint faciendi.

PROPTEREA in ista epistola definimus, vt nulla altera ratione calumnia in postmodum inter ipsos seruos Dei, vel heredes nostros non ad crescat.

Si quis verò post nos, quod futurum esse non credimus, si aliquis de heredibus nostris, aut quolibet opposita persona contra hanc donationē nostram, quam fieri rogauimus, venire aut infringere voluerit, primitus iram Trinæ maiestatis incurrat, & sit anathema, & deleatur nomen eius de libro viuentium cælesti, & cum iustis non scribantur, sed sint consortes Iudæ Iscariotis, qui Dominum tradidit, & si emendare noluerit, mutet Deus sensum eius, & in illo iudicio recipiat, quod Ananias & Saphira receperunt in præsentī, & insuper inserat cogenti fisco auri libras decem, & decem argenti pondo coactus exsoluat. Nec si quid repetit: nihil valeat vindicare, & merces nostra in antea proficiat ad salutem.

Et si aliqua instrumēta aut anterioris aut posterioris, quolibet ingenio vel argumento de nomine nostro in propinquis meis vel extraneis personis fuerint ostensa

aut

Psalm. 68.

Mat. 5.

aut villo vnquam tempore apparuerint, falsarius esse cognoscatur, & inanis permaneat. Sed præsens donatio à me facta omni tempore firma & inuiolata permaneat, stipulatione subnixâ idoneorum testium, domini videlicet VINDITIANI Episcopi, & FVLBERTI mei fratris, sed ill. & ill.

ACTVM Maricolis. Ipse tamen *Humbertus*, 'ctsi peccator Abbas propria manu confirmo.

NOTATIONES.

EGO IN DEI NOMINE HVNTBERTVS.) Ita legendum suadet sensus & contextus ipsius diplomatis, itemque ipsum autographum, quod Maricolenfes adseruant. Baldericus in Chronico Cameracensi lib. I. cap. 27. hoc ipsum diploma recitat, sed in editione Duacensi, per transpositionem, legitur CHONEBERTVS, vbi legendum est, HVNTBERTVS, & e contra,

EVIT autem S. HVNTBERTVS siue HVMBERTVS primū S. Humbertus socius S. Amandi Tungrensis Episcopi, in peregrinatione Romana, post Abbas Maricolensis, ac demum Episcopus, ad conuersionem infidelium: quales item Episcopos simulque Abbates. VRSMARVM, ERMINVM, & alios olim Laubium habuit, Porro S. Humbertus & Antuerpiæ Euangelium prædicasse traditur: quod colligi datur ex elogio, versibus heroicis concepto, quod Molanus in Natalibus SS. Belgij 25. Martij recitat.

EST autem verisimile, S. Humbertum vnâ cum S. AMANDO, viro verè Apostolico, Antuerpiam venisse: de quo seq. cap. agemus.

MARICOLAS.) Mareclias, seu Marilias, Gallicè *Maroilles*. Est hodieque illustris Benedictinorum apud Hannones Abbatia, ad Helpram fluvium, cuius primarius

rius fundator fuit CRONEBERTVS, secundarius autem S.HVMBERTVS.

CRONEBERTVS) Comes pagi Fanomartensis, est idem vt arbitror, qui supra cap. 3. in Donatione per Adroaldum facta, dicitur CHONIBERTVS GRAPHIO.

Enum Mar-
tis.

PAGO FANOMARTENSI.) Fanum Martis hodie *Famars* primo lapide à Valentianis, cuius fit mentio in Notitia Imperij, vbi de Belgica secunda agitur. Eiusdem meminit Antoninus in Itinerario, & Eginhartus in hist. Translationis SS. Marcellini & Petri. Eruntur ibidem hodieque plurima numismata Romana. Ex ruinis Fani Martis sunt qui suspicantur Valentianas seu Valentianas ad Scaldim esse constructas.

MACERIAS.) Maceriaz ad Mosam, *Mesieres*, olim ad Remensem ecclesiam, hodie ad Ducem Niuernensem, ex gente Gonzaga, pertinent. Alię ab his Maceriaz haut procul à Lauduno sitę: quarum hic mentio. Sunt & Maceriaz in Artesia nostra, quarum dominus est V. N. PHILIPPVS GOMIECVRTIVS, antiquitatis cum sacraz tum profanz peritissimus, qui multa ad operis huius illustrationem pro sua humanitate nobiscum communicauit.

VINDITIANVS) Episcopus Atrebatensis & Camera-censis, Bruxellensium Apostolus, obiit Brosellę, siue vt nunc loquuntur, Bruxellę circa annum 691. & quiescit in Monte S. Eligij, quę est Abbatia Canoniorum regularium, sefqui milliari ab Atrebato.

SED IL. ET IL.) hoc est, illius & illius: vt explicat Petrus Pithęus in Glossario Capitulorum, verbo, Fidelitas.

CAP.

CAPVT VI.

*Robingus, Antuerpiensium Princeps
S. Willibrordo donat ecclesiam
castri Antuerpiensis, & tertiam
partem telonei.*



REDIMVS mercedis lucra conquirere, si aliquid de rebus nostris, pro peccatis nostris redimendis, sacerdotibus Dei conferimus.

IGITUR ego in Dei nomine ROHINGVS, & coniux mea BEBELINA donamus Apostolico domino & patri nostro WILLIBRORDO Episcopo, donatumque in perpetuum esse volumus, hoc est. ecclesiam quæ constructa est infra castrum ANTVERPIS, super fluvium Scalde, quam dominus AMANDVS Pontifex in honore SS. Petri & Pauli Apostolorum principum, vel cæterorum Sanctorum construxit, & nos pro ipsa ecclesia, vel quidquid ibidem aspicere videtur, venerabili viro FIRMINO, Abbati de monasterio *Quercolodora* locellum nostrum nuncupatum *Tumme* in concambio dedimus, & nos postea à die præsentis iâ dictam ecclesiam, unâ cum terris, domibus, ædificijs, accolabus, mancipijs, mansis, silvis, campis, pratis, pascuis, aquis, aquarumque decursibus, adiacentijs, appendicijs, ibidem aspicientibus, farinarijs, gregibus cum pastoribus, mobilibus, & immobilibus, re acquisita, & inæquisita, totum & ad integrum quidquid dici vel nominari potest, tam de dote quàm de comparato, vel

de qualibet re ad nos noſcitur perueniſſe , nos à die præſenti, ſupraſcripto domino WILLIBRORDO donatis atque tradimus: & illud telonium, quod ad partem noſtram ibidem venerat, hoc eſt, illam tertiam partem ad integrum ei conceſſimus atque donauimus : in eà ratione, vt ibi thus vel luminaria debeant eſſe procurata, & præſbyteri, qui ibi ſeruiunt, pro peccatis noſtris Domini miſericordiam debeant exorare: & vt ipſe ſupraſcriptus Dominus WILLIBRORDVS ipſam eccleſiam vel quidquid ibidem aſpicere videtur , ſeu ipſum telonium habeat , teneat atque poſſideat , dandi vel commutandi, vel quidquid exinde facere voluerit, liberam & firmiſſimam in omnibus habeat poteſtatem.

Si quis verò , (quod futurum eſſe non credo) heredum vel proheredum meorum , vel quælibet oppoſita perſona contra hanc donatiõis chartulam venire tentauerit, & eam infringere conatus fuerit, primitus iram Dei omnipotentis incurrat, & ſanctorum Angelorum, & à liminibus eccleſiæ alienetur, partemque habeat cum Iuda, & ultione Ananiz, & Saphira, vel lepra Giezi percutiatur: inſuper inferat ſiſci iuribus auri libras duas, argenti pondo quinque . Nec ſi quid repetit, euindicare valeat , ſed firma & immobilis hæc donatio perennibus temporibus permaneat ſtipulatione ſubnixæ.

An. 725.
Ani 726.

ACTVM publicè eſt hoc *VVeimode*, regia villa, cùm fecit Oſtober dies viginti, regnante THEODERICO Rege anno ſexto.

NOTATIONES.

RORINGVS.) Eſt quod ſibi ANTVERPIA noſtra graturletur de optimis ac piſſimis olim Principibus ſuis RORINGO ſeu RAVCHINGO, & BEBELINA eius coniuge, quos haut dubie ignoraret , niſi eorum nobis memoriam Willibrordiana apud Epternacenſes

nacenses Abbatia conseruasset. Ex hoc enim loco diploma istud, vt & subsequens, itemque Testamentum S. Willibrordi accepimus. Rohingi seu Rothingi huius numisma aureum se vidisse memorat Guilielmus Heda in Hist. Episcoporum Vltraiectionum.

CASTRVM ANTVERPIS.) Medix ætatis scriptores castrum proopido accipiunt, vt castrum *Valentianus*, castrum *Gandense*, castrum *Ionen*, & similia.

AMANDVS.) Tungrensis Episcopus, vir Apostolicus, vetustissimam vrbis Antuerpianæ basilicam in honorē SS. Petri & Pauli (quod hætenus quoque ignoratum) consecrauit. Ea basilica hodie CASTRENSIS. Scu BVRGENSIS ECCLESIA, vulgò *Borchkerke* nuncupatur, haut procul à ripa Scaldis sita, in veteri opido seu burgo Antuerpiensi, cuius ambitus fuit perexiguus, quod fossæ etiamnum integræ demonstrant.

SVB illius basilicæ turri, æquè antiqua, visitur crypta, in qua S. WALBYRGIS virgo egisse dicitur, cum ex Britannia Antuerpiam venisset, vt adiuuā, ad messē Euangelicam à cognato suo, S. BONIFACIO, Moguntino & Vltraiectiono Archiepiscopo, in Germaniam euocata. Plura si voles, Fastos nostros Belgicos consule.

TURNME.) fortè, *Turne* vel *Deurne*, olim TURNINVM Turninum
prope Ant-
uerpiam. Latine, vicus prope Antuerpiam ad Scheinam riuulum vbi olim cœnobium fuit, in quo S. FREDEGANDVS aliquando monachum egit. Eius sacra ossa Audomaropoli an. 1590. Antuerpiam allata, in cathedrali templo ibidem adseruantur. Normannis porò in Belgicam irruentibus, monachi, Turnino relicto, Einhamum prope Aldenardam migrasse putantur: vbi etiamnum Benedictina est Abbatia.

CAPVT VII.

Robingi eiusdem aliud diploma.

IN nomine Dei , ego illuster uir ROBIN-
GVS, & coniux mea BEBELINA, donamus
ad sacrosanctam ecclesiam Petri & Pau-
li Apostolorum, quam dominus AMAN-
DVS Pontifex in ANTVERPO construxit,
vbi WILLIBRORDVS Episcopus præesse
videtur, donatumque in perpetuum esse volumus, hoc
est, villam nostram, quæ est constructa in pago RENEN-
sium, super fluuium *Nutta*, quæ mihi de paterno iure
legibus obuenerit, in loco nuncupato *Preprustare*, cum
omni integritate, & in alio loco de materno iure ad me
pertinente, vocato *Vvinlindechim*, medietatem de ca-
lis, domibus, ecclesijs, mancipijs & omnibus pertinen-
tijs tradimus atque transfundimus

NOTATIONES.

Pagus
Rienfis.

PAGO RENENSIVM) seu potius RIENSIVM, *het lande van Ryen*: cuius pagi caput est ANTVERPIA. Pagus autem, apud medijsui scriptores, est idem quod districtus seu prouinciola; Gallicè *Pays*, quod se-
mel notasse suffecerit. Eadem significatione Iul. Cæsar
pagos *Heluetiorum* nuncupat, quos hodie *Cantones* di-
cimus.

NUTTA.) NETA fluuiolus, qui per pagum Riensem,
& Li-

& Liram opidum, in Rupelam, ac demum in Scaldim deuoluitur.

WINLINDECHIM.) Hodie *Wyneghem*, vicus altero lapide ab Antuerpia paulò supra Turninum.

CAPVT VIII.

Testamentum S. Willibrordi, Archiepiscopi Ultraiectini, Hollandorum, Frisiorum, & Antuerpiensium Apostoli.

IN Christi nomine. Oportet Christianos viam veritatis agnoscere, per quam Creatori suo dignè meritis suis seruire possint, vt oblatio elemosynarum eorum, & deuotio perueniat ad salutem: ipso Summo dicente: *Date & dabitur vobis, & Facite elemosynam, & ecce omnia munda sunt vobis.*

Idcirco ego in Dei nomine CLEMENS WILLIBRODVVS, Episcopus, cogitans casum humane fragilitatis, qualiter peccata mea possum abluerè, & donante Domino ad æterna gaudia peruenire, dono à die præsentis, donatumque esse perennibus temporibus volo, hoc est, ad monasterium EPTERNACVM, quod est constructum super fluuiò *Sura*, in pago *Bedenfi*, in nomine Patris & Filij, & Spiritus sancti, & SS. Petri & Pauli Apostolorum, & S. Ioannis Baptiste, vel ceterorum Sanctorum, vbi ego ipse CLEMENS WILLIBRODVVS custos vel gubernator præesse videor, & si Christo placet, corpus meum ibidem requiescere debet.

Hoc

Hoc est quod dono vel trado ad ipsum sanctum locum EPTERNACVM omnem rem vel villas, seu mancipia, quæ mihi ingenti Franci, pro amore eorum & salute, tradiderunt, vel condonauerunt.

Carolus
Martellus.

SIMILITER illas res, quas dominus PIPINVS mihi condonauit, vel delegauit, seu matrona sua PLICTRYDIS, siue filius suus dominus noster CAROLVS, Maior domus: quas res ipsas dominus *Carolus*, & genitor *Pipini*, tam me viuentem, quàm de ista vita migrante, pro eorum mercede condonauerunt.

Et illas alias res ex parte de nomino, vel homines qui mihi eas tradiderunt, vel delegauerunt, id est, vt hæc scriptura solenniter, pro temporum serie, confirmare debeat: & hi sunt homines nominibus his nominati.

Vide cap. 6.
*Landi van
Ryen.*

ROTHINGVS mihi condonauit, vel tradidit ecclesiam aliquam, quæ est constructa in *Antuerpo* castello, super fluuio *Scalde*, in pago *Renensium*, cum appendicijs suis, villas denominatas his nominibus, *Buenualde*, *VWinne- linheim*, *Furgalare*, & in ipso castello *Antuerpo* tertiam partem de illo telonco.

Et HERIBALDVS clericus mihi condonabat & tradidit ecclesiam aliam in pago *Marsum*, vbi Mosa intrat in mare, cum appendicijs suis, & mariscum vnde berbices nascuntur.

Et ANGILBALDVS mihi condonabat vel tradidit villam quæ vocatur *VVadradoch*, in pago *Taxandro*, super flumine *Duthmala*.

Et ANSBALDVS mihi condonabat vel tradebat omnem portionem suam in villa quæ vocatur *Busloth*, in pago *Taxandrio*.

Et BERETHINDA, Deo sacrata femina, mihi condonabat vel tradebat omnem portionem suam in villa *Bobanschot*, in pago *Taxandrio*.

Et HENRICVS mihi condonabat in villa quæ vocatur *PIEFLO*.

Et ENGELBERTVS mihi quondam donabat, vel tradebat mihi omnem portionem suam, in villa quæ vocatur *HINESLOTEN*, in pago *Taxandrio*.

Item

Item quod ENGELBERTVS mihi condonabat vel tradebat villam, quæ vocatur *Alpheim*, in ipso pago Taxandrio.

Item ANSBALDVS clericus mihi condonabat vel tradebat villam, quæ vocatur *Diosna*, in pago Taxandrio, super fluuio Digena.

Et THJETBALDVS mihi condonabat vel tradebat ecclesiam aliquam, quæ est in villa *Montnabim*, quæ *A-raride* vocatur, cum appendicijs suis.

Et illustre vir HEDENVVS mihi condonabat vel tradebat omnem portionem suam in villa, quæ vocatur *Amisfadi*, super fluuio, *VVoltheo*, in pago *Turingasnes*.

SVPERIVS nominatas vel scriptas res ego CLEMENS WILLIBRORDVS trado atque transfundo ad illam causam Dei superius nominatam *Epternacum*, vel ad illam sanctam congregationem Fratrum ibidem Deo seruientium; ita verò ratione, ut quidquid de ijsdem rebus superius nominatis facere decreuerint, in omnibus habeant potestatem faciendi, ut & ibidem omni tempore pro nostra mercede, vel seniore nostro CAROLO, Maiore domus, seu eorum hominum, qui mihi suas res tradiderunt, proficiant in augmentis.

Et illud placuit nobis inferendum. Si fuerit vllus de heredibus vel proheredibus meis, seu quælibet opposita aut extranea persona, seu iudiciaria potestas, quæ contra hoc testamentum vel donationem meam, quam ego CLEMENS WILLIBRORDVS Episcopus sana mente plenoque consilio & deuotione integrè fieri iussi, venire aut agere, vel eam infringere voluerit, & si ista charta ei ostensa ad relegendum fuerit præsentata, se ipse exinde compescere noluerit, in primis iram Dei omnipotentis incurrat, & sanctorum Angelorum, & ab omnibus ecclesijs, vel consortio Christianorum efficiatur extraneus, & habeat partem cum Iuda, qui Dominum tradidit, & cum Dathan & Abiron, quos terra viuos deglutit: & insuper inferat cum torio fisco auri libras decem, argenti pondo quinquaginta coactus exsoluat.

An. 735.
an. 726. soluat, & quod repetit euindicare non valeat. Actum
anno VI. regnante THEODORICO Rege.

NOTATIONES.

S WILLIBRORDVS, natione Anglo-Saxo, cum S. Suitberto, & alijs X. socijs, Euangelij prædicandi causa, ex Britannia in Frisiam seu Batauiam an. 690. traiecit, & Vltraiectum venit. Inde ad PIPINVM HERSTALLIVM se contulerunt, & prædicandi facultatem impetrarunt.

An. 696. Willibrordus Romam profectus, à S. SERGIO Papa, in die & basilica S. Cæcilie, Frisonum Archiepiscopus est consecratus. Româ in Frisiam reuersus, sedem Episcopalem Vltraiecti statuit. *Beda Hist. lib. 3. cap. 12.*

Kal. Dec. An. XII. Childeberti Regis, III. Idus Maij, hoc est, an. 706. Pipinus Herstallius Willibrordo medietatem fisci Epternacensis dono dedit, alteram vero medietatem eidem donauit S. IRMINA, Dagoberti Regis filia, & prima Horrei, monasterij apud Treueros à patre fundati ac dotati, Abbatissa: vt Theofridus Abbas Epternacensis, in ms. Willibrordi, vita narrat.

Mart. Rom.
24. Dec.

OBIIT autem S. Willibrordus, vir verè Apostolicus, an. 739, Epternaci: quod est Ducatus Luxemburgensis & diocæsis Treuerensis opidum, vbi etiamnum quiescit in sui nominis, Benedictinorum Abbatia, à se fundata.

PAGO BEDENSI.) Antonino in Itinerario Beda est vicus circa Treueros, hodie *Bitburg*. Hinc pagus Bedensis dictus, & Bedagouua in Diuisione regni inter Carolum Caluum, eiusque fratrem Ludoticum, infra à nobis recitanda.

BACVVALDE) hodie *Boecholt*. **WINNELLINCHEIM** hodie *VVyneghem*. Sunt vici duo Campanie Brabantie, prope Antuerpiam.

FVRGALARE) hodie *Voghelaelr*, nisi fallor, ager prope Antuerpiam notus, versus Turninm.

PAGO MARSVM) Fuit is prope ostium Mosæ, vbi in Oceanum se mergit. Marsacos nonnulli hoc in tractu collocant.

MARISCVM.) Id est, locus paludosus, *Moras* Belgis. Sic & Morini, Flandriæ occidua popul, quos Vergilius extremos hominum nuncupat, à paludibus, illo in tractu hodieque frequentibus, nomen inducunt.

BERBICKS, *Barbeelen*, pisces in Mosa frequentes.

DUTHMALA) fluius hodie *Dommele*, per Bortellam & Siluam Ducis defluit in Mosam.

BOCANSCHOT, hodie *Boeschot* vicus.

PIEPLO.) nunc *Poppel*, vicus inter Herentaliam & Siluam Ducis, Brabantiz opida.

ALPHEIM) nunc *Alphen*, vicus in diœcesi Antuerpiensi, tertio lapide à Breda, gentis Nassauiz opido.

DIOSNA) nunc *Dieffen*, in diœcesi Silui-ducensi, primo lapide ab Hiluaribeca. Horum trium posteriorum vicorum ecclesias parochiales hodie possidet Tungerloensis Abbatia, Ord. Præmonstratensis, & soluit census quotannis censum Abbatiz Epternacensi.

CAPVT IX.

*S. Bonifacij Moguntini & Vltraiectini
 Archiepiscopi Epistola, ad Stephanum
 Papam circa an. 754. scripta, de
 statu Ecclesie Vltraiectina post
 obitum S. Villibrordi.*

VENERANDO ac diligendo Domino. Apostolatus priuilegio pradiuo STEFRANO PAPAE BONIFACIJS, exiguus Legatus, vel Mullus Germanicus Catholicæ, & Apostolicæ Romanæ Ecclesiæ, optabilem in Christo charitatis salutem.

TEMPORE SERGII Apostolicæ sedis Pontificis, venit ad limina SS. Apostolorum presbyter quidam miræ abstinentiæ & sanctitatis, generis Saxonum, nomine WILLIBRORDVS, & alio nomine CLEMENS vocatus, quem præfatus Papa p̄p̄scopum ordinauit, & ad prædicandam paganam gentem FRESONVM, transimisit in littoribus Oceani occidui.

QVI per quinquaginta annos prædicans, præfatam gentem Fresonum maxima ex parte conuertit ad fidem Christi, fana & delubra destruxit, & ecclesias cõstruxit & sedem Episcopalem & ecclesiam in honore S. Saluatoris constituens, in loco, & castello quod dicitur TRAIECTVM, & in illa sede, & ecclesia S. Saluatoris, quã construxit, prædicans vsque ad debilem senectutem, permansit, & sibi Coepiscopum ad ministerium imple-

S. Saluatoris
 ecclesia.

implendum substituit, & finitis longæ vitæ diebus, in pace migravit ad Dominum Princeps autem Francorum CAROLOMANNVS commendauit mihi sedem illam ad constituendum, & ordinandum Episcopum, quod & feci.

An. 739.

Nunc autem Coloniensis Episcopus, illam sedem præfati Episcopi Clementis, à Sergio Papa ordinati, sibi usurpat, & ad se pertinere dicit, propter fundamenta cuiusdam destructæ à paganis ecclesiæ, quam Willibrordus dirutam vsque ad solum, in castello Traiecto reperit, & eam proprio labore à fundamento construxit, & in honore S. Martini consecrauit.

S. Martini
ecclesia.

Et refert, quia ab antiquo Rege Francorum DAGOBERTO castellum Traiectum, cum destructa ecclesia, ad Coloniensem parochiam donatum, in ea conditione fuisset, vt Episcopus Coloniensis gentem Fresonum ad fidem Christi conuerteret, & eorum prædicator esset: quod & ipse non fecit. Non prædicaui, non conuertit Fresios ad fidem Christi, sed pagana mansit gens Fresonum, vsque quod venerandus Pontifex Romanæ sedis Sergius supradictum seruum Dei Willibrordum Episcopum ad prædicandum supradictæ genti transmisit, qui illam gentem, vt præfatus sum, ad fidem Christi conuertit.

Et modo vult Coloniensis Episcopus sedem supradicti Willibrordi prædicatoris sibi contrahere, vt non sit Episcopalis sedes subiecta Romano Pontifici, prædicans genti Fresonum.

Cui respondebam, vt credidi, quod maius & potius fieri debeat præceptum Apostolicæ sedis, & ordinatio Sergij Papæ, & legatio venerandi prædicatoris Willibrordi, (vt & fiat sedes Episcopalis, subiecta Romano Pontifici, prædicans gentem Fresonum, quia magna pars illorum adhuc pagana est) quam destructæ ecclesiæ fundamenta diruta, & à paganis concultata, & per negligentiam Episcoporum derelicta. Sed ipse non consentit.

Sed modo Paternitatis vestræ iudicium mihi inti-

mare dignemini: & si hoc iustum sit responsum, & vobis placeat, quod illi Colonienſi Epifcopo reddidi, veſtra auctoritate roborare, ut præceptum *Sergy Papæ*, & ſedes illa ſtabilis permaneat.

Sic enim poteltis nos, ſi vobis placet, adiuuare, ſi de ſcrinio Eccleſiæ veſtræ exemplare iubetis, & mihi trāſmittere, quidquid præfato Epifcopo Willibrordo ordinato *S. Sergius* præciperet & conſcriberet, vt ex auctoritate Sanctitatis veſtræ contradicentes conuincere & ſuperare valeam. Si autem aliter iuſtius Sanctitati veſtræ videatur, conſilium Paternitatis veſtræ mihi inſinuare dignemini, vt ſequar.

NOTATIONES.

S. BOMIFACIVS an. 704. ex Britannia in Friſiam Euangelij prædicandi cauſſa, primū veniit. Romam profectus, à Gregorio II. Papa prædicandi in Germania poteſtatem accepit. Radbodo Friſiorū Rege, idololatra, an. 719. defuncto, in Friſiam ſecundō venit, & tribus circiter annis S. Willibrordo, Archiepiſcopo Ultraieſtino, cooperator fuit.

ARCHIEPIſCOPVS incertæ ſedis à Gregorio III. an. 732. creatus, ſolitis in laboribus gnauiter per Germaniam deſudauit. Vt Archiepiſcopus & Apoſtolice Sedis per Germaniam Legatus, Bauariam in diœceſes quatuor, *Salisburgenſem, Friſingenſem, Ratiſponenſem & Patauienſem* an. 739. diuiſit, OTTILONE Boiorum Duce conſentiente ac probante.

An. 742. Ratiſpone Synodum celebravit, cui *Burchardus* poſt Herbipolenſis, *Willibaldus* poſt Eiſtadienſis, *Vittanus* Birbrugenſis, Epifcopi, cum ſuis preſbyteris, interſuerunt: adiutante *Carolomanno* Francorum Duce, *Caroli Martelli* filio.

An. 743. Kalen. Martijs, Liptinis ſeu Liſtinis (qui hodie vicus eſt Hannoniæ, *Leſſines*, in coque veteris palatii

latij fundamenta supersunt) altera Synodus est celebrata, præsente Pipino Carolomanni fratre.

Hinc Synodo Georgius Sedis Apostolicæ Legatus, S. Bonifacius Moguntinus, S. Abel Reimensis, Grimo Rotomagensis, & Haribertus Senonensis, Archiepiscopi, interfuere. Georgium Legatum Apostolicum (quod hactenus à Nicolao Serario, in Hist. Moguntina, & alijs ignoratum) interfuisse constat, ex Epistola Episcoporum Carisiaci congregatorum, ad Ludouicum Gallix Regem an. 858. scripta, & à Iac. Sirmondo, cum Capitulis Caroli Calui, edita: in qua sic legitur: *Caroli Martelli filius Pipinus Synodum apud Liptinas congregare fecit, cui præsuit, cum S. Bonifacio, Legatus Apostolica Sedis, Georgium nomine. Nam & Synodum ipsam habemus.*

An. 745. S. Bonifacius, ex incertæ sedis Archiepiscopo per Zachariam Papam, factus Moguntinus Archiepiscopus, tertiam Moguntinæ Synodum habuit: in qua Abel, Burchardus & Willibaldus, Episcopi supra nominati, præsentes exstiterunt.

An. 752. idem Bonifacius Pipinum, Caroli Magni patrem, in vrbe Sueffionensi coronauit, & vnxit Francorum Regem; mandante Zacharia Papa.

An. 753. aut proximè sequenti, ad STEPHANVM Papam scripsit Epistolam, paulò ante à nobis recitatam.

An. 755. cum in iter, ad visitandam dioccesim Vltraiectinam, se dedisset, in villa *Dockum* (quæ hodie opidum est Doecomium, diocesis Leonardienfis, in Frisia nostra occidentali) cum sodalibus suis, ab impijs pro Christo est interfectus, ac martyrio coronatus.

S. SALVATORIS) Hinc discimus sedem Episcopalem à S. Willibrordo in S. *Saluatoris* templo Vltraiecti collocatam fuisse, quæ paulò post eius obitum, ad S. *Martini* templum est translata, viuentem adhuc S. Bonifacio: ut patet ex Pipini Francorum Regis diplomatibus, lib. de Canonicorum collegijs cap. 20. per nos productis: in quorum altero idem Bonifacius *urbis Traiectensis Episcopus*, in altero *enstos casa Dei & S. Martini* nuncupatur.

CAPV T X.

*Zacharia Papa epistola ad Gallia Bel-
gica & Germania Episcopos, qua
S. Bonifacium Archiepiscopum
Moguntinum, & Sedis Apo-
stolica Legatum ipsis com-
mendat.*

An. 748.



Etonj.

DILECTISSIMIS REGINERIDO Rotomagensi
Episcopo, DEODATO Bellouacensi Episcopo,
REMBERTO Ambianensi Episcopo,
HELISAEO Nouiomensi Episcopo, FVLE-
RICO Tungrensi Episcopo, DAVID Spirēsi
Episcopo, AITHERICO Terouanensi Episcopo,
TREVVARDO Cameracensi Episcopo, BYRCHARDO
Vurtzenburgensi Episcopo, SENOBAYDO Laudunensi
Episcopo, ROMANO Meldensi Episcopo, AETIOLO Col-
loniensi Episcopo, HEDDO Strasburgensi Episcopo, &
ceteris amantissimis Coepiscopis, Presbyteris etiam &
Diaconibus, cunctisque orthodoxis Ecclesiarum Dei
clericis, Apostolicam doctrinam tenentibus, ZAEBAR-
IAS, diuina gratia præditus, Apostolicæ sedis Pontifex,
seruus autem seruorum Dei, in Domino salutem dicit.

Gratias ago Deo Patri omnipotenti, & Domino IESV
CHRISTO, vnico filio eius, & Spiritui sancto, qui ve-
stra omnium corda inflammare dignatus est, per diffu-
sam à se gratiam, vt in ynitate fidei & vinculo pacis
am-

ambuletis: & sit splendor Domini Dei nostri super vos dilectissimi mihi & abundans gratia pacis & caritatis, vt sitis vnum corpus spiritalis matris vestre sancte Catholice & Apostolice Dei Ecclesie, in qua Deo auctore presumus, implentes illud Propheticum dictum: *Ecce quam bonum & quam incundum habitare fratres in vnum.*

ETSI pro itineris longitudine corpore sumus absentes, in spiritu tamen dilectionis semper sumus vobis presentes, habentes vos in visceribus nostris, & assidue orantes vt Deus & Dominus noster Iesus Christus multò amplius confirmet corda vestra, & corroboret in exhortatione Euangelij, in ministerio quo fungimini, vt credita vobis plebs pijs vestris admonitionibus, adiutore Deo, à diabolica fraude liberata salua persistat, vosque mereamini de eorum animabus in diem Christi apportare lucrum.

SCRIPTVM quippe est: *Fily sapientia, ecclesia iustorum, Eccl. 3.*
& natio eorum obedientia & caritas. Obsecro ergò vos Eph. 4.
 carissimi mihi, vt dignè ambuletis vocatione, qua vocati estis, vt decet sanctos cum multa patientia: supportantes inuicem in caritate: solliciti seruare vnitatem *Tim. 2.*
 spiritus, in vinculo pacis & caritatis, quia finis præcepti caritas est: de corde puro, & conscientia bona & fide non ficta.

GAUDEO in vobis fratres carissimi, quoniam fides vestra, & vnitatis erga nos pretiosa est, & manifesta, non solum coram Deo, sed etiam coram omnibus hominibus, dum ad fautorem & magistrum vestrum à Deo constitutum, B. Apostolorum Principem Petrum benignissima voluntate conuersi estis.

LAUDABILIS fides vestra ex bona fama, quoniam id ipsum sapitis quod oportet sapere, & nunc Deo cooperante, est aggregata sanctitas vestra nostre societati in vno pastorali ouili, & est nobis vnus Pastor, qui à Pastore, pastorum Domino Deo & Salvatore nostro Iesu Christo princeps Apostolorum & noster doctor est institutus.

HABETIS itaque nostra vice ad confortandam dilectionem vestram, & collaborandum vobis in Euangelium Christi sanctissimum ac reuerendissimum BONIFACIUM fratrem nostrum, Archiepiscopum, Apostolicę Sedis Legatum, & nostram presentantem vicem.

SIT ergo constantia vestra aduersus contentiones eorum, qui aduersa sapiunt, & non quę Dei sunt: & erit fortior petra constantia vestra: sicut est scriptum; *Ne timueritis ex eis, neque terreamini à facie eorum, qui corpus occidunt: animam vero non possunt occidere. Quod autem in aure auditis, predicate in lumine, illum timentes, qui potest animam & corpus occidere & mittre in gehennam.*

Matth. 10. Luc. 12.

Fratres mei in carne enim ambulantes: non secundum carnem militamus. Arma enim militiæ nostræ non carnalia, sed potentia Deo: ad destructionem munitionum consilia destruentes & omnem exaltationem extollentem, se aduersus scientiam Dei: & in captiuitatem redigentes, omnem cogitationem, in obsequium Christo perducunt. De cetero, fratres, confortamini in Domino, & in potentia fortitudinis eius. Pax vobis multa, & gratia à Deo, & Domino nostro Iesu Christo ministretur. Amplectimur & osculamur, ac si præsentes, caritatem vestram in unitate spiritus, in vinculo pacis & caritatis Christi. Deus vos incolumes custodiat, dilectissimi nobis.

Eph 6.

NOTATIO.

EPISTOLA hæc an. 748. scripta est, ut Baronius in Annalibus supputat. Ex inscriptione licet colligere, quinam Episcopi per Belgicam nostram tunc floruerint.

CAP.

CAPVT XI.

Caroli Magni Imp. sermo de fundatione Aquisgranensis basilicæ Marianæ, illiusque consecratione per Leonem III. Papam.



GO CAROLVS, qui Deo fauente curant regni gero, & Romanorum Imperator existo, consilio Principum regni nostri, Episcoporum, Ducum, Marchionum ac Comitum, rogatu verò tam liberorum quàm seruatorum in plurimo generali conuentu, in diuersis locis regni nostri habito, disculsi prout iustius & melius cunctis videbatur, primùm de lege sanctarum Ecclesiarum, de reddendis iustitijs Episcoporum, de vita & iure presbyterorum ac clericorum, & hæc omnia iudicio & assensu nostro, secundum instituta patrum meorum corroboraui, firmaui & auxi, nihil de his minuens, quæ Catholici viri rectè atque legitimè viuere volentes, ad obseruandum spiritali ac sæculari decreto bonum & vtile contulerint.

DEINDE prout cunctis placuit prudentioribus regni nostri, legem *Saxonum, Noricorum, Suenorum, Francorum, Ripuariorum, Salicorum*, sicut mos & potestas Imperatorum est, & omnium antecessorum meorum semper fuit, distinxì, distinxì tam sub auctoritate Regia & Imperatoria stabiliui, non ex mea adiuuentione aut corde

prolatam, sed communi consilio, & generali conuentu totius Gallia à me renouatam, & in melius auctam, sicut patres & prædecessores mei fecisse perhibentur. Scitis enim, & neminem latet, quia quidquid ab Imperatoribus, & Regibus præceptum & decretum est, semper ratum & pro lege tenendum est: ne quod ab vniuersis sensatis, & iusta satis discretione viuere volentibus imperatum, & actum est, & nostra Imperatoria & Regia maiestate confirmatum, & solidatum violetur.

Nunc patres, fratres & amici, fautores & coadiutores gloria regni nostri, de omnibus statutis patris mei PIRINI, quæ ad vtilitatem & honorem sanctæ Ecclesiæ firmaui ac renouari petistis. quæ ad defensionem secularium rerum & legum stabiliri quæsisitis, nihil minui nec abnui, sed in melius ampliari, omnium sanis consilij acquiesci, & fui in medio vestrum quasi vnus de querentibus & petentibus equitatem legis, nulli contradicens aut renitens dignæ & rectæ petitioni. Ergo vestri decreti & petitionis voluntarius exstiti, vos quasi patres & fratres audiui: nunc quæro vt meæ petitionis & intentionis non solum auditores, sed & beneuoli fautores fieri velitis. Nec quod indecens aut intolerabile sit quæro, sed quod tota Gallia, & vniuersi Principes potius concedere quàm negare debent.

Aquæ Grani
vnde dicitur.

NOSTIS qualiter ad locum, qui *Aquis*, ab aquarum calidarum aptatione, traxit vocabulum, solito more, venandi causa ingressus, sed perplexione siluarum, errore quoque viarum, à socijs sequestratus veni, thermas calidarum fontium & palatia inibi repperi, quæ quondam *Grani*, vnus de Romanis Principibus, frater Neronis & Agrippæ, à principio construxerat. Quæ longa vetustate deserta ac demolita, frutetis quoque ac vepribus occupata, uunc renouaui, pede equi nostri, in quo sedi, inter saltus, ritus aquarum calidarum perceptis & repertis: sed & ibidem monasterium *MARIÆ* matri Domini nostri Iesu Christi, omni labore ac sumptu quo potui, ædificaui, lapidibus ex marmore pretioso adornaui,

B. Mariæ
basilica.

adornaui; quod Domino adiuuante & cooperante sic formam suscepit, vt nullum ipsi queat aequiparari.

ITAQVE tam egregio opere huius basilicæ, non solum pro voto meo & desiderio, verum ex diuina gratia ad vnguem peracto, pignora Apostolorum, martyrum confessorum, virginum, à diuersis terris & regnis & præcipuè *Græcorum* collegi, quæ huic sancto intuli loco, vt eorum suffragijs regnum firmetur, & peccatorum indulgentia condonetur. Præterea à Domino LEONE Romano Pontifice huius templi consecratione & dedicationem fieri impetraui, præ nimia deuotione quam erga idem opus habui, & Sanctorum pignora, quæ ibi recondita meo studio & elaborati habentur. Decebat enim, vt idem templum, quod cunctis monasticis ædificijs, in regno nostro forma & structura præesse videtur, in honorem S. Dei genitricis, à nobis regali studio fundatum, dignitate consecrationis præcelleret, sicut ipsa Virgo super omnes choros sanctorum præcellens exaltata est: & ideo dominum Apostolicum, qui omnes præcellit Ecclesiasticos gradu, ad consecrandum & dedicandum, ex sola cordis mei consideratione, elegi & acciui. Acciui etiam cum illo Romanos Cardinales, Episcopos Italix quoque quamplures & Gallix, simulque Abbates, & cuiusque ordinis clerum multum, qui huic sacræ dedicationi interessent. Acciti sunt etiam multi Romani Principes, præfectura & qualicumque dignitate promoti, ad id solemne, Duces, Marchiones, Comites, Principes regni nostri tam Italix quam Saxonix, tam Bavarix quam Alemanix, & vtriusque Francix tam Orientalis quam Occidentalis, in omnibus voto meo & desiderio obsequentes.

ILLIC verò domno Apostolico & omnibus prædictis nobilibus, & egregijs personis congregatis, merui ab omnibus obtinere, præ nimia deuotione, quam erga ipsum locum, & matrem Domini nostri Iesu Christi habebam, vt in templo eodem *sedes Regia* locaretur, & *Aquæ Grani* locus regalis, & caput Gallix trans Alpes haberetur, ac *sedes Regis* in ipsa sede Reges successores & heredes regni initiretur, &

tur, & sic initiati iure dehinc Imperatoriam maiestatem Romæ, sine vlla contradictione, plinius assequeretur. Confirmatum & sancitum est hoc à domino LEONE Romano Pontifice, & à me CAROLO Romanorum Imperatore Augusto. & primo auctore huius templi & loci, quatenus ratum & inconuulsum hoc statutum & decretum nostrum maneat, & hic sedes regni trans Alpes habeatur, sitque caput omnium ciuitatum, & provinciarum Galliarum.

DECREVIMUS etiam ex assensu & benevolentia omnium Principum regni, qui ad hoc festum dedicationis conuenerant, ut locum & sedem Regiam, pro murali præsidio, contra omnes turbines, Episcopi, Duces, Marchiones, Comites, omnes Principes Galliarum, fideles regni, tueantur, semper locum hunc venerantes. Decreuimus etiam, si quæ iniuria aut versutia contra leges, quas statuimus, surrexerit, libero aut seruo nocere tentaue-rit. Aquis ad hanc regiam sedem, quam fecimus caput Galliarum, veniat, veniant Iudices & defensores loci, & cum æquitate legis, causæ decernantur, status legis resurgat, iniuria condemnetur, & iustitia reformetur.

Nunc ergo, quia locum hunc maiestate Regiarum sedis, Domini Apostolici decreto, & nostra imperiali potentia, nostroque assensu exaltauimus, honestate verò huius templi, & plurimorum sanctorum veneratione magnificauimus, decet nec incongruum videtur (cùm ad hoc nimium figitur noster animus) ut petitio mea, cuius vos non solum auditores, sed beneuolos factores fieri exorauimus, apud vos obtineat, quatenus non solum clerici & laici, loci huius indigent, sed & omnes incolæ & adueniæ, hic inhabitare volentes, præsentis & futuri, sub tuta & libera lege, sine omni seruili conditione, vitam agant, ac omnes pariter, ex aui & atauis ad hanc sedem pertinentes, licet alibi moram facientes, ab hac lege quam dicta uero in præsentiarum, à nullo successore nostro, vel ab aliquo machinatore, legum subuersore, infringantur, numquam de manu Regis alicui personæ nobili vel ignobili in beneficio tradantur.

NOTATIONES.

ETSI nonnulla titulorum seu dignitatum vocabula suspectum mihi reddant huc sermonē, nolui tamen omittere nobilissimā apud Germanos inferiores basilicæ encomium. Perstat ea hodieque forma rotunda, cum duplici ordine columnarum è marmore præstantissimo, cum cancellis æreis, & alio pretiosissimo ornatu, quem Eginhartus in Caroli Magni vita, & Petrus Becanus, Canonicus Aquisgranensis, in sua historia Aquisgranensi, fusè describunt. Sigebertus noster in Chronico ad an. 795. *Carolus Magnus exstruxit Aquisgrani basilicam plurima pulchritudinis; ad cuius structuram à Roma & Ravenna columnas & marmora deuehi fecit.*

GRANO.) Hunc Neronis Imp. fratrem faciunt, sed nullo auctore classico fulti. Nemo certè è vetustis scriptoribus illius meminit.

LEONE.) Leo III. Papa ex Italia in Galliam ad Carolum Magnum bis, nimirum an. 799. & 804. venit. Nisi fallor, consecratio basilicæ Aquisgranensis ad prius Leonis iter est referenda.

CAP.

C A P V T XII.

Caroli Magni Imp. diploma de fundatione Episcopatus Osnaburgensis in VVestphalia.

IN nomine sanctę & indiuiduę Trinitatis, CAROLVS Imperator Augustus, Romanorum gubernans Imperium, Dominus & Rex Francorum & Longobardorum, nec non Dominator & Saxonum.

NOTVM sit omnibus sanctę Ecclesię fidelibus, nostrisq; pręsentibus & futuris, quod nos, ob nostrę mercedis augmentum, WILHONI Episcopo *Osnaburgensi*, & suę ecclesię, quam nos primam in omni Saxonia in honore S. Petri, principis Apostolorum, & SS. Martyrum Crispini & Crispiniani, cõstruximus, quoddam nemus vel forestum, intra hæc loca situm, *Farnevvinckel, Rustenstein, Angara, Osnungsenethe, Dershouet, Egesteruelt*, innumera collaudatione illius regionis potētum, cum omni integritate, in porcis siluestribus, ceruis, auibus, & piscibus, omniq; venatione, quę sub banno vsuali ad forestum deputatur, ad similitudinem foresti nostri *Aquisgrani* pertinentes, in silua *Osmugi* in perpetuum proprietatis vsum donauimus.

EA videlicet ratione, quod si quisquam hoc idem nemus nostro banno munitum, sine prædictę sedis Episcopi licentia, studio venandi, vel siluam extirpandi, vel aliud agendi vnquam introierit, sciat se tam diuine quàm regię ultionis vindictam incursum, nec non
 proq

pro delicto LX. solidos nostri ponderis, quos nobis probanno violato deberi statuimus, redditurum.

INSUPER VERÒ eidem Episcopo, eiusque successoribus perpetuam concedimus libertatem, & ab omni regali imperio absolutionem: nisi fortè contingat, ut Imperator *Romanorum*, & Rex *Gracorum* coniugalia fœdera inter filios eorum contrahere disponant; tunc ecclesiæ illius Episcopus, cum sumptu à Rege vel Imperatore adhibito, laborem simul & honorem illius legationis assumet.

ET ea de causa statuimus, quòd in eodem loco *Græcas & Latinas* scholas in perpetuum manere ordinauimus, nec vnquam clericos vtriusque linguæ gnaros deesse confidimus.

Et ut hæc auctoritas firmior habeatur, & diuturnis temporibus melius conseruetur, manu propria subter ea roborare decreuimus, & annulo nostro sigillari iussimus. Datum XIII. Kal. Ianuarij, anno quarto, Christo propitio, Imperij nostri tricesimo septimo, regni nostri in Francia, atque tricesimo primo in Italia. Actum Aquilgrani in palatio feliciter, Amen.

An. 804.

NOTATIONES.

CAROLVS Magnus Imp. nouas Episcopis sedes nouem in Germania posuit, *Monaſterienſem*, *Minſenſem*, *Halberſtadienſem*, *Oſnaburgenſem*, *Paderbornenſem*, *Verdenſem*, *Hamburgenſem*, & *Hildesheimenſem*: duas ad dignitatem Archiepiſcopalem promouit, *Lunaniſem*, & *Hamburgenſem*.

OSNABURGENSIVM) primus Episcopus fuit S. WILH., quem Bernardus Furmerius, in Annalibus suis Frisicis, Leouardix in Frisia Occidentali natum fuisse scribit.

SCHOLAS.) Lector notet, in palatijs Episcoporum, itæque Ecclesijs cathedralibus ac monasterijs præsertim Benedictinis celebres olim scholas seu gymnasia existisse

tisse. De *Benedictinorum* scholis egi in *Originibus Monasticis*, Coloniz excusis. De *Nosgero* Leodicensi Episcopo, qui an. 1007. obiit, hæc legimus, in ms. vitæ eius historia.

QUANTA fuerit *Nosgero* in educandis pueris, scholaribusque disciplinis instruendis sollicitudo, hinc probatur, quod semper, dum in via pergeret, longè seu prope scholares adolescentes secum ducebat, qui vni ex Capellanis suis, sub arctissima parentis disciplina: quibus etiam librorum copiam, cum ceteris scholaribus vtenilibus, circumferri faciebat.

SICQUE fiebat, ut quos plerumque rudes & illiteratos à claustro abduxisset, ipsos, quos priùs magistros habuerant in litterarum eruditione, redeuntes superarent.

CIVIS eruditionis occasione, plurimi eorum etiam in religionis ac sanctitatis disciplina circa eum in tantum profecerunt, ut idonei fierent rectores ecclesiarum.

Ex illis quippe multæ ciuitates gauisæ sunt se habere Pastores: quarum Salisburgensis ecclesia Archiepiscopum habuit *Gontherum*, Cameracensis duos, alterum alteri succedentem, *Rothardum*, & *Erluinum*; Viridunensis *Haimonem*, (qui Haimo, magistrum sequens, in vrbe Viridunensi monasterium B. Mariæ Magdalenz & S. Mauri postea construxit) Tullensis ecclesia *Hezelonem*, & Traiectensis *Adelboldum*.

Licet à multis etiam alijs, Episcopalem gradum non affectis, qui sub eo nihilominus coaluissent, quàm plurimæ correctæ sunt ecclesiæ: ex quibus *Durandus*, postea Leodicensis Episcopus, Babenbergensem ecclesiam religionis & artium disciplina illustrauit. *Ogbertus*, cum quibusdam alijs secum hinc abductis, Aquensium clericorum vitam, perniciosæ licentiæ contagio deprauatam, ad sanctæ religionis statum pro posse reduxit.

QUID de *Hulbodo* dicamus? qui Parisios veniens, S. Genouezæ Canonicis adhæsit, & in breui multarum scho-

ſcholarum inſtructor fuit. Idem poſtea ſub Pontifice *Baldrico* Pragæ, Bohemiæ ciuitatem, tranſmiſſus, cùm nonnulla ibidem Chriſtianæ religionis documenta de-diſſet, ad nos iterum cum honore remcauit.

MVLTI quoque alij ſub tanto patre educati, religio-ne ac ſtudijs liberalibus diuerſa illuſtrare loca: quo-rum vita religioſis moribus & doctrinis inſignita, pa-ternæ probitatis euidentis eſt documentum. *Halſtenus ex ms. Norgeri vita.*

CAPVT XIII.

*Ludonicus Pius Imp. ad Arnonem Ar-chiepiſcopum Salisburgenſem mittit
Regulas Canonice inſtitutionis,
à Concilio Auiſgranenſi an.
817. collectas.*

IN nomine Domini Dei & Saluatoris noſtri Ieſu Chriſti. *LYDOWICVS* diuina ordinante prouidentia Imperator Auguſtus, venerabili *ARNONI* Salzbürgenſi Archiepiſcopo in Domino ſalutem.

SACRVM & memorabile concilium diui-no nutu, noſtroque ſtudio in Auiſgrani palatio nuper aggreſſatum, in quo multa ob propagandam Eccleſiaſticam dignitatem, & ſubſequentem gratia Chriſti dili-genter tractata atque inſtituta ſunt, tuam nullatenus credimus latere ſanctitatem,

Scd quia contigit eidem sancto & venerabili Conci-
lio tuam non interfuisse Paternitatem, ad tuam desti-
nare decreuimus Beatitudinem, pet præsentem Missum
nostrum, nomine *Nothonem, Formulas Canonica institutio-
nis*, ab eodem sacro conuentu, ex sanctorum Patrum
sparsim digestis sententijs, collectas, atque in vnum
congestas. Quas etiam idcirco penes palatium nostrum
diligenter scribi fecimus, vt nihil in se, scriptorum vi-
tio, deprauationis aut detruncationis habens, ad te vs-
que incolumis perferretur.

Quapropter volumus atque decernimus, vt iuxta
metropolitanæ sedis tibi canonicè collatam dignitatem
nostræque auctoritatis sanctionem, diocæseos tuæ Epis-
copos, & ceteros Ecclesiæ Prælatos, tempore & loco
congruenti, ad te arcessere facias, & his coram ca-
pitulatiuè côm memoratas institutionis formulas prælegi
iubeas, & quid ob exaltandum Ecclesiastici culminis
fastigium, & animarum salutem, idem sacer conuen-
tus... crediderit, liquidò demonstrates: sed & his, qui
in vno collegio canonicè degunt tenendam obseruan-
damque coram memorato Misso nostro, percontens.
At si alicuius cordis obtusio eâ intelligere nequiverit,
huic siue abs te, siue ab alijs Episcopis comprouin-
cialibus, scilicet eius fulgore doctrina nitentibus, so-
briè tradatur.

Sed & in hoc nihilominus circumspectam mone-
mus esse tuam prudentiam, vt ab his, qui eas transcrip-
tum sunt, ita transcribantur, vt nec deprauata vitio scrip-
toris, nec detruncata ab aliquo fiat: sed sicut à prædi-
cto Misso nostro eis demonstratum fuerit, absque ali-
qua deprauatione vel detruncatione transcribatur.
Noueris etiam, quia ideo illius exemplum apud arma-
rium palatii nostri detentum est, vt coprobari potenter
possit, quis eas incuriosè transcripserit, vel quis aliquâ
eius partem detruncarit.

Omnes ergo tuæ diocæseos Episcopi & ceteri eas
vigilanti cura transcribere, solerti studio intelligere,
instantissimæ assiduitatis exercitio, diuinitus aduti, o-
peribus

peribus complere decerent: vt cū nos huius rei gratia, inquirendæ veritati, Kalendis Septembris (sic ut eidē sacro & memorabili Concilio meminimus nos dixisse facturos) Missos nostros, per Imperium à Deo nobis collatum destinauerimus, remota cuiuslibet difficultatis oppositione, eiuſdem salutiferæ institutionis, prout Dominus eis posse dederit, strenui inueniantur operatores.

Quoniam diligentī indagine, vita comite, perquirere iudebimus, quis iniunctum sibi officium strenue peregerit, vel quis in claustris CANONICORVM, & ceteris habitationibus construendis, & in necessarijs stipendijs eis tribuendis, & in domibus ad receptacula pauperum reparandis, sanctioni nostræ paruerit, quisue clerum suum eadem institutione & ceteris spiritualibus documentis instruere curauerit, vel quis, caussa auaritiæ, eos, quos Christi militia rationabiliter alere poterat, propulerit: quia vnius anni spatium dedimus, vt ea quæ promissa sunt, absque vilius difficultatis excusatione perfici, vbi necdum facta erant, facillimè possent.

Nosque præfatum Missum nostrum ad tuam sanctitatem ideo direximus, vt... ceterorumque Ecclesiasticorum in tua diœcesi existentium diligenter atque subtiliter in hoc negotio intueretur studium, & opem in ceteris commonendis, ferret: qui etiam nobis referret, qualiter *Praelati & Praelata*, eas Formulas libenter susceperint, diligenter transcribere studuerint, & deuotè adimplere, iuxta vires, curauerint: quoniam tam diu illum, in tua vel comprouincialium tuorum diœcesi, morari & discurrere, vnà cum Misso tuo, iussimus, donec ab omnibus memoratæ formulæ transcriberentur: vt videlicet cuncta procurans diligenterque perficiens, cū ad nos illum redire, opere expleto, tempus permiserit, cuncta, quæ acta sunt, vestro vtrorumque scripto notentur, atque per ipsum tuumque Commissum nostræ dignoscentiæ intimeretur: vt sciamus quibus gratiarum actiones referre, quosque etiam dignis correctionibus corrigere debeamus.

SI verd aliquis tuę diocęssios eidem institutioni, vestreque admonitioni procaciter reniti voluerit, & eam, quę ab eodem sacro & venerabili Concilio constituta atque decreta est, quantũ Dominus ei posse dederit, obseruare contempserit: præcipimus vt si antea huiusmodi non se correxerit, quicumque illo est, ante præsentiam nostram, tua vel Missi nostri admonitione, venire festinet, quatenus à nobis iuxta quantitatem culpe dignè corrigatur.

DIREXIMVS præterea tibi pondus & mensuram, secundum quę clericis & sanctimonialibus panis & potus æqualiter tribuenda sunt. Quę vt ab omnibus firmissimè atque inuiolabiliter teneantur, decernimus, & ne quid incrementi aut detrimenti à quoquam patiantur, modis omnibus inhihemus.

TUAM igitur in calce epistolę admonemus Sanctitatem, vt secundum ministeriũ tibi diuino munere collatum, nostrę in hoc negotio saluberrimę admonitioni obedienter atque inexcusabiliter pareas, & ceteris in parendo bonum exemplum tribuas. Dignum quippe iustumque est, vt quanto sublimius sacerdotij dignitate alijs supereminēs, & à nobis venerabiliter diligeris, tanto magis ad Dei nostramque voluntatem exequendam deuotiorem te atque promptiorem exhibeas. Vale in Domino, & ora pro nobis.

NOTATIONES.

ANNO 817. Ludouici Pij Imp. hortatu, Aquisgrani Concilium est habitum, in quo Capitula LXXX. regularis disciplinę sunt constituta, siue, vt hodie loquimur, scripta est **REGVLA CANONICORVM**, quę exstat in tomis Conciliorum, à Bino editis, & **REGVLA SANCTIMONIALIVM CANONICE VIVENTIVM**, quas nunc Canonicas seu Canonissas vulgus nuncupat.

HANC

Hanc posteriorem Regulam Ludouicus ad Arn-
nem Archiepiscopum Salisburgensem misit, cum epi-
stola suprà à me producta. Dicta autem Regula Cano-
nissarum apud nos ms. exstat, ex vetere codice *Nic. Fa-*
bri Parisiensis, cum ea in vrbe an. 1610. versaremur, do-
sumpta, & breui typis, Deo volente, edenda.

CANONISSARVM porro, nobili stirpe progenitarum,
quæque ad nuptias transire possunt, collegia, in Hanho-
nia sunt duo, *Montense & Melbodiense*, totidem in Co-
mitatu Namurcensi, *Andennense & Monasteriense*, & Moustier,
vnum in Brabantia, *Niuelense*, omnium apud Belgas, vt
arbitror, antiquissimum. De quibus, vt & de Germani-
cis, in qua prouincia sunt plurima, vide libellum no-
strum De collegijs Canoniorum an. 1615. Coloniz edi-
tum.

ARNO.) Subscripsit is testamento Caroli Magni an.
811. quod Eginhartus recitat in eiusdem Caroli vita.
Idem Arno Indicem seu Notitiam eorum, quæ Salis-
burgensi ecclesiæ à *Theodone, Theodeberto, Huchberto, O-*
thilone, & Tasilone, Bauariæ Ducibus, tradita sunt, à se-
nibus monachis & laicis diligentissimè exquisiuit, &
ad memoriam perpetuam conscribi iussit. Exstat ea
Notitia apud Henr. Canisium tomo 2. Læctionis anti-
quæ.

CAP:

CAPVT XIII.

*Ludouici Pij. Imp. diploma, concessum
monasterio S. Bauonis Gandensis,
petente Einhardo Abbate,
an. 819.*

IN nomine Domini Dei & Saluatoris nostri Iesu Christi. LVDOVICVS diuina ordinante prouidentia Imperator Augustus. Si erga loca diuinis cultibus mancipata propter amorem Dei, eiusque in eisdem locis sibi famulantes, beneficia oportuna largimur, præmium nobis apud Dominum æternæ remunerationis rependi non diffidimus.

Idcirco nouerit omnium fidelium sanctæ Dei Ecclesiz, nostrorumque præsentium scilicet ac futurorum solertia, quod vir venerabilis EINHARDVS, Abbas ex monasterio, quod dicitur *Ganda*, quod situm est in pago *Brachbatense*, constructum in honore S. Petri, principis Apostolorum, ubi etiam S. BAYO confessor Christi corpore requiescit, detulit obtutibus nostris auctoritatem immunitatis Domini & genitoris nostri CAROLI, bonæ memoriæ, præstantissimi Imperatoris, in qua continebatur insertum, qualiter ipse ob amorem Dei, tranquillitatemque fratrum in eodem monasterio degentium, semper sub plenissima defensione & immunitatis tuitione habuisset.

Pro firmitatis namque studio, postulauit nobis prædictus EINHARDVS Abbas, vt paternæ auctoritati, firmitatis

tatis gratia, nostram quoque superadderemus auctoritatem. Cuius petitioni libenter assensum præbimus, & hanc nostram auctoritatem, erga prædictum monasterium, eiusque rectores, immunitatis atque tuitionis gratia fieri decreuimus: per quod præcipimus atque iubemus, ut nullus iudex publicus, vel quislibet ex iudicaria potestate, in ecclesias, aut loca, vel agros, seu reliquas possessiones memorati monasterij, quod moderno tempore in quibuscumque pagis ac territoriis, infra ditionem nostri Imperij, iuste ac legaliter possidet, vel quæ deinceps, in ipsius sancti loci commodum voluerit diuina pietas augeri, ad causas audiendas, vel freda exigenda, aut mansiones vel paratas faciendas, aut fideiussores tollendos, aut homines ipsius monasterij, tam ingenuos, quam & seruos super terram ipsius commanentes, distringendos, nec ullas redhibitiones aut illicitas occasiones requirendas, nostris, & futuris temporibus ingredi audeat, vel ea quæ supra memorata sunt, penitus exigere præsumat.

SED liceat memorato Abbati, suisque successoribus res prædicti monasterij, tum omnes freds concessos, sicut in præcepto Domini & genitoris nostri continetur, sub immunitatis nostræ defensione quieto ordine possidere, & nostro fideliter parere imperio, quatenus ipsos seruos Dei, qui ibidem Deo famulantur, pro nobis & coniuge, proleque nostra, atque stabilitate totius Imperij nostri, a Deo nobis concessi atque conseruandi, iugiter Domini misericordiam exorare delectet.

Hæc itaque auctoritatem, ut plenior in Dei nomine obtineat firmitatem, & à fidelibus sanctæ Dei Ecclesiæ, & nostris veriùs certiusque credatur & diligentius conseruetur, manu propria subterfirmamus, & annuli nostri impressione signari iussimus.

DATA Idibus Aprilis, anno Christo propitio Imperij nostri sexto, Indictione XII. Actum Aquilgrani palatii Regio, in Dei nomine feliciter. Amen.

SIGNVM LVDOVICI serenissimi Imperatoris.

H

N O

NOTATIONES.

ISTVD *Ludonici Pij*, vt & *Caroli Calui*, itemque *Oba-*
nis II. Imperatorum diplomata, in fauorem Gan-
 densis seu Bauonici monasterij concessa, hodieque
 integra cum sigillis suis, Gandau, in palatio Epis-
 copali adseruantur, quæ pro sua humanitate Reueren-
 dillimus *D. Antonius Triclinus*, Episcopus Gandensis,
 nobis exhibuit, ac communicauit. Integra, inquam, ad-
 seruantur, utpotè à Normannis (quod rarum in Belgi-
 cz monasterijs) numquam violata.

INGRVENTE namque Normannorum in Belgicam
 irruptione, monachi Gandenses, cum Sanctorum pig-
 noribus ac diplomatibus, primò Audomaropolim, in-
 de Laudunum Clauatum, *Laon*, Picardiz urbem, se cō-
 tulerunt, declinandz tempestati. Quo in tractu annis
 plus minùs centum perstiterunt, & rebus sedatis, inde
 Gandauum, ad vetus suum monasterium, postliminiò
 redierunt.

EINHARDVS) seu Eginhartus est is, qui *Caroli Mag-*
ni, nutritoris sui, vt ipse loquitur, vitam eleganter & ex
 fide descripsit. Exstant eiusdem Epistolæ aliquot in-
 ter Epistolas *Lupi Ferrariensis* editæ.

FUIT autem Einhardus Abbas XV. cœnobij Gan-
 densis, & primus Abbas *Selingstadiensis*, in diœcesi Mo-
 guntina, quod ipse suo ære construxit ac dotauit: vt in
Chronici Laurishamensi & *Gandensi* legitur.

GANDENSE porrò *S. Petri* monasterium *S. Amandus*
 (qui relicto Episcopatu Tungrensi seu Traiectensi, A-
 postolum per Flandriam ac Brabantiam multis annis
 egit) exstruxit, Bauonis præcipuè opibus, quem à sæcu-
 lari militia ad sacram & asceticam traduxit.

IN hoc monasterio primùm clerici simul in com-
 muni

muni viuentes, pōst monachi Benedictini resederunt: qui an. 1537. auctoritate Pauli III. Rom. Pontificis, mutata veste, facti sunt Canonici, vt vocant, sēculares, petente Carolo V. Imperatore, eodemque Flandriæ Comite. Triennio pōst, cū locus ille S. Bauonis, ad Scaldis & Lisæ confluentes situs, eidem Carolo V. videretur arci, ad custodiam vrbis, excitādē commodus, trāslatum est inde collegium Canoniorum ad parochialem S. Ioannis basilicam Gandensem, titulo S. Ioannis in titulum S. Bauonis mutato, per eiusdem Pontificis decretum.

Exinde Philippo II. Rege Catholico, Caroli filio, rogante, Paulus IV. collegiatam S. Bauonis ecclesiam an. 1559. in cathedralem euexit.

Fuit autem S. Bauo Agilulfi in Hasbania Comitis filius, obiitque Gandavi in monasterio à se fundato an. 630. vt Sigebertus in Chronico supputat, aut anno proximē sequenti.

C A P V T XV.

*Conuentus apud Marsnam, prope
Traiectum Mosæ, anno 847. celebra-
tus, per Lotharium Imperatorem,
Ludouicum Germania, & Carolum
Caluum Francia Reges, fratres.*

Mersen.

MÆC quæ sequuntur Capitula sunt, quando tres Reges fratres HLOTHARIUS scilicet, HLYDOVICVS & KAROLVS, simul conueniunt secus municipium *Traiectum*, in loco qui dicitur *Marsna*, anno Incarnationis Dominicæ octogesimo quadragesimo septimo, per mensem Februarium, quæ etiam Capitula singulorum adnuntiationes sequuntur.

- I. DE pace & concordia atque vnanimitate trium fratrum & Regum inter se, & quod verissimo & non ficto caritatis vinculo sint vniti, & vt nullus deinceps scandalorum inter eos occasiones ferere possit.
- II. VT ipsi mutuo sibi auxilientur, & contra Dei sanctæque Ecclesiæ ac suos inimicos secundum oportunitatem temporis inuicem adiuuent.
- III. VT nemo per quamlibet cupiditatem leges pacis in cuiuslibet eorum regno conuellere præsumat, quod si facere præsumpserit, communem ab eis vltionem incurrat.
- IV. VT Ecclesiæ Christi per omne eorum regnum pristina dignitatem honoremque retineant: & quidquid

quid superſtite domno HLYDOVICO Imperatore iure legitimo poſſederunt abſque vlla diminutione recipiant.

Vt ſingulis eorum fidelibus talis lex conſeruetur, qualem temporibus priorum Regum & præcipuè aui patriſque eorum habuiſſe noſcuntur : ſi tamen & ipſi priſtinam fidem erga ipſos conſeruent. V.

Vt rapinæ & depredationes quæ quaſi iure legitimo hæcenus factæ ſunt, penitus interdican- tur, & nemo ſe impunè poſt hæc eas præſumere poſſe conſidat. VI.

Vt in ſingulis partibus regni Miſſi idonei conſtituantur, qui querelas pauperum & oppreſſiones, ſiue quorumcumque cauſas examinare & ſecundum legis æquitatem valeant definire. Et ſi ab vno in aliud regnū huiusmodi præſumptores confugerint, ibi ſimiliter opprimantur. VII.

Vt nullus in omni eorum regno deinceps raptum facere præſumat, aut ſi fecerit legaliter puniatur. VIII.

Vt Regum filij legitimam hereditatem regni ſecundum definitas præſenti tempore portiones poſt eos retineant, & hoc quicumque ex fratribus ſuperſtes fratribus fuerit, conſentiat, ſi tamen ipſi nepotes patruis obedi- entes eſſe conſenſerint. IX.

Vt legati ad DVCEM BRITTONVM mittantur, qui de communi erga eos obſervatione pacis cum commoneant. X.

Vt ſimiliter ad REGEM NORTMANNORVM legati mittantur, qui cum conteſtentur, quod aut pacem ſeruare ſtudebit, aut communiter eos inſenſos habebit. XI.

Adnuntiatio Domni HLotharij .

NOBIS & fratribus noſtris viſum fuit, vt ad Dei voluntatem quærendam qualiter ſancta Eccleſia recuperata eſſe poſſit & pacem, & nos ac vos & iſte populus Chriſtianus habere poſſimus.

mus. Nos simul coniungeremus, sicut nunc fecimus & sic simus inter nos sicut fratres per rectum esse debet: & pro certo illud sciatis, quia grati Deo sic sumus, & sic permanere adiuvante Deo in ante volumus, & in consilio & in auxilio unusquisque erga alterum parati sumus adiutorium ferre, sicut fratres in Dei voluntate & communi profectu facere debent in quibuscunque potuerimus.

Adnuntiatio Domni HLudouici.

- I. **S**CIATIS, quia fratres nostri & nos nostros Missos ad communem nepotem nostrum in *Aquitaniā*, mittimus & ei tales Comitatus designatos mandamus, in quibus ipse cum suis interim sufficienter esse possit & fideles dilecti fratres nostri CAROLI de illo regno pacem habere possint, usque dum idem nepos noster ad commune placitum nostrum veniat ad quod cum tali securitate à nobis accepta eum venire mandamus, ut sanus venire, & sanus stare, & sanus reuerti, quantum illum Deus saluare voluerit, possit, & si tunc nostrum consilium audire voluerit, volumus cum Dei adiutorio & vestro consilio considerare, quomodo melius secundum communem profectum & utilitatem in ante esse possit. Et si nostrum consilium audire non voluerit, tunc sicut melius cum Dei adiutorio & vestro consilio inuenire potuerimus, exinde agere volumus.
- II. SCIATIS etiā quia similiter Missos nostros ad BRITTONES mittimus & illos ad communem profectum & pacem hortamur. Qui si audierint, aut non audierint, cum Dei adiutorio & vestro consilio exinde etiam facere volumus.
- III. SCIATIS quia communiter Missos nostros ad Nordmannos pro pace accipienda mittimus.
- IV. SCIATIS etiam quia dilectus frater noster HLOTHARIUS Missos suos ad vos homines transmittit, qui usque modo

modo in contrarietatem dilecti fratris nostri Karoli fuerunt & illis mandat, vt per nullum ingenium in ante, sicut de Dei & sua gratia gaudere volunt, in illius & fidelium eius contrarietatem aliquid faciant.

Et sciatis, quia volumus vt res Ecclesiarum in cuiuscunque regno caput fuerit, tam de Episcopatibus quàm de Abbatijs, sine vlla contradictione rectores ipsarum ecclesiarum, sicut tempore domini ac genitoris nostri fecerunt, illas possideant.

V.

VI.

SIMILITER & de Episcopatibus & monasterijs vbicunque in nostro communi regno aliter est modò quã debeat, volumus vnà cum Dei adiutorio illud emendare, vt Ecclesia Dei suum honorem debitum habere possit & populus suam legem.

Adnuntiatio Karoli.

SCIATIS quia dilecti fratres nostri, & nos communiter nostrum placitum ad Misam S. Joannis apud *Parisi* conditum habemus, vbi de istis quæ illi modo dixerunt & cæteris quæ ad Dei voluntatem & nostrum ac vestrum communem profectum inuenire potuerimus, consideremus, & vnà cum Dei adiutorio ad effectum perducamus, & volumus vt ab hinc in ante, vbicumque vnusquisque fuerit cum pace consistat, & ad illud placitum cum pace vnusquisque veniat, quia in istis miserijs & rapinis vsque modo multum Deum offendimus. Vnde nobis Dei misericordiam deprecari satis necessarium esse cognoscimus.

I.

Volumus etiam vt vnusquisque liber homo in nostro regno senioremem qualem voluerit in nobis & in nostris fidelibus accipiat.

II.

MANDAVIMUS etiam vt nullus homo senioremem suum sine iusta ratione dimittat, nec aliquis eum recipiat,

III.

nisi

nisi sicut tempore antecessorum nostrorum consuetudo fuit.

IV.

Et volumus ut sciatis quia nos fidelibus nostris rectè consentire volumus, & contra rationem eis facere non volumus. Et similiter vos ac ceteros fideles nostros admonemus, ut vos vestris hominibus rectum consentiatis & contra rationem illis non faciatis.

V.

Et volumus ut cuiuscumque nostrum homo, in cuiuscumque regno sit, cum seniore suo in hostem, vel alijs suis utilitatibus pergat: nisi talis regni inuasio quā Lantweri dicunt, quod absit, acciderit, ut omnis populus illius regni ad eam repellendam communiter pergat.

NOTATIONES.

MARSNA) siue ut Regino Prumiensis in Chronico an 869. vocat, MARSANA, hodie *Mersen*, primo lapide à Traiecto Mosæ, olim in Leodicensi, nunc in Ruremundensi diocesi sita, regium olim palatium habuit: quod GERBERGA Francorum Regina, yñà cum villa ac prædijs adiunctis, an. 968. dono dedit monasterio S. Remigij Remensis: ut constat ex eiusdem diplomate, quod infra recitabimus.

DUCEM BRITTONVM) Nomenoiū, Sigeberto Numenensē intellige, qui Britonum Arcemicorum, seu Britannię minoris, ut hodie vocant, Dux sub Ludouico Pio fuit. Quo defuncto, Nomenoius Carolo Caluo an. 841. adhæsit. Sed bienniopost impellente Lamberto Comite, qui à Francis defecerat, & ipse Nomenoius defecit, Regiūque sibi titulum sumpsit. Media porro ætas scribebat *Brittones*, duplici tt. sed veteres vnico. *Toto diuisos orbe Britanos*: Vergilius.

DUCEM NORTMANNORVM) Godefridum, qui Nortmannis seu Danis præfuit, cuique postea Carolus Caluus terram ad inhabitandū cōcessit. *Annal. Puh.* an. 850.

COM-

COMMVNEM NEPOTEM) Pipinum Pipini olim Regis filium, qui hoc tempore in Aquitania regnabat. Sed patrui, quod Aquitaniam Carolo Caluo in partem obtigisse censerent, Pipinum Regis nomine non dignantur, & loco regni Aquitaniz, Comitatus aliquot contentum esse iubent.

PRAETER hunc Conuentum an. 847. habitum, fuit & alter inter eosdem tres Reges fratres an. 851. apud ^{Conuentus} ^{11. apud} ^{Marfuara.} MARSNAM celebratus, cuius Capitula vide apud Iacobum Sirmundum, lib. De Caroli Calui & successorum aliquot Franciz Regum Capitulis.

CAPVT XVI.

Ebo, Remorum Archiepiscopus, Baldvino Ferreo, Flandria Comiti, mittit corpus S. Donatiani VII. Remorum Episcopi.



GO EBO, indignus Remorum Archiepiscopus, hunc thesaurum, super gemmas & aurum pretiosum, tibi gloriose Marchio BALDVINE, nostrorum consilio clericorū, transmittō, DONATIONVM scilicet, septimū nostrę sedis Episcopum: mirę sanctitatis virum, pium exauditorem, & promptissimum apud Deum intercessorem, tam sęcularibus angustijs occupatis, quā peccatorum sceleribus detentis. Quod nostris & antecessorum nostrorum temporibus satis cui-deater comprobatum est.

Eivs, sanctique Remigij, ac innumerabilium San-
ctorum vitæ scripta, *Vandalorum* vastatione scias esse
deleta. Hunc attestacione diuinæ tuæ fidei committo,
quatenus cum diuino seruitio, in quantum vales, hono-
rifices, & secularibus dites. Vale dulcissime in Do-
mino.

NOTATIONES.

Ebo siue Ebbo, patria Germanus, Himiltrudis fi-
lius, LVDOLICO PIO Imp. carus, & in puerili æta-
te col lactaneus ac condiscipulus, an. 822. Remo-
rum Archiepiscopus est ordinatus. Fuerat antea
non nisi suffraganeus Remensis ecclesiæ: vbi, absente
Vulfario, Stephanum Papam, & Ludouicum Pium an.
816. exceperat.

Halitgarius
Ep. Camera-
centis.

INTIMVS fuit HALITGARIO Cameracensi Episcopo,
qui hortante Ebone, *scilicet libellos De remediis peccatorum*
& ordine vel iudicis penitentia conscripsit: vt Flodoardus
in Hist. Remensi lib. 2. cap. 19. & Baldericus in Chron.
Cameracensi lib. 1. cap. 38. testantur. Exstant hi libri a-
pud Henricum Canisium tomo 1. Læctionis antiquæ.

It in Daniam
cum Ebone.

IDEM Halitgarius cum Ebone an. 818. ad Danos pro-
fectus est: vbi verbum Dei prædicarunt, auctoritate Pa-
schalis Papæ, qui Stephano successerat. De ista ad Da-
nos profectione sic Adamus Bremensis in Chronico:
In diebus illis, scribitur quod Ebo Remensis cum de salute
gentium, religionis studio, ferueret, legationem ad gentes, cum
Halitgario, suscepit à Paschali Papa; quam postea noster Ans-
garinus, diuina opitulante gratia, feliciter peregit. Sic Ada-
mus, qui tamen ad annum 823. hæc referre videtur.

Ebo depo-
nitur.

HYIC Enangelico operi Ebo vsque ad an. 822. incu-
buit, quo ad Remensem, vt dixi, cathedram est euectus,
Verum post annos XIII. tanquam auctor & inceptor
conspirationis aduersus Ludouicum Pium, in Synodo
apud Theodonis villam an. 835. est depositus. Rem fusè
lib.

lib.11.cap.20.Flooardus narrat.Synodi verò ipſius ſeriem,cum ſubſcriptionibus Epiſcoporum XLIII.qui Ebonem damnarunt,Hincmarus cap.36.poſterioris operis aduerſus Gotheſcalcum recitat.

MORTVO deinde Ludouico,ſedem à Lothario Imp. iterum an.841.Ebo obtinuit,per Edictum , quod apud Flooardum eodem loco exiit , cum ſubſcriptione & adſenſu XX.Epiſcoporum.

Ex qua ſecundò eiectus,Romam ad Sergium II. Papam ſe contulit.Exinde, accepta à Lothario Abbatia Bobienſi S.Columbani in Italia, ſed mox per eundem ablata, in Saxoniam abiit, ad Lvdovicvm Germaniæ Regem:à quo Hildeſheimenſis Epiſcopus eſt conſtitutus.Vbi & obiit an.851.vel vt alij ſcribunt.an.854.

Ceterum recitatus à me Ebonis ad Balduinum Ferreum litteras,*Petrus Curius*,Brugenſium I. Epiſcopus, in feretro ſeu loculo,cui oſſa S.Donatiani erant incluſa,an.1566.repperit.

CAPVT XVII.

Hincmari Remensis Archiepiscopi Epistola ad Nicolaum I. Papam, de Balduini Ferrei, Flandria Comititis, coniunctione cum Iuditha, Caroli Calui Francorum Regis filia, & de vacatione Episcopatus Cameracensis.

An. 864.



OMNO vnice singulariterque suscipiendo patrum Patri, & summa veneratione honorando, reuerentissimo Papæ NICOLAO Hincmarus, nomine non merito, Remorum Episcopus, ac plebis Dei famulus.

Odo Episc.
Aellouacensis.

IN epistola vestræ sanctitatis, per *Odonem* Episcopum Episcopis in regno *Lotharii*, pro præiudicio Cameracensis ecclesiæ directæ, relegi, vestram auctoritatem sciscitaturam, cuius neglectu eadem ecclesiâ, vltra decimum mensem, Pastore vacaret.

*Ha sunt
Nicolai
epist. 63.
64, & 65,*

Vnde, ne vt negligens à vestro Apostolatu succenscar, in dico auctoritati vestræ, post directas *Lothario* & Episcopis regni eius, atque *Hilduino*, qui eandem ecclesiam irregulariter occupauit, ita vt antequam ipsas mitteretis epistolas, hætenus præiudicium permanere, meque *Lotharium* Regem & legatis & litteris, prout potui, sæpe & ed vsque inde commonuisse, donec regijs suis litteris mihi respondit, *Hilduinum* ad vestram auctoritatem

toritatem suum Legatum misisse, & nihil aliter de præfata ecclesia, nisi vt egerat, disponere debuisset, donec à vobis inde responsum acciperet.

BALDVINVS quoque in proximo nunc decurso mense Oâobri, quinto Kalendas Nouembris, per duos homines suos mihi litteras auctoritatis vestræ direxit, in quibus continetur vt easdem litteras Coëpiscopis prouinciæ nostræ legerem, & IVDITÆ paternis ac maternis obtutibus præsentandam susceperemus: si tamen intelligeremus, quod confectum præfatus excellentissimus Rex noster, quæ de illa vobis scriptis & verbis, per Legatos vestros, Apostolatus vestro renuntianda ipponeret, adimplere vellet.

QVOD si eorum animos ad id protelandum esse intentos, inuestigare possemus, nequaquam eam reciperemus. Alioquin, id est, si aliter egissemus, gratia & cõmunione vestra frui nequaquam valeremus. Quam vestræ auctoritatis epistolam, vt oportuit, reuerenter suscepimus, & Coëpiscopis nostris eam relegimus, & pro præfata IVDITÆ apud fratrem & matrem illius, quantum potuimus, vt mandastis, communiter interuenimus, & paternis ac maternis obtutibus eam præsentare studuimus.

Post quæ voluimus, quia sic nobis, secundum sacras regulas, sicut eas intelligimus visum fuerat (non enim sine dignis pœnitentiæ fructibus absolui posse putamus quod anathematis vinculo à sacris regulis innodatum videmus) vt iuxta ecclesiasticam traditionem prius Ecclesiæ, quam læserant, satisfacerent: & sic demum quod præcipiunt iura legum mundialium, exequi procurarent.

SED quoniam litteras vestras, quæ inde nihil præceperunt, imo etiam nullam protelationem in eorum cõiunctione fiendam significauerunt, sibi sufficere voluerunt, & sine vestra auctoritate, ad quam clamauerant, cogi, nisi alio se modo submitterent, non debuerunt.

Ex altera epistola vestræ Sanctitatis eis retuli, quod non leges ecclesiasticas dissoluistis, sed preces pro eo

misistis, qui puniri secundum leges mundanas poterat, quatenus locum poenitendi haberet, quod contra leges diuinas admiserat.

Sic & Saluator noster, qui vult omnes homines saluos fieri, & neminem vult perire, in cruce apud patrem iure sacerdotis, pro suis persecutoribus intercessit: quod in eis, qui post passionem eius crediderunt, & compuncti poenitentiam egerunt, qui cum patre omnia donat, efficaciter inpetrauit.

Ad cuius instar Apostolorum Vicarius, ad quorum limina confugerunt, & Catholicæ atque Apostolicæ Ecclesiæ summus Pontifex, quod in hominem Regem & in leges mundi peccatum est, perdonari petistis, vt quod in Regem cæli & terræ, & in leges cœlestis regni offensum erat, haberent inducias per poenitentiam abolendi.

E contrâ carnales, & etiam quidam eorum, qui antea cōiunctioni huiusmodi contradicebant, hac defensione, vt eis visum fuerat, se protegentes, (sed sicut se habet veritas) salute nudantes, ab istius nouissimæ vestræ epistolæ verbis recedere noluerunt, quam sine protelatione eorum coniunctionem debere fieri demonstrare dicebant.

DICENTI verò mihi, quia pro nulla potestate terrena, quod de Ecclesiasticis regulis intelligerem, dimittere deberem: maxime cum etiam mecum, imo cum Deo, domnus Rex noster, filius vester, CAROLVS faceret quasi consulendo mihi quidam hoc dederūt consilium, in quo non meis sed verbis eorum vtar, quæ mansuetudo vestra, velut exemplum & doctrix disciplinæ Dei, mitis & humilis corde, ac patiens æquanimiter sustinebit, dicentium: vt quia non secularis, sed ecclesiastica potestas de hoc mihi negotio imperaret, conspirationē resistendum aliquantulum declinarem, ne quisquam æmulus noster vestræ Sanctitati suggereret, quasi in cōtemptum sancti Apostolatus vestri, & sedis Apostolicæ hoc egissem, & vestræ mansuetudinis erga me animum commoueret, & quamcumque excommunicationem,
sicut

sicut pro *Rothado* actum fuerat (quod tamen ad me nō peruenit, nisi quantum *Odo* Episcopus, & postea *Luido* detulit, antequam ad auctoritatem vestram gestorum seriem inde mittere valuissēmus: vel quomodo res gesta fuerit, per Legatos vestros resciretis) obtineret: præsertim cū in hac epistola vestræ auctoritatis legatur, quod si aliter egissēmus, quam in ea scriptum est, gratia & communionē vestra frui nequaquam valerēmus.

Quō contra mihi dicenti, hoc in epistola vestra ob id posuisse, ne femina illa à nobis deciperetur, & non ob hoc, ne Ecclesiæ satisficeret: responderunt, Cur aliter vellem vestram epistolam intelligere, quā vobis placuit eam componere, cū de in præterito mihi transmissis, eius sensum possem manifestè cognoscere.

QUA PROPTER memor præteritarum epistolarum, mihi & Episcopis regni filij vestri domni CAROLI à vobis missarum, attendens etiam quæ in epistola nuper per *LVIDONEM* mihi benignitas vestra mandauerat, (hæc enim in *Antisiodoro*, post aduentum *Luidonis*, ventilabantur) inter metum præteritarum, & spem posterioris epistolæ, mihi mitiora monstrantis, contentione in hac causa dissimulando vitavi, & condescensionem quasi in tempus aliud differendo, dissimulaui, expectās vt in causæ huius, quæ instat dispositione vestra, ex *Rothado* diſcere valeam, qualiter de reliquo in huiusmodi agere debeam.

SICQUE nihil nobis de ecclesiastico ministerio eis interdicentibus, sed tantum quod valuimus nostram præsentiam ab hoc negotio subducentibus, *BALDVINVS* & *IVDITH* iura legum sæculariū, quæ elegerunt, exequi studuerunt.

DOMNVS etiam noster Rex, filius vester, huic desponsationi & coniunctioni interesse non voluit, sed missis publicæ rei ministris, sicut vobis promisit, secundum leges sæculi eos vxoria coniunctione adinuicem copulari permisit, & honores *BALDVINO* pro vestra solummodo petitione donauit.

NOTATIONES.

PARTEM huius epistolæ, qua vacationem Episcopatus Cameracensis tangit, Baldericus in Chronico Cameracensi lib. 1. cap. 48. recitat. Integra apud Flodoardum lib. 3. cap. 12. exstat. Porro res ipsa sic se habet.

AN. 863. Nonis Augusti THEODERICVS Cameracensis & Atrebatensis Episcopus obierat: vt idem Baldericus diserte affirmat. In defuncti locum Lotharius, Rex Lotharingæ, primò *Guntbertum*, postea *Tesboldum*, denique *Hiluinum*, cognatum & Capellanum suum, contra sacros Canones, intrudere est conatus.

SED Hincmarus Remorū Archiepiscopus, vt Metropolitanus, ipsum consecrare noluit, & decimo post Theodoricæ obitum mense, hoc est, anno 864. epistolam supra à me recitatam ad Nicolaum I. Papam scripsit. Hilduino itaque expulso, IOANNES an. 866. Cameracensis Episcopus est constitutus: vt idem Baldericus lib. cit. cap. 49. commemorat.

IVDITH) Caroli Calui Francorū Regis filia primū Edilulfo Regi Anglorum nupserat: vt Acta coronationis à Sirmondo, cum Capitulis Caroli Calui, edita declarant. Edilulfo mortuo, cum Iudith rediisset in Galliam, BALDVINVM FERREVM, Flandriæ Comitem, ipsius nuptias appetentem, patre inscio, sed *Ludonico* fratre, vt ferunt, approbante, volens secuta est.

BALDVINVS tamen quasi raptor est accusatus, & metu Caroli Calui, in regno Lotharij delituit, quò ad Carolus, Nicolai I. Papæ litteris ac precibus flexus, annuit, vt nuptiæ solennes Autifiodori celebrarentur anno octingentesimo sexagesimo quarto: vt ex Hincmari ad Nicolaum I. epistola, quam supra recitauimus, col:

colligere licet. Est enim ea scripta mense decimo post obitum Theodorici Cameracensis Episcopi, quem anno 863. Nonis Augusti obiisse Baldericus li. citato cap. 47. disertè tradit.

Quod ergò scribunt non pauci, Balduinum vxorem suam rapuisse, aut furatum fuisse, ideo dictum puta, quòd illam, sine patris assensu, duxerat. Volentem alioqui, vt dixi, secutam fuisse, Balduinus ipse semper affirmavit; vt Nicolai Papæ ad Carolum epistola 2. testatur: *Qui vestram se habere indignationem, eò quod Iulish filiam vestram, illum pra ceteris diligentem, sine vestra voluntatis consensu, in coniugium elegerit, eamq. volentem acceperit, ore proprio retulit.*

CAPVT XVIII

*Carolus Caluus Francorum Rex prædia
Gandensi S. Bauonis monasterio
olim collata confirmat, an.*

864.

In nomine sanctæ & indiuiduæ Trinitatis.
KAROLVS gratia Dei Rex.

Si erga loca diuinis cultibus mancipata, propter amorem Dei, eisq. in eisdem locis famulantes, beneficia oportuna largimur, præmiũ nobis apud Dominũ æternæ remunerationis rependi non dissidimus. Idcirco nouerit omnium sanctæ Dei Ecclesiæ fideiuni,
K nostro

Adelmus
Comes &
Abbas com-
mendatarius
S. Bauonis.

nostrorumque præsentium scilicet & futurorum industria, quia vir venerabilis, Nouiomensium siue Tornacensium ecclesiarum præsul REINHELMVS, curam ministerij sui gerens, nec non etiam carissimus fidelis noster ADELIVS Comes, qui & largitu nostro Rector monasterij S. Petri, & S. Bauonis, quod vocatur *Gand*, super fluvium *Sebald* siti, pari deuotione ad nostram accedentes magnificentiam, innotuerunt, Canonicos ipsius cænobij, Domini ac genitoris nostri LYOVICI gloriosi Imperatoris, ceterorumque prædecessorum nostrorum Regum, ex villis suorum vsibus delegatis, confirmationis quondam habuisse præcepta, sed nimia infestatione paganorum, nostrisque præpredientibus peccatis, eadem deperisse, ignique cremata fuisse.

Vnde humiliter nostram deposcentes Serenitatem, petierunt denuð memoratis sanctis fratribus nostra benignitate idem renouari, ac restitui confirmationis præceptum, quo irrefragabiliter, nulloque inhibente, villis ac rebus ipsius Abbatiz, suorum scilicet vsibus à priscis temporibus delegatis, liberius deinceps uti valerent, id est, in pago *Gandense*, in villa quæ dicitur *Marka*, quidquid ex ratione S. Bauonis ibidem adspicere videtur, & in pago *Brachbatense* in villa *Vncorminia*, similiter cum omnibus suis adiacentijs, & in villa *Flithersala*, cum omnibus quæ ibidem pertinere noscuntur, & villa *Gisingarule*, similiter cum cunctis appendicijs suis in pago verò *Mempisco*, in villa *Helsca*, cum omnibus suis appendicijs, & in pago *Cameracense*, in villa *Colonia* quidquid ibidem attinet; in pago quoque *Surssionico*, in villa *Væsfles*, medietatem vinearum, & ecclesia, quæ ibi noscitur esse sita, & in pago *Medelemente*, in villa *Solclunum*, quidquid ibidem pertinet; in pago etiam *Flandrense* *Illumariscum*, cum vel quidquid ibidem aspicit, & in *Friesinse* similiter.

Vnde animæ nostræ salutis consulentes, eorum petitionibus, quia rationabiles satis ac salutiferæ visæ sunt, libenter assensum præbuimus, ac propterea hoc magnitudinis

rudinis ac celsitudinis nostræ præceptum memoratis sanctis fratribus fieri darique iussimus; per quod prælibatas villas atque res, sicut in eorum præceptis plenius continuisse visum fuit, cum omnium rerum ad se pertinentium summa integritate confirmamus, perenniter eorum usibus famulandum ac nemine inquietante, aut subtrahente vel diminvente, siue commutante, non Abbate, nec vlla iudiciaria potestate, decernimus iure perpetuo seruienda, & pro eorum libitu vel necessitate atque vtilitate ordinanda: quarum sumptibus sustentati, vberius pro nobis & coniuge cara, quæ cum prole ac regni à Deo nobis commissi & conseruandi statu & pace, omnipotentis Dei misericordiam iugis precibus eorundem exorare delectet.

Ut autem hæc nostræ renouationis atque confirmationis auctoritas maiorem in Dei nomine, per superuenientia tempora, obtineat vigorem, manu propria hac sub charta confirmauimus, annulique nostri impressione assignari iussimus.

SIGNVM Karoli gloriosissimi Regis.

DATVM V. Idus Octobris, Indictione XII. Anno xxv. An. 864.
regnante Karolo gloriosissimo Rege. Actum apud
Pettingehem villa in Dei nomine feliciter. Amen.

NOTATIONES.

REINHELMVS) Episcopus Nouiomenfis ac Tornacensis, Flodoardo in Hist. Remensi lib. 3. cap. 19. Ragenelmus, Papinio Massono Ragenelmus, alijs Rainelmus, aut Remelinus.

CANONICOS) Nota Canonicos, non monachos an. 864. in S. Baonis monasterio resedisse. Vide supra. cap. 14.

MARCHA') Duplex hodie est Marka, *Marcken Peucle* & *Marken Barrois*, vterque vicus in Castellania, vt loquuntur,

quantur, Insulensi Flandrorum, ad fl. *Marque*: ad cuius
& Deullæ confluentes sita est Marquetta, monialium
Ord. Cisterciensis Abbatia.

BRACHBATENSIS.) seu Bragbantensis pagus olim ab
Alosto & Gandauo extendebatur supra Tornacum &
Condatum: vt ex Sigeberti Chronico datur intelligi.

FLITHERSALA.) Hodie *Fliserseele* aut *Vlierseele*, vicus
agri Alostani.

GISINGARVLE) hodie *Gysenzeele*, vulgò *Gysele* per
fyncopen.

HEL SOCA.) Legendum videtur *Helsca* vel *Helsca*,
& fortasse notatur *Esche*, vicus agri Alostani.

VAESLEI) fortè *Aerseele*.

MEDELENTENSIS) pagus, hodie *Melantois*: cuius pa-
gi caput est Seclinium, *Seclin*, collegio Canoniorum
& ipsius S. Piati martyris nobile. Quod an hic desig-
netur per Schelinum aut Sohelnium, dubitari possit. In
autographo legitur *Sohelnium*, quod non nemo putat es-
se *Suvallem*, vicum agri Alostani, ex vetusto S. Bauonis
patrimonio. Sed obstat situs: nam in pago Medelentenfi
Sohelnium vel Schelinum collocant litteræ Caroli Cal-
ui, iam recitatæ.

PETTINGHEM.) Hodie *Petinghem* pagus seu vicus
ad Scaldim, prope Aldenardam Flandriæ opidum.

CAP.

CAPVT XVIII.

*Pactio Aquisgranensis, inter Carolum
Caluum Francia Regem, & eius fra-
trem Ludouicum Germania Re-
gem, anno 870. pridie Nonas
Martij, inita Aquisgrani.*



ANNO Incarnationis Domini nostri Iesu An. 870.
Christi DCCCCLXX. Indictione tertia,
pridie Nonas Martij, anno XXXI. KAROL-
US gloriosi Regis, Aquisgrani palatio, hæ
pactiones inter ipsum & HLYDOVICVM
Regem, fratrem ipsius, factæ sunt.

INGELRAMNVS Comes ex parte Karoli Regis.

Sic promitto ex parte senioris mei : quod senior
meus KAROLVS Rex fratri suo HLYDOVICO Regi talem
portionem de regno HLOTHARII Regis consentit ha-
bere, qualem aut ipsi iustiore, & plus æqualiore,
aut communes fideles eorum inter se inuenerint. Nec
eum in ipsa portione, vel in regno, quod antea tenuit,
per aliquam fraudem vel surreptionem, decipiet, aut
forconsiliabit, si frater suus *Hludonicus* eandem fir-
mitatem & fidelitatem, quam ex parte senioris mei il-
li habeo promissam, iste frater suus *Hludonicus* senio-
ri meo ex parte sua, quamdiu vixerit, inuiolabiliter ser-
uauerit.

ITEM LEYTFRIDVS Comes ex parte HLYDOVICI Re-
gis.

Sic promitto ego ex parte senioris mei, quod senior meus H LVDOVICVS Rex fratri suo KAROLO Regi talem portionem de regno HLOTHARII Regis consentit habere, qualem aut ipsi iustiorē, aut plus æqualiorem, aut communes fideles eorum inter se inuenerint. Nec eum in ipsa portione, vel in regno, quod antea tenuit, per aliquam fraudem vel surreptionem decipiet aut forconiliabit: si frater suus KAROLVS eandem firmitatem, & fidelitatem, quam ex parte senioris mei habeo promissam, iste frater suus *Karolus* seniori meo ex sua parte, quamdiu vixerit inuolabiliter seruauerit.

Hæc eadem tertius *Theodoricus* Comes, ex parte gloriosi Regis *Karoli*, & quartus *Radulfus* Comes ex parte H LVDOVICI profecuti sunt.

ISTI præsentēs fuerunt.

LEVTBERTVS Archiepiscopus,

AFRIDVS Episcopus.

ODO Episcopus,

A DALELMVS Comes,

INGELRAMVS Comes,

LVITFRIDVS Comes,

THEODORICVS Comes,

ITEM A DALELMVS Comes.

NOTATIONES.

LVDOVICO, Cermaniæ Rege, ægrè ferente regnum LOTHARII, an. 869. mense Iunio Placentiæ in Italia defuncti, vniuersum à CAROLO CALVO vsurpari, inita per vtriusque legatos apud Aquasgrani pactione, conuentum est, vt regnum istud inter ipsos æquis portionibus diuideretur. Itaque facta est ea Diuisio, quæ proximo capite continetur, quamque Aimoinus lib. 5. cap. 25. & Petrus Pithæus in Scriptoribus XII. coetaneis recitant.

AN. XXXII. KAROLI.) Initium annorum Caroli Calui à XII.

à XII. Kalendas Iulias ducendum esse Iac. Sirmondus in Notis ad Capitula ejusdē Caroli, tit. 35. rectē docuit. Hinc sequitur, Martio mense anni 870. nondum expletum fuisse annum eius triccesimum. Quare scribendum hoc loco, non XXXI. sed XXX. & eandem ob causam in titulo cap. sequentis legendum XXXI. non XXXIII.

INGELRAMNVS.) Camerarius hic Caroli Calui fuit, eique intimus. Postea tamen, suasu Richildis Reginae, honoribus exutus, ad Ludouicum Germaniae Regem transijt, eique auctor fuit, vt in Galliam cum exercitu iterum an. 875. veniret: Vt Aimoinus lib. 5. cap. 32. narrat.

CAPVT XX.

*Diuisio regni Lotharij Imperatoris, anno
870. VI. Idus Augusti, inter Carolum
Caluum Francia, & Ludouicum
Germania Reges fratres facta
in Procaaspide ad Mosam fl.*

ANNO Incarnationis Dominicae DCCCLXX. regni CAROLI XXXIII. Indictione III. VI. Idus Augusti, inter gloriosos Reges CAROLVM & HLYDOVICVM, fuit hac Diuisio regni facta, in Procaaspide super fluvium Mosam.

Ethæc est portio, quam sibi HLVDO-
VICVS accepit.

COloniam. *Colen*, ad Rhenum.
Treceros, *Trier*, ad Mosellam.
Vtrech, *Utraictum*, ad veterem Rheni alucum.
Stratsburch, *Argentoratum*, ad Rhenum.
Basulam, *Basel*, ibidem.
Abbatiam Suestre, *Susteren*, in Ducatu Iuliacensi.
Berch, *prope Ruremundam*.
Niu monasterium, *fortè Huy*.
Castellum, *Kessel*, ad Mosam.
Indam. *S. Cornelis Munster*, prope Aquasgrani.
S. Maximini, *prope Treceros*.
Ephternacum, *Echternach*, opidum & Abbacia in Duca-
tu Luxemburgensi.
Horreum *Treuerense*, monasterium.
S. Gangulsi, *S. Gengoul*.
Fauerniacum, *Fauerney*, Abb. in Comitatu Burg.
Polemniacum, *Poligny*, opidum ibidem.
Luxouium, *Luxem*, opidum & Abbacia ibidem.
Luteram, *Lure*, Abbacia in Alsacia.
Balmam, *Baulme les Nonnes*.
Offonis villam, *Vellefaux*.
Megeni monasterium. *Moien moustier* Abbacia in Loth.
S. Deodati. *S. Diez*, in Loth. ad Murtham.
Bodonis monasterium. *fortè Bodonville*.
Stiuagium, *Essinay*, Abb. in Loth. ad Murtham.
Romerici montem. *Miremons* in Loth.
Morbach, *Murbacum*, in Alsacia.
S. Gregorij.
Mauri monasterium, *Maur munster*.
Eboreshcim, *Abbacia*.
Homowa.
Masonis monasterium, *Macsmunster*.

Hum-

Homburg.
 S. Stephani Stratsburch.
 Erenstein.
 S. Vrsi in Salodoro, *Soleurre*.
 Grandi vallem, *Grandvaux*.
 Altam petram, *Haulte pierre*.
 Iustinam, *forté, Mont Iustin*.
 Vallem Clusa.
 Castellum Carnonis, *Chastelchalon*.
 Heribodesheim, *Abbatia*.
 Abbatiam de Aquis.
 Hocnchirche.
 Augustchirche.
 Comitatum Testrebant, *Teysterbant*.
 Batua, *Betuvve*.
 Hartuarias, *ad fl. Neers* in Geldria.
 Masau subterior de ista parte, *Onder Maeslands*.
 Item Masau superior, quod de ista parte est, *Opper Maes-*
lands.
 Lingas quod est de ista parte, *Liege*.
 Districum Aquense, *Aken, Aix*.
 Districum Tectis seu Tetis, *prope Spa*.
 In Ribuarias Comitatus V. *ad Ruram fl.*
 Megenensium, *Meyen*, prope Andernacum.
 Bedagowa, *Bidburg*, versus *Meyen*.
 Nitachowa, *ager ad Nidam fl.* in Lotharingia.
 Sarachowa subterior: *ad fl. Sar*, in Loth.
 Blesitchowa, *Blis*, versus Treueros.
 Selme, *Salme*, ad Saram fl.
 Albechowa, *Sar alben*.
 Suentisium, *Sanctoy* in Lotharingia.
 Calmontis *Chaumont* ad Mosellam in Loth.
 Sarachowa superior, *Sargon*.
 Odornense, quod Bernardus habuit, *Darney*, in silua Vo-
 fego.
 Solocense, *Solieu*, in Burgundia.
 Basiniacum, *Basigny*.
 Elischowc, *ager Alisicnsis vel Elsatius*.

warasch, *Comitatus de Varesco.*
 Scëdingum, *Salins*, in Comitatu Burg.
 Emaus.
 Basalchowa, *ager Basileensis.*
 In Elisatio Comitatus II. *Elfsaten.*
 De Frisia duas partes.

DE regno quod HLOTHARIUS habuit super istam Di-
 uisionem, propter pacis & caritatis custodiam, su-
 peraddimus istam adiectionem.

Mets.

Quir.

Condrou.

Prum.

Stanclo.

Ciuitatem Mettis, cum Abbatia S. Petri & S. Martini
 & Comitatu Moslenli, cum omnibus villis in eo confi-
 stentibus, tam dominicatis, quàm & vassallorum. De Ar-
 duenna, sicut flumen Vrtā surgit, inter Bissanc & Tum-
 bas, ac decurrit in Mosam: & sicut rectā via pergit in
 Bedensi, secundū quod communes fideles nostri re-
 ctiūs inuenerint, excepto quod de Cōdustro est ad par-
 tē Orientis trans Vrtam. Et Abbatias Prumiam, & Sta-
 bolau, cum omnibus villis dominicatis & vassallorum.

Et hæc est portio quam CAROLVS de
 eodem regno sibi accepit.

Lvgdunum *Lion.*
 Vefontium *Besancon.*

Viennam *Vienne.*

Tungris *Tongre.*

Tullum *Toul.*

Viridunum *Verdun.*

Camracum *Cambray.*

Viuaras *Vinarez.*

Vcctia. *Vsz.*

Montem Falconis, *Montfaulcon ad Mosam.*

S. Michaelis, *S. Miel* in Lotharingia.

Culdun.

Culdini monasterium *Col moustier.*
 S. Mariæ in Bifontione, *Iuffanum monasterium.*
 S. Martini, in eodem loco.
 S. Eugendi, *S. Ojan de Ioux* vulgò *S. Claude.*
 S. Marcelli, *à Chalon.*
 S. Laurentij, *S. Laurens* in Comitatu Burg.
 Leudensi.
 Sennonem, *Senone* Abbatia in Lotharingia.
 Abbatiam Mellam.
 Melbarium.
 Laubias, *Lob* ad Sabim.
 S. Gaugerici, *prope Cameracum.*
 S. Saluij, *prope Valentianas.*
 Crispinio, *Crespin*, in Hannonia.
 Foflas, *Fosse*, in d. Leodiensi.
 Marilias, *Maroilles*, in Hannonia.
 Hunulcurt, *Honnecourt*, in diocesi Camer.
 S. Seruatij, *S. Sernais*, à *Maestricht.*
 Malinas, *Malines*, ad Demeram.
 Ledi, *Lier*, in Brabantia ad Netam fl.
 Sunniacum, *Soignij*, in Hannonia.
 Antonium, *Antoin*, prope Tornacum.
 Condatum, *Condè*, in Hannonia.
 Merrebecchi, *Meerbeke*, prope Ninouiam.
 Tieluinni, *Dickeluenne*, prope Gerardi montem.
 Luitosa, *Lense*, in Hannonia.
 Calmontis, *Calmont*, in d. Leod.
 S. Mariæ in Deonant, *Dinant.*
 Echa, *Eyck*, prope Maseicam.
 Andana, *Andenne.*
 Wafloi, *Vafler* in Fania.
 Altum montem, *Hautmont.*
 Comitatum Texandrum, *Kempenlandt.*
 In Brachbanto Comitatus IV, *Brabant.*
 Cameracensium, *Pays de Cambresy.*
 Hanioum, *Hainau.*
 Lomensium, *vers Namur.*
 In Hasbanio Comitatus IV, *Hasbatgne.*

Masani superior de ista parte Mosæ, *Maeslandt*.

Masau subterior, quantum de ista parte est.

Liugas, quod de ista parte Mosæ est, & pertinet ad Vefatum. *Liege, Viset*.

Scarponnense, *Scarponne ad Mosellam in Losh*.

Viridunense, *Le Verdunois*.

Dulminse.

Arlon, in *Ducatu Luxemburg*.

Vaurense Comitatus II. *Terre de la Vaire, ad Carumfl*.

Mosminse, *Moufon*.

Castricium.

Condrust. *Condreux*.

De Arduenna sicut flumen Vrtā surgit inter Bisland & Tumbas, ac decurrit ex hac parte in Mosam: & sicut recta via ex hac parte Occidentis pergit in Bedensi, secundum quod Missi nostri rectius inuenerint.

Tullense. *Toul*.

Aliud Odornense, quod Termarus habuit.

Barrense, *Barrois*.

Portense, *Portian*.

Salmoringum, *Semurre in Ducatu Burg*.

Lugdunense, *Le Lionnoys*.

Viennense, *Le Viennois*.

Viuaras. *Viarez*.

Vectiam, *Vsez*.

De Frisia tertiam partem.

NOTATIONES.

HANC ipsam Diuisionem Aimoinus, Pithæus, & Sirmondus in Capitulis Caroli Calui recitāt. In ea quàm plurima erant menda seu vitia: ego remedium & lucem (quod à nemine hætenus præstitum) adferre conatus sum. Tu lector faue, & iqua.

IN PROCASPIDE.) Fortè legendum *In Proculspide*, hoc est

est, in promontoriolo seu lingua in Mosam prominente. Vt ut sit, locus, in quo Carolus & Ludouicus colloquium habuerunt, fuit inter Heristallum & Marsnam, in diocesi Leodiensi. Aimoinus lib. 5. cap. 25. *Carolus Pontigonem veniens Legatos accepit, nuntiantes ut ipse ad Heristallum veniret, & frater eius Hludonicus ad Marsnam venturus esset, & in medietate eorumdem locorum Kalendis Augusti colloquerentur.* Et post alia: Tandem V. Kalendas Augusti ad locum colloqui conuenerunt.

CAROLI XXXIII.) Legendum XXXI. ob causam superiore capite allegatam.

COL. STRATSBURCH.) In tota hac enumeratione nulla fit mentio Moguntiae, Spirae, & Vormatiae: eo quod illae ciuitates ad regnum Lotharii (cuius hic Diuisio proponitur) non pertinuissent, sed ad regnum Ludouici Transrhenani. Atque hi nimirum pagi fuerunt, qui propter vini copiam, Transrhenanis prouincijs adiecti sunt, cum Ludouici Pij filij, *Ludonicus, Carolus Caluus & Lotharius Imp. an. 843.* paternum imperium inter se diuiderent.

ABBATIA SVESTRE) vulgò *Susteren*. Susterense nobilium virginum Canoniarum collegium, in diocesi Leodicensi, & Ducatu Iuliacensi situm intellige: quod monasterium à S. Willibrordo Archiepiscopo Vltraie-tino inchoatum, *Suendeboldus* Lotharingiae Rex postea auxit, ampliterque dotauit, qui & ibidem sepultus iacet.

PRIMA loci Abbatisa fuit *B. Amelberga*: sub cuius disciplina enutritae fuerunt duae filiae eiusdem Regis Suendeboldi, *B. Benedilla* & *B. Cacia*, quae Amelbergae in praefectura ex ordine successerunt.

IN eadem ecclesia quiescunt SS. *Gregorius* & *S. Albericus* Vltraie-tenses Episcopi, itemque *B. Vastradis*, mater eiusdem Gregorij Episcopi. Horum corpora à diuersis Episcopis Leodiensibus è terra sunt eleuata, & in feretris decenter locata.

Sic ferè Ioannes Molanus, die 13. Augusti, ex vetusto codice Missali ac Matutinali Domicellarum seu Ca-

nonicarum Susterensium, in autographo Natalium Belgicorum, quod Louanij ms. adseruatur apud Zangrium Bibliopolam, quodque à me auctum & Notis illustratū spero typis aliquando edendum. Natales namque Sanctorum Belgij, qui nunc exstant, non ab ipso Molano, sed à Petro Louio, ex schedis Molani in ordinem sunt digesti atque editi, iussu *Henrici Cugny*, tunc Louanienſis Academiæ Cancellarij, poſt Ruremundenſis Episcopij, me Louanij in ſtudijs Theologicis tunc agente. Autographum verò, quod per iniquitatem temporum, ab obitu Molani, perierat ſeu latuerat, demum poſt editionem Louianam eſt inuentum.

BERCH.) Latine Mons S. Petri, aliàs Mons S. Odiliz ad Ruram fluuium, vno milliari à Ruremunda Geldriæ vrbe: quem locum *Pipinus Herſtallius* Francorum Dux S. Wironi Episcopo, ex Scotia ad prædicandum Euangelium, illius cui more, venienti dono dedit. Is cum socijs ſuis SS. Plechelmo, & Otgero, ibi monasterium ædificauit. Eundem locum poſtea, Normanis per Belgi- cam ſcruientibus, Canonici Ultraiectini incoluerunt, Lothario Rege fauente. Spectantur ibidem hodieque veteris monasterij rudera.

BALMA.) ſeu potiùs Palma, opidum eſt Comitatus Burgundiæ, decimo milliari à Veſontione ſitum, cuius hodie muris incluſum eſt vetuſtiſſimum cœnobium monialium Benedictinarum, *Baulme les Nonnes* nuncupatum. Cœnobium iſtud, viuente adhuc S. Deſiderato XI. Veſontionenſi Archiepiſcopo, ædificari cœptum legimus, perfectum deinde ab eius ſucceſſore S. Germano, ab eoque virginibus Deo ſacratjs attributum: à Vā- dalis poſtea euerſum, ac deinde circa an. 600. à Warnario, palatij Burgundici Comite, reedificatum & prouentibus auctum.

EXSTAT ibidem inſigne eiufdem Warnarij lapideum monumentum: cui inſculptum eſt Guntramni Regis ſomnium, quod Aimoinus lib. 3. cap. 3. narrat. Vide plura apud Chiffletium in Veſontione.

VOCATUR autem vulgò *Balma Nonnarum* seu monialium, ad discrimen faciendum à Balma monachorum ord. Cluniacensis Abbatia, in eodem Burgundiæ Comitatu.

OFFONIS VILLA) hodie *Vellefaux*: de quo loco sic in ms. Chronico S. Benigni Diuionensis, quod circa an. 1060. definit, legitur: *Burchardus Comes dedit locum, Offonis villa dictum, quondam nobilem Abbatiam, in honore S. Leodegarii consecratam.*

MEGENI monasterium) est, nisi fallor, *Moien Monstier*, Abbatia in Lotharingia. In Burgundiæ Comitatu, est Prioratus de *Mieges* in monte Iura.

ROMARI CI MONS) opidum & monasterium à S. Romarico, Auendi Comite, circa an. 638. fundatum: quod est hodie nobilium virginum Canoniarum collegium in Lotharingia.

GRANDIS VALLIS) *Grand Vaux*, olim Abbatia celebris in monte Iura, nunc Prioratus, cum Abbatia S. Claudij Iurensis vnitus.

ALTA PETRA) *Haulte Pierre*, Abbatia in Lotharingia: aut *Monsier Haulte pierre*, Prioratus ord. Cluniacensis in Burgundia.

IUSTINA) an castrum est in Burgundia, vulgò *Mons Jusfin*? an Prioratus ord. Cluniacensis, *Iusse* vel *Ioué*?

CASTELLVM CARNONIS) vulgò *Chastelchalon*, Abbatia monialium vetustissima, in opido eiusdem nominis apud Burgundos: vt me docuit. V. CL. Ioan. Iac. Chiffletius.

HERIBOPESHEIM) Abbatia, cuius infra fiet mentio in diplomate Ludouici Germaniæ Regis an. 908. dato.

HATTVARI) siue Attuarij ad Nerfā fl. habitabant: vt ex Chronico Laurishamensi, quod in tomis Rerum Germanicarum exstat, colligi datur. Nerfa autē, *Neers*, medio ferè itinere inter Rhenū, & Mosā, per Wachenduncā, Gelriā, Goch, aliāque ditionis Cluiensis opida lapsus, infra Gennapiā Mosā immergitur.

RIBVARI) seu potiùs Ripuarij ad Rurā in Annabibus Pithanis distinctè collocantur: suntque Iuliacenses

censes hodie cum accolis. Compiler Chronici Trudonensis, quod apud me ms. existat, part. 1. lib. 2. cap. 20. *Est autem Kibnaria terra victualibus abundans, sub qua Comitatus Iuliacensis, aliorumq; Principum fortalitia continentur.*

BEDAGOWA.) Id est Bidburgensis ager versus Meyen.

ALIVS est vicus Beda, Antonino notus in Itinerario, hodie *Budburg*, opidū Ducatus Luxemburgensis, inter Augustam Treuerorum & Aufanam vicum, nunc *Palleseheut*. Porro *Gouu* vel *Gau* idem est quod ager seu terra.

SARACHOWA) ager ad Saram seu Sarauum fluuium.

SELME) Salme Comitatus ad Saram fl.

ELISCHOWE) seu ELISGOW, id est, ager Elisatiz seu Alsatiz.

WARASCH) tractus Sequanorum seu Burgundionum, qui etiamnum dicitur Comitatus de *Vareseo*.

SCVDINGVM) hodie opidum Salinense, seu Salinarū, in Comitatu Burgundiæ. In ms. vita S. Anatholij, Salinensis ecclesiæ & vrbis patroni: *Vallis Romano itineri peruia, Scodinga in Sequanis, ubi nunc Salinarum locus.*

BASALCHOWA) Basileensis ager.

MOSELENSI) seu Mosellensi Comitatu, ad Mosellam fl. quem Aufonius iam olim accuratè descripsit.

RECTA VIA.) Id est, Via militaris Romana, quæ in pago Bedensi, nunc Ducatu Luxemburgensi, populariter *Herestrate* aut *Heydenstrate* nuncupatur. *Here* maioribus nostris idem quod exercitus. *Heyden* Latine sunt ethnici seu pagani: à quibus Vias militares ante Christum natum *stratas* vulgus credit.

Sequitur explicatio portionis, quæ Carolo Caluo cecissit.

LVG. VES. VIENNA.) Non fuerant hæ ciuitates in antiquo Lotharij regno, sed eidem postea ex Caroli fratris successione obtigerant.

MONTM FALCONIS.) an. *Mont Faulcon* vicus prope Vesontionem, ad gentem Nafsauiam spectans, à quo multæ toparchiæ dependent?

S. MICHAELIS) Abbatia in diœcesi, siue, vt Sigebertus in Chronico ad an. 667. loquitur, in *parochia Virdunensi*, supra Mosam, fundata à *Fulfoaldo Maiore domus Hildrici Regis*.

CYLDINI MONASTERIUM) an *Calmoussier*, vetus Canonicoꝝ collegium in Burgundia?

S. MARIAE IN BISONTIONE.) Iussanum monasterium in vrbe Bisontina intellige, quod primum fuit monialium. post monachorum Benedictinorum, nunc est Minorum ab an. 1607. vt Chiffletius in s. Donato xxv. Archiepiscopo Vesontionensi docet.

S. MARTINI IN EODEM LOCO.) Superest ecclesiola seu sacellum vetustissimum S. Martini, in claustro, vt loquuntur, S. Stephani Bisontini.

S. EUGENDI.) Ita legendum, non S. *Augenty*, Desig. S. *Glaude*. natur autem Abbatia Iurenfis, quæ nomen S. *Eugendi*, conditoris ac primi Abbatis, aliquot sæculis gessit, nunc S. *Claudy*, in diœcesi quidem Lugdunensi, sed in Comitatu Burgundiæ sita.

S. LAURENTII.) Vide, an noetur Prioratus Cluniacensis S. Laurentij de Rupe, in Comitatu Burgundiæ, S. *Laurent de la Roche*.

LAUBIAS.) Laubium, illustris monachorum Benedictinorum ad Sabim Abbatia, in diœcesi quidem Cameracensi, sed sub ditione politica Episcopi Leodicensis,

à *S. Landelino*, *S. Auberti Cameracensis Episcopi* discipulo circa an. 640. fundata.

S. GAUGERICI) monasterium, in honorem *S. Medardi Nouiomenfis* ac *Tornacensis Episcopi*, à *S. Gaugeric*o Cameracensi Episcopo, in vertice montis, prope muros illius vrbis circa an. 600. edificatum : vbi nunc arx Cameracensis, à *Carolo V. Imp.* excitata visitur. *Baldericum* in *Chron. Cameracensi* lib. 2. cap. 4. consule. *Gaugericianum* monasterium est nunc *Canonicorum collegium*, in *Cameracensi basilica S. Vedasti* residens.

S. SALVI) Prioratus vnicus ord. *Cluniacensis* in *Belgica* nostra, prope *Valentianas*, ad *Scaldim*, à *Carolo Magno Imp.* fundatus: qui diuinitus monitus *S. Saluij* Episcopi ac martyris corpus ibi inuenit, atq; inuentum honorifice sepeliuit : vt *Sigebertus* in *Chronico* an. 801. & *Baldericus* lib. 2. cap. 31. narrant.

CRISPINVM) seu potius *Crispinium*, *Abbatia Benedictinorum*, ad duorum riulorum confluentes à *S. Landelino*, (cuius ibidem corpus quiescit) circa an. 650. fundata. *Baldericus* lib. 2. cap. 41.

FOSSAS.) *Fossense monasterium S. Foillanus, Hibernus*, dono *S. Gertrudis virginis Ninell nris*, fundauit, vbi & quiescit: vt *Sigebertus* in *Chron.* an. 648. loquitur. *Eginhartus*, in *Hist. translationis SS. Marcellini & Petri*, vocat monasterium *Scottorum*: qualia olim multa *Scotti* siue *Hiberni* per *Germaniam* habuerunt.

MARILLAS) siue *Mareclias*. *Abbatia Benedictinorum* in *Hannonia* à *Choneberro*, pagi *Fanomartenfis* *Comite*, fundata, & à *S. Hunberto* siue *Humberto Abbate* dotata: de qua vide supra cap. 5.

HVNVLCVRT) *Hunulsi Curtis*, siue *Hunonis curia*, *Abbatia* in diocesi quidem *Cameracensi*, sed ditione *Regis Gallie* nunc sita, à viro illustri *Amalfrido*, eiusque coniuge *Childebertana*, pro sanctimonialibus fundata: quibus postea *Canonici*, ac demum *monachi Benedictini* successerunt.

S. SERVATII.) Ita legendum, non *S. Gernasy*. *Traiectense* ad

sead Mosam collegium Canonicorum S. Sernatij intellige: de quo Fastos & Annales nostros Belgicos vide.

MALINAS.) Baldericus in Chron. Cameracensi lib. 2. cap. 47. *Apud Maslinas monasterium est Canonicorum, ubi quiescit pretiosus Dei martyr Rumoldus, genere Sctorum qui vitam eremiticam ducens inibi martyrizatus est. Hoc autem monasterium ab antiquitate constructum, regalibus emolumentis maxime augmentatur.* Ex quibus verbis colligi videtur, ante tempora Notgeri Leodienfis Episcopi (qui an. 1007. obiit) Mechliniæ monasterium aliquod fuisse, ab Odone Comite fortassis inchoatum, quodque Notgerus postea prædijs ac præbendis XII. auxerit.

LEDO.) Liranum opidum ac collegium Canonicorum intellige à S. Gummaro seu Guntmaro fundatum: de quo sic Baldericus lib. cit. cap. 48. *Nec procul à Maslinis est monasterium Canonicorum, quod ex proprijs prædijs vir Dei Guntmarus, illustris laicus, struxit, ibique sepultus diem resurrectionis expectat.* Floruit is temporibus Pipini Frācorum Regis.

CETERVM LEDO & MALINA, vt rectè Molanus in Natalibus SS. Belgij 1. Julij. notauit, apud veteres accipiuntur pro maris recessu & accessu: vt in appendice ad tomū 3. Augustini, in lib. 1. De mirabilibus sacræ scripturæ, & alibi. Quibus adde quæ in vita S. Bonifacij Archiepiscopi Moguntini Willibaldus, ab Henrico Canisio editus, narrat: *In loco, inquit, ubi quondam pretiosus sancti martyris effusus est sanguis, cum consilio populi Frisonum, structura cuiusdam tumuli, propter immensas Ledonis ac Malinæ irruptiones, quæ diuerso inter se ordine, maris aestu, Oceanique recurso, sed & aquarum diminutione, infusioneque commouentur, ab imo in excelsum usque construeretur, &c.*

A maris certè fluxu Malinam & Liram seu Ledonem sua nomina accepisse, in s. s. Rumoldi & Gummari historijs ms. legitur.

SUNNIACVM) seu potius Sunniacum, Soignij, Hannoniæ opidum: quod Baldericus lib. 2. cap. 46. *Sungeias* nūcupat: hodie *Sonegias* dicimus. Est in eo opido illustre Canonicorum collegium, quod fundatoris sui S. Vin-

centij Comititis eiusque filij *S. Landrici Meldenfis* Episcopi corpora adseruat.

ANTONIUM) *Antoin*, vicum cum vetusto collegio Canoniorum, ad Scaldim, prope Tornacum.

Condè.

CONDATVM.) Hannoniæ opidum, ad Scaldis & Hainnæ confluentes, olim regalis & dines Abbatia puellarum, nunc monasterium paucorum Canoniorum. Vbi *S. Walfulfus*, genere Scotus, cursu peregrinationis consummato sepultus, in pace obdormiuit: vt *Baldericus* cap. 42. loquitur.

MERREBECCHI) *Merbeca*, vulgò *Meerbeke*, municipiū haut procul à *Ninouia* Flandriæ opido: in quo *Odelardus* Comes, eiusque coniux *Nona*, *S. Amandi* Tungrensis Episcopi soror monasterium ædificarunt, quod est hodie collegium IV. Canoniorum, & quinque Sacellanos. Factos nostros Belgicos 3. Febr. consule.

TICLIVINI.) *Dickluenne*, vicus prope Gerardi montem in Flandria: de quo vide *Origines* nostras *Benedictinas*, vbi de Gerardi-montana Abbatia agitur.

Lense.

LUTOSA) seu potiùs *Lutosa*, Hannoniæ opidum, cum monasterio Canoniorum, quod construxit *B. Amandus*: & est dines Abbatia, vbi vir Dei *Badilo* requiescit, qui corpus *S. Mariæ Magdalene de Hiernsalem* in Burgundiam, in loco *Verceliaco* attulisse fertur: vt *Baldericus* cap. 43. loquitur.

Dinant.

S. MARIAE IN DEONANT) Seu *Dionanto* opido ad Mosam, quod *S. Monulpheus* Tungrensis Episcopus circa an. 590. Ecclesiæ suæ dedit, quodque etiamnum *Leodicensis* ecclesia possidet.

Eike.

ECHA.) *Eike*, vicus ad Mosam, in quo *Adelardus* eiusque vxor *Grinnara* monasterium puellarum circa an. 730. construxerunt. Sanctimonialibus postea Canonici sunt suffecti, qui inde ad opidum vicinum *Maesfike* an. 1571. migrarunt: vide Factos nostros 2. Octobris.

Maesfike.

Andenne.

ANDANA) siue *Andenna*, vicus ad Mosam iuxta Namurcum & Huium, in quo *S. Begga*, *Ansigisi vidua*, se & suo

sua Deo mancipans an.686.vt Sigebertus testatur, monasterium adificauit, quod hodie est nobilium Canoniarum collegium.

WASLOT) seu potius wasserum, monasterium à S. Landelino fundatum: cuius templum an.844. Theodericus Cameracensis Episcopus dedicauit, petente Hariberto Abbate: vt Baldericus lib.1.cap.41.& lib.2. cap.3. testatur. Monasterium istud, à Wassero riuo sic dictum, in filua Fania situm erat, nunc prorsus dirutum.

ALTUS MONS) est hodie Benedictinorum Abbatia ad Sabim, haut procul à Melbodio Hannoniæ opido, à S. Vincentio Comite, qui & Sonegiense monasterium cōdidit, fundata. Vide Baldericnm lib.2.cap.35.

TEXANDRVM) siue Taxandrum Comitatum hodie *Kempenslandt*, supra cap.8. pro parte explicatum inuenies in Testamento S.Willibrordi.

IN BRACBANTO) Comitatus seu districtus olim quatuor fuisse, qui tamē in hac Diuisione non enumerantur. Quod nota contra Lipsium & alios, qui ex subiuncto *Lomensi* pago seu Comitatu *Louensem* seu Louaniensem fabricare conantur. Brachbantum porrò olim ab Alostro Tornacum vsque, imò ultra Condatum extendebatur.

SIC & IN HASBANIO, seu Hasbania, Gallis *Hasbay*, Teutonis *Haspengouu*, olim quattuor Comitatus fuisse. Inter veteres Hasbania Comites laudatur ROBERTVS, Lamberti filius, qui monasterio S.Trudonis *Halen, Velpen, Merhout*, & alias aliquot villas dono dedit, anno quinto post obitum Theoderici Francorū II. Regis: vt in ms. Chronico Trudonensi legitur.

HANIOVM) nunc Hannonia, *Hainan* siue *Hainon*, sic dicta ab Haina fluuio, qui mediam regionem intersectat. Teutonis *Hlenegau*, siue *Hainegouu*, id estager *Hainz* adiacens.

LOMENSIS) seu Lomacensis pagus hodie est pars magna Comitatus Namurcentis. In hoc pago situm est *Bronium*, Abbatia à S. Gerardo fundata, & *Fosse*, opidum: ac monasterium à S. Foillano fundatum: vt ex Ludouici

Germuniz Regis & Henrici Aucupis diplomatibus, infra recitandis, datur intelligi.

LIVGAS) vulgò *Li g*, medij xui scriptores *Leodicum* vocant. Ioannes Papa X. in epistola ad Carolum Regem vocat *Legiam*. Cui conformis est sigilli publici inscriptio: LEGIA SANCTAE ROMANAE ECCLESIAE FILIA. In Capitulis Caroli Calui ad an. 854. tit. 14. vocatur *Leudica*, hodie *Leodium*, Episcoporum sedes, amantissimo loco ad Mosam.

SCARPONINSE) seu potius Scarponnense. Scarponna nota est Antonino in Itinerario & in Tabula Peutingeriana: nunc vicus *Sanponne* inter Tullum & Metas.

VIRIDVNM) Antonino Virodunum, nunc Viridunum, Mosæ adiacet.

ARLON) Antonino in Itinerario *Orlonaunus vicus*, hodie opidum Ducatus Luxeburgensis, ex quo nonnulli *Aram Luna* effingunt.

MOSMENSE) Id est ager Mosomensis. Mosomum hodie opidum est ad Mosam, in quo Synodum olim habitam Flodoardus, & Annales Pithæani tradunt.

CONDVST) Condruſos Caesar & alij veteres memorant: & nomen hodieque retinent in ditione Leodicensi, prope Huium opidum.

CETERVM S. GREGORII monasterium ad Ludouici portionem pertinens, de quo supra pag. 79. hodie Petri Domus *Peterſ-hausen* nuncupatur. Quod ex Hermanni Contracti Chron. per Henr. Canisium edito d' d'ici, in quo sic legitur: Anno 979. *Constantia Gamenolfus Episcopus abijt, eiſq; Gebhardus Praesul succedens 16. annis ecclesiam rexit, qui basilicam S. Gregorij in ripa Rheni, Abbatiamq; ex suis praedijs construxit, qua iam dicitur Petri Domus, Construxit, inquam, seu potius ab alijs inchoatam Abbatiam auxit & perfecit.*

HORREVM) celebre virginum apud Treueros coenobium Dagobertus Galliae Rex fundavit ac dotavit: cui loco prima Abbatissa praefuit S. *Irmina*, eiusdem Regis filia: vide supra pag. 34.

CAPVT XXI.

*Testamentum S. Euerardi Comitis (qui
fundauit Abbatiam Cisoniensem,
Canonicorum regularium in
diœcesi Tornacensi) anno
937. conditum.*



GOEVERARDVS Comes, cum coniuge mea
GISLA, decreui qualiter nostri infantes,
quandoque post obitum nostrum, prædiũ
nostrum inter se, absque aliquo impedi-
mento vel animositatis iurgio, à nobis di-
uisum rationabili executione particulatim
cum mancipijs cæterisque mobilibus, quæ ad nos per-
tinere videntur, potestate habita deinceps obtinere de-
beant.

Primogenitus namque noster VNROCH volumus vt
habeat quidquid in *Langobardia*, & in *Alamannia* de
proprietate habere videmur, cum omnibus quæ ad ip-
sam proprietatẽ pertinere videntur, vt supra diximus,
tam in *Langobardia*, quàm in *Alamannia*, præter *Bal-
guinet*, & ea quæ ad eam pertinere videntur.

SECUNDVS quoque BERENGARIVS volumus vt habeat
cortem in *Anaspi*, cum his omnibus, quæ ibi pertinere
videntur, præter *Grecinam*, & cortem nostram *Hildi-
dam* in *Hasbanio*, cum omnibus quæ adiacent ei, &
quod habere videmur in pago *Condiestrim* volumus, vt
habeat.

TERTIVS ADALARDVS volumus vt habeat cor-
tem nostram in *Cisonio*, & *Cantinium*, cum om-
nibus

nibus quæ ad ipsam ecclesiam in supradictò loco Cifonio, pertinere disposui, in tali tenore vt ipsam ecclesiam eo ordine, quo ego constitui semper custodiat, & nihil auferri de ijs quæ ei dedi permittat, per se aut per quemcumque, & *Summinium* cortem nostram.

QUARTVS RODVLPHVS volumus vt habeat *Vurei, Vuia, Mejncha*, cum omnibus supradictis locis, quæ pertinet præter ecclesiam *Vury*, quam ad ecclesiam nostram cū omnibus quæ pertinent in *Cifonio* pertinere censui. Et volumus vt habeat quod in *Scelleburd* habere videmur, quod *Matrid* dudum habuit, & omnes res nostras quæ coniacent in *Comitatu Tassandrio*. Ita hanc diuisionem peragere volumus, vt si minus *Adalardus* aut *Rodulphus* de manfibus habuerint quam *Berengarius*, de *Anaspio* adæquare, inter eos cum mancipijs quæ supersedent debeant.

Hæc diuifio omni modo inter eos vt ita permaneat, volumus, excepto si aliquis Rex Langobardorum, vel Francorum, vel etiam Alemannorum, quod esset, & fieri non credo, alicui eorum de supradictis Germanis suam proprietatem ita à nobis diuisam per violentiam sine causa abstulerit, tunc volumus quod residuum fuerit, vt conuenientes in vnum æqualiter inter eos diuidant illud.

DE filiabus verò nostris volumus vt *INGELTRVD* habeat *Ermen* & *Marefsem*: *IVDITU* verò volumus vt habeat *Balgingam*, & curtem nostram in pago *Moila*, quæ vocatur *Heliffem*. *HEILVINCH* verò volumus vt habeat *Hofrenheim* & *Luisinga*, & *VVendossa*, & vnum mansum in *Engerefsem*.

TALEM autem legem de supradictis rebus esse censemus, vt si quisquæ eorum aduersus alium aliter contentiose surrexerit, præter quod nos inde ordinauimus aut in publico placito citatio mallauerit, præsumptor ille, quia contra nostram voluntatem ire ausus fuerit, componat, cui calumniatus fuerit, auri libras mille.

De paramento autem nostro volumus vt habeat primogenitus noster *VNROCH* spatam vnā, cum aureis hilcis

hileis & cuspidē aurea, & Faculum vnum de auro & gemmis, Spourones duos de auro & gemmis, vestitum vnum de auro paratum, Mantellum vnum de auro paratum, cum fibula aurea, & alteram spatam volumus vt habeat, Vrceū cum aqua, Manile argenteum vnum, ciphum aureum vnum, ciphos eburneos duos, Bruniam vnam, Helmum vnum, & Manicam vnam ad ipsum opus, Bembergas duas, Mortariolum argenteum vnum, cum pistillo. De paramento verò Capellæ nostræ Ciborem cum Cruce aurea, & capsula aurea, & Calicem aureum cum patena, Coronam auream cum ligno Domini, Crucem auream cum cristallo super ciborem, Planetas duas, vnam auro paratam, alteram de cendalo, Dalmaticam auro paratam, tres pannos super altare auro paratos, duo Phylacteria in cruce pendentia, Euangelium de auro paratum, Sia aurea, Armillas duas auro paratas, Missale cum auro & argento paratum, lectionarium similiter, Vrceum cum aqua, Manile argenteum vnum, Thurbulum argenteum vnum, Pipam auream vnam, Tabulas eburneas auro paratas, Pectem verò auro paratum vnum, Flauellum argenteum vnum, Capsellam eburneam vnā, Candelabra argentea duo: hæc volumus vt supradictus filius noster primogenitus habeat.

SECUNDVS BERENGARIVS volumus vt habeat Spatas duas, vnam cum hileis argenteis, & aureis simul, Faculum de argento & auro vnū, Baltheos aureos cū gemmis duos, Spourones aureos duos, Vestitū auro paratū vnum, alterum Faculum cum gemmis aureum, Ciphos cum cornu, & argento cum auro, duos, Scutellas argenteas duas, Cochlearia argentea duo, Bruniam vnam, Helmum vnum, Manicam vnam. De paramento Capellæ nostræ, Altare argento paratum vnum, Calicem eburneum cum patena atiro paratum vnum, Capsam eburneam auro paratam vnam, Phylacteriū de cristallo cum auro paratum vnum, Euangelium eburneum vnum, Lectionarium simile paratum, Missale simile, Commentarium simile, Antiphonarium simile, Smaragdum

ragdum simile paratum, Thuribulum argenteum vnum, Planetas duas, vnam variatam, alteram de cendalo, Dalmaticam variatam vnam sericam, simile pallium super altare vnum, Tabulas ad canendum auro & argento paratas: hæc volumus vt secundus *Berengarius* habeat.

TERTIVS ADALARDVS volumus vt habeat Spatas duas, vnam cum hilcis eburneis & aureis, Facilum simile, & balteum eburneum, & aureum, alterum Facilum aureum, & balteos aureos duos cum gemmis, Vas ad bibendum marmoreum vnum, cum argento & auro paratum, Garalem argenteum vnum, Ciphum argenteum vnum, Pallia duo, Garales argenteos cum binis cochlearijs duos. Bruniam vnā, & Helnum cum Halsberga & Manicam vnam, Bemiuergas duas. De paramento Capellæ nostræ, Altare de cristallo & argento paratum vnum, Capsam cristallo & auro paratam vnam, Calicem vitreum auro paratum vnum, Calicem argenteum cum patena, Euangelium argento paratum vnum, Planetam diploidam vnam, de cendalo vnam, Dalmaticam vnam, Sericam vnam, Pannum super altare vnum, Filacterium vnum, in quo reliquiæ S. Remigij: hæc volumus vt tertius *Adalardus* habeat.

QUARTVS RODVLPHVS volumus vt habeat Spatas tres, Mancofos centum, balteum vnum, Garales argenteos duos, Cochlearia tria, Bruniam vnam, Manicas duas, de paramento Capellæ nostræ Busteam cristallinam cum Reliquijs, Filacterium de almandinis & cristallo paratum vnum, Filacterium argenteum vnum, Calicem de nuce & argento & auro paratum vnum, Calicem argenteum cum patena, Planetas duas, Pannum vnum super altare: hæc volumus vt *Rodolphus* habeat.

ENGELTRVD filia nostra volumus vt habeat scutellam argenteam vnam, & pallium vnum. IVDITH vt habeat scutellam argenteam vnam, & pallium vnum. HEILWICK volumus vt habeat argenteum vas vnum, & pallium vnum, quibus singulis, ne de Capellæ nostræ
exor-

exortes esse viderentur benedictione, dedimus singula
Filacteria de auro parata.

De libris etiam Capellæ nostræ distributionem inter eos
facere volumus. In primis volumus, vt *Vnroch* habeat
Psalterium nostrum duplum, & Bibliothecam nostram
& librū S. Augustini De verbis Domini, & librū De le-
ge Francorum, & Ripuariorum & Langobardorum, &
Alamanorum, & Bauariorum, & librum rei militaris,
& librum De diuersis sermonibus, qui incipit de Elia &
Achab, & librum De vtilitate pœnitentiæ, & librum De
constitutionibus Principum, & Ediētis Imperatorum,
& Synonima Isidori, & librum De quattuor virtutibus,
& Euangelium & librum bestiarum, & Cosmographiā
Ethici Philosophi.

BERENGARIVS aliud Psalterium volumus vt habeat,
cum auro scriptum, & librum De ciuitate Dei S. Augu-
stini, & De verbis Domini, & Gesta Pontificum Roma-
norum, & Gesta Francorum, & librum Isidori, Ful-
gentij, Martini, Episcoporum, & librum Ephrem, Sy-
nonima Isidori, & librum Glossarum, & explanationis,
& dierum.

ADALARDVS tertium Psalterium volumus vt habeat,
quod ad nostrum opus habuimus, & expositionem su-
per epistolas Pauli, & librum S. Augustini De verbis
Domini, & super Ezechielem Prophetam, & Lectio-
narium de Epistolis & Euangelij cum auro scriptum,
& vitam S. Martini, & librum Aniani, & volumen sep-
tem librorum magni Ozozij Pauli, & librum S. Augu-
stini, Hieronymi presbyteri. de hoc quod Iacobus ait:
Qui totam legem seruauit, & in vno offenderit, factus est
omnium reus.

RODVLPHVS volumus vt habeat Psalterium cum sua
expositione, quem GISLA ad suum vsum habuit, &
Smaragdum, & Collectaneum, & Fulgentium, & Mis-
sile cottidianum, quod semper in nostra Capella ha-
buimus, & vitam S. Martini, & Phylonomiam Lopi Me-
dici, & ordinem priorum Principum.

Primogenita etiam filia mea ENGELTRVD volumus

vt habeat librum qui vocatur Vitas patrum, & librum qui appellatur Liber de doctrina S. Basilidis, & Apollonium, & Synonima Isidori.

IVDITH volumus vt habeat Missale vnum, & librum vnum, qui incipit à sermone S. Augustini De ebrietate, & legem Langobardorum, & librum Alquini ad Widonem Comitem.

HEILWICH volumus vt habeat Missale vnum, & Passionalem & librum orationum cum Psalmis, & libellum de orationibus.

GRSLA volumus vt habeat librum de quattuor virtutibus, & Enchiridium S. Augustini.

Hæc omnia, vt supra diximus, post quandoque obitum nostrum, vt inter eos ita diuisa permaneant, absque impedimento, volumus: ab hodierno verò die (quod nunc ita præordinauimus) quidquid de mobilibus cuiuscumque rei deinceps, si vitam & sanitatem Omnipotens desuper nobis concesserit, acquisiuerimus, si aliter ante obitum nostrum non ordinauerimus, siue in laboratione, seu in peculio, in prædictis, quas inter eos diuisimus rebus, seu beneficijs nostris, quæ habere videmur, volumus vt super omnia medietatem VNROCH filius noster, & ceteri nostri fideles, qui interfuerunt, quando hæc ita disposuimus, post nostrum obitum, pro salute animæ nostræ distribuunt, tam in Francia quam in Langobardia vel Alemaniam, siue in proprio siue in beneficio, vt supra diximus.

SERVOS autem nostros, quantos nobis placuerit in suprædictis locis dimittere liberos de nostro prædio, tam in Francia, quam in Langobardia seu in Alemaniam, volumus vt liberi sint, vel cuiuscumque illorum de loco in locum, dum aduixerimus, voluerimus dare aliquem, in nostra seruamus potestate. Similiter de nostra familia, qui non de prædio nostro sunt, sed forinsecus acquisiuiimus, volumus vt cuiuscumque donauerimus eos de nostris infantibus, absque contentione ceterorum donati sint.

Hæc

Hæc super omnia, sicut iam diximus vt ita permaneant. volumus. Ego in Dei nomine EVERARDVS Comes cum coniuge GISLA huius testamentum diuisionis fieri inter infantes nostros institui, quorum hæc sunt nomina, VNROCH, BERENGARIVS, ADALARDVS, RODVLPHVS, ENGELTRVD, IVDITH, HEILVVICH, coram fidelibus nostris qui interfuerunt: quorum nomina hæc.

Adalroch nepos noster.

VVellebertus presbyter.

VVerinbertus, Lanfridus, Drumar,

Vro, Diso, Engelhad,

Heribert, Orpert, Fredeco.

ACTVM in Comitatu *Tarnisiano* in corte nostra *Mu- An. 837.*
sesiro, imperante Domino Ludouico Augusto, anno regni eius, Christo propitio, vicesimo quarto.

NOTATIONES.

SEVERARDVS Comes seu Marchio potentissimus vxorem habuit GISLAM, Ludouici Pij filiam, & Caroli Calui Imp. sororem: ex qua plures vt riusque sexus liberos sustulit. Possedit autem prædia amplissima varijs in locis, vt in Longobardia, Comitatu Taruisino, Alemannia, Hasbania, Taxandria, Condruccio, Austrouandia, Cisonio, Vitriaco, & alibi: vt ex Testamenti tabulis iam à me recitatis, quarum autographum in Cisoniensi Abbatia hodieque adseruatur, constat.

CETERVM in Cisoniensi monasterio RAINARDVS Remensis Archiepiscopus an. 1129. ordinem Canonikum instituit, *Angelone* primo Abbate regulari ibidem collocato, cum antea Hermannus cognomento Insulanus, Præpositus & Thesaurarius Cisoniensis, loco cecidisset.

De hoc ipso monasterio Cisoniensi deque S. Eudardo

Euerardus. rardo Flodoardus lib.4.cap.1.in Historia Remensi ista tradit: *Formoso Papa Fulco Remensis Archiepiscopus litteras mittens, adnotat qualiter Euerardus Marchio S. Calixti Papa & martyris venerabile corpus à Romana Sede impertraxerit, atque in eius honore monasterium in pradio suo constituerit. Quod pradium post eius obitum, ad filium ipsius Rodulfum Abbatem hereditario iure deuenerit; qui res ipsas, simul cum memorati martyris gleba, uita sua diebus absque ulla contradictione tenuerit, & de saculo migraturus easdem res, cum monasterio, & corpore sacro, Remensi S. Dei genitricis ecclesia delegauerit, eandemq; rerum suarum heredem instituerit.*

Hucboldus. Tunc uero Hucboldus quidam, sororis huius Rodulfi maritus, munus eiusdem Abbatis calumniabatur, & ab ecclesia Dei genitricis iure conabatur auferre. Proinde precatur, ut quid sibi sit in talibus agendum, suis cum sacris in-servuat litteris, & harum collationem rerum aeterna stabilitate corroboraret, atque contradicentes digna excommunicationis ultione percellat.

OBIT autem S. Euerardus in Italia, indeque corpus eius Cifonium est aduectum, per VNROCHVM filium primogenitum: ubi festo ritu quotannis die 16. Decembris colitur: ut in Fastis nostris Belgicis disseruimus.

CETERVM, quod hactenus à nemine notatum, filius secundò genitus S. Euerardi BERENGARIUS, cuius supra in testamento fit mentio, postea Rex Italiae ac demum Imperator fuit.

ANASPIS) hodie vicus *Anappe*, ad gentem Roblesiam pertinens, in Castellania Insulensi apud Flandros: quem vicum Albertus Pius, Belgarum Princeps, titulo Comitatus decorauit.

CONDRIESTRIM) pagus Condruforum, *Condros* de quibus supra cap. 20.

CANFINIVM) *Canfin*: SYMMINIVM, *Summin* vici sunt Cifonio vicini.

VITREI) Latine Victoriacum, *Vitry* inter Atrebatum & Duacum, vicus ad Episcopum Atrebatensem spectans.

SCELLEVRT) vicus vicinus Comitatu Taxandrie: vt ex subiunctis Testamenti verbis liquet. Forte *Saelle*, prope Antuerpiam, aut alius vicus illo in tractu, ad Scaldum fl.

HELISSEM) Est hoc nomine Abbatia ord. Præmonstratensis, apud Thenas Hasbanie Brabantinæ opidum: quæ an hic designetur, dubito. Hoc constat, S. Euerardum illo in tractu, hoc est, in Hasbania prædia nō pauca possedisse.

PLACITO ET MALLAVERIT.) Placitum & Mallum pro eodem apud mediæ æui scriptores vsurpantur. Vitus Amerpachius in Notis ad constitutiones Caroli Magni per Lotharium Imp. eius nepotem editas, ait in Legibus Longobardicis persæpe viramque vocem coniungi, expositionis causa: & Mallum esse vocem origine Germanicam. Nam locum indictum vel designatum Germani vocant *ein Mal* vel *Malstat*: vnde aucupes quibusdam in locis dicunt *Malen*, hoc est, notare locum.

Ob hanc coniunctionem idem Amerpachius suspicatur & nomen Placiti esse Germanicum, & deductum à *Platz*, quod significat locum vel aream. Inuenitur vtrumque vocabulum etiam coniunctum in Capitularibus Caroli Magni, nominatim in cap. cuius inscriptio est: Quæ ad *Ninmaczd*, cap. 17. hæc leguntur: Vt nullus ad mallum vel ad placitum infra patriam arma portet, id est, scutum & lanceam.

SPATA) id est, Gladius. Hinc apud Hispanos est ordo Equitum S. Iacobi de Spata, qui pro tessera gladii insignis, pectori affixum, gestant.

SPOVRONES.) id est, Calcaria, Teutonice *Sporen* Gallice *Esprons*.

BRVNIA.) id est, Lorica, Gallis *Quirasse*.

HELMVM) significat Galeam, *Helm*, *Heaulme*.

BEMBARGAS.) id est, Tibialia ferrea.

PIPA AVREA,) id est, Canula, ad sumentum seu hauriendum sacrosanctum Domini sanguinem ex calice benedicto, more veteris Ecclesiæ. Baronium

nium in Annalibus consule.

FLAVELLVM) seu potius Flabellum, ad muscas ar-
cendas aut ad calorem minuendum

FACILVM) pugionem, *Posnart*, interpretantur.

PHYLACTERIVM) Gallis *Reliquaire*, capsula Sancto-
rum ossa seu reliquias continens. Quo sensu etiam v-
surpatur à Balderico in Chron. Cameracensi.

CENDALVM) *Taffetas*, aut quid simile. Sic Auriflam-
ma vexillum fuit ex cendalo.

GARALES) cum Cochlearibus, in contextu Testa-
menti, ferè iunguntur. Itaque Garalis videtur patel-
lam *Esquelle* significare. Hispanis hinc fortasse *larro*
de agua.

HALSBERGA) fortè, colli tegumentum, voculo Teu-
tonico, *Haubert*, veteri lingua Francica, idem quod
Quirasse. Sic Bemberga seu Beinberga significat tegu-
mentum tibiæ, voce, nisi fallor, Germanica. Ut ut sit,
constat S. Euerardi auctore, non solum in Germania no-
stra inferiore, sed etiam in Gallia, & Insubria, quam
Langobardi occupant, linguam Germanicam in usu
fuisse. Vide Nithardi historiam lib. 3.

BVSTEA) Gallis *Boiste* vel *Boite* Latine arcula.

CAP.

CAPVT XXII.

Carolus Caluus Imp. prædia Abbatia Hasnoniensis anno 877. confirmat.

IN nomine sanctæ & indiuiduæ Trinitatis, CAROLVS misericordia Dei Imperator Augustus. Si seruorum Dei vtilitatibus subueniendo conferimus, profuturum nobis hoc ad æternam beatitudinem fore, nullo modo ambigimus.

QVAPROPTER noherit omnium sanctæ Dei Ecclesiæ fidelium, nostrorumque tam præsentium, quàm & futurorum industria, quoniam fratrum & sororum necessitatibus in cœnobio HASNON nuncupato, videlicet sito in Comitatu Atrebatensi, in pago OSTREBANTO, super fluuium *Scarpin*, sub tutela S. Petri Apostolorum principis, Deo militantium subuenire cupientes, eorū indigentijs per ERMENTRYDEM, filiam nostram, Abbatissim, patefactis, decernimus, per eiusdem Ermentrudis deprecationem, nostræ Altitudinis præcepta eis confirmari, quatenus per nostram munificentiam ad augmentum & vtilitatem eorum ea perpetualiter possideant, quæ inferius descripta habentur. Concedimus igitur memorato cœnobio infra ipsum monasterium mansos duos, & cambas duas, siluamque vnam, & insuper etiam de silua Abbatis, vnde possint sexaginta porci saginari, nec non & in prædicto pago villam *Azinum*, Scaldim.

cum omni integritate, exceptis tribus mansis, denique in ipso pago *Azinium*, quod est super fluvium *Scaldim*, cum omni integritate, exceptis mansis quinque & molendinis duobus, cum camba vna & pratis duobus.

VVancercin ad Scaldim. PARI tenore largimur in præfato pago *Ostrebanto*, villam *VVancercium*, cum omni integritate, nec non in ipso pago in *Scaldino*, dedimus eis octo mansos. De ipsis quoque tenet per nostram iussionem *Gouannus*, quattuor, deprecante præfata Abbatisa, quamdiu vixerit; postea verò recipiuntur ad opus fratrum.

Tartenois vers Noyon. Velle. De cetero in Comitatu *Tardanensi* villam *Auciacum*, situm super fluvium *VVellula*, cum mansis vndecim, nec non & de omnibus villis totius Abbatie omnē decimam pleniter statuimus largiendam, & si non suffecerit ad vsus fratrum seu sororum, ex cuncta necessaria suppleantur. Et ut hoc per omnia tempora inuiolabiliter permaneat, manu propria subscribi firmamus, & annuli nostri impressione insigniri iussimus.

SIGNVM CAROLI gloriosissimi Imp. Augusti.

An. 877. ODACRVS Notarius, ad vicē Gofelini, recognouit & subscripsit. Datum V. Idus Iulij, Indictione X. anno tricesimo octauo regni D. CAROLI Regis in Francia, & Imperij eius secundo. Actum Carisiaco palatio Imperiali, in Dei nomine feliciter, Amen.

NOTATIONES.

DIPLOMATIS huius meminit Meierus, in rebus an.878.gestis.Fuit autem HASNONIVM olim vtriusque sexus monasterium, à viro nobili Iohanne,eiusque sorore Eulalia an.670.fundatum & à Vindiciano Episcopo Cameracensi in honorem S.Petri dicatum Hodie est illustris monachorum Benedictinorum Abbatia,ad Scarpum fl.in diœcesi Atrebatensi sita.De qua fuscè egimus in Originibus nostris Benedictinis.

OSTREBANTI) seu Ostrouandiæ Comitatus,olim sub Comitatu Atrebatensi (in qua diœcesi etiamnum est) nunc sub Hannoniæ Comitatu comprehenditur.Ostrouandiæ caput est hodie Buccinium, *Bouchain*, opidum ad Scaldim.Olim & Duacum fuit in Ostrouandiæ Comitatu.

ERMENTRVDIS) fuit soror Iudithæ,Balduino Ferreo, Flandriæ Comiti nuptæ:de qua vide supra cap.17.

CARISIACVS) seu Carisiacum palatium.hodie Cresfiacum ad Isaram fluuium,*Cressy sur Oise*. Synodi apud Carisiacum plurimæ olim habitæ fuerunt.

C A P V T XXIII.

*Ludovicus Germaniæ Rex Theode-
rico Comiti donat VVasdam, id
est, VVasiam.*

IN nomine sanctæ & indiuiduæ Trinitatis. LOTHO-
WICVS Dei gratia Rex.

NOTVM sit omnibus fidelibus nostris tam præ-
sentibus quàm futuris, quòd dilecta coniux nostra
HEMMA Regina, adiens nostræ Celsitudinis præsentiam
humiliter deprecata est, vt cuidam nostro fideli, scili-
cet THEODRICO Comiti forestum *VVasla*, in eodem Co-
mitatu, cum pratis, aquis, terrisq̃ue aratorijs, exitibus
& regressibus, cumq̃ue rebus pertinentibus ad prædi-
ctum forestum per integrè nostro daremus præcepto.

Cvius petitionibus (prout dignum est) fauentes præ-
dicto Comiti prædictum damus atque largimur fore-
stum, vt habeat teneat, possideat, cum suis ad se perti-
nentijs, tam ipse quàm sui heredes, seu cui ipse suiq̃ue
heredes vendere vel mancipare voluerint, sine omni
contradictione.

Et vt firmius maneat inconuulsumq̃ue seruetur,
hoc ei præceptum fieri iussimus, & manu propria sub-
terfirmantes, sigillo nostro iussimus sigillari.

SIGNVM domini LOTHOWICI gloriosissimi Regis.

*Orkildrici
alias.*

An. 868.

GEZO Cancellarius ad vicem Domini Vthelrici
Archiepiscopi summiq̃ue Cancellarij recognouit &
subscripsit. Datum anno Domini DCCCLXVIII. Idus
Aprilis,

Aprilis,regnante Domino LOTHOWICO anno XIV.Indictione.XIV.

NOTATIONES.

WASDA,hodie Wasia,non Zelandia , neque Zelandiæ pars Walachria.

IANVS Doufa,lib.5. Annalium Holladiæ, suspicatur, *Theodericum* Comitem, ad quem ista Ludouici Germaniæ Regis liberalitas pertinuerit, fuisse auum *Theoderici* I. Hollandiæ Comitis, & patrem *Gerolphi*, qui eiusdem *Theoderici* Primi pater fuerit. Atque id quidem ex Reginone colligi posse videtur, qui an.885. *Gerolfum* & *Gardolfum*, Frisonum Comites, à *Godefrido* Normannorum Rege Legatos ad Imperatorem missos, & an.898. *Eberhardum* Ducem à *Wualgerio* seu *Wualgero* Frisone, *Gerolphi* filio, in venatione per fraudem trucidatum fuisse scribit. Quem eundem esse cum *Wualgero*, *Theoderici* I. Hollandiæ Comitis fratre idem Doufa censet.

THEODERICVS autem. *Gerolphi* pater, nisi coniectura me fallit, fuit Ludouico Balbo, Caroli Calui filio, Cubicularius; ipsique idem Balbus Comitatum Augustidunensem supremis tabulis an.879. legauit: vt apud Aimoinum. lib.5. cap.39. legitur.

WALGERVM istum Doufa & alij, Teisterbantiz Comitem nuncupant.

CETERVM istud Ludouici diploma mihi suspectum est, quòd ipsi titulus Augusti aut Imperatoris non tribuatur.

C A P V T XXIV.

Arnulphus Imp. Gerolfo Comiti, Theoderici I. Hollandia Comititis parenti, varia pradia confert, an.

889.

IN nomine sanctæ & indiuiduæ Trinitatis. ARNVLPHVS Rex diuina fauente gratia. NOTVM esse volumus omnibus sanctæ Dei Ecclesiæ fidelibusque nostris, præsentibus scilicet & futuris, qualiter quidam fidelis & venerabilis Comes noster, nomine GEROLFVS mansuetudinem nostram deprecatus est, vt ei quasdam res iuris nostri in proprium concederemus.

CVIVS petitioni libenter annuentes, ita fieri decreuimus. Dedimus namque ei inter *Rhenum* & *Swithardes-Hage*, in Comitatu ipsius, in locis *Northa* & *Ospretsheim*, nominatis, siluam vnam & terram arabilem vnam, & in loco qui dicitur *Bodokenlo* hobam vnam, in *Alburch* quoque hobas duas, & in *Hornum* hobam vnam, & in loco *Iunni* vocato, mansam vnam, & in loco *Theole* mansam vnam, & in *Aske* mansam vnam, & quidquid ad easdem hobas & mansas iure legitimeque pertinere videtur, cum curtilibus & ædificijs, mancipijs, campis, agris, pascuis, pratis, siluis, aquis, aquarumque decursibus, molinis, piscationibus, vijs & inuijs, accessibus & regressibus quasitis & inquisitis, cultis & in-

& incultis, & cum vniuersis appenditijs & adiacentijs, finibus ad præfatas hobas iuste aspicientibus.

Et iussimus inde ei hoc nostræ auctoritatis fieri præceptum: per quod volumus, firmiterque iubemus vt ante titulus fidelis noster de ijs omnibus ab hodierna die, & deinceps, omni tempore, liberam securamque habeat potestatem tenendi, donandi, vendendi, commutandi, vel quidquid exinde voluerit facienti, absque vllius impedimento.

Et vt hæc concessionis nostræ auctoritas firmior habeatur, & per futura tempora à fidelibus nostris verius credatur, ac diligentius obseruetur, manu nostra subter eam firmauimus, annuloque nostro sigillari iussimus.

SIGNVM Domini ARNULPHI inuictissimi Regis.

ASPERTVS Cancellarius, ad vicem OTMARI Archicapellani, recognoui & scripsi. Data pridie Nonas Augusti, incarnatione Domini DCCCLXXXIX. Indictione VII. anno secundo regni Arnulphi prudentissimi Regis. Actum Franconofurth in Dei nomine feliciter, Amen. An. 889.

NOTATIONES.

H OBA) Flandris ac Batauis *Hoeue*, id est, fundus seu prædium.

MANSVM) siue MANSA idem significat quod Hobas; teste Hotomanno, Comment. De verbis Feudistarum.

GEROLFVS,) quem Regino lib. 2. Chronicorum, vocat Frisonum Comitem, fuit pater Walgarij seu Walgeri Comitis, & Theoderici I. Hollandiæ Comitis.

mino patre nostro *Arnulpho*, Rege gloriosissimo datam, in pago ac in Comitatu *Hainnensi* sitam, curus ad præsens Comes videtur adesse *Sigehardus*, ac fiscum nomine *Tetis* à Rege *Suendipolcho* fratre nostro concessum in pago ac Comitatu *Lunensi* positum: cuius etiam in præsentiarum idem Comes dignoscitur existere *Sigehardus*: atque Abbatiam nomine *Fossas*, per præsariam, à *Gisla* Abbatisa, nostra consanguinea, nostræ voluntatis consensu, acquisitam, in pago ac in Comitatu *Lunensi* constitutam, cuius nunc adest Comes *Berengarius*: insuper teloneum, ac monetam de Traiecto, nostra donatione, cum consensu *Albini*, eo tempore illius Comitum, concessam: pariter quoque Abbatiam *Heriboreheim* nomine dictam, quæ à *Gerhardo* quondam Comite proprio iure habita postea, pro culpa infidelitatis, contra nostram Serenitatem exhibita, nostro cessit donatui versa, quam prælibato *Stephano* ipsius proprio affini, quandoquidem mansit semper fidelis, dare volentes: tamen suæ iam dictæ Ecclesiæ ipsius precatu dedimus: hæc nominata, & omnia cetera, cum omni suorum integritate, quæ ibi nunc sunt, vel iuste acquiri poterunt, iam sapius dictæ Ecclesiæ Pastoriq; præsentati *Stephano*, & qui Dei nutu venturi sunt, aternaliter possidenda concedimus.

Eo videlicet ordinis modo, ut quidquid secundum Dei ac suam dispositionem facere maluerint, libero, quemadmodum ex alijs ecclesiasticis rebus, in faciendo potiantur arbitrio, quatenus ob hanc nostræ mercedis seu parentum nostrorum emeliorationē, pro nobis & pro illis præsens, futuriq; Præsules, cum omni sibi congregatione commissa, Deum libenter exorare fēstinent.

Ut autem huius nostræ auctoritatis confirmatio plenior in Dei nomine obtineat firmitatis vigorem manu propria eam subterfirmauimus, annuliq; nostri impressione, insigniri iussimus.

SIGNVM Domini HLODOVICI Serenissimi Regis.

An. 908.

ERNULDVS Cancellarius, ad vicem RATFOTI Archicancellarij, recognouit. Datum V. Kalendas Februarij, anno Incarnationis nongentesimo octauo. Indictione vndecima, anno autem regni Domini HLYDOVICI octauo. Actum Aquisgrani palatio feliciter, Amen.

NOTATIONES.

NOTANDI hic Comites, STOEHRARDVS Hainuentis, & BERENGARIVS Lummensis seu Lomensis aliàs Lomacensis, in territorio Namurcensi, & ALBVINVS Traiectensis.

BERENGARIO olim familiaris fuit S. Gerardus Abbas Broniensis, vt in huius vita legitur apud Surium, Vide infra Henrici Aucupis Imp. diploma.

TECTIS FOSSAS. Vide supra cap. 20.

GISLA) Abbatissa, commendataria, vt loquuntur.

CAP.

CAPVT XXVI.

*Carolus Simplex, Francorum Rex
Egmondani cum appendicibus
donat Theoderico I. Hollan-
dia Comiti, an. 913.*

IN nomine sanctæ & indiuiduæ Trinitatis. CAROLVS, diuina propitiante clementia, Rex Francorum.

Regalis celsitudinis est, nostros & fideles suos donis multiplicibus honorare. Idcirco notū fieri volumus omnibus fidelibus Dei Ecclesiæ, præsentibus scilicet atque futuris, quomodo adiens præsentiam solij nostri HAGANO venerabilis Comes, expetiijt à nostra mansuetudine dari cuidam fidei nostro nomine THEODERICO quasdam res, ecclesiam videlicet *Hecmunde*, cum omnibus ad eam iure pertinentibus, à loco qui dicitur *Zvutherdes-Hage* vsque ad *Fortrapa*, & *Kinnem*.

Cvius petitionem benignè, uti debebat, suscipientes concedimus præfato fidei nostro hæc omnia ex integro, cum mancipijs quæsitis & acquirendis, pratis, siluis, pascuis, aquis, siue aquarum decursibus. Præcipientesque iubemus, ut sicut reliquis possessionibus, quibus iure hæreditario videtur uti, ita ut his, nostri muneris largitate, rebus impensis valeat securè omni tempore vitæ suæ frui, ipse & omnis eius posteritas. Vnde & hoc præceptum nostræ clementiæ ei super his conscribi

iussimus, per quod precipimus atque mandamus, vt liberè hæc omnia teneat atque possideat, habeatque de his potestatem, iuxta libitum suum; ordinandi seu faciendi, Deo in omnibus propitiante, & nemine inquietante.

Et vt hoc nostræ largitionis munus per succedentia tempora firmitus habeatur, & attentius obseruetur, manu propria subterfirmauimus, & annuli nostri impressione iussimus sigillari.

Non, DCCC. LXIII. *vi antea l. g. batur.* SIGNVN CAROLI gloriosissimi Regis. HAGANO Notarius, ad vicem ROTGERI Archiepiscopi, summiq̃ue Cancellarij, recognouit. Datum anno Domini DCCCXXIII. XVII. Kalendas Iulias. Actum Pladella villa, feliciter, Amen.

NOTATIONES.

DIPLOMATIS huius calculum, leui numeralis vnus notæ seu litteræ correctiuncula, restituit Ianus Doufa lib. 5. Annalium Hollandicorum: adeoque docuit, hoc ipsum *Caroli* Francorum Regis diploma, non ad *Calui*, sed *Simplicis* beneficentiâ trahi oportere.

Comitatus Hollandici an. Ad eundem 913. Christi annum Doufa, & alij initia Comitatus Hollandici referunt.

913 *Hollandici an.* HAGANO) Notarius. Alius ab isto fuit Hagano Comes patria Laudunensis, apud Carolum Simplicem gratiosissimus: vt constat ex Conradi Abbatis Vrspergensis & Flodoardi Chronicis.

PLADELLA) *Bladel*, extremum hodie est Campaniæ Brabanticæ municipium.

CAPVT XXVII.

*Pactum Bonnenſe, inter Carolum Sim-
plicem Francia & Henricum Ger-
mania Reges an. 921. initum.*

IN nomine ſanctæ & indiuiduæ Trinitatis diuinæ propitiante clementia anno Dominicæ incarnationis DCCCCXXVI. anno verò regni Domini & glorioſiſſimi Regis Francorum occidentalium CAROLI XXIX redintegrante XXI V. largiore verò hereditate indepta X. Indictione IX. anno quoque regni Domini & magnificentiſſimi Regis Francorum Orientalium HEINRICI tertio, inter ipſos præfatos principes vnanimiſſimi pactum, ac ſocietatis amicitia quaſita reſpectuque exordia ſumpliſit prout viſa ſunt competentia.

CONVENERUNT enim ambo illuſtres Reges, ſicut inter ſe diſcurrentibus Legatis conuenerant II. Nonas Nouembris feria prima: domnus enim CAROLVS ſuper Rhenum flumen ad Bonnam caſtrum, & ſtrenuus HEINRICVS ex altera parte Rheni. Et ea tantum die mutuis ſe viſibus intuentes ſuper ripas eiufdem fluminis huc & ultra, vt ſui fierent fideles innoxij ſacramento, quo hanc eorum conuentionem fuerant polliciti.

VERVM feria quarta VII. Idus Nouembris in medio Rheni fluminis ſæpius dicti principes, in nauibus quiſque ſuis, in tertiam aſcenderunt, quæ ancorata in fluminis

medio gratia eorum colloquij fixa erat : ibique in primo hanc sibi vicissim conuenientiam ob statum pacis, iuramento sanxerunt ita.

Ego CAROLVS diuina propitiante clementia Rex Francorum Occidentalium , amodò ero huic amico meo Regi Orientali HEINRICO amicus , sicut amicus per rectum debet esse suo amico secundum meum scire ac posse : ea verò ratione si ipse mihi iurauerit ipsum eundemque sacramentum , & attenderit quæ promiserit. Sic me Deus adiuuet & istæ sanctæ reliquæ.

E contra Rex Henricus eandem promissionem sacramento eisdem prosecutus est verbis subsequenter, vt huius amicitie firmitas inuiolabiliter obseruetur.

Hæc sunt nomina Episcoporum qui cum nobilibus ac fidelibus laicis firmitatem, quam præmemorati Reges inter se fecerunt, collaudando acceptauerunt, & manibus suis sacramentum firmauerunt, numquam à se destruendam.

Episcopi ex parte Domini Regis Caroli.

HERIMANNVS Archiepiscopus Agrippinæ, quæ modo est Colonia vocitata.

RODGERVS Archiepiscopus Treuerorum.

STEPHANVS Præsul Cameracorum.

BOVO Episcopus Catalaunensium.

BALDRICVS Traiectensium Episcopus.

Hæc nomina Comitum.

MATFREDVS, Erkengerus, Hagano, Boso, Walckerus, Haac, Ragenberus, Theodricus, Adalardus, Adelelmus.

Episcopi ex parte Regis inclyti Heinrici.

HERIGERVVS Archiepiscopus Moguntiacorum.

NITHARDVS Episcopus Mimmogerneferdæ.

DODO Episcopus Olnobroggæ.

RICAWDO Episcopus Vangionum, quæ nunc dicitur Wormatia.

HONVARDVS Episcopus Paderbornensis.

NOTINGVS Episcopus Constantiæ Alcmannicæ.

Hæc sunt nomina Comitum,

EVARDVS, Chonradus, Herimannus, Hato, Godef-
fredus, Otto Herimannus, Cobbo, Magenhardus, Fride-
ricus, Foldac.

NOTATIONES.

PACTIO ista non ad annum 926 aut ad an. 923. ut
Sigebertus in Chronico suo retulit, sed ad an.
921. est referenda: iuxta Flodoardum in Chro-
nico, & rationes, quas Iac. Sirmondus allegat in
Notis ad Capitula Caroli Calui.

PLERIQUE rerum Gallicarum scriptores CAROLI
SIMPLICIS annorum exordium ab obitu ODONIS Re-
gis, hoc est, à tertio die ante Nonas Ianuarias anni o-
ctingentesimi nonagesimi octavi, Carolus autem ip-
se in diplomatibus suis quinquennio altius repetit: à
die videlicet, quo Remis Fulco Archiepiscopus ipsum
vixit in Regem, hoc est, à quinto die ante Kalendas
Februarias anni octingentesimi nonagesimi tertij.
Quem annum Regino indicat, cum Regem leuatum
ait sub finem anni octingentesimi nonagesimi secun-
di. Nam cum annos à Christi Incarnatione ordiatur,
non à Natali, anno cuique primos etiam sequentis an-
ni menses adnumerat. Denique Caroli Simplicis regnū
ab hōc, quem diximus, Christi anno in eius diplomati-
bus incohari facile perspiciet, qui eius annos cum In-
dictionibus comparabit. Exempla qui volet, apud Sir-
mondum citato loco reperiet.

REDINTEGRANTE XXIV.) Carolus Simplex quo tem-
pore in Regem confirmatus est, integrum regnum sua
in potestate non habuit, quia Odo Rex quam diu vixit,
Aquitaniā & Burgundiam tenuit. Mortuo post quin-
quennium Odone, quæ ab illo possessa fuerant, recepit,
regnumque redintegravit. Atque huius redintegratio-
nis annos regni sui annis Carolus deinceps in suis di-
plo-

898.

893-
892.

plomatibus subiunxit.

SEMPER igitur redintegrationis anni solido ferè quinquennio annis regni pauciores sunt : & solidum fuisset, si Odo, qui III. Nonas Ianuarias, obiit, ad V. Kalendas Februarias, quo die Carolus Simplex inunctus fuit, vitam produxisset.

LARGIORE HERED. INDEPTA X.) Hoc ad regnum Lotharij pertinet, cuius accessione Carolus Simplex hereditatem suā amplificat: quia non solum partem illam recepit, quam, avus & pater eius olim possederant, sed alteram etiam, quæ Regum Transrhenanorum fuerat.

An. 912. CETERVM quo anno regnum Lotharij is receperit, investigandum restat. Sigebertus noster in Chronico receptum anno 915. notat. Sed ex hoc loco, & ex varijs eiusdem Caroli diplomatibus Sirmondus rectè concludit, quadriennio ante, hoc est, anno Christi nongentesimo duodecimo, regni autem Caroli vicesimo, receptum fuisse. Quo nimirum tempore, Ludouico ultimo Franciæ stirpis in Germania Rege sine liberis defuncto, Carolo vt legitimo heredi, iure licuit non regnum modò Lotharij, sed Germaniam quoque ipsam, si par in armis vis fuisset, repetere.

C A P.

CAPVT XXVIII.

*Carolus Simplex Francorum Rex varia
pradia Maricolensi Abbatia at-
tribuit seu confirmat, an.*

921.



CHRISTI praeunte & auxiliante clemen-
tia KAROLVS Simplex Francorum Rex
cunctis sanctae Ecclesiae siue Imperij fide-
libus salutiferæ pacis optat stabilitatem.

NOTIFICARE volumus omnibus tam
instantis quàm futuri temporis fidelibus,
quòd flexi carissimorum nostrorum Comitum *Isaac &
Haganonis* precibus, quasdam res, quas tenere hæcenus
in suo seruitio solebant Abbates, vel ipsorum fideles,
caussa beneficij, quæ magis congruebant seruire fra-
tribus monasterij *Mariculas*, quod in honore constru-
ctum est sanctae Dei genitricis Mariae, principumque
Apostolorum Petri & Pauli, in quo etiam corpore qui-
escit almus confessor Christi *Humbertus*, illas suprata-
ctas res, quæ subter nomine tenus notabuntur, nostræ
potestate regia, prædicti loci fratribus perenniter con-
firmaremus.

RES igitur de quibus loquimur, coniacent in subde-
signatis locis. In pago *Hainoensi*, super fluium *Helpræ*,
in villa *Taisneras*, sunt māsī xxx. cum ecclesia, culturis,
pratis, mancipijs, silua & omnibus ibi adspicientibus.

ET in loco, qui vocatur *Fagerus*, mansi quinque sunt *Taisneire*.
in prædicto pago super fluium eundem, cum omni-
bus inibi respicientibus. *Faj.*

Atque in *Flobodeica* mansi dicuntur quinque, cum suis omnibus appendicijs, & in loco qui fertur *Magnus Mons* mansus vnus & ibi aspicientia.

Iuxta hunc quoque locellum in *Didineicas* est mansus vnus, & in ipso monasterio est pratum vnum, ex quo solet fieri sepe fratribus molestia.

Hæc igitur supra verbo tenus omnia descripta, secundum prædictorum nostrorum fidelium, *Isaac* scilicet & *Haganonis* humilem petitionem, ad mensam fratrum iam dicti monasterij Maricolenfis, regali auctoritate concedimus, ad stipendia & seruitia exhibenda: nullique hominum amodo seruitutis debitum soluant, nisi iam dictis fratribus.

Datum VIII. Idus Ianuarij, anno ab Incarnatione Domini nongentesimo vicesimo primo, Indictione nona, palatio Lugduno.

NOTATIONES.

SHYNTBERTI Abbatis, itemque Caroli Calui diplomata, in fauorem Maricolenfis Abbatie concessa, vide supra cap. 5. & 119.

ISAAC) Comes Cameracensis.

HAGANO) Comes intimus Carolo Simplici.

LVGDVNVM.) Laudunum clauatum hic notari existimo. Sic Pardulus Lugdunensium Episcopus dicitur in Synodo Suefsionensi sub Carolo Caluo an. 853.

CAPVT XXIX.

Eiusdem Caroli Simplicis diploma alterum in fauorem eiusdem Maricolenſis monaſterij conſeſſum an. eodem.

921.

IN nomine ſanctę & indiuiduę Trinitatis.
 CAROLVS Dei gratia Rex.
 OMNIUM ſanctę Dei Eccleſię fidelium præſentium ac futurorum nouerit induſtria, quod INGELRAMVS illuſtris Comes ad noſtram ſe colligens magnificentiam, expoſuit qualiter fratres *Maricolenſis* eccleſię, quę conſtructa eſt in honore ſanctę Dei genitricis Marię, & SS. Apoſtolorum Petri & Pauli, vbi etiam pretioſiſſimus confeſſor *Humbertus* corpore quieſcit humatus, penuria laborantes, diuinum, vt expedit, nequeunt implere officium, & quod miſeratus vſibus eorum xxx. fratrum ſuppeditauerit res ad eandem Abbatiam pertinentes.

In pago videlicet *Landuneniſi* in villa *Macerias* ſiue caſtello, vbi S. *Humbertus* eſt ortus, triginta tres manſos, & in eodem pago in villa *Salueriis* quinque manſos, & in pago *Hainao*, in villa *Vercinio*, ſuper ipſum fluuium manſos decem: in eodem pago in villa *Lidenicas*, ſuper fluuium *Helpram*, manſos octo, & illos qui in *Hultra* coniacent, cenſum ſoluentes, & ſiluas ad eos pertinentes, ac cambam in ipſo monaſterio, iuxta pontem *Haiſſenci* cum appendicijs ſuis, & ſilvam iuxta mona-

Vide ſupra

c. 7.

*VVercin.**Helpre.*

CAPVT XXX.

*Henricus Auceps Imp. an. 932. confirmat foundationem Abbatis Bronien-
sis, in Comitatu E^s diocesi Na-
murcensi, qua nunc S. Gerardi
nuncupatur, ab ipso funda-
tore ibi quiescente.*

IN nomine sanctę & indiuiduę Trinitatis,
HENRICVS diuina fauente clementia Ro-
manorum Imperator.
NOVERIT itaque omnium fidelium
nostrorum, presentium scilicet & futuro-
rum solertia, quędam venerabilem Abbatem, GERAR-
dum nostrę regalitatis adisse presentiam, petisseque vt
cœnobium, quod ipse, ex hereditatis suę proprio, in pa-
go *Lomacensi*, in loco qui dicitur *Bronium*, conuersus
nuper construxerat, in honore *S. Petri* principis Apo-
stolorum, nec non & *S. Eugenij* Toletani Archiepiscopi
& martyris, potestate, regia contuendum suscipere-
mus, allodiumque & possessiones, vel prędia, quę iam
dictus Abbas, seu vir nobilissimus multa possederat, &
ea *S. Petro* ad solatium inibi Deo seruientium contule-
rat, in nostra protectione nostrorumque successorum
deinceps consisterent.

Nos verò iustus & religiosus petitionibus assensum
prębentes, & a vero Remuneratore, pro hoc & alijs
pietatis

pietatis commercijs,mercedem sperantes,idem monasterium cum omnibus,quæ ad ipsum pertinent, in nostra tutela perpetuò conseruandum suscipimus, & statuimus,vt quamdiu locus ille,Deo protegente, inhabitabitur,Abbas eiusdem coenobij omnia iura, iudicialiasque potestates in villa *Brongy*, & in *S. Laurentio*, in *Maisons* in parte sua quam habet, in villa *Lenbinas*, in *Montinio*, & in *Merendrech* in parte sua quam habet, in villa de *Ermeton*, in *Fendeferta*, in *Romereias*, in *Manisia*, liberè & potestatiuè exerceat. Et in his locis, & in omnibus quæ possidet, concedimus, & confirmamus ei bñnam & iustitiam,impetum & burinam, ictum & sanguinem reperturum,pergum regium,fora,telonea, vicecomitatum,wagaria,rectum & non rectum,uestigalia,& quidquid pertinet ad iudicatum, integritatem Reipublicæ,& incolumitatem, & cāpestria & siluestria iura,& mortimanus suas & abmatrimonio tam liberè in sempiternum possideat, sicut fundator ipsius loci, nobili prosapia exortus, ante conuersionem suam possederat.

kams.

Nec sit qui præsumat iniicere manus in seruos & ancillas ecclesiæ, vel in homines cohabitantes in omni ipsius possessione; sed soli Ecclesiæ liceat tractare pacificè de omnibus prædictis negotijs, absque calumnia alicuius siue tyrannidis. Nec sit qui contradicat huic nostræ regis constitutioni. Alioquin si quis in hoc obuiauerit nostræ voluntati,nouerit pro certo sese grauius nostram incurrere offensam,& suspensum à gratia & beneuolentia nostra.Successoresque nostros contestamur,conformes & coadiutores fore in huiusmodi stabilitione,vt Imperatoria dignitate reposita,sine ruina,sine vacillatione,sine alicuius malæ incurfionis offendificulo,perpetuum firma duret in æuum.

PRAETEREA quia locus ille consistit in vicinia castri Namucensis,precamur *Comitem Namuci*, sicut fidelem & amicum,vt particeps nobiscum existat ipsius Ecclesiæ orationum,& grates à Deo & laudem à nobis habeat,si tempus aut res exposulauerit, recta manu &

vero

verò auxilio, subministret Ecclesiæ opem sui adiutorij. Si verò diabolica suasionem incitatus excefferit, in aliquibus Ecclesiam opprimens iniuste, cum sit libera & res ipsius authentica, si ad nostram præsentiam fratres detulerint querimoniam, consulam eis & liberabo eos ab oppressione. Hoc præceptum pro æterna remuneratione prædicto monasterio fieri iussimus, per quod imperamus, ut ea quæ à præfato *Gerardo* ad sanctum locum, vel quæ deinceps à fidelibus Christianis eidem collata fuerint, fratres ipsius loci, cum tranquillitate, per sæcula firmiter habeant, teneant, & possideant, & pro salute nostra atq; stabilitate totius regni misericordiam Domini iugiter exorent. Et ut per succedentium temporum curricula, veriùs credatur & attentius obseruetur, sigilli nostri impressione corroborauimus.

Quia verò idem famulus GERARDVS præsentiam Domini Papæ in corde suo disposuit adire, & ad roborandam libertatem *Broniensis* Ecclesiæ ab ipso priuilegia vult expetere; mandamus patri nostro summo p̄p̄ositi, ut traditionem, quam de eodem loco Imperiali sanximus auctoritate, Apostolica confirmet benedictione, ut obseruatores nostræ præceptionis gratiam & misericordiam, vitamque æternam à Deo consequantur. Qui autem ex his quæ prælibata sunt, quidquam firmiter fecerit, vel infregerit, indissolubili anathematis vinculo constringatur, nisi resipuerit & penituerit, & ab Abbate & fratribus veniam promeruerit, & de cetero emendauerit.

HAEC autem sunt ingenuorum testium nomina, & omnis legalis firmitas impleatur.

RICHARDVS Leodicensis Episcopus.
 RICHVINVS Stratzburgis Episcopus.
 ROTGERVS Treueris Episcopus.
 BENEDICTVS Metensis Episcopus.
 COMES Witbertus.
 COMES Berengarius.
 COMES Herimannus.
 STEPHANVS HENRICI Regis gloriosissimi.

HILDVINVS Notarius, vice ROTGERI Archiepiscopi
recognoui.

An. 932.

DATA Nonis Aprilis anno Dominicæ incarnationis
DCCCCXXXII. Indictione V. regnante Henrico Rege
glorioso, anno XIII. Actum Aquisgrani palatio felici-
ter, Amen.

NOTATIONES.

WAGARIA) fortè idem quod Rotaticum aut
Angaria, *Drosit de Corouice.*

COMITEM NAMVCI) Berengarium, qui
& diplomati huic subscripsit. Eidem Co-
miti Berengario per familiaris fuit S. Gerardus mona-
sterij Broniensis fundator: vt in huius vita legitur. De
codem supra cap. 25.

NAMVCVM sine R. passim scribunt Sigebertus Chro-
nographus, & alij mediz ætatis scriptores. Sic &
marmoreo tumulo insculptum legitur Montibus Han-
noniz, in basilica S. Waldetrudis, in ambitu chori. Ho-
die Namurcum, *Namur*, vrbs episcopalis ad Mosam fl.

MANDAMVS PATRI) id est, significamus aut roga-
mus.

WITBERTVS) Comes Gemblacensis, & illius mona-
nasterij fundator: alijs Wibertus aut Guibertus. In ta-
bulis Martyrologij Rom. 4. Februarij dicitur Gilber-
tus.

CAP.

CAPVT XXXI.

*Arnulphus I. cognomento Magnus,
Flandria Comes, pradia varia mona-
sterio Blandiniensi restituit, seu do-
nat, hortatu Transmari Nouio-
mensis ac Tornacensis Epif-
copi.*

ARNVLPHVS, adminiculante superni Regis clementia, Marchifus, sanctæ Ecclesiæ fidelibus, quocumque passim ordine, Deo Catholicè militantibus.

LEGITVR in Machabæorum libris, diuinitus exaratis, destructum Ierosolymis templum Dei ab Antiocho Regum nefandissimo, quod post multos grauissimosque bellorum triumphos, Iudas Machabæus restruxerit, & auro ac argento, quod de hostium spolijs acquirebat, decorauerit: quo scilicet facto credebatur sibi affore auxilium à cœlo Regis polorum.

Huius igitur exempli audivitate incitatus, ego humillimus ARNVLPHVS, toto mentis conamine illorum gestiens particeps effici, qui præcepta seruantes Dominica, terrena cælestes ad thesauros transfulerunt patrimonialia, religiosorum veridicorumque hortatu virorum animatus, atque, ut ita dicam, exurgens quasi à graui omni excitatus, cæpi cogitatione tacita mecum diebus

R

nocti-

noctibusque reuoluere, quoddam monasterium esse sub mea ditione antiquitus situm, à Pontifice laude bonorum digno sanctissimo *AMANDO*, iuxta fluentia *Scaldis*, in castro *Gandano*, quod *Blandinium* vocitauit, quodque Christo auspice reliquijs B. Petri Apostolorum principis, multorumque Sanctorum, quas à Roma secundo rediens secum detulit, solemniter nobilitauit.

EGIT autem hoc ea tempestate, qua Romanam Ecclesiam regebat Papa *MARTINVS*..... post beatum aulae suae petrae clauigerum Petrum, tempore inclyti Regis Francorum *Dagoberti*, *Eligio* mirae sanctitatis Episcopo, apud Nouiomagum & Tornacum praesidente.

GAYDEO quidem tantorum pignoribus Sanctorum iam dictum monasterium multimode illustratum, sed dolco plurimum deesse honorem, quo tantae dignitatis reliquias, secundum meam voluntatem, extollam in terra, quarum Sancti reliquiarum in caelesti fulgent curia.

PERMITTV tandem Regis *Ludovici*, atque cum Episcopo *Transmaro*, ad cuius dioecesim pertinet locus ille, cum amicis quoque ac specialiter cum fidelibus meis consilio habito, reddens restitui loco sancto partim ex ijs redivis terrae, quos *B. Amandus* impetrauit à Regibus, qui per id tempus diuinis se subdiderant legibus, & ob amorem principis Apostolorum Petri, iure perpetuo tradidit in eodem cœnobio degentibus, partim ex ijs quae fideles quique per loca & tempora diuersa, à praefati Regis *Dagoberti* diebus, usque ad nostra largiti sunt tempora.

ET si non omnia, saltem reddidi aliqua, quae praecessorum meorum tempore inde sunt abstracta: quaeque existimaui sufficere monachis, ob amorem Christi ibi morantibus, id est, censum, qui accipitur de mansionibus, quae sitae sunt in portu *Gandano*, à flumine *Scalda*, usque ad decursum fluminis *Legia*, & decimam, quae pro remedio animarum suarum Deo exsoluere debent in ipso commanentes portu.

NAVLVM quoque, quod à praeterentibus exigitur super
pradii

prædicti monasterij Reliquijs cōcessi. *Floralia* prati quæ adiacent ipsi portui, illorum cēdo potestati: molendinum, in loco qui dicitur *Afina* capellam vnam, in honore S. Mariæ dicatam: in villa *Merou* vineam, quam secus monasterium construxi, & terram quæ ibi adiacet vsque ad portum, & alia rura quæ monasterio sunt contigua, supra quæ construant officinas sibi congruas & hortos, in quibus plantent olera, quæ monachis sunt commoda, ceteraque omnia. quæ in charta Abbatis *Einhardi* scripta habentur, reddidi, & propria manu roboravi.

In pago denique Flandrensi, iuxta castrum *Ostburch* in loco nuncupato *Merona Benonis*, pastoralia quæ sufficere possunt ouibus CXX & in alio loco mari proximo, vocabulo *Combescura*, terram ad alendas oues centum, & in ipso pago medietatem filci mei, qui vocatur *Snelinghem*, cuius pars media coniacet à plaga orientis, ex qua medietate mansum vnum, dum aduixerō, Abbati & fratribus supradicti monasterij concessi, & residuæ medietatis partem, post excessum vitæ meæ, vt habeant, teneant atque possideant, totis viribus concupisco.

In pago etiam *Hainau*, super fluuio Sauiō, villam quæ vocatur *Dulciaca*, cum appendicijs suis, illis reddo. In pago etiam *VVasa*, super fluuio Scaldi, villa nuncupata *Temseca*, in qua diu corpus B. Virginis requieuit *Amelberga*, quam iure hereditario, quoad vixit, possidere visa est: & ob id illis reddidi eam, qui diu noctuque excubantes sacro corpori eius assistent.

Hæc cuncta, licet quantitate & numero videantur permodica, obtineat perpetualiter, cum suo Abbate, monachorum caterua, in supradicto monasterio constituta, quibus solatiata queat Domino indefessè famulari.

Cvpio namque atque magnopere gestio, omni tempore zui, in sæpe fato monasterio monachos ex amulsi Christo ancillari, vt actum est iam fati sanctissimi tempore *Amandi*, quique secundum normam sancti vi-

uentes *Benedicti*, iuxta electionem suam qui morte interueniente successerit Abbatem præponant sibi: cuius hortatu atque regimine animati, terrena postponentes, cœlestia studeant meditari.

Si quis verò de omnibus successoribus meis hæc meæ restitutionis beneficia, quæ loco sancto, ob amorem Dei, sanctique principis Apostolorum Petri, ceterorumque Sanctorum, quorum ibidem pretiosa continentur busta, reddidimus, ausu nefario calumniari, vel reinficere conatus fuerit, nisi citò resipuerit, iram Dei omnipotentis, cui S. Amandus constructor loci illius sinceriter militauit, ac polorum clauigeri Petri ac Doctoris egregij Pauli, atque paradoxæ virginis AMELBERGÆ, omniumque incurrat offensam Sanctorum, omnique perpetim sodalitis priuatus, demonum contubernijs indissociabiliter maneat coniunctus. Amen dicat mecum omnium bonorum virorum catus.

ACTVM Blandiniensi cœnobio, regnante Ludouico anno VI. filio Regis Karoli Reclusi.

Signum ARNULPHI clementissimi Comitis atque Marchisi, qui huius schedulæ inscriptionem fieri & firmari rogauit.

Signum Transmari Episcopi.

S. Folberti Episcopi.

S. Bernardi Archidiaconi.

S. Odilbaldi Archidiaconi.

S. Wulfardi Archidiaconi.

S. Engelfridi Decani.

S. Tangeradi. S. Vmberti.

S. Balduini, filij Arnulphi Marchisi.

S. Isaac Comitis.

S. Arnulphi, filij eius.

S. Theodorici Comitis.

S. Wenemari Aduocati.

S. Fulberti Vicarij.

S. Walberti. S. Balduini.

S. Leutberti. S. Ascherici.

S. Amulrici. S. Ioannis.

S.Ewardi.	S.Heribandi.
S.Organdi.	S.Smardi.
S.Ewardi.	S.Georgij.
S.Ebroini.	S.Dodonis.
S.Blichardi.	S.Wilhelmi.
S.Gotheri.	S.Hademari.

NOTATIONES.

TRANSMARVS) Nouiomenſis ac Tornacenſis Epiſcopus an. 937. creatus: vt Flodoardus in Chronico teſtatur.

LAMBESCVR) ſortè *Lapſcure* vicus.

SNETLINGHEM) hodie Snelleghem vicus.

SARVS fluminiſ per agrum Cameracenſem fluit.

DVLCIACA VILLA) *Doucy*.

WASA PAGVS) nunc Waſia, olim Waſda. Vide ſupra cap. 23.

TEMPSECA) celebre municipium ad Scaldim, *Tempſt* Flandriſ, *Tamiſe* Galliſ: in cuius loci templo hodieque oſtenditur locus ſepulchralis S. Amelbergæ virginis: de qua Faſtoſ noſtroſ conſule.

ANNO VI.) Corruptuſ haut dubiè eſt annorum numeruſ. Ponatur itaque annuſ xvi. Ludouici Regiſ, ab obitu patriſ Caroli Simpliciſ computando. Obijt iſ annuſ 929. Peronz in carcere (vt Flodoarduſ in Chronico teſtatur) ideoque hîc Reclauſuſ dicitur.

FOIBERTVS) ſeu Fulbertuſ an. 935. creatuſ eſt Epiſcopuſ Cameracenſiſ, ſtilo Romano annuſ à Kalendiſ Ianuarijſ iucohante. Vide Baldericuſ in Chron. Cameracenſi lib. i. cap. 68. & 69.

BALDVINVS) Arnulfi Magni, Flandriæ Comitiſ filiſ obijt ante patrè.

ISAAC) Comes Cameracenſiſ variâſ contentioneſ habuit cum Fulberto Epiſcopo: vt idem Baldericuſ teſtatur. Filiuſ illi fuit *Arnulphuſ*, hîc nominatuſ, & N. ſi-

lia, *Amulrico* Comiti, ex pago *Hainau*, nupta: vt idem *Baldericus* lib.citato cap.73.narrat.

WENEMARVS) ex familia Comitum castri *Ganden-*
sis.*Dauidem* *Lindanum* in *Teneramunda* consule.

CAPVT XXXII.

Otho I.Imp.Lambertum Comitem Lo-
uaniensem anno 948 constituit Ad-
uocatum Gemblacensis Ab-
batia in Brabantia.

IN nomine Domini Dei & Saluatoris æter-
ni. Oratio diuina fauente clementia Rex
Lothariensis & Francigenum .

NOTVM sit præsentibus & futuris, quod
quidam vir nobilis & dilectus Deo, *WIL-*
BERTVS nomine, his temporibus construxit monaste-
rium in honore SS.Petri Apostoli & Exuperij marty-
ris gloriosi, in pago *Darmienfi*, in proprietate heredi-
tatis suæ, quæ *Gembloues* nuncupatur.

QUI præcauens in futurum . scilicet ne aliquando
secularis potentie homines aliqua persuasione vel in-
iusta dominatione perturbent quietem fratrum , Deo
famulantium, adiit præsentiam nostram, cum venera-
bili *ERLVINO*, eiusdem loci Abbate, & locum ipsum cū
omnibus ad eum pertinentibus, nostræ defensionis at-
que tutelæ commisit. Quod nos gratanter accepimus,
& nostra imperiali auctoritate decreuimus, ac sigilli
nostri

noſtri impreſſione roborauimus, vt locus ille in perpetuum, cum omnibus, quæ ad ipſum pertinent, ab omni ſecularium, tam maiorum, quàm minorum, dominio eſſet immunis, ſub ſolo tantum regis deſenſionis munimine conſtitutus.

Verum quia fratribus eiſdem loci (ſi quando incumberet aliqua neceſſitas) graue nimis eſſet, propter longinquitatem terrarum, præſentiam Regis ſemper adire, cum electione ipſius domni WIBERTI, & Abbatis, & fratrum, dedimus aduocatiam ipſius Abbatiz de Gembloues *Lamberſo* Comiti Louaniens, viro forti & bellicoſo, qui vice noſtra, contra omnium inquietationem, adiutor eorum ſit ac deſenſor.

Sic autem dedimus ei Aduocatiam iſtam, vt numquam ipſe Comes, vel ſucceſſores ſui in Abbatia, vel in villis ad eam pertinentibus aliquid accipere, aut per potentiam exigere debeant, præter ius & beneficium ſibi conſtitutum. Aduocati enim debent eſſe, non prædatores, ſed deſenſores eccleſiarum, Illud etiam ſtatui-
mus, vt Comes Louaniens numquam in aduocatiam Gemblacenſem, præter vnum Subaduocatum habeat id eſt, vt donum huius Aduocatiz à Rege (qui maior Aduocatus eſt) pluſquam ad tertiam manum numquam deueniat.

Si autem (quod nolimus) noſtram conſtitutionem contempſerit, & Aduocato illi qui ſub ſe eſt, ex ipſa aduocatia aliquid uſurpare, vel militibus ſuis beneficia re conſenſerit, terram ſuam in Camera Regis ſibi abiudicatam ſciat, & quidquid beneficii pro ipſa aduocatia tenebat, de manu Regis ſe amiſſurum nouerit.

Porro Subaduocatus in villis ad Abbatiam pertinē-
tibus nihil aliud iuris habebit, niſi per ſingulos annos de vnaquaque domo denarium vnum, gallinam vnam, auenæ ſextarium vnum. Qui etſi aliquando habuerit bellum contra aliquem de paribus ſuis, quod bellum non niſi ad ipſum pertineat, de ſuo procuret & prouideat quæ neceſſaria ſunt uſibus belli ad ſe pertinentis. Neque enim propter hoc in Abbatia, vel in villis ad
eam

*Subaduo-
cati iura.*

eam pertinentibus aut obsonia aut seruitia aliqua exigere ei licebit.

Subaduocatus f.

Si verò bellum aliud fuerit, quod idem Aduocatus administret, quod scilicet bellum vel ad Regem vel ad Comitem Louanientem pertineat, tunc siquidem licebit ei (sed non sine consensu Abbatis) vt à mansionarijs qui per villas Abbatiz commorantur, aliquid subsidij accipiat, sed tamen ita mensuratè, vt nunquam inde querela ad Comitem vel à Comite ad Regias aures perueniat.

Hoc nostrum Imperiale constitutum de Aduocatia Gemblacensis ecclesiæ, quæ Regiæ defensionis subiecta est, vt per succedentia tempora fixum maneat & inconuulsum, Palatinorum principum, & multorum nobilium iudicio, in præsentia nostra fecimus confirmari, annuli nostri impressione iussimus consignari, ac manu nostra subterfignauimus.

Et sicut nos Gemblacensem ecclesiam nostra clementia tuemur & fouemus, sic etiam volumus, vt omnes successores nostri in perpetuum tueantur eam & foueant, quatenus & nos & ipsi orationibus eorum possimus semper adiuuari.

Acta sunt hæc anno Incarnationis Domini DCCCCXLVIII. Indictione XII. anno Imperij nostri XII. sub pontificatu domni *Benedicti* Papæ, qui rogatus à nobis huic nostræ auctoritati suam quoque auctoritatem superaddidit, interdicens sub indissolubili anathematis vinculo, ne vñquam huius constitutionis charta violetur, vel infringatur ab aliquo.

Actum in opido *Franconfort*, mense Iunio, in martyrio Petri & Pauli feliciter.

NO-

NOTATIONES.

SWIBERTVS seu Guibertus (quem Fasti Romani S. Gilbertum 4. Febr. nuncupant) deposito militiæ secularis balteo, castrum suum *Gemblacum* Deo & S. Petro obtulit, in eoque monasterium an 922. suo *Giblen.* ære extruxit: quod est inter Brabantina Benedictinorum cœnobio antiquissimum. Gaudetque etiamnum Abbas Gemblacensis titulo Comitis, & in comitijs Ordinum Brabantiæ primum inter Nobiles locum obtinet.

OBIIT autem S. Guibertus in *Gorzia*, Lotharingiæ cœnobio, diœcesis Metensis, X. Kal. Iunij an. 962. vt Sigebertus monachus Gemblacensis in Chronico testatur. Indeque Gemblacum translatus, anno 1110. è terra eleuatus est, procurante eodem Sigeberto, qui & vitam eius scripsit à Surio editam.

DARMIENSI PAGO,) alijs, Darnuensi.

LAMBERTVS) hic Comes Louanienſis fuit frater RAGINERI LONGICOLLI, Hannoniæ Comitis, à S. Brunone Archiepiscopo Coloniensi in exilium missi: vt Diuſus, Lipsius & Grammaius tradunt.

RAGINERVS autem Longicollus non fuit filius Manassis Comitis (vt Lipsius in Louanio & alij scripserunt) sed RAGINERI senioris, Comitis seu Ducis; qui ex *Albrada* tres filios sustulit, GISLEBERTVM Lotharingiæ Ducem, primum Gerbergæ (quæ postea Francorum Regina fuit) maritum, RAGINERYM LONGICOLLVM, & *Flod. an.* LAMBERTVM hunc nostrum Comitem Louanienſem. 924. Hæc colligi dantur ex diplomate Marſanenſi anno 968. per eandem Gerbergam dato, quod infra recitabimus, itemque ex Flodoardi Chronico ad an. 924. & 956.

DE Raginero seniore multa leguntur apud Reginonem, nemque in Fragmento Gallici scriptoris, apud
S Con-

Conradum Abbatem Vrſpergenſem, ex quo hæc habet: *Hæc tempore Regenerus vir nobilis, partium Caroli Simplicis ſidiſſimus tutor, ſinem vita accepit, cuius exequiis Carolus interfuit. Hiſq; peractis Giſilberto eius filio iam adultio paternum honorem, coram Principibus, qui confluxerant, liberaliſſimè contulit. Hic cum eſſet opibus & genere inclutus, & coniugio Gerbergæ, Henrici Tranſſanenſis ſive Aucupis filia, ſuis beatus, in nimiam præiſolentia temerarietem præceps contra Carolum ferebatur.*

CETERVM Raginero Longicollo in exilium pulſo; quò ſe contulerit, aut ubi hæſerit Lambertus Comes Louaniienſis, nuſquam legimus.

Huius Lamberti filium, & in Aduocatia Gemblacenſi ſucceſſorem fuiſſe Aufridum, ex Bratſpantium Comite Episcopum Ultraieſtinum, colligi poſſe videtur ex ms. Catalogo Abbatum Gemblacenſium; in quo ſic legitur: *Nobilis vir Lambertus medietatem eccleſiæ de VVietine, in pago Maſaruu, tradidit Erluino Abbati Gemblacenſi, cuiusq; Aduocato: vidente Aufrido, filio Lamberti: ut ex chartula exinde peracta, & a Lamberto ſubſcripta liquet.*

PER Bratſpantes (quos Iulius Cæſar inter Bellouacos & Ambianos collocat) Sigebertus in Chronico ad an. 1012. & alij illius ætatis ſcriptores, ex alluſione vocabuli designant Brabantos. Sigeberti verba hæc ſunt: *Heinricus Imp. Godefridum Ducem cum exercitu in fines Bratſpantium miſit, contra Lambertum Comitem Louaniienſem, ad obſidendum caſtrum Louanium, ſed inefficax redijt.*

DE Aufrido ſive Anſfrido ſic an. 997. idem Sigebertus: *Clarebat hoc tempore inter Gallos Anſfridus, qui tunc fuiſſet Comes Bratſpantium, non minus iuſtitia quàm potentia ſæculari famoſus, depoſito militia cingulo, conſuratus in clericum, eo proſectus eſt, ut ordinaretur Episcopus Ultraieſtenſis eccleſiæ.*

Hunc ipſum Aufridum Anſelmus Canonicus Leodiienſis, qui ante annos plùs minùs quingentos Geſta Pontificum Leodiienſium conſcripſit, ubi de Notgero

XLVI. Episcopo agit, disertè nuncupat COMITEM LOUANIENSEM. Ex quibus liquet AVERIDVM, hætenus à Brabantinarum rerum scriptoribus, in serie Comitum Louaniensium, inter Lambertum I. & Lambertum II. esse collocandum.

AVERIDO namque ad Episcopatum Vltraiectionum euecto, mox in Comitatu Louaniensi successit LAMBERTVS II. Ragineri Longicolti filius, & Gerbergæ maritus.

QVOD ad MANASSEM in Burgundia Comitem attinet, habuit & is filium nomine *Gislebertum*: unde natus est error. Manassis tumulus etiamnum in monasterio S. Viuentij, in Burgundiæ Ducatu, prope Vergeium, ab ipso fundato, spectatur. Fius, vt & filij Gisleberti, Flooardus in Chronico ad an. 925 meminit.

ANNO DCCCCXLVIII.) De Othonis I. Imp. annis est quæstio. Sunt qui putant ipsum, viuente patre, Cæsarem designatum fuisse. Widichindum & alios consule.

BENEDICTI PAPAE.) Dubitari fortasse possit, an *Benedictus* sit hic nomen proprium, an verò adiectiuum. Nam anno 948, sedebat Romæ Agapitus II. Papa, qui an alio nomine sit *Benedictus* nuncupatus, inuestigandum restat. Sic Benedictus I. Papa, à Græcis præsertim, dictus est *Bonofus*. Ego quod certò statuam, non habeo.

CAPVT XXXIV.

*Arnulfus Magnus Flandria Comes an.
961. dotat ecclesiam Brugensem S.
Donatiani, qua nunc est ca-
thedralis.*

IN nomine sanctæ & indiuiduæ Trinitatis
Patris & Filij & Spiritus sancti, amen.
EGO ARNULFVS dictus MAGNVS, Bal-
duini Calui genitus, per Dei misericor-
diam Flandriæ Marchio, considerâs quòd
non habemus hic manentem mansionem,
sed futuram expectamus in Domino, prouidens meæ
ac illustris ATHALÆ meæ coniugis & consortis mei
corporis animabus, vt per hoc salutem perpetuam, &
remedium nostrorum peccaminū inuenire possimus,
capellam in honorem glorioſæ virginis & Domini no-
stri IESV CHRISTI genitricis *Mariæ & S. Donatiani* Ar-
chiepiscopi, à BALDVINO auo meo, zelo diuini amoris
accenso, constitutam, & ab antiquo tempore fundatam,
magnificare volens, de consensu & voluntate sanctissi-
morum patrum & dominorum. *N. Tornacensis, & N.
Morinensis*, Episcoporum, duodecim præbendarum nu-
merum in ipsa ecclesia statuo: & volo quòd duodecim
Canonici ibidem præbendati in eadem capella, ad ho-
norem Dei & eiuidem beatæ Virginis, & *S. Donatiani*,
pro remedio animæ meæ, dictęque coniugis meæ, ac a-
uorum & ceterorum parentum nostrorum, nec non &
succes-

successorum nostrorum, die noctuque horis congruis, Horas canonicas, pro viuis & defunctis, deuotè celebrèt & sacrificia offerant.

Cvi capellæ, de prædictorum Episcoporum ordinatione ac consilio, quasdam decimas, de ijs quas mihi & prædecessoribus meis, in Comitatu seu Marchionatu Flandriæ, de terris cultis & incultis, sanctissimi Patres *Papa Romani*, pro adiutorio expensarum nostrarum, & nostrorum militum, pro expugnatione ac resistentia contra *Vandalos*, qui Flandriam & alias terras vicinas, cum ecclesijs in ipsis constructis, crudeliter & dånabiliter deuastabant, & incendio tradebant, in feudum perpetuum concesserunt, nec non & quasdam alia bona in eodem Comitatu, pro eorundem Canonico- rum vita, & alijs eiusdem capellæ expensis, dono, trado, & præsentì charta concedo.

Locorum verò, in quibus decimæ ac bona ipsa sita, sunt hæc;

Scilicet ecclesia S. Michaelis in villa *VVemebriga*, cū omnibus appendicijs, decimis, pratis, agris, mancipijs, vestigalibus, excepto regio Filco.

Capella S. Crucis, in villa quæ dicitur *Gera*, cum omnibus decimis, & terris adiacentibus.

Capella de *VVaya*, & quæ dicitur *Ridenorda*, cum omnibus decimis, & terris sibi attinentibus.

Capella S. Christophori iuxta forum; ecclesia de *VVidsgarus*, & ecclesia de *Kenilis*, cum omnibus terris, quæ ad nos pertinent ibidem:

Bodium de *Thicabusca*, bodium de *Formescla*, bodium de *Ipris*;

Ecclesia de *Efna*, cum capellis suis, *Dica-smutha* & *Clare*;

In parochia *Oostkerck* apud *Budanflie*, vnum aratrum, & pars alterius, & grex vnus ouium cum terra tota;

In parochia *Redenburg* terra tota: item in eadem pa-
rochia *Oostkerck*. vii i. pila caseorum, & denarij de vi-
tulis; de terra *Herradi*, pila caseorum, & omnes denarij

de vitulis, de terra *Ostet* vii. pisa caseorum, & denarij de vitulis.

De terra *Vulfras* vii. pisa caseorum, & xv. arietes, & triginta vellera agnorum, & xv. vellera arietum, & xxx. vellera agnorum.

De terra *Frebbine* iiii. pisa caseorum, & denarij de vitulis.

De terra *VVerenbaldi* ii. pisa caseorum, & v. arietes & x. vellera agnorum, & v. vellera vnus agni, & x. agnorum.

De terra *Herradi* v. pisa casei, & duodecim arietes, & xxiv. vellera agnorum, & xii. vellera arietum, & xxiv. vellera agnorum.

De terra *Tanchradi* i. pisa casei.

De terra *Euerbaldi* & *VVulfildis* ii. pisa caseorum.

In parochia *Holtavve* terra in *VVegeha* circiter xl. mensur. diurn.

In parochia *Vskerck* de terra *Blidase* x. pisa caseorum.

In parochia *Oostkerck* terra *Tanchradi* l. diurn. mensur.

In parochia *S. Marię*, terra pratorum xxxii. mensur. diurn.

In parochia *Madkercka* terra, quę dicitur *Haddigga-land*.

Volo etiam, quoddam predicti Canonici caput sibi habeant, & Maiorem, qui nominetur *Præpositus*, quem sibi liberè ipsi possint eligere: & isti Præposito hæc bona similiter do, trado, & concedo, quorum primum est:

ECCLESIA *Oorfcamp*, cum omnibus decimis, & terra ibi sita.

BODIVM in villa *Sarra*, cum xiv. bonarijs, & xvii. mensur. diurn.

In *Lisvvege* lxxii. mensur. diurn.

In *Vutkercke* lxxix. mensur. diurn.

In *Dudzela* lv. mensur. diurn.

In *Michem* xiii. mensur. diurn.

In parochia *S. Crucis* XLV. mensur. diurn. & 1. curtile.

In *Vulpis* circiter D. & quinque mensur. diurn.

In *Oestkerke* centum triginta oues, cum terra.

In *Africa* 1. curtile: apud *Dicastrum* CC. oues, cum terra.

In parochia *Lo*, x. mensur. diurn.

Apud *busarica* CXX. mensur. diurn.

In *Iabeca* XXX. mensur. diurn.

In *Zarkenghem* x. mensur.

In *Lisvega* XVI. mensur: in *Riedsela* 1 x. mensur.

In parochia *S. Maria* Brugensis IIII. curtilia & 1. pratum.

In parochia *S. Salvatoris*, in castello forinscco II. curtilia.

Rogo insuper, & iubeo atque mando, vt nullus predictarum mearum donationi contradicat, vel dictam capellam *B. Mariae*, ac *S. Donatiani* impetat, siue impediat super bonis predictis. Si quis autem ijs in aliquo contraire vel contradicere voluerit, quingentas libras auri persoluat, & si fuerit heres meus (quod absit) exheres sit, & maledictionem Dei & *B. Virginis* matris eius, & *S. Donatiani*, & omnium Sanctorum, & meam incurrat. Si vero donatarius sit ingratus, & dono meo careat & meorum, & priuetur à meis heredibus, vt ingratus.

ACTVM *Brugis*, 11. Calen. Augusti, anno Dominice Incarnationis nongentesimo sexagesimo primo. An. 961.

NO-

NOTATIONES.

ATHALA) Adala siue Aleida, Arnulfi Magni cōiux, fuit filia *Heriberti* Veromanduorum Comitum: qui *Carolus Simplex*, Francorum Regem turri Peronensi inclusit, & Arnulfi patrum *Rudolphum* per Normannos in prælio oppressit.

BALDVINO) Ferreo: de quo vide supra cap. 17.

TORNACENSIS) Episcopus HADVLVS, qui anno 955. electus est: teste Flodoardo in Chronico.

MORINENSIS) fortè Wicfredus, qui anno 948. sedere cepit, teste eodem Flodoardo.

PAPAE ROMANI.) Notet Lector, Pontificum Romanorum concessione, variorum locorum Decimas ad manus Principum & aliorum laicorum transiisse, intuitu beneficiorum ab ijs Ecclesiæ præstitorum.

WANDALI) olim haut dubiè Flandriam vastarunt: sed hic, Wandalorum nomine putem designari Normannos.

BODIVM) id est, fundus, *Bodem* Flandris.

PISA) fortè idem hic quod pondus, *pois* vel *poix* Gallicè. Nisi malis legere, *pecia*, id est, pars, *piece* Gallicè.

PRAEPOSITVS) ecclesiæ S. Donatiani, fuit olim Cellarius hereditarius Comitum Flādrig. Ea dignitas, vnà cum dote Præposituræ, nunc est annexa Episcopatu Brugensi, quem an. 1559. Paulus IV. Papa instituit, petente Philippo II. Rege Catholico, Flādrigque Comite.

CAP.

CAPVT XXXV.

*Vvicmannus, nouicastri Gandensis ab
Othon Imp. structi Comes, dat
villam Theslam monasterio
Blandiniensi. an. 962.*

IN nomine Patris & Filij & Spiritus sancti
& indiuiduz Trinitatis Cum omnipoten-
tis Patris sapientia, eademque & virtus &
verbum Dei cuncta essentia constituit ex
nihilō, solo verbo & imperio, vniuersali-
ter hoc omni creaturæ constituit, vt factū
sequeretur factorem.

Et cum iam cuncta processissent valde bona à sum-
mo & bono Deo creata, omnia subdidit vsui hominis,
quem in hanc excellentiam componebat, vt consimi-
lem Deo faceret, & vniuersis à se super terram creatis
præferret.

SED Vx vx in terris animæ & celestium inani, dege-
neranti à suo factore. Deperit omnis ea creatura, quæ
nec aliquando per se animaduertit, vt declinaret à ma-
lo & faceret bonum. Vnde ne homo penitus periret,
quem ipse creauit Deus, hominem induit, quem etiam
super celestia exaltauit...

PRAETEREA documenta dedit, quomodo spiritu hu-
milibus, & elemosynam facientibus pateret ingressus
celestium ædium, & qualiter de terrenis negociaremur
celestia...

QUA PROPTER in Dei nomine ego WICMANNVS, gratia Dei, non meis meritis Comes, flagrans amore celestis hereditatis, cupiens adipisci quamdam particulam beatitudinis, cum his, qui patrimonijs suis Domino legaliter traditis caelestem peruenierunt ad hereditatē, salubre hoc mihi visum est ut ex bonis, à clemente Domino mihi collatis, aliquam prouiderem aeternae felicitatis mihi portionem.

Idcirco ad monasterium BLANDINIVM à sanctae recordationis patre AMANDO antiquitus constitutum, & in honore principis Apostolorum Petri, doctorisque gentium Pauli consecratum, ubi requiescunt corpora SS. VVandregisili, Ansberti, Vulframni, Archipraesulum, cum beata Christi virgine Amalberga, cuiusque Rector exstat & Abbas Deo deuotius WOMARVS, cogitans ac pertractans, superna Dei inspirante clementia, delegavi & tradidi Domino Deo, sanctissimo eius Apostolo Petro, ac ceteris Sanctis ibidem requiescentibus, atque seruis Dei in ipso loco, nunc & in futurum militaturis mei villam iuris THASLAM dictam, cum ecclesia, mancipijs, culturis, pratis, pascuis, silua & omni hereditate, quae ad ipsam respicit & quidquid speratur pars praedictae hereditatis.

HAEC omnia, sicut praefatus sum ad idem venerabile cenobium Blandinienſe pro remedio animae meae, & coniugis meae defunctae LVITGARDIS, trado, transfundo, atque transcribo, & de iure meo cedens ei, iuris potestatisque dominium eiusdem loci destino atque concedo, ut ipsi serui Dei amodo & deinceps haec recipiant ad militatis suae profectum, habeant, teneant, possideant absque ullius contradictione vel refragatione: quatenus ipsi serui Dei ibidem secundum regulam S. Benedicti viuentes, Deoque seruientes liberius & deuotius pro me & coniuge mea nunc defuncta, cunctisque praedecessoribus meis, omnipotentis Dei, Sanctorumque eius exorent clementiam.

Si verò, quod futurum minimè credo, quisquam de successoribus meis, heredibus, aut proheredibus iniuriosus

riofus contradicтор, feu quolibet extranea persona huic traditioni meæ contraire voluerit, & infirmare, quod multorum firmatum est fidelium auctoritate, in primis S. Trinitatis & S. Dei genitricis Mariæ, B. Petri, ac deinde omniū Sanctorum iram incurrat, ob offensam, perpetuæ maledictioni subiaceat, & partem habeat cum ijs, qui hereditatem Domini voluerunt delere de terra. Tamen iniqua præsumptio non obtineat effectum, sed hæc nunc traditio firma permaneat & inconuulsa.

ACTVM publicè in monasterio Blandinio, Kalendis Nouembris, anno verbi incarnati DCCCCLXII. Indictione V. Lotharij Regis anno XIII. Domini Womari Abbatis VIII.

SIGNVM ipsius WICMANNI Comitis, qui hanc traditionem fecit, & illustrium virorum testimonio firmari petijt.

SIGNVM illustris ARNULFI Comitis, patris supradicte Lutgardis Comitissæ.

S. THEODORICI Comitis.

S. BALDVINI. S. ARNULFI.

S. ERICI. S. EVIRVINI.

Ego quoque Wichardus, etsi indignus monachus, interfui & subscripsi.

NOTATIONES.

WICMANNVS, primus noui castri Gandensis, ab Othone I. Imp. anno. 949. ad ripam Legiæ fl. structi. Comes constitutus fuit. Huic Comitatus quattuor villæ, cum appendicijs *Asneibe, Bocholt, Axla, Hulsta cum tota VVafra*, subiectæ fuerunt; vt in Chronico ms. Gandensi legitur. Hæ villæ, quattuor Ministeria seu Ambacti vulgò vocantur, *Asneda, Bocholt, Axel & Hulst*: quæ quidem villæ siue opida sub diocesi Vltraiectina fuerunt vsque ad annum 1559. quo multiplicatis in Belgica Episcopatibus, sub diocesi

Gandenſi ſunt collocata.

I. *Comes Gandenſis.* WICMANNVS vxorem habuit LVTGARDIM, Arnulſi Magni Flandriæ Comitis filiam: vt in eodem Chronico, & in diplomate ſupra recitato legitur. Obijt ea III. Kalend. Octobris, an. 961. teſte Meicro.

II. WICMANNVS ex ea filium THEODERICVM, ſimiliter Comitem, ſuſtulit, qui paterno diplomati ſubſcripſit, & anno 977. cum coniuge ſua HILDEGARDE dedit monaſterio Blandinienſi Cleiham, (nunc *Keiham* prope Dixmudam opidum) in pago Flandrenſi anno Regis Lotharij XXII. & Abbat. Womari XXII. ſubſcribētibus Arnulfo Marchiſo Flandrenſi iuniore, & Arnulfo filio prædicti Theoderici Comitis, Indictione tertia: vt idem Meierus tradit.

III. ARNVLEVS autem Comes vxorem habuit LIETGARDAM, deditque is an. 998. Blandinienſibus eccleſiam in villa Materne, nunc *Matere*. Huius donationis diplomati ſubſcripſerunt THEODERICVS & ADELBERTVS, filij Arnulſi Comitis: vt David Lindanus lib. 3. cap. 3. in ſua Teneramonda reſert.

IV. THEODERICVS patri in Comitatu Gandenſi traditur ſucceſſiſſe: vt idem Lindanus commemorat.

CETERVM caſtro Gandenſi à Comitibus Flandriæ occupato, LAMBERTVS ab iſdem primus Caſtellanus Gādenſis eſt conſtitutus: à quo ceteri deinde Caſtellani ſeu Vicecomites Gandenſes, & ex ijs orta VILLANORVM, nunc Comitum Iſenghemij familia, genus duxerunt. De quibus vide Lindanum loco citato, qui & Caſtellanos Gandenſes, & Comites Aloſtanos ex Gandēſium Comitum ſtirpe deducit: & quidem veroliſimiliter.

NAM ex varijs dictorum Comitum & Caſtellanorū cū diplomatibus tum ſigillis conſtat, vtriuſque familiæ idem cognomen DE GANDAVO, eademque inſignia gentilitia fuiſſe.

COMITATVM porrò Aloſtanum ex Comitibus caſtri noui Gandenſis Iacobus Marchantius deriuatum ſcribit: quòd facit, Aloſtanum Comitatum tunc exortum, quam

quando Gandensis desijt.

GRATIA DEI) hoc est, Dei miseratione, vt Episcopi hodie scribunt. Quo sensu fere accipiendum est in diplomatis, quæ minorum gentium procures ista ætate ediderunt.

THESLA VILLA,) nunc Desselberg!, vicus prope Gandauum.

CAPVT XXXVI.

*Lotharius Francorum Rex Gandense S.
Bauonis monasterium, ab Arnulfo
Flandria Comite eiusque filio Bal-
duino, opera S. Gerardi Abba-
tis Broniensis instauratum,
sua auctoritate firmat.*

IN nomine sanctæ & indiuiduæ Trinitatis.
LOTHARIUS diuina annuente clementia Rex
Francorum. Quandoquidem nos fidelium nostrorū
petitionibus, ac præcipuè ad religionē & restaura-
tionē sanctæ Ecclesiæ pertinentibus, assensum præbere
dignū dignoscitur, notum fieri volumus omnibus fide-
libus nostris tam præsentibus quàm futuris, qualiter fi-
delis noster ARNULPHVS Comes, ac filius eius BAL-
DUINVS, nostram adierunt clementiam, supplicantes de
quodam monasterio in vico GANDAVO posito, vbi *Legia
& Scal-*

& *Scaldis* flumina confluunt, in honore S. Petri constructo (in quo etiam S. Bavo corpore quiescit humatus, à cuius quoque tempore, aliorumque religiosorum virorum, religio & regularis ordo ibidem seruatus fuisse memoratur) nostra auctoritate voluntatis suæ deuotionem confirmari.

Erat ergò idem locus multis temporibus, tam incursum paganorum, quàm incursum & negligentia incolentium desertus, & in solitudinem reductus, & penè inhabitabilis effectus: ita ut nihil quidquam diuini officij Deo inibi persolueretur. Pia verò admonitione memorabilis viri GERARDI Abbatis, placuit eis eundem restaurare, & quendam alumnum eiusdem Gerardi, religiosum videlicet virum WOMARVM, Abbatem ordinare, atque monachos, qui regulam S. *Benedicti* obseruarent, congregare.

Quo etiam in loco transacto iam anno ordinationis suæ, dictus Womarus religiosos Abbates accessit, *Aginaldum* videlicet, Gorziensis cœnobij Abbatem.... prouisorum cœnobij S. Petri, nec non & suæ ditionis Abbates quàm plures, id est, *Hildebrandum* atque *Ledricum*, ceterosque sanctæ diætæ Ecclesiæ adiutores. Quorum instinctu & exhortatione nostram, ut dicere incohauimus, iam dictus Comes, filiusque eius adierunt clementiam, supplicantes litteris nostræ auctoritatis ita hoc, quod ipsi pro seruitio Dei omnipotentis, sub professione regulæ S. *Benedicti* incoharent, firmiter roborari, quatenus.... succedentium annorum, nullus sanctæ Dei Ecclesiæ infidelis, contra hoc suæ deuotionis affectionis opus insurgeret, sed idem locus omni tempore in potestate Abbatis & fratrum eiusdem loci perseueraret.

¶ VNDE.... rationabilibus fidelium petitionibus annuentes, decernimus, iubemus, regiaque munificentia præcipimus, idem sapè dictum monasterium à monachis inibi Domino, secundum regulam S. *Benedicti*, militantibus.... seruandum, & in perpetuum possidendum: ita ut licitè & absque vlla contradictione, tam de rebus eius-

eiusdem loci,quàm omnium ad eundem pertinentium quidquid rationabiliter , oportunitate temporis dicante,iuxta auctoritatem normę proprię professionis, facere decreuerunt,& potestas omnis & licentia,regia auctoritate,eis concedatur. Habeant sanè potestatem eligendi Abbatem regulariter,quomodocunque elegerint:ita tamen vt is,qui in præsentì tempore eiusdem cœnobij regimen regulariter suscepisse dignoscitur, dominus WOMARVS,omnium opponentium se insidijs, ab eiusdem loci regimine nunquam priuari valeat.

Nē verò alicuius fraudulentia vel contradictio contra huius nostrę auctoritatis præceptum venire præsumat, vel illud infringere conari audeat, atque hanc chartam priuilegij irrumpere præualeat, eam manu propria firmare volumus , & annulo nostro signari præcepimus.

SIGNVM LOTHARII bonę indolis Regis gloriosissimi.

EGO WIDO Cancellarius, ad vicem ARNOLDI Archicancellarij Regij.

Datum in palatio Lauduni clauati, apud monasterium S.Ioannis.... X. Decembris , anno incarnationis Dominicę.DCCCCL....Indictione.... anno primo regnante Lothario Rege gloriosissimo.

NOTATIONES.

LOTHARIUS.)Ludouico Transmarino, Francorum Rege, Remis anno 954. defuncto, eius ex Gerbega filius Lotharius, adhuc puer, eodem anno ab Artoldo Archiepiscopo ad S.Remigium Rex est consecratus:vt Flodoardus in aureo suo Chronico, per Pithęum edito, narrat Sigebertus noster, in Chronico suo, hæc ad annum proximè sequentem refert. Vt vt
fit

CAPVT XXXVII.

*Idem Lotharius Rex varia pradia
Bauonenſi monaſterio an. 967.
confirmat, petente Bal-
duino Comite Came-
racenſi.*

IN nomine ſanctæ & indiuiduæ Trinitatis.
LOTHARIVS gratia Dei Rex. Si ea quæ fideles no-
ſtri pro ſtatu & vtilitate Eccleſiarum in locis ſibi
commiſſis ſtatuert, noſtris confirmamus ediſtis,
hoc nobis proculdubio ad æternam beatitudinem, &
totius regni à Deo nobis commiſſi tutelam, maſſurum
eſſe credimus, & retributorem Deum exinde in futuro
nos habere confidimus.

Igitur ſit notum omnibus tam præſentibus quàm
futuris ſanctæ matris Eccleſiæ filijs, quodd venerabilis
Comes ARNVLPHVS, noſter videlicet conſanguineus, &
regni noſtri Marchio nobiliſſimus, noſtram adiens
excellentiã, humiliter petierit, vt quoddam monaſte-
rium, in honore B. Petri Apoſtolorum principis con-
ſtructum ſuper fluuium *Scaldim*, quod antiquitus voca-
tum eſt GANDA, pro cauendo eiufdem cœnobij futuro
periculo, & ſtatu monaſticæ religionis ibidem perpet-
ualiter corroborando, noſtræ auctoritatis præcepto
muniremus. Cuius petitioni tunc aſſenſum præbuimus,
& ſtatuimus, vt idem monaſterium, cum Dei auxilio, à
prædicto ARNVLPHO venerabili Comite moderno tem-
pore reſtauratum, & in melius exaltatum, iuxta
V
eiufdem

*An. 954.
vel 955.*

eiufdem loci fcripta, & regularia feu Imperatoria præcepta, in ordine monaftico, fub regulari difciplina, res fuas, pia largitione fidelium conceffas, quietè poffideret, Decreuimus.... quod & regia auctoritate, cum omni imperio præcipimus, vt præfato monafterio de rebus fuis aliquod difpendium nemo vnquam inferre præfumeret, neque ad dominium feu prioratum eiufdem loci, aliquis tyrannicè ufurpatione adfcenderet, fiue per generis nobilitatem, fiue turpis lucri illicita largitione, fed fecundùm B. Benedicti regulam ibi Abbas conftitueretur, & conftitutus legitima potèftate vteretur.

Nunc verò illuftri Comite ARNVLPHO ab hac vita fublato, & ad fuperos, vt credimus, tranfucto, BALDVINVS cognomento BALZO, nofter eiufque confanguineus,....ARNOLPHI pueri, filij Balduini, filij fæpe dicti memorabilis Arnulphi, cum reuerendo Abbate WOMARO, folertiflimo sanctæ religionis fautore, ac infigni propugnatore, & prælibati Gandenfis monafterij rectore, noftram adiijt ferenitatem, petens noftræ auctoritatis munimentum erga idem reuocare monafterium.

Nos verò eorum nihilominus annuentes faluberri-
mis petitionibus, interuentu etiam dilectæ matris no-
ftræ GERBERGAE fcilicet, & amabilis coniugis noftræ
EMMAE, illorum Deo dignam adimpleuimus poftula-
tionem, & hanc noftræ auctoritatis defenfionem eis
conceffimus fuper idem monafterium, & eius res infra
regni noftri terminos conftitutas.

In primis ergò, ex auctoritate omnipotentis Dei, à
quo omne regnum & imperium eft, & noftra præcipi-
mus, vt nullus Epifcoporum aut Archiepifcoporum,
qualicumque cauffa exiftente, locum illum inuadere,
aut bannire aliquo modo audeat, nifi priùs res ad au-
res noftri imperij referatur, & tunc confilio noftro de-
finiatur.

Appendentiâ autem hæc roboramus, omnes man-
fiones vltra Legiam de portu Garidauo: in *Heckenghem*
ma n-

mansiones decem cum ecclesia & omnibus appendicijs, id est, in *Maglina*, mansus vnus & villa *Gondelghem*, cum omnibus appendicijs suis, id est, terris, pratis, pascuis, filuis, villa *Stola* & *Slonderega* & *Desseldonck*, & *Tonensela*, & *Spenghedonck*, & *Metmedonck*, cum ecclesia, villa *Singen*, cum appendicijs suis.

In villa *Hadermina*, mansi duo, in villa *Benghina*, mansi duo, in villa *Hembois*, mansi duo, villa *Herlinghen*, cum appendicijs, id est, terris, pratis, pascuis, filuis.

In pago *Curtracensi*, *Singhehem*, mansi decem, cum ecclesia & reliquis appendicijs, id est, terris, pratis, pascuis, filuis.

In *Haulinghem*, mansus vnus, in *Aspre*, quarta pars ecclesie, & septem mansus, in *Gendinghem*, mansi septem, villa *Esloia*, cum triginta octo mansis & ecclesia & reliquis adiacentijs, scilicet terris, pratis, pascuis, filuis.

In *Cauoghem*, cum mansis tribus & ecclesia in pago *Metelentensi*, in *VVilda*, mansus vnus, in *Merendra*, mansi *Melan-* tres, in pago *Flandrensi*, in *Rodenborch*, mater ecclesia *thoys*. cum capella & omnibus appendicijs.

Præcauentes itaque antiqui hostis insidias, quibus feruorum Dei quietem conturbare & multiformi caliditate molestare nititur, reuerendo Abbate *VVomaro* & eiusdem loci fratribus hanc nostræ auctoritatis tutelam, contra . . . perturbationis iacula, opponendam concedimus.

VIDELICET vt prædicto Abbati, eiusque Fratribus nullus laicorum, siue clericorum, siue secularium, non aliquis Princeps vim aliquam inferat, nullus iudex publicus ex iudiciaria potestate in ecclesias, aut loca, aut agros, seu reliquas possessiones memorati cœnobij, quas moderno tempore infra ditionem nostri imperij iuste & rationabiliter possidet, vel eas quas in iure ipsius loci voluerit diuina pietas augere, ad causam audiendam, vel fredas aut tributa exigenda, vel mansiones aut paratas faciendas, aut fideiussores tollendos, aut homines eiusdem monasterij, tam ingenuos quam seruos

seruos super terras ipsius commanentes, absque Abbatibus iussu distringendos vel villas redibitiones aut illicitas occasiones quærendas, nostris vel futuris temporibus, ingredi audeat vel valeat, vel ea quæ supra memorata sunt penitus exigere præsumat, nec de ordinationibus monasterij, nisi ad hoc rogatus, secundum regulam S. Benedicti, se quisquam intromittat, nec ullam penitus vim banni aut similibus inferat.

QUIETO itaque iure cuncta quæ possident, & quæ Deo auxiliatore, acquisituri vel adepturi sunt, vñibus eorum deseruiant, quatenus absque penuria & infestatione cuiusquam, tam pro anima venerabilis ARNULPHI ceterorumque suorum benefactorum, quam etiam pro totius regni nostri quiete & vtilitate, diuinis laudibus incumbentes, diuinam clementiam exorent.

QUISQVE igitur cōtra huius præceptionis munimentum aliquid sinistri molitus fuerit, quod neminem facturum credimus, omnipotentis Dei iram incurrat, & iudicio fidelium conuictus, reatus sui pœnas exsoluens, centum auri libras coactus monasterio conferat, & quod illicitè tentauit, frustretur & inane fiat.

QVAE nostræ constitutionis auctoritas vt firmior inconuulsaque ...seruetur, hoc ei præceptum fieri iussimus, & annulo nostri palatij subfirmantes præcepimus insigniri.

DATVM III. Nonas Maij, regnante Domino LOTHARIO anno XII. Indictione X. Actum Nobiliaco feliciter, anno Dominicæ incarnationis DCCCC. LXVII.

An. 967.

NO

NOTATIONES.

MEIERVS in Annalibus Flandriæ an. 967. diplomatis huius disertè meminit, vt & alibi aliorum à nobis productorum.

BALDVINVS BALZO.) De eo sic idem Meierus: Anno 973. obiit *Baldwinus, qui & Balzo, cognomine Brevis, filius Rodulphi Comitis Cameracensis, sepeliturque Gandaui ad D. Petri.*

De Rodulpho, Balduini Ferrei filio, Balzonis patre, per Heribertum Veromanduorum Comitem in prælio an. 898. occiso, sic Regino Prumiensis, in gestis anni 899. *Rodolphus Comes pagi Cameracensis, frater Balduini Comitis Flandrensis, in ira commotus, propter castella ab Odone Rege sibi ablata, S. Quintini, & Peronam, dum depradari non cessat Abbatiæ S. Quintini, ab Heriberto Comite in bello occiditur.*

ARNOLPHVS siue Arnulphus, eo nomine secundus Flandriæ Comes, patrem Balduinum eo nomine tertium an. 961. adhuc puer amisit. Eius immaturam imperio pueritiam auus paternus *Arnulphus Magnus* aliquamdiu rexit: quo defuncto curam illam *Baldwinus Balzo* excepit.

GERBERGA.) De ea agemus cap. sequenti.

ANNO XII. Hic calculus annorum Christi & Lotharii Regis exactè respondet calculo Sigeberti in Chronico.

NOBILIACVS) seu Nobiliacum opidum, ac monasterium S. Vedasti, *la ville d'Arras*, est vetustæ Atrebatium ciuitatis (quam Iulius Cæsar NEMETOCERNAM, Antoninus in Itinerario NEMETACVM nuncupat, quæque nunc *la cité d'Arras* dicitur) contiguum, muris tamen ac portis discretum. Monasterium ipsum, iam inde à temporibus Theoderici Regis, Nobiliacum est nuncupatum: vt ex eius diplomate constat. In ciuitate Episcopus

pus Atrebatensis, cum collegio suo Canonorum, residet, & politicam iurisdictionem exercet: in Nobiliaco, quod ciuitatem amplitudine multò nunc superat, Abbatia Vedastina uisitur. Ea haut dubiè, postquam à Theoderico Rege copiosissimè ditata fuerat, occasione dedit & causam vrbs exstruendæ, confluentibus nimirum cùm accolis tum exteris, ad S. Vedasti reliquias, miraculis tunc celebres, honorandas.

Sic & Audomaropolis, *S. Omer*, in eadem prouincia, Gissenopolis, *S. Gislain*, in Hannonia, Trudonopolis, *S. Tron*, in ditione Leodicensi, & alia alibi opida originem atque incrementa sua monasterijs debent.

C A P V T XXXVIII.

*Gerberga Francorum Regina alodium
Marfanense, prope Traiectum
Mosa, donat monasterio S.
Remigij Remensis an.*

968.

IN nomine sanctæ & indiuiduæ Trinitatis, GERBERGA diuina dispensante clementia, humilis Francorum Regina. Cùm omnibus sancta Ecclesia, ab exordio Christianæ Religionis rectè dispositis, quibusque ecclesiasticis utilitatibus donis sit maximè ditata regalibus, dignum profectò ducimus, si morem antiquorum sequentes, ex rebus nostris

nostris eandem honorantes sublimauimus, sperantes à Domino bonis æternalibus remunerari, cuius pietatis consilio actus nostros optamus in salutem dirigì.

Quocirca fidelium præstantium vniuersitati, simul & secutorum, notum sit posteritati, quemadmodum locum S. REMIGII magnifici Doctoris, Apostoli Francorum, gaudentes rerum incrementis feliciter prosperari, ac multiplici bonorum copia fortunatum haberi, delegantes solemniter per manus fidelis Aduocati nostri, Comitum ARNULPHI, legitima veltutura cum consilio, pietate, benigno quoque consensu OTHONIS Imperatoris Augusti, tradidimus S. Remigio quoddam nostris nostri prædium, in alodio, in honore S. Petri consecratum, vocabulo MERSEN, in Comitatu MOSAVGAE, cum omnibus ad ipsum prædium pertinentibus, id est, *Duinam & Litam*, cum appendicijs suis, *Hertam & Angleduram*, cum appendicijs, superadditis etiam rebus alijs, quæcumque ex ipso fisco in ius dominicum iam olim deuenerant: adstantibus, etiam animo collaudantibus & confirmantibus GERARDO Tullensi Episcopo, atque Comitibus EMMONE & AFRIDO, nonnullisque alijs viris.

Mersen.

Fidentes itaque tanti patris & patroni nostri plurimum meritis adiuuari, totumque hoc agentes pro salute videlicet nostra, & remedio senioris viri nostri piæ memoriæ GISLEBERTI, sui que parentum, patris scilicet & matris RAGENERI & ALBRADAE, ea scilicet ratione, ut idem locus S. Remigij, qui semper ab antiquo regijs donationibus, utpote caput Franciæ, fuerat honoratus, nostris etiam donis regalibus discescat & polleat vberius, ipsumque alodium, ut sui proprium iure legitimo firmiter tenendo possideat in perpetuum, quatenus memoriam nostri, ac præfati viri senioris nostri GISLEBERTI apud se iugiter fixam idem locus habeat, suisque orationibus perpetuis & sacrificiorum muneribus & votis in conspectu Dei eiusdem memoriam pijsimè recolat.

Ipsum

Ipsū autem alodium omnium rerum integritate legitima ex terminatione constat, habēs mansos octingentos duos, cum terris videlicet cultis & incultis, siluis, pratis, vineis, & pascuis, campis, molendinibus, aquis, aquarumue decursibus, exitibus & regressibus.

Ceterū si quis fortē olim tentauerit hanc traditionem regiam inquietare, eiūque nefas aliquod ex aduerso irrogare, pœnas temeritati suæ obnoxias, vt reus maiestatis, exsoluat, imo etiam Deo & S. Remigio, cum omni emendatione, iuxta decretum satisfaciāt. Et sic hæc Regalis donatio nostra inuiolabilis semper permaneat & inconuulsa.

Actum III. Idus Februarij anno Incarnationis Dominicæ DCCCCLXVIII. in præfato Comitatu, in villa quæ dicitur SARTA, annum XXXII. regnante D. Othone Imperatore inclyto, ac Cæsare Augusto filio quoque eius æquiuioco regnante annum VII.

Signum dominæ GERBERGÆ glorioſæ Reginæ, quæ Regiæ auctoritatis manu hoc scriptum, quod fieri iussit, dignanter corroborauit, & alijs confirmare mandauit.

Signum iuuenis magnæ indolis CAROLY.

S. ARNVLPHI Comit̃s, qui vice dominæ Reginæ hanc traditionem fecit.

S. Emmonis Comit̃s.	S. Aufridi Comit̃s.
S. Hubeti.	S. Huberti.
S. Gotrannis.	S. Franconis.
S. Gerardi.	S. Euruni.
S. Adelftaui.	S. Himonis.
S. Godelmi.	S. Isaac.
S. Theoderici.	S. Onulphi.
S. Wiberti.	S. Rolandi.
S. Rageneri.	

Data pridie Idus Februarij, manu dominæ Reginæ, & suscepta à domino Abbate HVGONE, qui ibi adfuit cum suo aduocato EMMONE prædicto Comite.

NO.

NOTATIONES.

GERBERGA)Henrici Aucupis Imp. filia, Othonis I. Imp. soror, anno 929. primum *Gislerbero* Lotharingæ Duci, post *Ludonico Transmarino*, Francorum Regi, Caroli Simplicis filio an. 939. nupta fuit.

MARSNA)Reginoni Marsana, *Mersen*, palatium olim regium, nunc municipium amplum, secundo lapide à Traiecto Mosæ, cum monasteriolo seu Præpositura, vt loquuntur: quam ad nostra vsque tempora monachi Benedictini ex Remensi S. Remigij cænobio, possederunt, & annis superioribus, via permutationis aliorum in Francia prædiorum, cesserunt Canonici regularibus cænobijs quod Aquas curtus, *Eancourt*, in Artelia nuncupant. Vide supra cap. 15.

GISELBERTVS) seu Gisilbertus Lotharingæ Dux, primus Gerbergæ maritus, fuit RAGINERI Ducis (vt ipsum Regino in gestis anni 898. nuncupat) & ALBRADAE filius: vt ex diplomate iam recitato, itemque ex Flodoardi Chronico, & ex Fragmento Gallici scriptoris, quod ex Conrado Abbate Urspergensis Petrus Pithæus recitat, certò constat.

In Fragmento illo sic legitur: Hac tempestate REGENERVS vir nobilis, partium Caroli Simplicis fidsimus tutor, finem vitæ accepit, cuius exequijs Carolus interfuit Hisque peractis *Gisilberto* eius filio iam adulto paternum honorem, coram Principibus, qui confluxerant, liberalissimè contulit. Hic cum esset opibus & genere inclytus, & coniugio GERBERGAE, Henrici Transrhenensis filia, satis beatus, in nimiam præinsolentia temeritatem præceps ferebatur, multaue pro abiectione Regis Caroli moliebatur. Sed victus, Rhe-

num pertransiens, annis aliquot apud socerum suum Henricum, patrimonio priuatus, exulauit. Euoluto autem tempore, Henricus egit apud Regem Carolum, vt Gislebertus reciperetur in gratiam. Recepit itaque *Traiectum, Iupilem, Harstallum, Marsum, Lutam & Capramontem*. Exinde in Celticam secessit, & in Neustriâ transijt: sicque cum ROBERTO, Othonis siue Odonis Regis fratre, qui erat Dux Celtica, consilium pertractauit, suggerens ei de regni susceptione, & Caroli abiectione. Procedente autem tempore Robertus, collectis Principibus, an. 922. Rex est effectus.

Sic ferè in Fragmento supra citato apud Conradum Abbatem Urspergensem legitur. His consonant ea quæ Flodoardus in Chronico ad an. 922. de Gisleberto narrat.

Eiusdem porro, vt arbitror, Regeneri seu Ragineri Ducis est diploma, quod anno 913. Indictione prima, die 9. mensis Maij scriptum, Harais in Annalibus Brabantia citat, quo is amplissimum latifundum monasterio S. Mattheæ Treuerensis dono dedit.

GISLEBERTVM verò fuisse fratrem Ragineri Longicollis, Hannonia Comititis, idem Flodoardus in Chronico ad an. 924. testatur: *Interea Gislebertum Berengarius (Lomensis seu Namurcensis Comes) qui sororem ipsius habebat, comprehendit; eumq; oblati obsidibus sibi pro eo filijs Ragenarij, fratris ipsius Gisleberti, dimisit. Idem vero Gislebertus dimissus, terram Berengarij Ragenarijque fratris sui, & Isaac Comititis (Cameracensis) depraedationibus plurimis vastat. Vide plura cap. 32. supra.*

GERARDVS) Tullensis Episcopus, est is, nisi fallor, quem Leo IX. Papa in catalogum Sanctorum retulit: vt Wibertus lib. 2. De rebus gestis eiusdem Leonis cap. 6. & Sigebertus in Chronico ad an. 1052. commemorant.

CAROLVS) Dux Lotharinga, iuuenis hic nuncupatur, utpote an. 953. Lauduni matre Gerberga natus: vt idem Flodoardus in Chronico scribit.

ARNVLPHVS) Non Flandrensis, sed alterius pagi Comes, traditionem fecit tamquam Vicarius Gerbergæ.

De

De hoc Arnulfo agit fortasse Flodoardus in Chronico an. 959.

EMMO) siue Immo Comes, primùm Brunonis Archiepiscopi Coloniensis, ac Lotharingæ Ducis consiliarius fuit; post hostis factus Capramontem an. 960. munivit contra eundem Brunonem; teste Flodoardo.

AVFRIDVS) Comes Bratispantium post Episcopus Vltraiectinus: de quo vide supra in Notis cap. 32.

ISAAC) Comes Cameracensis, qui varias contentiones cum Stephano & Fulberto Episcopis Cameracensibus habuit: vt Baldericus lib. 1. cap. 65. & 70. narrat.

WIBERTVS) seu Guibertus Comes, & fundator Abbatæ Gemblacensis in Brabantia: de quo supra cap. 32. egimus.

Ceterum ex supradictis abundè liquet, *Raginerum Longicollum* non *Manassés* (vt Lipsius, & alij scripserunt) sed *Ragineri* Ducis filium fuisse. *Manassés* autem (cuius occasione error natus est) Comes in Burgundia fuit, itemque fundator monasterij S. Viuentij in diœcesi Augustidunensi, vbi & sepultus iacet cum coniuge sua HERMANGARDE. Ex ea filium reliquit GISLEBERTVM, qui Burgundiæ Dux fuit, post obitum *Hugonis* cognomèto *Nigri*: vt Quercetanus in sua Burgundia testatur.

CAPVT XXXIX.

*Otho II. Imp. pradia ablata monachis.
S. Bauonis Gandensis restituit
an. 974.*

IN nomine Domini Dei æterni, ac Saluatoris nostri, Iesu Christi, superna largiente clementia. Otho Imperator Augustus. Si locis, diuinis cultibus mancipatis, enolumentum nostræ largitatis impendimus, id nobis procul dubio, ad præsentem vitam facilius transigendam, & ad æternam felicius capeffendam, prodesse confidimus. Idcirco notum esse volumus omnium fidelium nostrorum, tam præsentium quàm futurorum industriæ, qualiter venerabilis Womarus Abbas cænobij S. confessoris Christi Bavonis, domini genitoris nostri OTHONIS, bonæ memoriæ præcellentissimi Imperatoris, excellentiam adiecit, eius benignissimam interpellans Serenitatem, super aliquibus rebus, infra regni nostri terminos constitutis, prædicto cænobio S. BAVONIS aliquamdiu iniuste præreptis, qui continuo more sibi consueta pietatis, eius libentissimè assensum præbuit iuxta petitioni, constituens & imperans præfato loco & fratribus easdem res, cum omni integritate restitui, quas etiam antea sæpè fratribus eiusdem loci, pro hoc æquè cum adeuntibus, benignè reddiderat, sed humani debiti sorte præuentus ad meliora, vt credimus, transmigrans, nullum super hoc Imperialis auctoritatis scriptum ediderat.

Qua-

QUA PROPTER post illius ex hac luce decessum iam di-
cti venerabilis Abbatibus, monachi nostram adierunt
Celsitudinem, rogantes ut secundum pii nostri geni-
toris laudabile votum, nostræ quoque largitatis & im-
munitatis eis prospicere dignaretur auctoritas. Nos
verò hæc omnia à fidelibus nostris comperta, procul
dubio vera esse non ignorantes, ob spem diuinæ re-
munerationis, ac pro salute animæ eiusdem carissimi
nostri patris atque statu & incolumitate regni vel Im-
perij nostri, piam illorum nolumus frustrari petitionē,
sed insuper res ipsas diu sibi ablatas, omni cum integri-
tate, eis restituentes, nostræ auctoritatis immunitate
actione confirmamus.

NOMINA autem rerum hæc sunt, hoc est, in pago
Tessandria, Nordreuvic, cum ecclesia & omnibus ap-
pendicijs, & in pago *Brachatenſe, Settleſa*, cum ecclesia
& omnibus suis adiacētij: in pago quoque *Rien, Bonc-
holt*, æque cum ecclesia, & reliquis appendicijs.

HÆC ergo omnia sub perpetua immunitatis nostræ
tutione esse volumus, ita ut nullus noster Comes aut
Iudex, aut Vicarius, aut publicus fisci exactor, vel Ad-
uocatus, vel alius aliquis prænominatas villas ingredi
audeat, ad fredas exigendas, vel paratas exigendas, vel
hominibus præscripti monasterij inibi habitantibus di-
strictionem ingerendi, vel aliud quid potestatis exer-
cendi, licentiam aut potestatem habeat: nisi Abbas &
Aduocatus, quem sibi ipse utilem & necessarium ele-
gerit.

QUISQVE igitur contra huius nostræ præceptionis
munimen, quod futurum minimè credimus, aliquid si-
nistrum molitus fuerit, primò omnipotentis Dei iram
incurrat, & iudicio fidelium conuictus, reatus sui pœ-
nam exsoluens, centum auri libras coactus dicto mo-
nasterio reddat, & quod illicitè tentauerit, frustraretur
& inane fiat. Et ut firmiùs maneat inconuulsumque
seruetur, hoc ei præceptum fieri iussimus, quod & pro-
pria manu firmauimus, annulique nostri impressione
signari iussimus.

An. 974-

Signum domini OTHONIS inuictissimi Imperatoris.
 WILLIGISVS Cancellarius, ad vicem ROTBERTI Ar-
 chiepiscopi notauit. Datum XII. Kal. Febr. anno Do-
 minicæ Incarnationis DCCCC. LXXIII. Indictione
 II. anno regni Domini Othonis XIII. Imperij autem
 III. Actum *Bosgrat* in Domino feliciter, Amen.

NOTATIONES.

BOSGRAT.) Ita legitur in autographo, quod etiam-
 num Gandavi in archiuis palatii Episcopalis ex-
 stat: ut mirer, unde Meiero in mentem venerit
 hic legere, *Actum Brosella*. Potuit is legisse *Bruoh-
 sela*, & non *brosella*, in alijs duobus diplomatibus, quo-
 rum autographa ibidem adseruantur, & quorum prius
 sic finitur: *XIIII. Kal. Febr. anno Dominica Incarnationis
 DCCCC. LXXVI. Indictione IIII. anno vero regni domini
 Othonis XV. Imperij X. actum Bruohsela*.

Alterum sic finitur: *XV. Kal. Febr. anno Dominica In-
 carnationis DCCCC LXXVI. &c. ut supra*.

WILLIGISVS) Archiepiscopus Moguntinus, humili
 ortus genere, patrem habuit hamaxargum seu carpen-
 tarium, qui victus quotidiani causa, rotas & plaustra
 conficere soleret. Utque sese intra rectæ rationis ac
 modestiæ gyrum contineret, pristinamque suam te-
 nuitatem semper ob oculos haberet, passim in ædificijs
 & parietibus rotas pinxit atque incidit. Quas pro suis
 hodieque insignibus non solum Moguntina ciuitas, sed
 ipsi etiam Moguntini Archiepiscopi retinent.

CAP.

CAPVT XL.

*Otho II. Imp. confirmat possessiones
Ecclesiæ Leodicensis an.*

981.

IN nomine sanctæ & indiuiduæ Trinitatis. OTHO diuina fauente clementia Imperator Augustus. No- uerint omnes nostri fideles, tam præsentēs quàm etiam futuri, quòd venerabilis Episcopus Leodicē- sium NOTKERVS præcepta quædam nostris obtulit ob- tutibus, quæ ab antecessoribus nostris *Pipino, Carolo, Lodouico*, & item *Carolo*, Regibus Francorum, collata erant Ecclesiæ S. Mariæ & S. Lamberti, & insuper à patre nostro OTHONE Imperatore confirmata, super vniuersas possessiones eiusdem matris Ecclesiæ: quarum istæ sunt capitales, *Hoiun, Fosses, Lobies, Tungres*, & super cetera loca, cum omnibus rebus & homi- nibus ad ea pertinentibus, vt omni publica potestate exclusa, in manu Episcopi singulariter consistant.

Nos itaque eamdem sanctæ Ecclesiæ dignitatem con- siderantes, imperiali edicto præcipimus, vt nullus Comes, nullus Iudex, nisi cui Episcopus commiserit, au- deat potestatem exercere super ea loca, neque placi- tum habere, aut freda, aut tributa, aut bannos aut telonia, aut redditus de statione narium exigere, neque in quibuscumque alijs, quæ vel nunc habentur, vel de cetero habenda sunt.

SI QVIS autem contra hoc nostrum præceptum ege-
rit

rit, & vllam vim in rebus ecclesiæ, sub nomine potestatis, fecerit, & bannum regium componat, & conatus eius irritus fiat. Hanc auctoritatem manu propria firmauimus & annuli nostri impressione signari iussimus.

An. 981.

HILDBALDVS Cancellarius, ad vicem WILLIGISI Archicapellani, notauit. Datum VIII. Idus Ianuarij, anno Dominicæ Incarnationis nōgentesimo octogesimo primo, regni OTHONIS II. decimo nono, Imperij, verò XIII. Indictione VI. Actum in Gruona.

NOTATIONES.

HOMO) opidum ditionis hodieque Leodicensis ad Mosam fl. ab *Hoio* eiusdem nominis fluuio sic dictum. Ecclesia S. Mariæ in Hoio pertinet olim ad Ecclesiam Cameracensem. Vide Baldericum in Chron. Cameracensi lib. 1. cap. 52.

FOSSAS, LOBIAS) seu Laubias. Vide supra cap. 26. pag. 88. & 89.

TUNGROVM) opidum, *Tungres*, Episcopi olim Tungrensis sedes, qui nunc Leodici residet ab anno 709. quo S. Hubertus cathedram Traiecto Leodicum transtulit, cum corpore S. Lamberti.

CAP.

CAPVT XLI.

*Otho III. Imp. an. 985. donat Notgero
Leodicensi Episcopo Comitatum
Hoiensem seu Huiensem, quem
Anfridus Comes ante
ea tenuerat.*

IN nomine sanctæ & indiuiduæ Trinitatis. OTHO, diuina fauente clementia, Rex. Cunctis fidelibus nostris, præsentibus scilicet atque futuris, per scripti huius prætitulationem manifestari volumus: quia adiit Celsitudinem nostram venerabilis, & fidelitatis nostræ in omnibus executor, NOTGERVS, Tungrensium vel Leodicensium Episcopus, ut ei vel successoribus suis, S. Mariæ, sanctoque Lamberto deferuituris, Comitatum HOIENSEM, qui in nostra ditione hætenus erat, quemque AFRIDVS Comes, illustris vir, qui illum ad præsens tenebat, pro Dei honore, & prædictorum Sanctorum veneratione, ipsiusque Episcopi amore reddiderat, perpetuo habendum concederemus.

Et quia quod reliquum erat regis ditionis, in moneta scilicet, & telonio, reliquisque redditibus, munificentia Regum vel Imperatorum, prædecessorum nostrorum, Ecclesiæ S. Mariæ, in Leodio vel Hoio posita, iam cesserat & dilectissima mater nostra THEOPHANTA Imperatrix, sciendum petebat, ratum duximus eius subseruire petitioni.

Y

IGITUR

terfignari iussimus.

HILDBALDVS Episcopus & Cācellarius, vice WIL-
LIGIST Archicapellani, recognoui. Datum Nonis Iu-
nij, anno Dominicæ Incarnationis nōgentesimo octo- 895.
gesimo quinto, Indictione XIII. anno verò Tertij
Orthonis regnantis secundo. Actum in *Gilenheim*, feli-
citer. amen.

NOTATIONES.

AVERIDVS) ex Hoiensium & Bratuspantium
Comite cum factus esset Episcopus Vltraiecti-
nus, Otho III. Imp. Comitatum Hoiensem
Ecclesiæ Leodicensi perpetuò habendum con-
cessit. Vide supra cap. 32.

PERPETVO) inquam, habendum concessit: quod no-
ta, ut rarum illo æuo. Nam Comitatus & similes præ-
fecturæ ijs tēporibus non erant perpetuæ aut heredita-
riæ: ut in Annalibus Belgicis docui.

ÆONANTVN.) Vide supra cap. 20. pag. 91.

CAPVT XLII.

*Othonis III. Imp. diploma largitionis,
quâ Theodericum Hollandia Co-
mitem, auunculum suum, est
prosecutus an. 985.*

IN nomine sanctæ & indiuiduæ Trinitatis.
OTHO, diuina fauente clementia Rex.
CUNCTIS fidelibus nostris, præsentibus
scilicet atque futuris, manifestum esse vo-
luimus quomodo nos ob votum & amo-
rem dilectæ genitricis nostræ, THEOPHA-
NÆ, videlicet Imperatricis Augustæ, nec non inter-
uentu fidelium nostrorum ECBERTI Treuerensis Eccle-
siæ venerabilis Archiepiscopi, ac nepotis nostri HEN-
RICI Bavariorum Ducis, fideli nostro THEODERI-
CO Comiti, quidquid nostro concessu hætenus in be-
neficium tenuit, inter duo flumina, quæ vocantur *Li-
ora & Hysla* in proprium dedimus, cum omnibus vten-
silibus, quæ in eodem beneficio, Regio concessu, per
fructuarium vsum, ante hoc possedit, & totum
quod nostra Regia concessione in villa *Sunnemere* dicta
beneficiario vsum vsque modò, cum omni vtilitate illuc
aspiciente, sed etiam in proprium deinceps tenendum
donauimus, adhuc quoque quidquid beneficii nostra
de parte inter duo flumina *Medemelacha & Chimelo-
sara* (*Gemerchi* dicta) tenuit, cum omnibus appendicijs
ad idem beneficium pertinentibus, similiter in pro-
prietatem habendam dedimus.

An hæc etiam totum, quod de nostro iure, in pago *Texla* nuncupato, in beneficium tenuit, cum omni vtilitate ad hoc appendente (excepto quod vulgari lingua dicitur *Huslada*) ad integrum sibi in proprium tradidimus, in Comitatibus ita nuncupatis *Mafalant*, *Kinhem*, *Texla*.

Et vt de prædictis rebus liberam habeat potestatem donandi, commutandi, seu quidquid voluerit faciendi, hoc nostræ auctoritatis præceptum conscribi, & annuli nostri impressione sigillari iussimus, manuque propria subterfirmauimus.

SGNVN domini OTHONIS gloriosissimi Regis. An. 981.
 DEBALDVS Episcopus & Cancellarius, vice WILLIGISI Archicapellani recognoui. Data VIII. Kalendas Septembris, anno Dominicæ Incarnationis nōgentesimo octogesimo quinto, Indictione decima tertia, anno autem tertij Othonis regnantis secundo. Actum Noiomago feliciter, amen.

NOTATIONES.

DIPLOMA istud recitat Ianus Doufa in suis Hollandiæ Annalibus.

DE THEODERICO Hollandiæ Comite, eiusque coniuge HILDIGARDE, & eorum filio EGBERTO Treuerorum Archiepiscopo, vide infra Diploma anno 1083. datum de fundatione & dotatione Abbatiz Egmondanz.

que Martini incidat, & quasi profanus à sanctæ Ecclesiæ liminibus sequestratus existat. Et vt veriùs credatur firmiusque obseruetur, sigilli nostri impressione propria manu designauimus.

NOTATIONES.

DIPLOMA istud exstat apud Ioannem Gerbrandum Leidanum Carmelitam, in Hollandiæ Chronicis.

CETERVM AVFRIDVS, ex Bratuspantium seu Louanienfium & Hoiensium Comite, factus Episcopus Vltraiectinus, dedit eidem Ecclesiæ *VVesterlo*, & alias villas suprâ nominatas in pago Rienti, haut procul ab *Herentalia*, Campaniæ Brabantinæ opido, sitas, quas hodieque Baro PETERSEMITVS, caput illustriſſis familiæ *Merodia*, sub annuo censu possidet.

IDEM in *Monte sancto*, primo lapide ab Amersfurto ditionis Vltraiectinæ opido, an. 1006. monasterium Benedictinis monachis ædificauit, quod ann. 1050. in urbem Vltraiectinam translatum, S. PAULI nomine innotuit. Obijt autem an. 1008. aut proximè sequenti, in eodem illo suo cænobio conditus. Vide supra Notas ad cap. 32. itemque Ioannem Becanũ & Guilielmum Hedam, rerum Vltraiectinarum scriptores.

AVFRIDI coniux HILSMYND A seu HILSINDIS, exëplo mariti, sæculum pariter relinquens. THORENSE virginum Canonicarum collegium, ad Mosam sesquimillari à Maseica, ditionis Leodicensis opido, constituit ac dotauit: ad quod non nisi illustribus Comitum familijs progeneratæ nunc admittuntur. Virginibus istis Canonici sex, amplissimè ab eadem Hilfinunda dotati, in sacris celebrandis subseruiunt.

ET vt hæc donationis nostræ auctoritas stabilis & inconuulsa omni permaneat tempore, hoc præceptum inde conscriptum, manu propria corroborantes, sigillo nostro insigniri iussimus

SIGNVM Domini HENRICI Regis inuictissimi.

EBERHARDVS Cancellarius vice WILLIGISI Archiepiscopi, recognouit. Datum pridie Idus Septembris, Indictione sexta, anno Dominicæ Incarnationis millesimo octauo, anno verò Domini HENRICI secundi regnantis septimo. Actum Treueris feliciter, amen.

NOTATIONES.

SHERIBERTVS) Colonienfis Archiepiscopus anno 1011. die 16. Martij ad meliorem vitam transijt, ex opposito vrbs Coloniensis in monasterio Tuitiensi, a se condito, sepultus. Vitæ eius historiam scripsit Rupertus Abbas Tuitiensis à Surio editam.

BALDRICVS) Leodiensis Episcopus, fundator Abbatix S. Iacobi, in vrbe Leodicensi, anno 1017. viuere desijt, & successorem habuit Wolbodonem.

BALDRICVS Comes) Leodicensis fuit, vt suspicor. Olim pleræque ciuitates episcopales, vt Cameracum, Atrebatum, Ambianum, & aliz, suos Comites habuerunt.

AMBO NITHE) Duo hic flumina notantur, quæ *Nithe* seu *Nethe* nomen hodieque gerunt in Campania Brabantina, & in opido Lirano confluunt, videlicet *Netha maior* & *Netha minor*.

THILA) seu Thilia, *Thy* Gallis, *Dilia*, *Dyle* Teutonibus, flumen prope Genapiam in Gallo-Brabantia ortus, Villariense ord. Cisterciensis monasterium alluit, exinde Fura riuo Louanij auctum, in Demeram ac denique in Scaldim influit.

HEISTE) municipium, agri Rienfis hodieque notum. *Heist op den berg*.

Iesus Christus, qui ad vitam prædestinatis dicturus est in mundi fine, *Esuriui, & dedistis mihi manducare, nudus fui & operuistis me.*

HAC itaque diuina veritate compulsus SASVVALO, vir timoratus, Dei clementia prouidente, qui omnem creaturam vult in agnitionem veritatis venire, & vitam beatam promittit diligentibus se, ad humilitatem paruitatis nostrę venit, qui deputatus sum indignus procurator Nouiomenfis & Tornacensis Ecclesię, & postulans quatenus & eius petitioni fauere & Deo vota ipsius satagerem offerre.

Idcirco notum fieri volumus tam præsentibus filiis Ecclesię, quàm posteritati futurę, & successoribus sedis in præsentiarum nobis commissę, quodd eidem SASVALONI succensu cœlesti amore, & terrore peccatorum suorum immensitate, ego prædictarum immeritus Ecclesiarum Pastor, HVGONOME, & consensu clericorũ nec non & fidelium laicorum nostrorum, ex sanctorum Patrum traditione & sacrorum Canonum auctori tate concessimus collibentiam, cum corroboratione potestatis ecclesiasticę. Deprecatus est siquidem, vt altari libertatem concederemus, quod est in villa *Phalempin*, in Comitatu videlicet *Carenbam*, quatenus ibi ædificaret Abbatiam in honore B. martyris *Christophori*, & ibi stabiliret pauperum Christi clerimoniam, eamque sub obtentu charitatis dotaret appendicijs terrarum atque familiarum, vnde haberent ipsius Abbatie clerici alimoniam.

ANNVENTIBVS itaque voto suo BALDVINO Marchione, nec non & ADELA regali Comitissa, eius coniuge, absoluendum decreuimus, ea videlicet ratione, vt antea careat omni venditione, & qualibet commutatione, & pristina seruitute, duos tantummodò solidos singulis annis soluat ad Synodum Episcopalis censurę. Cũram animarũ Episcopus electo ab ipsis fratribus Priori delegabit ipsius cateruulę, & sic erit libera ab omni reliqua conditione, nec non & Principis potestate.

HAEC sunt igitur, quę liberaliter attribuit, fauente

prædicto Principe, idem SASWALO eidem Abbatia, terras optime fertiles, in villis videlicet *VVilleradi praco, Riuocuri, Burking.*

HAEC autem sunt nomina seruorum per familias eidem Abbatia cōcessa, *Dodo, & vxor eius, cū infantibus, Bernardus cum vxore & filijs, Florbertus cum vxore & filijs, David, Ternū, Algis, Berengarius, Terriens, Heibertus, Gunterus, Erembertus, Alguerus, Girhardus, VVille, Rodolphus, Remaldus, Rainerus, Constantus, Alaldus, Bernardus.*

Si quis igitur posthac (quod absit) temerarius filius Belial, contra hæc instituta insurrexerit, iram incurrat Omnipotentis, & deleatur nomen eius de libro viucentium, & cum iustis non scribatur.

ACTVM Tornaco, Pontificali sede, regnante in æternum Domino nostro Iesu Christo, anno Incarnationis eiusdē millesimo tricesimo nono, Indictione septima, imperante gloriosissimo Rege HENRICO, anno duodecimo, HVGONE Præfatum agente, anno nono.

Signum Hugonis Episcopi.

S. Fureli Archidiaconi.

S. Malbodi Abbatis cōnobij.

S. Amandi, cum reliquis fratribus.

Hugo Tornacensis ecclesię Cancellarius scripsit.

Signum Balduini Marchionis Flandrię.

S. Adele, Regię prolis, Comitissę.

S. Filiorum eius, Balduini & Roberti.

S. Eustathij Comitis.

S. Rogerij Comitis.

S. Roberti Atrebatensis.

S. Walteri Cameracensis.

S. Hugonij. S. Amaldi.

S. Rodulphi. S. Anselmi.

S. Reingauldi. S. Saleconis.

NOTATIONES.

SASWALO) Castellanus Insulensis : quę vrbs est Flandrie, mercatu celebris, Gallis *Lille*, Flandris *Ryssel*. Florentium Vander Haer de Castellanis Insulensibus lege.

CAREMBAN) Comitatus, in quo situm est Falempinum.

BALDVINVS) Cognomento Pius, Marchio & Comes Flandrie.

CAPVT XLVI.

Gerardus I. Cameracensis & Atrebatensis Episcopus fundat ac dotat abbatiam S. Andreę, monachorum Benedictinorum, an. 1046. in Castro seu Castello, Cameracesij, ditionis episcopalis opido.

INTER cetera bonorum operum exercitia, non mediocriter viget eleemosyna, cum scriptum sit, *Dare eleemosynam, & omnia munda sunt vobis.* Huius itaque rei animaduersione diligenter præcepta, ego GERARDVS Cameracensium, nomine, non

decim denarios mihi & successoribus meis quotannis soluat.

WATENNIAS dedit BERNARDVS ad hunc locum, medietatem pro anima matris suæ, medietatem pro sua. De *Theoderici* monte dedit FVLCO & soror eius ELICHINDIS medietatem, & BERNARDVS aliam medietatem pro filio suo, quem ibi monachum fecit. *Petrosum*, quod acquisiui à *Ioanne* decem libris. *Hinlucurtis*, quam acquisiui cum filijs *Gamelonis*, HYGONE & RODVLPHO. *Birecum*, cuius medietatem Odo, propter plurimas prædas dedit, & aliam medietatem ab uxore eius acquisiui duodecim libris.

ROMERTIAS, terram *S. Humberti* totam, plurimis annis destructam, villam & ecclesiam ad opus supradicti cœnobij restructi, & pro censu quinque solidos monachis de *Maricolis* singulis annis soluendos constitui. De *Chimaneis* tertia pars, inter *Elogiam* & *Gondrechius*, viginti tres mansi, quos pro *Godiscaldi* anima, sine vlla aduocatia, quietos & omninò liberos accepimus.

Altare de *Vendelgeias*, altare de *Orceto*, altare de *Fontanis*, altare de *S. Martino*, altare de *Furnis*: hæc quinque concedo fratribus eiusdem loci hac lege tenenda, videlicet sine personis, sine redemptione, & obsoniorum persolutione, excepto quòd singulorum per singulos annos duodecim denarios soluant.

Et hoc oro vos, successores mei carissimi, vt id ipsum pro animabus vestris inuiolatum manere consentiatis. Volo namque vt certum teneatis, quòd hanc eleemosynam tam animæ vestræ, quam nostræ profuturam deuoui. Igitur eam, sicut prædestinata est, vestram facite: tutelam huic loco, pro viribus vestris, ferte, augete, prouehite, & monachos illos regulariter faciatis viuere.

IN omnia, quæ prælibauimus, donaria, per huius chartæ instrumenta, huic S. ANDREAE monasterio contrado, & nominis nostri & fidelium nostrorum titulo auctorizo. Quod vt inconuulsum maneat & inuiolatū, ipsorum fidelium nostrorum, tam clericorum quàm laicorum testimonio corroborauimus.

SIGNVM Lietberti Præpositi & Archidiaconi.

S. Adelini Archidiaconi.

S. Gerardi Archidiaconi.

S. Guonis Archidiaconi.

S. Ingelberti Archidiaconi.

S. Fulbaldi Archidiaconi.

S. Franconis Decani.

S. Ioannis Castellani.

S. Adonis militis.

S. Vdonis militis.

S. Oilbardi militis.

S. Ioannis militis.

S. Ostonis militis.

S. Lilberti militis.

S. Wedrici militis.

SI quis autem de his omnibus, quæ ad hunc locum contulimus, quidquam auferre, & in proprios vsus vertere voluerit, auctoritate Dei Patris omnipotentis, excommunicatus & damnatus sit, nisi resipuerit, & ad satisfactionem & emendationem venerit.

S. DOMNI GERARDI Pontificis.

An. 1045.

ACTVM Cameraci anno Dominicæ incarnationis millesimo quadragesimo sexto, Indictione decima quarta, regni verò HENRICI Regis anno nono, Præsulatus domni GERARDI tricesimo sexto.

FVLCHERVVS Archicapellanus recognouit.

NO-

NOTATIONES.

L IETBERTVS Præpositus & Archidiaconus , qui primus hanc donationem signauit , Gerardo I. Episcopo an. 1049. defuncto, in cathedra Cameracensi successit. De quo vide Balderici Chronicon Cameracense.

S. MAXELLENDIS.) De ea vide Baldericum in Chron. Cameracensi lib. 1. cap. 23. & seq.

VENDELGETAS) *Vendegies* vicus pro maiore parte nunc inclusus Castello Cameracensi.

SORORES S. Gertrudis de Niuella) sunt hodie virgines Canonice nobiles Niuellenfes in Brabantia, à S. Gertrude eiusque matre Itta dotatæ.

ANDRELECH) siue *Anderlecht*, Anderlacum latinè, vicus haut procul à Bruxella , cum collegio Canonico-ruum SS. Petri & Guidonis.

MARICOLIS) Abbatia Benedictinorum in diocesi Cameracensi: de qua vide supra cap. 20. & cap. seq.

A a CAP.

C A P V T XLVII.

*Conradus Imp. confirmat foundationem
Abbatia S. Andrea in Castello Ca-
meraceſii, à Gerardo I. Came-
racenſi Epifcopo factam,
an. 1033.*

IN nomine ſanctæ & indiuiduæ Trinitatis.
CONRADVS, diuina fauente gratia, Roma-
norum Imperator Auguſtus, credimus &
ſcimus nobis verè proficuum, & ad tranſ-
cùtis vitæ curſum proſperè tranſigendum,
& ad æternæ brauium felicitatis obtinen-
dum, ſi ad promouendas ſiue tuendas res, eccleſiaſticas
imperij noſtri profecerit auctoritas.

QVARE innotescimus omnibus Chriſti fidelibus & no-
ſtris tam præſentibus quàm futuris, quia GERARDVS
Antistes, noſter fidelis, & ad proſectum animæ ſuæ, &
omnium ante ſe & poſt ſe Episcoporum Eccleſiæ Ca-
meracenſis, ad conſeruandam quoque incolumitatem
noſtri & noſtræ coniugis, filijque noſtri, ad obtinendā
etiam pacem & proſperitatem Imperij, quamdam Ab-
batiam in honore B. ANDREAE Apoſtoli conſtruxit, ſi-
tam in ſuburbio quod PERONA dicitur, ante CASTRVM ſi-
quidem quod S. MARTIÆ nuncupatum, iam pridem
prædeceſſor eius ERLVINVS videlicet Epifcopus, fauen-
te tertio OTHONE Imperator e, exſtruxerat, in muni-
mentum contra omnes incurſus malignorum, inibi
cir-

circumquaque exuberantium, in quo ipse Episcopus Gerardus B. SARIT confessoris, & S. MAXELLENDIS virginis sacra deposuit somata: quæ virgo scilicet, propter inextorquibilem sui cælibatus pudicitiam, ibi propè capitis scètionem martyrij consecuta sst palmam.

QUAM profecto Abbatiam idcirco ibi esse prælegit, ut quia prædecessor suus hinc munierat Cameracense Episcopium, per humanæ equidem tuitionis castrum, ipse insuper diuinum procuraret præsidium, per orationes siquidem monachorum, Deo ibidem iugiter famulantium.

DEDIT autem ipsi Abbatia quantum est monasterium, telonei medium in ipso municipio, soluentis nunc per singulos annos libras viginti quattuor, in annali vero mercato totum concessit teloneum: ecclesiam de *Vendelgeias*, quæ in suburbio est, cum appendicijs suis, ecclesiam de *Ferrarias*, cum appendicijs & partem terræ, quam ibi S. Maria videbatur habere: ecclesiam de *Orceto*, cum appendicijs suis, prædium quod dicitur de *Monchin*, & ad *Briastum* cum molendinis & cambis, & reliquis appendicijs suis, quæ ex magna parte ipse Episcopus emit, ecclesiam de *Florinis* pro quibudam partibus, quas in concambium reddidit ei apud *Corbreium*, in Comitatu *Lommenfi*, & apud *Villare* in *Darnoensi* alodium, quod acquisiuit Episcopus vocatum ad *Fontanas*, cum ecclesia & reliquis appendicijs; ecclesiam de *Lineias* cum appendicijs, in suburbio Cameracensi ecclesiam S. Martini, & cambam iuxta, & molendinum vnum in *Arcebat* mansionalia tria: ecclesiam de *Fornis* cum appendicijs, in *Brabanto* apud *Ham*, quod S. Maria ibi prius habebat, & partem, quam *VVidericus*, & *Iohannes* frater eius Episcopo tradiderunt, quod concambiauit de alodio quod *Arnulfus* ei aliàs dederat.

Ergo omni rite peracto publice & in pleno colloquio, quatenus impensus labor non periret, sed defensum & securum maneret, & pro incolumitate nostra & nostræ coniugis, filijque nostri, & pro statu regni Dei clementiam exoraret iugiter, per hoc nostræ auctorita-

tis præceptum firmiter iubemus, ne quis vterius vlla calumnia offendere præsumat.

ABBATIAM quoque S. HUMBERTI in *Maricolis*, quam idem Episcopus, expulsis inde inreligiosis Canonicis, in priorem monachorum ordinem reformauit, præcipimus dein inlibatam perseueratum iri.

Huius itaque præcepti auctoritatem, vt in nomine ipsius, qui nobis præcipiendi concessit potestatem, plenior obtineat vigorem, & à fidelibus sanctæ Dei Ecclesiæ ac nostris diligentius conseruetur, & manu propria firmauimus, & sigilli nostri impressione signari iussimus.

SIGNVM domini CONRADI Romanorum Imperatoris Augusti.

BYLCHARDVS Cancellarius recognouit. Datum Indictione secunda, anno dominicæ Incarnationis M. XXXIII. Anno domini CONRADI regni XI. Imperij autem V.

NOTATIONES.

CASTRVM S. MARIAE) hodie inclusum est opido Episcopi Cameracensis, quod Castellū Cameracensij, *Chasteau en Cābresi* nūcupatur, quodq; ERLVINVS siue HERLVINVS Cameracensis Episcopus munivit, & in formā opidi redegit: indulgente & probante *Othone III.* Imperatore, cuius diploma anno Christi millesimo primo Rauennæ datum Baldericus in Chron. Cameracensi lib. 1. cap. 112. recitat. Prædicto opido incluse sunt & villæ *Perona* & *Vendelgeias*, pro maiori parte, quarū villarum in diplomatibus iā recitatis & apud eundem Baldericum frequens est mentio.

S. SARIVS) putatur fuisse Pastor seu Parochus *Lambris*, vico celebri ad Scarpū fl. prope Duacum; cuius *foama* seu corpus inde Cameracum, ac demum ad Castellum

lum Cameracensij, per Gerardum I. Episcopum, vnà cū corpore S. Maxellendis virginis, est translatum. De Lābris, olim fisco ac portu regio, Ecclesiæ cathedrali B. Mariæ Cameracensis, per Carolum Simplicem Francorum Regem dato, idem Baldericus lib. 2. cap. 12. & alibi agit.

S. MAXELLENDIS) sectione capitis palmam martyrij consecuta est, vt in Conradi Imp. diplomate notatur, Calderiaci, *Candry*, tertio lapide à Cameraco itemque à Castello Cameracensij. Passa est autem circa an. 670. exstatque vitæ ac passionis eius historia apud Surium tomo. 6.

ORCETVM) hodie *Os*, BRIASTVM, VILLARE seu VASVILLARE, & alias villas à Gerardo Episcopo donatas monasterio S. Andreæ, à se fundato, recitat Baldericus in citato Chronico lib. 3. cap. 49.

CAMBA) nostratibus *Cam*, est officina coëctoria cereuisiæ: quo genere potus, ex Cerere seu granis confecto Belgæ passim vtuntur, ob vini defectum, quod apud nostrates vix nascitur: aliunde tamen copiosè aduehitur.

FORNIS) hodie *Fourn*, vicus diocesis Cameracensis, in Castellania Insulensi, vbi celebris est Deipara cultus, ac frequens piè peregrinantium, præsertim mulierum prægnantium, concursus. *Fourn*.

HAM IN BRABANTO) arx & vicus est agri Alostani, ad Demerā fluuium, haut procul ab ipso opido Alosto, quem vicum frater S. Gudulæ Episcopus Cameracensis (siue is fuerit ABLEBERTVS siue HILDEBERTVS) dono dedit Ecclesiæ B. Mariæ Cameracensis. *Ham*.

MARICOLIS,) Notet hic lector, in Maricolensi S. Hüberty Abbatis monachos Benedictinos à Gerardo I. Cameracensi Episcopo collocatos fuisse, amotis Canonicis.

INDICTIONE II.) Sic in autographo disertè legitur, adeoque calculus Indictionum, à veteribus vsurpatus, vno anno differt à calculo quo nunc vtimur. Quod in suo diplomate, itemque in superiore, & alijs alibi non semel obseruauimus.

CAPVT XLVIII.

Baldricus Comes Brachatensis fundat collegium Canonorum in urbe Bruxellensi, anno

1047.



UIDQVYD in hoc sæculo fundamento bonitatis quisquam superædificat, apud Dominum in æternaremuneratione retribui confidat.

QVATROPTER egoBALDRICVSPARochialem ecclesiam BRVCELLIS cōsecrari feci, & in ea corpus sanctissimæ virginis Christi GVDILAE, quanta potui honorificentia, transtuli, quod in ecclesiola S. GAVGERICI negligenter positum inueni, eidemque sanctissimæ virgini, cum appendicijs omnibus, ipsam ecclesiam, pro animæ meæ meorumque propinquorum remedio, legaliter coram omnibus tradidi, addens quinque manfos in *Hascreold*, & in *VVoleuve* septem bonaria. Hoc totum quamvis esset parum, in clericorum duodecim præbendas de di, & diuisi, quos ibi ad seruiedum Deo & sanctæ virgini constitui, pro animæ meæ heredumque meorum & pro heredum redemptione, eisque in pascuis, siluis, teloneis talem concessi libertatem, vt absque vllius redditu seruitutis, liberè horum fruerentur vtilitate.

HIS ita constitutis, quorum ecclesia nullo erat iuamine fulta, & vndique egens auxilij, ad eius ædificationem

nem redihiculi præbendarum partem dimissi, ne statum eleemosynæ omnino videretur vendere pretio. Ad hoc etiam concessi illis, ut unusquisque fratrum ipsorum, post vite sue spatium, per annum integrum, præbendam suam, cuicumque sibi placuerit, relinquat, & si quis eorum supra præbendam terram ædificauit quidquam, per annum istum heres eius, aut cuicumque ipse adhuc viuens concesserit, ædificationes eius sibi auferat.

Si quis autem, quod absit, heredum aut proheredum meorum, aut etiam extranea quolibet persona, hanc meam traditionem peruertere, & inde demere tentauerit quidquam, iram Dei, & offensam *S. Michaelis* Archangeli, cuius in prædicta ecclesia veneratur memoria, & prædictæ *S. Virginis* in perpetuum incurrat, & excommunicationem sancti Pontificis, quæ in præsentia cunctorum, qui aderant, terribilis resonabat, nunquam euadat, sed semper huius vinculi nodo appareat, ante vultum Altissimi, constrictus.

ACTVM publice BRVCELLAE anno Dominicæ Incarnationis millesimo quadragesimo septimo, Indictione decima quinta, LEONE NONO in Apostolica sede præsidente Pontifice summo, regnante HENRICO Imperatore tertio, Cameracensium pontificalem cathedram domino GERARDO obtinente Præsule, qui in his omnibus, cum vxore mea ODA, adiutor mihi exstitit, tam auxilio quam consilio, & præsens eandem ecclesiam dedicauit, &, ut præscriptum est, excommunicatione omnia firmavit. Eius præsentia sunt omnia ibi constituta, & testibus idoneis firmata.

Signum domini GERARDI prædicti Episcopi.

S. Gerardi Archidiaconi.

S. Emelini.

S. Ingelberti fratris eius.

S. Sigeri.

S. Folcardi.

S. Onulfi filij eius.

S. Gerardi.

S. Lietberti.

S. Azonis presbyteri.

S. Folberti presbyteri.

S. Ostonis.

S. Ioannis.

S. Fastradi.	S. Ioannis.
S. Stepponis,	S. Siberti.
S. Thiedonis Decani.	S. Hennezonis.
S. Hartfridi presbyteri.	S. Adelardi.
S. Radulfi.	S. Emmonis.

NOTATIONES.

BALDRICVS) aliàs LAMBERTVS, vt ex subiuncto diplomate LIETBERTI Cameracensis Episcopi liquet. Alij eum vocant *Lanibertum Baldricum*. Fuit autem Baldricus Comes Louanienſis, & uxorem habuit Odam, Gozilonis Ducis filiam. Ad Tornacum an. 1054. caſus, maiorum tumulto apud Niuellas eſt illatus, reliſſo filio ac ſucceſſore HENRICO. De Comitibus Louanienſibus vide Lipſij Louanium, & Faſtos noſtros Belgicos.

S. GVDILA) virgo, & ciuitatis Bruxellenſis patrona circannum 712. obiit, in vico *Hamad* Teneram fl. haut procul ab Aloſto opido ſepulta. Caroli Magni Imp. æuo, è terra, more Eccleſiæ Gallicanæ, eleuata, inde tranſuecta eſt *Morſellam* ſeu *Morrefellam*, condito ibidem monialium cœnobio. Diſtat autem Morſella primo lapide ab Aloſto: in cuius loci cœmiterio hodieque capella S. Gudilæ ſacra viſitur. Exinde *VVenemaro* cœnobij illius prædia occupante, S. Gudilæ corpus à CAROLO Lotharingiæ Duce inde Bruxellam circa an. 980. tranſlatũ, & in vetuliſſimo vrbis templo, quod S. CAVGERICO Cameracenſi Episcopo ſacrum, in *Senna* fl. inſula viſitur, eſt collocatum. Ex hoc templo ad nouam baſilicam in monte Bruxellis à ſe conſtructam BALDRICVS tranſtulit, præſente Gerardo I. Cameracenſi Episcopo.

REDIMICVLVM) præbendæ) id eſt, reditus ſeu census
vnius

vnus anni prębendę vacantis , ad vsum fabricę templi.

PER ANNUM INTEGRVM, &c.) Anni vnus redditum intellige,quem Annum gratię nuncupant quique hereditibus cedit.

ANNO MXLVII.) Sic in autographo expresse legitur, quod non semel vidi. Datum est autem hoc diploma (nisi fallor) ante Pascha anni millesimi quadagesimi octauis, stilo Romano, anni exordiũ a kalendis Ianuarijs incohante. Itaque stilo veteri Cameracensi ac Gallicano, annum à Paschate incohante, annus qui in diplomate notatur, millesimus quadagesimus septimus, esset nobis, Romano stilo nunc vtentibus, annus millesimus quadagesimus octauus.

HAEC visum fuit breuiter notare , propter disputationem, quę est de initio pontificatus seu electionis LEONIS IX. Papę. Is namque Bruno dictus cum esset Tullensis episcopus, HENRICO Imp. agente, Wormatiz existens, an. 1047. aut 1048. electus est Pontifex. Romam inde petens, anno denum 1049. à clero Romano est electus, & die 12. Februarij Papa consecratus, adsumpto Leonis IX. nomine: vt Onuphrius Panuinius & Barónius supputant. Obijt autem an. 1055. XVI. Kalend. Maij, vitę sanctitate ac doctrina clarissimus : ideoque tabulis Martyrologij Romani meritò adscriptus. Res eius gestas *V. Vibertus* Archidiaconus coztanens, libris duobus Lutetię editis descripsit. Itinerarium eiusdem, ab *Anselmo* monacho Remensi litteris consignatum, cuius Sigebertus lib. De scriptoribus ecclesiasticis meminit, Remis ms. existat.

CAPVT XLIX.

*Ecclesia Bruxellensis, in qua Lambertus
Comes Luanienſis Canonicos po-
ſuerat, liber tate donatur à
Lietberto Cameracenſi
Epiſcopo.*

LIETBERTVS, Dei gratia Cameracenſis vide-
licet Epiſcopus, omnibus ſuis ſucceſſori-
bus, Coepiſcopis & ceteris Chriſti fide-
libus, hereditatem promereri cum Sanctis
in celeſtibus.

Si CVT edificatores domus Domini Deo placere con-
fidimus, ita coadiutores & defenſores iplius domus,
gratia Dei condonari non dubitamus. Ita namque Sa-
lomon in veteri teſtamento, ædificato templo Domini,
audiuit reuelationem diuinæ promiſſionis; in nouo ve-
rò teſtamento Apoſtoli & ſancti ſucceſſores eorum æ-
dificando eccleſiis, & deſtruendo delubra, amici Dei
appellati ſunt. Vnde proculdubio credimus exiſtere, ſi-
militer amicum Dei, quiſquis Eccleſiam Dei conſtru-
ere & exaltare ſtuduerit.

Hoc igitur in animo ſemper cum Dei gratia reti-
nens, cum à Comite HENRICO ſuper eccleſia Brucel-
lenſi in qua Pater eius LAMBERTVS Comes Canonicos
poſuerat, poſtularetur, propter Deum & amorem Co-
mitis, vtilitati etiam Eccleſiæ noſtræ conſulens, annui
ipſius petitioni.

ANNVI enim & annuo, vt ipſa Brucellenſis eccleſia
libera

libera sit amoddò à persona, & ab omni redèptione: ex-
cepto quod per singulos annos in festiuitate S. Lucae
Euangeliste, id est, in dedicatione Cameracensis eccle-
siæ, duo solidi mihi vel successoribus meis, pro ipsa ec-
clesia soluantur, Brucsellensis monetæ.

Ut autem factum hoc ratū maneat & inconuulsum,
chartam hanc iussi inde fieri, quam sigilli mei impre-
ssione firmaui & bonorum virorum, tam clericorum
quam laicorum, testimonio roborauī.

SIGNVM Gerardi Archidiaconi.

S. iterum Gerardi Archidiaconi.

S. Nazelij Archidiaconi.

S. Warmundi Archidiaconi.

S. Sigeri Archidiaconi.

S. Franconis Archidiaconi.

S. Widonis Archidiaconi.

S. Henrici Comitis,

S. Reneri Comitis, eius fratris.

S. Cafatorum siue domesticorum nostrorum,

S. Ioannis. S. iterum Ioannis,

S. Amelrici. S. Balduini.

S. Engebrandi. S. Oilardi.

S. Falconis. S. Gillardi.

S. Hugonis. S. Herimberti.

Actvm est & sancitum hoc Cameraci, anno ab In-
carnatione Domini millesimo Indictione sexta,
regno videlicet HENRICI Regis vicesimo secundo, an-
no prælatus domni LIETBERTI Episcopi vicesimo ter-
tio.

NOTATIONES.

L IETBERTVS Cameracensis & Atrebatensis Episcopus Gerardi I. successor, sedit annis. XXVII. & anno salutis 1076. viuere desijt, locum eius excipiente Gerardo eo nomine Secundo. Post cuius obitum diuisus est Episcopatus, & Atrebatensis Ecclesia proprium sibi Episcopum anno. 1094. accepit.

HENRICVS Comes Louaniensis fuit filius Lamberti seu Baldrici Comitis, cuius diploma superiore capite recitauimus. Henrici soror fuit MACHTILDIS seu Mathildis, quæ ex Eustathio Bononiæ ad Oceanum Comite, Eustathium genuit, Godefridi Bulloni patrem. Obijt autem Henricus anno. 1068. filios ex Adela coniuge reliquit *Henricum, Godefridum & Raginrum seu Rennerum*, quorum postremus huic diplomati subscripsit, & in Hispania anno. 1077. periit.

HENRICVS Henrici filius coenobium Affligemiense, tertio millitanti à Bruxella anno. 1086. condidit, & in diplomate foundationis, infra à nobis recitando, *Bracbatensis patria Comitem & Aduocatum* se nuncupat.

HENRICO in ludis militaribus anno. 1069. Tornaci occiso, & Niuellis apud maiores humato, successit frater GODEFRIDVS BARBATVS Princeps laudatissimus, cui Henricus IV Imp. anno. 1106. Ducatum Lotharingæ contulit.

CAP.

CAPVT L.

Philippus Francorum Rex an. 1063. confirmat foundationem collegij Canonorum in Harlebeca, à Baldvino Insulano, Flandria Comite, eiusque coniuge Adelaide factam.

IN nomine sanctæ & indiuiduæ Trinitatis. Ego PHILIPPVS gratia Dei Francorum Rex. Si conditionem nostræ mortalitatis, quam pro primiparentis inobedientia incurrimus, lenire vel solamen inferre curamus, cum ex toto eam euellere nequeamus, nihil est tam proficuum, quàm pro temporalibus æterna commutare, pro momentaneis perpetua acquirere. Restat ergò, vt quod per nos obtinere non possumus, eorum iuuamine, qui diuino cultui sunt mancipati, orationibus & beneficijs adipiscamur.

HAEC idcò præmissimus, quoniam Comes BALDVINVS, iustitiæ & pacis cultor, instinctu suæ coniugis & amicitie nostræ ADELAIDIS, nostræ Serenitatis adiecit præsentiam, rogans & obnixè postulans, vt nostræ auctoritatis præcepto corroboraremus Abbatiam quandam Canonorum, quam monitu & precati suæ venerabilis & religiosæ coniugis ADELAIDIS, fundauerat in loco, qui HARLEBECA

vocatur, & titulo & memoria S. SALVATORIS prænominatur.

SVNT autem ea quæ ibi concessit & deuotè condonauit ista, scilicet ecclesia cum altare, capella *Suenengehem*, appendens illi ecclesiæ, altare de *Maldengehem* cum ecclesiâ, ecclesiâ de *Trellengehem*, sex mansa terre libera à Comitatu, vnum manium terre ab antiquis, quando ipsa ecclesiâ primitus fuit constructa, duo bonaria, quæ dedit *Gisla*, vnum bonarium quod dedit *Reinfridus*, duo bonaria quæ dedit *Agnetrudis*, duo bonaria quæ dedit *Bergundis*.

Hæc omnia prælibata præcipiendo mandamus, & mandando præcipimus, & etiam sigilli nostri impressione adstipulando firmamus, vt sicut AQVENSIS Abbatia, Caroli Magni institutione & largitione fundata, à dominatione Leodicensis Episcopi est libera, & sicut S. MEDARDI Abbatia ab Episcopo Sueffionensi manet quæta, nec non S. MARTINI ab Archiepiscopo Turo-nensi, ita & ista ab Episcopo Noniomensi. Quod si aliquis huic nostræ corroborationi occurrere vel obuiare præsumperit, fisco nostro auri centum libras componat: insuper & sua calumnia irrita in perpetuum maneat.

ACTVM Parisius publicè anno incarnati Verbi Millesimo sexagesimo tertio, & regni PHILIPPI Regis tertio, Indictione prima.

NOTATIONES.

BALDVINVS, cognomento *Insulanus & Pius*, tria Canonicorum collegia *Harlebecanum Insulense*, & *Ariense* fundauit: vt Iacobus Guisius in mss. Hannoniæ Chronicis commemorat. Vita decessit anno 1067. Insulis, Flandrorum emporio, in D. Petri templo à se constructo, conditus. His titulis

lis uti solebat: *Baldunus Comes Flandria, Marchio, & Philippi Francorum Regis procurator ac vauulus.*

ADELAIDIS seu Adela, Roberti Francorum Regis filia, *Messinis* seu *Mecinis* sanctimonialium construxit cœnobium, & viro orbata deuotè limina Apostolorum visitans, ab *Alexandro II.* Papa vidualem suscepit habitum. Sicque reuerſa, in monasterio ſuo *Messinensi* humillime vixit, & plena pietatis operibus anno 1079 obiit ibique ſepulta eſt: ut *Iperius* in *Chron. Ber- tinensi* ms. loquitur.

I *Messinis* hodieque celebris eſt *Deiparæ* cultus, & miracula frequentia. Anno 1623. *Jacoba Carondeleta*, vna ex virginibus *Canonicis Melbodiensibus*, ibi à paralyſi, qua diu laborauit, miraculoſe curata eſt: quod & Medici profeſſi ſunt ac teſtati. Ipſa in memoriam beneficii accepti lampadem argenteam poſtea *Deiparæ* obtulit.

SVEVENGEHEM) nunc *Suveneghem* prope *Curtracum* *Maldegenhem*, nunc *Maldeghem*, vicus prope *Brugas*, ſpectat ad *Comitem de Croix* in *Caſtellania Inſulenſi* à *Philippo IV.* Rege *Catholico* creatum.....

TRELLENHEM, nunc *Derleke*.

De *Abbatia S. MEDARDI* exemptione, vide opera *Gregorij Magni*, ad calcem.

CAP.

CAPVT L.

*Balduinus & Ratbodus Episcopi No-
uionenses ac Tornacenses confir-
mant foundationem collegij Har-
lebecani an. 1063. & 1089.*

IN nomine sanctæ & indiuiduæ Trinitatis, Patris & Filij & Spiritus sancti. Ego BALDVINVS gratia Dei Nouionensis ecclesiæ Episcopus. Quandoquidem a dædificationem animarum, cum sanctis Patribus multa nobis vestigia referuantur, quibus humanæ fragilitatis lapsus de interitu ad vitam releuatur, ex æceruo tantæ multitudinis illud præ cæteris salubrius dignè iudicatur, sub cuius consolatione & corporalis necessitas ad præsens possit gaudere, & animarum immortalitas de bonæ operationis affectu fructum remunerationis mereatur obtinere. In huius siquidem salutaris desiderij pia expectatione, optimum est ecclesiam Dei non solum lapidibus decorare, verum etiam de religionis cultu sancti Spiritus habitaculū præparare.

Hanc itaque sententiam Comitissa Flandrensium ADELA memoriter pertractans ecclesiam de HARLEBECA, quæ mihi ac ministris meis personaliter seruiebat, construxit, atque ibidem seruientes sub professione canonica in religionis habitu viuere instituit. Sed quia post consummationem operis, sine auctoritate nostra, non habet effectum dispositio regularis, petitionis

tionis Comit^{is} *Baldvini*, suęque coniugis frequentia impetrauit dimissionem personalitatis, vt ordo dispositus liberalitatis, & absque vilo censu deseruiens altari canonicę degeret, sub ditione Decani. Altare verò de *Suenengehem*, quod illi appendet, tali conuentione concessi ad mensam eorum, vt nobis per singulos annos, in festiuitate SS. Simonis & Iudeę, soluat decem solidos denariorum. Sed & altare de *Maldenghem* sub equali censu personaliter illis tradidi. Item altare de *hulsla* eiusdem census rationi substitutum est, ita tamen vt in restitutione personalitatis decem soluantur solidi.

Quod si Episcopus, siue suus minister pro tenenda synodo vel aliqua quomodolibet causa ad aliquam prædictarum ecclesiarum venerit, nihil exigentes de rebus ad ecclesiam pertinentibus, de suis proprijs viuant, contenti prænominato censu quotannis.

Horum autem omnium quodlibet si quis infringere voluerit, damnationi maledictionis irrecuparabili subiaceat, nisi respuerit. Quod vt firmitus permaneat scriptum, in charta manu propria firmaui, testimonioque tam clericorum quàm laicorum corroborari feci.

Signum BALDVINI Episcopi.

S. Folcardi Archidiaconi.

S. R. Decani.

S. A. Subdiaconi.

S. W. Subdiaconi.

S. B. Subdiaconi.

S. A. Presbyteri.

S. R. Presbyteri.

S. Ardonis Presbyteri.

S. Ingelramni Diaconi.

SS. Canonice Alboldi, Lodeuini,

Walonis, Erleboldi, Hermann.

S. ADELAE Comitissæ.

R. Aduocati.

A. Aldenardenfis.

ACTVM apud HARLEBECAM VIII. Kal. Iunij anno ab Incarnatione Domini millesimo sexagesimo tertio, In- An. 1063.
dictione tertia, regnante Rege PHILIPPO anno tertio.
domino BALDVINO episcopante anno vicefimo.

HAEC, vt diximus, dominus BALDVINVS Episcopus

in vita sua ordinavit, sed quia praeventus morte sigilli sui impressione privilegium confirmare non valuit, ego RATHBODVS, in episcopatu ei succedens consilio clericorum nostrorum, imo rogatu Canonorum Harlebecensium, ROTBERTI etiam Comitis, optimatumque suorum precatu, praedictarum ecclesiarum privilegium sigilli mei impressione, cum subscriptorum testimonio confirmaui, tali tamen conventionione, quod eiusdem loci Praepositus mihi meisque successoribus debitam subiectionem exhibeat.

Signum domini RATHBODI Episcopi.

S. W. Afchidiaconi.

S. Walcheri Custodis.

S. R. Praepositi.

S. Lamberti. S. Bertulfi.

S. Tancardi. S. Raineri.

S. Alufi. S. Hermanni Praepositi.

S. Seigeri Cantoris.

S. Erlebaldi Decani.

S. Leiberti. S. Hermanni.

S. Alboldi. S. Leduini. S. Lambertus

Signum Comitis ROTBERTI.

S. Erembaldi Castellani.

S. Cunonis. S. Radulfi.

S. Balduini. S. Isaac.

S. Meinardi. S. Alberti.

S. Lamberti. S. Ansbaldi. S. Sigewalonis.

An. 1037.

ACTVM Tornaci XI. Kal. Aprilis, anno ab Incarnatione Domini millesimo octogesimo septimo, Indictione decima, regnante Rege PHILIPPO anno vicesimo septimo, domno RATHBODO episcopante anno decimo nono, ego WIDO Cancellarius confirmaui.

NO-

NOTATIONES.

ALTARE) id est, ecclesia parochialis.
 HVLSTA) vicus est prope Harlebecam.
 R. ADVOCATVS.) Is fuit Robertus Aduocatus
 Atrebatensis.

ARNVLFVS) Aldenarden sis Dominus aut Castellanus:
 à quo Pameliorum familia originem traxit.

CAPVT LII.

*Alexander II. Papa an. 1070. confirmat
 Harlebecani collegij Canoniorum
 institutionem.*

ALEXANDER Episcopus, seruus seruorum
 Dei, ERLEBOLDO Preposito Harlebecensis
 Canonice S. Saluatoris, sita in Episcopatu
 Nouiomeni, cunctisque suis succ. floribus
 regulariter promouendis in perpetuum.
 Quandoquidem diuina prouidentiae dispensatione
 vniuersalis administrationis curam suscepimus, ex debito
 nostri officij cogimur cunctis ecclesijs per orbem
 terrarum late diffusis providere, & utilitatibus earum
 ac salutis animarum, quae in eis sunt, solerti studio in-
 uigilare, praesertim his locis, quae pia religione pollere
 noscuntur, & nostro munimine specialiter quodam-
 modo se tueri humili prece deprecant, qui in eis habi-

tionem Domini millesimo septuagesimo, pontificatus
autem domini ALEXANDRI Papæ I I. octauæ, Indi-
catione VIII.

NOTATIO.

VINEIS.) Si Louanium excipias, vix alibi apud
Belgas nostros vineæ, saltem ad vini copiam
habendam, hodie excoluntur. Ex isto tamen
diplomate & alijs supra recitatis liquet, olim
Hartbeke, Maricolis, & alibi à maioribus nostris vineas
studiosè cultas fuisse.

CAPVT LIII.

*Rodulphus, Abbas & Chronographus.
Trudonensis, V Valeramo Duci Lim-
burgensi, & Aduocato monasterij
Trudonensis, per epistolam ex-
plicat originem ac statum e-
iusdem sui monasterij,
circa an. 1130.*

Glorioso Principi & Aduocato suo maiori
WALERAMO Abbas RODVLPHVS, & con-
gregatio S. Trudonis fideles orationes &
seruentes. Quia quæsiuistis à nobis, notum
vobis facimus breuiter, dominum nostrum
S. TRV

S. TRUDONEM progenitum fuisse de nobili stirpe Francorum Regum, & Ducum Austrasiorum; propter amorem Dei, reliquisse militiam secularem, & Angelica reuelatione, & beati REMACLI admonitione *Metas* transisse, & omne patrimonium suum B. Protomartyri Stephano tradidisse: litteras ibi didicisse, multis miraculis ibidem claruisse, & vsque ad sacerdotis virtutem, scientiam & gradum peruenisse: deinde ad terram nostram reuersum, coenobium nostrum fundasse.

TANTA autem & tot fuerunt prædia sua, quæ beato protomartyri Stephano tradidit, vt exceptis his quæ dominus Metensis Episcopus ad dominicalia sua tenet, & milites eius multi in beneficijs habent, & exceptis his quæ Ecclesia nostra adhuc possidet, & exceptis multis & magnis, quæ tam olim ecclesia nostra perdidit (nam inter cetera *bruges* in Flandria alodium S. Trudonis fuit, vbi & congregationem LXXX. monachorum habuit) exceptis his, inquam, & alijs multis, tot & tanta fuerunt, vt vos habeatis inde in feodo, pro Aduocacia, mille & centum mansos. De quibus Comes GISELBERTVS tenet de nobis trecentos, exceptis ecclesijs & seruis ad eam pertinentibus, & placitis iuris & iustitijs iuris.

Et quia tantis alodijs ditauit S. TRUDO Metensem ecclesiam, sancti & religiosi Pontifices, maiori liberalitate donauerunt ecclesiam nostram, quàm aliam aliquam.

MISIMVS igitur vobis, quia petistis, exemplar chartæ de libertate nostræ Ecclesiæ & de iure vestro in ea: quia noster maior Aduocatus estis.

NOTATIONES.

S. TRUDO, vir nobilis ac potens, hortatu S. REMA-
CLI Leodicensis Episcopi, seculum reliquit, &
Metas in Lotharingiam profectus, ibi totum se
Deo dicauit, prædiaque sua S. Stephano, Metensis
Ecclesiæ patrono, obtulit. Sacerdos factus domum post-
liminio rediit, & in SARCINTO, sui iuris apud Hasba-
nos villa, monasterium circa an. 660. aut 670. ædificauit,
quod à conditore nunc *Trudonense* nuncupatur, eiusdē
nominis opido inclusum, in diœcesi Leodicensi.

Huius monasterij hodieque Aduocatus est Dux
Limburgensis, qui nunc Rex Catholicus. Subaduocati
autem olim fuere Comites Durachientes seu Durassij.

WALERAMVS porro Henrici cognomento Exducis
filius, non solum Limburgi sed & Lotharingiæ inferioris
Dux fuit: vt in Annalibus Belgicis ad an. 959. docui-
mus.

RODVLPHVS Abbas Trudonensis scripsit monasterij
sui Chronicon, quod ms. apud me exstat, & anno 1138.
viuere desijt Meminit eiuldem Rodulphi Abbatis, Gá-
dani an..... exulatis Meyerus in Flandriæ Annalibus.

ERVGES) Notet Lector S. TRUDONEM Brugenfis in Flā-
dria vrbis olim dominum fuisse, ibique coenobium
condidisse, de quo in Annalibus nostris citato loco su-
se egimus.

GISELBERTVS Comes Durachientis, Subaduocatus
monasterij Trudonensis.

CAP.

cato: quia eadem stipendijs adscriptæ fratrum, nulli alteri obaudire debent, quàm Prapósito, & eiusdem monasterij Cellerario.

IN villa autem S. TRVDONIS, vel in reliquis Abbatiæ villis, professi sunt, ipsi Duc (quia vt dictum est, Aduocatiam in beneficio tenebat) siue Aduocato ab eo constituto, & tribus generalibus placitis, & magno banno, si quis fortè infra villam occisus vel vulneratus fuerit, tertium denarium debere assignari, reliquos autem duos vel mihi vel Abbati.

CETERVM testati sunt, Abbatis vel Villici mei esse arbitrij, vt legitimè & liberè, quidquid libu-rit sine Aduocato possent placitare scilicet de terris, de domibus, de alienis vxoribus ducendis, de familijs, nisi grandi fortè exigente negotio, ab Abbate vel ministro meo ad rem discutiendam inuitatus fuerit.

HIS ergò ita in prædicta villa inquisitis, & absque alicuius contradictione collaudatis, aliquanto tempore transacto, post decesum felicitis memoria iam dicti fratris mei, iterum iidem, qui prius in presentiam nostram in castello nostro SALENBYRCA venire iussi, præsentè domino VDONE, fratris mei successore, eandem Aduocatiã in beneficio à nobis habente & OTNONE Subaduocato, eodem modo, quo prius admoniti, quæ antea potuerunt tunc vtique sunt professi.

QUA PROPTER quibusdam fidelibus nostris, qui tunc temporis nobiscum aderant, consilium præbentibus, quorum etiam nomina infra notari iussimus, nequis hoc postmodum valeat vel audeat infringere sub certa descriptione placuit tam præsentium quem futurorum memoriæ commendare, Et vt hoc firmum & inconuulsum habeatur, manu propria illud roborauimus, & fidelium nostrorum testimonio, roborari fecimus.

ACTVM publicè in supradicto castello SALENBYRCA anno ab Incarnatione Domini millesimo sexagesimo quinto, Indictione tertia, regnante Henrico III. ANGLERO Sanctæ Metensis Ecclesiæ humilis Episcopus subscripsit.

seu inferioris Lotharingæ Dux fuit, Antuerpiæ (vbi anno 1055. obsessus fuit) & alibi in vicinia nostra plerumque commorans. Fuit autem creatus Dux anno 1046. & anno 1064. viuere desijt: vt ex Cōtracto & Sigeberto colligitur. Illo autem tempore *Godefridus Barbatius* senior, *Adelbertus*, & *Gerardus Alsatijs*, ex ordine Ducatum Lotharingæ Mosellanae tenuerunt: vt in Annalibus Belgicis ad annum 959. ostendimus.

Hic itaque FREDERICVS non fuit Dux Mosellanorū, nisi fortasse titulo tenens, aut vt actionem habens seu prætendens.

O DELRICVS frater Gerardi Alsatijs, an. 1048 Mosellanorū Ducis creati, & an. 1070. defuncti; teste Sigeberto. Ab isto Gerardo stirpē suam ducunt Duces Lotharingæ, qui in tractu Mosellano hodieque regnant: vt ex Genealogia S. Arnulfi Metensis, per Petrum Pithzum edita, in Annalibus Belg. loco citato demonstrauimus.

CAPVT LV.

Theodericus Metensis Episcopus monasterio S. Trudonis Scrutum siue Grutam eiusdem opidi Trudonopolitani dederat: id successor eius Adelbero confirmat.

IN nomine sanctæ & indiuiduæ Trinitatis.
Notum sit omnibus tam præsentibus quam futuris, qualiter dominus THEODERICVS Mediomatrici sedis Episcopus, in cœnobio S. TRUDONIS, per aliquot dies vel tempus moratus, & ibi in ægritudinē incidens

S. Richuini.	S. Bardonis.
S. Herimanni.	S. Walberti.
S. Aufridi.	S. Theodorici.
S. Crachij.	S. Vasonis,
S. Othonis.	S. Gunzlini.

Nomina plebeiorum de familia.

S. Raimundi.	S. Lamberti,
S. Wichmanni.	S. Eucardi.
S. Alcolphi.	S. Lizeonis
S. Stephani.	S. Lideconis.
S. Ruthardi.	

EGO RAIMUNDVS, ad vicem domini AEONIS Cancellarij, scripsi & subscripsi.

NOTATIONES.

THRODERICVS Metensis Episcopus an. 1047. viuere desijt, sique successit Adelbero, Henrici Boiariæ ducis. & Frederici inferioris Lotharingæ Ducis frater superiore capite à nobis laudatus.

* SCRVTVM alijs Gruta: vnde nomen nobili GRUTHVSIORYM familiæ apud Brugenſes in Handria.

NOTET lector HENRICVM Ducem Limburgensem an. 1155. Godefrido III. Brabantia Ducis celsisse Advocatiam monasterij S. Trudonis, vt in Auctario Assligemienſi legitur, quod cum Sigeberti Chronico Antuerpiæ an. 1608. edendum curauimus.

CAPVT LVI.

*Drogo Teruanensis Episcopus anno 1063.
talem dat libertatem ecclesie Me-
cinenfi seu Mefsinenfi, qua-
lem Bertefridus Episcopus
Ambianensis circa an.
662. dedit ecclesie
Corbeienfi.*

IN nomine sanctæ & indiuiduæ Trinitatis. Quicū-
que diuinæ præcepta legis obseruare nititur, inter
alia quàm plurima, hæc sibi obseruanda intelligi-
gimus, vt & ipse ab alio solùm quod iustum est pe-
tat, & id idem alij petenti non inuitus concedat. Sicut
enim iniusta petere, & iniusta petenti iniuste cōcede-
re, inter non minima computatur vitia, ita illa duo ve-
lut ijs contraria, virtutes constat esse præcipuas.

QVÆ cū communiter omnes, vt diximus, obser-
uare oporteat diuinæ legis amatores, præcipuè tamen
summoque studio obseruare decet eiuidem religionis
prædicatores. Non enim aliter digni poterunt esse præ-
dicationis officio, nisi summa cum diligentia eadem
obseruent, quæ obseruanda prædicant populo: nec de-
cet eos à virtutibus recedere, qui virtutum prædicato-
res atque persuasores volunt existere.

QVA-

QUA PROPTER ego Drogo, gratia Dei Teruanensis Ecclesie Episcopus, Comitum BALDEWINI, ADELAEQUE vxoris eius, Regis FRANCORUM ROTBERTI scilicet religiosi viri filii, iustae ac diuturnae petitioni, assensu atque consilio meorum fidelium tam clericorum quam laicorum satisfeci, quatenus ipsi iustis aliorum petitionibus libentius satisfaciant, meo exemplo admoniti.

Hi enim in loco, qui dicitur MECINTS, diu noctuque diuino cultui vacantes sanctimonialiales atque Canonicos disponere cupientes, eiusdem loci absolutissimam à me petierunt libertatem; quam quidem huiusmodi talemque illis concessi, qualē BERTEFRIDVS Ambianensis Ecclesie quondam Episcopus petente LOTHARIO Rege ac BATHILDE religiosissima Regina, consilioque sui temporis Episcoporum atque assensu scilicet, GENESTI NEPHONIS, ETHEALDT, ENMONIS, ADONIS, AVDOMARI, AVDOENI, AVDEBERTI, LVRGONDII, PHARONIS, item AVDOBERTI, DRACIGNIS, ecclesie concessit Corbeiensis, instar ecclesie *Agaunensis, Lirimensis*, basilicæ quoque D. *Marcelli*.

Hæc verò talis est, ut quæcumque ibi à quibusque fidelibus fuerint oblata, scilicet agros, familias, aurum, argentum, sine aliqua exactione alicuius ordinatoris Ecclesie Teruanensis, liberè possideat prædicti loci Abbatis, vel quos ipsa constituerit.

EPISCOPVS tamen Teruanensis quæcumque ad diuinam pertinent religionem, scilicet altarium benedictionem, sanctimonialium seu Canonicorum ibidem feruiturorum consecrationem, quos ipsa elegerit, olei quoque & chrisomatis largitionem, sine alicuius præiij petitione, caritatis amore, concedat.

ABBATISSAM sanctimonialium chorus sibi eligat ex semetipsis meliorem & religiosiorem: cui idem Episcopus gratis & non inuitè addat benedictionem. In loco verò sæpe dicto Episcopus seu Archidiaconus, seu Archipresbyter conuiuium vel conuentum non celebret, nec illuc accedat, nisi causa necessitatis, vel amore caritatis, ab Abbatisa rogatus fuerit.

ET

Et vt ita res firmius ac stabilius permanere possit idem Comes & Comitissa ecclesiam de *Pernis*, cum suis appendicijs, & vnum bonarium terrarum in eadem villa, & alodium dimidiæ carucæ Ecclesiæ Teruanensî perpetuè habenda tradiderunt.

ILLUD etiam superest memorandum, quod altare de *Wærneston* ad mensam supradictarum sanctimonialium tali pacto concessi, vt mihi & successoribus meis annuatim decem solidi persoluantur de maiorum : similiter pro restitutione personæ ipsius altaris, alij decem.

Quod si aliquis eiusdem Teruanensis Ecclesiæ Episcopus hanc libertatem cupiditate aut superbia elatus, violare præsumpserit, tribus annis penitentiam districtissime agat, à communione fratrum subtractus: nihilominus hæc libertas, Christo protegente, qui & adiuuet hanc conseruantes, & destruat hanc destruere cupientes, perpetuè maneat incorrupta.

Quam diffinitionem constitutionis meæ, vt meis & futuris temporibus permāsurā sit, in ius meæ subscriptione roboravi, & fideles meos eandem roborare permisi. Actum est hæc Teruanæ V. Kal. Iunii anno incarnationis Domini M. LXV. Indictione III. regnante Rege Francorum PHILIPPO.

Signum DROGONIS Episcopi Teruanensis.

S. Huberti. S. Weremboldi Decani.

S. Warnerij Archidiaconi Teruanensis.]

S. Werini Archidiaconi Remensis.

S. Fuccardi Archidiaconi Nouiomenfis.

S. Balduini Archidiaconi Ambianensis.

NOTATIONES.

MECINENSE) seu Melsinense nobilium virginum cœnobium, olim in Morinensi, nunc in Iprensi diœcesi, secundo lapide ab Ipris distat. Id apno 1060, ADELA Comitissa ædificare cœpit: vt ex illius loci monumentis accepi. Similis instituti cœnobium BORBURGI Clementia, Roberti Hierosolymitani, Flandriæ Comitis, vxor an. 1101. excitauit.

BERTEFRIDVS.) Olim ab Episcopis priuilegia libertatis monasterijs tributa fuisse, nemo veteris historiæ ecclesiasticæ peritus ignorat.

IN hoc DROGONTIS diplomate Melsinensi, fit mentio *Corbesensis, Agaunensis, Larinensis, & S. Marcelli Cabilonensis* monasteriorum. Sanè illud in ædificandis monasterijs priuilegium, ab ipsis ædificatoribus Regibus & alijs Principibus petitum, & ab Episcopis concessum fuisse, multa probant exempla, quæ exstant.

BERTEFRIDVS (cuius hic auctoritas citatur) Episcopus Ambianensis, Clotario Francorum Rege & Bathilde Regina petentibus, istiusmodi priuilegium monasterio CORBETÆ veteris indulgit, anno septimo Chlotarij Regis, VIII. Idus Septembris, hoc est, anno Christi 661. aut 662. videlicet annos regni Clotarij, ab anno salutis 655. incohundo. Cui quidem priuilegio subscripserunt *Audebertus Cameracensis, Wommolus Nouiomensis, Dransio Morinensis*, alter item *Audebertus* Episcopus, cum alijs non paucis.

GVNTRAMNVS Burgundiæ Rex, quæ ipse, vxor eius, aut binæ filiæ, cœnobio confluxerant, multisque possessionibus dotarant, simili modo ab Episcoporum cōuentu firmari postulauit, & vt fieret, in synodo Valentina obtinuit, quæ anno regni eius XXIV. est habita.

S. MARCELLI Abbatia, à Drogone memorata, nunc est Prioratus instituti Cluniacensis, haut procul ab vrbe

habuisse ad manum diploma Corbeienſe, à Bertefrido
Epifcopo Ambianenſi datum: quod liquebit conferenti
diploma hoc Meſſinenſe cum Corbeienſi.

CAPVT LVII.

*Philippus Francorum Rex prædia, per
Balduinum Inſulanum, eiufque con-
iugem Adelam Meſſinenſi mona-
ſterio attributa, anno 1066.
confirmat.*

IN nomine ſanctæ & indiuiduæ Trinitatis.
EGO PHILIPPVS Francorum Rex no-
tum volo fieri cunctis Chriſtianæ religio-
nis cultoribus, tam futuris quàm præſen-
tibus, quod Comes BALDEVVINVS con-
iuxque ADELA Flandriæ Comitiffa, vnaque nobiliſſi-
mi ROBERTI Francorum Regis filia, maiestatis noſtræ
ſerenitatem adiere, cum humilitate maxima, obnixè
deprecantes, quatenus eccleſiæ MECINENſi libertatem
quam facere diſpoſuerat pater meus HENRICVS in vita
ſua, facerè ego pro eius anima, parentumque meorum
perenni memoria.

QVORVM ſupplicationibus condeſcendens humillimè,
qui non eram filius ancillæ, ſed filius liberæ, liberta-
tem, quam Comes BALDEVVINVS ADELAQVE vxor il-
lius expetiere, nolui denegare. Verum ne irrita foret
libertas ſanctæ Dei eccleſiæ, chartam iſtam ſigilli mei
corroboravi impreſſione, meiſque fidelibus huius li-
bertatis teſtimonium, aſcriptis eorum omnibus, inſi
perhibere.

Eca

Sic

Sic autem ecclesiæ supradictæ libertatem tribui, vt terras & alodia, cum pratis & molendinis, ceterisque beneficijs, ad eandem sanctam Dei Ecclesiam pertinentibus, nullo contradicente vel iniuriam faciente, salua sororū suarum fidelitate, Abbatissa atque Canonici eiusdem ecclesiæ, sicut idem Comes & Comitissa in vsus necessarios illis disposuerunt, & chartæ nostræ series diffinit, ab omni potestate siue dominatione cuiusque personæ liberè possideant, seu quos prædictæ Abbatissa atque Canonici constituerit beneuolentia.

Hæc sunt autem, quæ possederit Abbatissa, ecclesiā eiusdem loci & altare, vicum & terras infra Rosebecam & Duniam, in territorio Furnensi octo berquerias quæ sexdecim mansis continentur, apud *Furnes* mansum vnum Drusloni, apud *Eches* in Mempisco septem mansa terræ, apud *VVideschat* viginti octo mansa terræ altare de *VVarneston*, apud *Ferlinghem* dimidiam vacceriam, in villa, quam appellamus *Duplices Montes* curiam & molendina, & duodecim mansa terræ, & portam aquæ, villam quamdam *Crucicolas* nominatam, sitam iuxta S. Pauli opidum, duo mansa terræ apud *Lambrene*, apud Duacum terram, quæ diuiditur in duodecim particulas, quam Waldricus dedit S. Mariæ, tunc temporis eiusdem ecclesiæ Præpositus.

Hæc sunt verò quæ Canonici possederint, decimam ipsius villæ Mecinensis, in territorio Furnensi, duas berquerias in eodem territorio, apud *Affringhem* septem mansa terræ continentia centum vaccas, apud *VVideschat* tredecim hortos, apud *Ipram* decem libras denariorum de censu, apud *Ferlinghem* duo pensa caseorum, apud *Duplices Montes* centum solidos, apud *Bruges* alodium persoluens XII. solidos, apud *AleVVangne* vnum mansum terræ, ecclesiam S. Richarij, apud *VVideschat* mansum vnum, tam monialibus quàm Canonicis datum à Manechino, iuxta *Rosebecam* mansum vnum Decano habendum cum viginti solidis, de censu rusticorum eiusdem villæ Mecinensis.

Hinc legitime libertati atque diffinitioni faciendæ.

hi legitimi testes interfuerunt, tam de parte Regis & BALDEVVINI Comitis, quam de parte Comitissæ.

BALDEVVINVS Comes de Montibus, filius Baldevvini Comitis.

Ingelramnus Magister Regis.

Frericus de Curbulo.

Hugo de Bleis

Ingelramnus de Villers.

Robertus filius Gifardi.

Robertus Furgundigeha, Comes de Gifnes.

Radulfus de Tornay.

Robertus de Peronia

ACTVM Furnis publicè anno ab Incarnatione Domini millesimo sexagesimo sexto, Indictione quarta, regnante Rege PHILIPPO. anno post obitum patris sui Henrici VI.

HVIC verò charta si quis, quod absit, contradicere voluerit, persoluat Regi trecentas libras auri, & postea eius calumnia irrita maneat, & ipse sit anathema.

EGO GOSFRIDVS gratia Dei Parisiorum Episcopus, & eodem tempore Regis Cancellarius relegi & relegendo subscripsi.

S. BALDEVVINI Comitis.

NOTATIONES.

WIDESCHAT) vicus Castellaniæ Ipræsis, quem hodieque possident moniales Messinenses.

FERLINGHEM) vicus Castellaniæ Insulensis

DVPLICES montes hodie *Deulemont*, vicus ad Deulæ & Lisæ confluentes. Deula urbem Insulensem intersectat.

CRUCICOLAS) vicus Artesiæ, *Croissettes* Principatus titulo clarius, ad virgines Messinenses etiamnum pertinens.

LAMERENE) vicus *Lamprenne*.

anni memoria, litterali attestacione innotescerem, & sigilla mei impressione corroborarem.

Quorum iustis petitionibus condescendens obtemperare volui, tum quia ossa matris meæ sepeliuntur in eadem ecclesia, cuius nimirum structuræ, dum viueret omnino videbatur insudare, pro animabus communiter nostris, tum quia visis tot MIRACVLORYM signis in eodem loco, placere euidentissime comperi aliquid ibidem omnipotenti Deo.

In territorio itaque *Furnensi* Canonici, prædictæ ecclesiæ altari deferuientes, habeant duas berquereias, triginta sex marcas argenti persoluentes, in eodem territorio apud *Alfringhem* septem mansa terræ, continentia centum vaccas; ecclesiam quoque S. Richarij; apud *Bruges* alodium persoluens duodecim solidos; apud *Ipram* decem libras de censu; apud villam, quam appellamus *Duplices Montes*, centum solidos; apud *Aleuvangne* vnā mansionem terræ; de decima ipsius villæ *Mecinenfis* quinque modios de frumento, & totidem de auena; & de censu eiusdem villæ vnusquisque Canonicoꝝ dimidium vini sextarium, in his tantum festiuis diebus, qui subnotantur, in Natali Domini, in Circumcisione & Epiphania, in quattuor festiuitatibus sanctæ Dei genitricis Mariæ, in Pascha & eius Octauis, in Ascensione Domini, in Pentecoste & Octauis, in Natiuitate præcursoris Domini, in Natali Apostolorum SS. Petri & Pauli, ad vincula S. Petri, in dedicatione ipsius ecclesiæ *Mecinenfis*, in festo quoque S. Michaelis, in solemnitate omnium Sanctorum, & commemoratione omnium fidelium defunctorum.

HABEANT etiam in platea de *VVidescat* tredecim hortos, iuxta *Rosbecam* vnum mansum terræ, cum viginti solidis de censu rusticorum eiusdem villæ, Decano habendum.

Nunc verò superest dicendum, quomodo in pondere, mensura quoque & numero, de cibo ac potu

potu XXX. sororum ſpedictæ eccleſiæ facta ſit inſtitutio. Panis itaque ex adipe frumenti vnicuique earū præponendus penſet quinque marcas, caſeus duas & dimidiam. Quartum verò hæc, quartum palezinc, & quartum ouum me illis auxiſſe, tam futuris quàm præſentibus ſit cognitum.

In Dominicis & feſtis diebus habeant quattuor ferula, in alijs verò tria, omni die iuſtam cereuiſiæ & dimidiam; vinum quoque in omnibus feſtis, quando cantauerint *Sequentiam*, vnaqueque videlicet quartam partem ſextarij; ad veſtimenta ſua triginta libras denariorum.

ABBATISSA verò vt hæc inſtituta ſororibus ſuis copioſè poſſit impendere, & operarijs ea præparantibus mercedem ſoluere, hoſpitesque & peregrinos, ſecundum regulam ſibi inunctam benignè ſuſcipere, hæc liberè poſideat: eccleſiam eiſdem loci & altare, vicū & terras infrà *Rof. eccl. & Duniam*: in territorio *Furnſi* octo berquerias CXLII. marcas argenti perſoluentes; apud *Eches* ſeptem maſa terræ; apud *Videſchat* XXVII. maſa terræ; altare de *Verneſton*, apud *Ferlingehem* dimidiam vaccertum XVI. vaccarum. vnde Canonici habeant in feſto S. SIDRONI duo penſa caſeorum; villam quandā *Cranſ. olas* nominatam. ſitam iuxta S. Pauli opidum: duo maſa terræ apud *Lambrene*; in villa, quam appellamus *Duplices Montes*, curiam cum molendinis & pratis (ſed molendina ad panem XIII. fratrum & ſororum, qui ſunt in hoſpitali domo, conſtituta fuiſſe, nulli ſit dubiū) in eadem villa XII. maſa terræ & portam aquæ; apud *Duacum* terram quæ diuiditur in XII. particulis: apud Martini campum maſum vnum.

ILLUD etiam non eſt prætermittendum, quod villam de *Scotis* centum libras redditibus ſuis annuatim pleniffimè perſoluentem, ſupradictæ eccleſiæ tali diſpenſatione, pro anima matris meæ dederim, ſcilicet vt ad ſepulcrum eius lucerna inde die noctuque, in honore Dei genitricis, luceat, & in anniuerſario deſignationis eius die, Abbatiffa pauperibus ſex libras de eadem villa diſtribuat:

tribuat: Canonicis verò in eodem die ad mensam suam duas, totidem quoque sanctimonialibus impendat; omni etiam die ad Missam pro fidelibus defunctis, vnum denarium offerat, vel offerre faciat, reliquum verò ad structuram ecclesiæ reseruet: similiter & medium teloneum de *Dania*, item apud villam *Hochingebm* nominatam septem millia altheum: ecclesiam quoque de *Merignies*, & decimam de *Martini* campo: vnde sanctimoniales ad calceamenta sua in annuario filii mei *BALDWINI*, qui ibidem sepelitur, XXX. solidos denariorum habeant, Canonici verò duodecim.

His ita ordinatis & dispositis, consilio itque assensu meorum fidelium, sic sepedictæ ecclesiæ libertatem tribui, vt terras & alodia cum pratis & molendinis, ceterisque beneficijs ad Ecclesiam pertinentibus, nullo contradicente vel iniuriam faciente, Abbatissa possideat, vel quem elegerit eiusdem Abbatissæ beneuolentia: & sicut ego, sic & quisque heredum meorum sit eiusdem ecclesiæ Aduocatus, eam impugnare volentes expugnans.

ABBATISSA verò, vt orationum eiusdem ecclesiæ & beneficiorum sim particeps, mihi & omni heredi meo præbendam, caritatis amore, concessit, scilicet vnum tantummodò panem, & iustam cereuisiæ, quotiescumque illuc accessero.

ACTVM MECINIS IIII. Nonas Februarij, anno ab Incarnatione Domini MLXXX. Francis dominante fe- Anno 1080.
liciter Rege PHILIPPO. Et vt hæc nostra cōstitutio perenniter firmissima permaneat, optimatum meorum, qui præsentibus adfuerunt, liberalis attestatio & designatio firmiter sustineat. Si quis huic chartæ contradicere voluerit, iram Dei incurrens, sit anathema.

† ROTBERTVS.

Signum ROTBERTI Comitis & PHILIPPI, filiorum Rotberti Comitis.

S. Eustathij Comitis.

S. Segardi.

S. Balduini de Gant.

- S. Arnulfi de Ardea.
- S. Roberti de Peronia.
- S. Hugonis Comitis.
- S. Onu li.
- S. Euerhardi de Tournay.
- S. Ernulphi Archidiaconi Teruanensis.
- S. Tibaldi. S. Gozelini.
- S. Gondeuini Decani Mecinensis.
- S. Magistri Willemini.

EGO REINARVS Vicecancellarius recognoui & subscripsi.

NOTATIONES.

MIRACVLORVM) signa in Mefsinenfi monasterio, iam inde à quinque fere feculis, uifa fuisse, notet Lector, quæ hodieque perdurant, vt supra cap. 50. ostendimus.

IYSTA) id est, certa cereuisiæ mensura.

CANONICI) olim XII. fuerunt Mefsinois, ab Adela Comitissa similiter instituti ac dotati, vt sanctimonialibus in sacris faciendis subseruirent: nunc pauciores sunt numero, ob census iniuria temporis imminutos.

S. SIDRONII) martyris, sub Aureliano Casare passi, corpus Adela Comitissa ex vrbe Roma Mefsinas attulit, & thecæ argenteæ inclusit; ibidemque sic religiose nunc adseruatur.

PENSÆ) seu penſa, id est, penſitationes.

DVNIA) forte *Dunen*, vbi nunc Abbatia monachorum ord. Cisterciensis, prope Furnas Flandriæ opidum.

MERIGNTES) vicus Castellaniæ Insulensis.

WARNESTON) vicus ad fl. Lisam, secundo lapide ab Ipris, vbi nunc Abbatia Canoniorum regularium.

EUSTATHIVS) Comes Boloniensis seu Bononiensis ad mare, pater Godefridi Bulloni, Regis Hierosolymorum.

HYGO) Comes S. Pauli, in Artesia.

ROBERTVS) Peronenſis, & Euerardus Tornacenſis
Caſtellanus fuit, vt ſuſpicor.

PRAETER Robertum Friſium, & alij Comites Flan-
driæ Meiſinenſi monaſterio varia beneficia præſtute-
runt. Ex his PHILIPPVS, Flandriæ & Veromandiæ Co-
mes, in *Eſſendamo* agri Furnenſis vico, itemque in
Neocleſia & *Balliolo* villas amplas anno. 1176 & 1180.
conſulit. Neocleſia, *Nieukercke*, vicus Caſtellaniæ Bel-
liolanz, ad Comitum Egmondanum ſpectat. Balliolum
Belle, amplum municipium, fuit patria Iacobi Meicri,
Flandriæ Hiſtoriographi.

CAPVT

*Balduinus cognomento Inſulanus ſeu
Pius, Inſulenſe Canoniorum colle-
gium, à ſe fundatum, an. 1066.
dotat, præſente Philippo
Francorum Rege.*

IN nomine ſanctæ & indiuiduæ Trinitatis,
vnius veri Dei. Quoniã ego BALDEVINVS
Flandrenſium Comes Marchio, & PHILIPPI
Francorum Regis, cuiusque regni
Procurator & Baiulus, ſecundùm diuino-
rum librorum teſtimonia, ſciebam quòd ſuperne voca-
tionis maneat hereditas, quos in exercitium diuini ope-
ris bona excitat voluntas, coepi mecum ſingulari
mentis conſideratione ſpeculari, quia, cùm diuinorum
mandatorum obſervatione, nihil alicui Dei cultori
magis valeat eſſe ad ſalutem animæ & corporis ſalu-
bre, quàm eccleſias ad honorem Dei, cuiusque Sancto-
rum

rum, vbi rationabiliter ac legaliter fieri potest adificare.

QVAPROPTER sapius oculis cordis illud respiciens quod scriptum: *Cui multum committitur, multum ab eo exigitur*, & illud: *Qui domum Dei adificat in terris, domum suam preparat in celis*: propterea coniugis meæ ADELÆ, & filij mei BALDEVVINI fideli ac salubri acquiritis consilio, basilicam in honore S. Petri Apostolorum principis à fundamento construens, congregationem Canonicorum, in eadem Dei misericordiam, pro anima mea, & antecessorum meorum, vxorisque meæ ac filiorum meorum & omnium Dei fidelium, die nocteque exorare institui, eisque ad vsus necessarios de rebus possessionis meę tradidi, quę inferius continentur, libera videlicet omnimodò, & ab omni dominatione seu potestate cuiusquam absoluta: excepta eius quidem quem Præpositus & Canonici eiusdem ecclesię, in loco à progenitoribus ISLA nominato fundatę, communi elegerint voluntate: qui & ipse quoque tamdiu & non vterius eorum rebus præsit quamdiu eis placuerit. In territorio ISLENSI.

QVIN etiam vxor mea eleemosynarum & remunerationis à Domino mecum particeps esse cupiens, & illius Dominici verbi reminiscens, *Hospes fui, & suscepisti me, Esurui & dedisti mihi manducare*, contulit supradictę ecclesię villam in Atrebatensi pago sitam nomine *Esurs*, ad hospitium & refectionem pauperum: catamen ratione, vt Canonici exinde singulis annis XL. solidos habeant in ipsius dedicatione.

DEDIT quoque præterea bodium ecclesię de *Doulsfmons* Thesaurario, vt ex eo vnoquoque anno Canonici XII. solidos recipiant in die solemni Apostolorum Petri & Pauli: quia eodem die celebrabunt anniuersariū diem patris eius ROTBERTI, Francorum quondam Regis, & pauperes panem vnius modij varię annonę, & duas caseorum pensus. Sed & altare S. Petri in cripta ex eo omni tempore sæculi, per noctium tempora, indeficiens luminare habeat. Si quis autem in aliquo conper

traire aut contradicere voluerit, centum libras auri persoluat, & bannum Regis, & quod tentauit irritum fiat.

ACTVM apud ISLAM in S. Petri basilica, coram PHILIPPI Francorum Regis presentia, anno VII. imperij eius, anno ab Incarnatione Domini MLXVI. Indictione IV. assistantibus quàm plurimis nobilibus & idoneis testibus, clericis atque laicis.

Ut autem hæc traditio firma atque in omne tempus indissoluta permaneat, prædictus Rex eam, rogatu meo, sua manu signauit, atque sigilli sui impressione firmavit.

Signum BALDEWINI iunioris Comitis.

- S. ISAAC de Valencines.
- S. BALDVINI Nouiomensis Episcopi.
- S. WIDONIS Ambianensis Episcopi.
- S. DROGONIS Taruennensis Episcopi.
- S. Fulcardi Nouiomensis Archidiaconi.
- S. Warnerij Taruennensis Archidiaconi.
- S. Warmundi Cameracensis Archidiaconi.
- S. Clareboldi Pincernæ.
- S. Theoderici Depiferi.
- S. Rengoti de Gandauo.
- S. Anselmi Calui.
- S. Roberti Aduocati.
- S. Iohannis Aduocati.
- S. Walteri Duacensis.
- S. Hugonis fratris eius.
- S. Rudolphi Tornacensis.
- S. Wederici Tornacensis.

Ego BALDVINVS Cancellarius subscripsi.

NOTATIONES.

COMES MARCHIO.) Apud medijs qui scriptores hæc duo vocabula fere pro eodem sumuntur. Sunt item hic notandi tituli, quibus Balduinus Insulanus in suis diplomatibus est vñs.

ISTA) hodie Insula, vt Guilelmus Brito in sua Philippeide nuncupat, seu Insule, plurali numero, vrbs Gallo-Flandriæ primaria, mercatu celebris; quam *Balduinus* Flandriæ Comes, Insulanus inde dictus, condidit, muris item, fossis, arce, aula (quam Salam vocant) templo, collegioque Canoniorum exornauit.

DOYLESMONS) fortè *Deulemont*, Deulemonda, vbi Deula fluuius Lisæ miscetur. Sic *Tencramonla*, vbi Tenna in Scaldim, *Kuremonda*, vbi Rura in Mosam, *Rupelmonla*, vbi Rupela in Scaldim influit atque immergitur. Nostratibus *Mont* idem est quod os siue ostium.

EXCEPTA EIVS QVEM) Hunc vulgò Guardianum seu Gardianum, id est, Defensorem seu Tutorem Canonici nuncupant.

BALDVINVS Noniomenfis, Wido seu Guido Ambianensis, & Drogo Teruanensis, Episcopi, huic diplomati subscripserunt, & templum S. Petri Insulense solenni ritu an 1066. consecrarunt, Philippo Francorum, Rege, Balduino Insulano, Flandriæ Comite, eiusque coniuge Adela, præsentibus.

De his rebus plura qui volet, Ioannis Buzelini Gallo-Flandriam legat.

CAP.

CAPVT LX.

*Theodvinus Leodiensis Episcopus in
Hoiensi seu Huiensi ecclesia*

XV. Canonicos an. 1066.

constituit.

DEO THEODVINVS, Dei gratia Leodicensis Episcopus, notum esse volo tam praesentibus quam futuris, qualiter post libertatem HOIENSIS ecclesiae, quam MATERNVS beate memoriae Episcopus consecrando primum, adiecerim libertatem etiam villae. Praefatam siquidem ecclesiam à fundamentis ad laquearia, à laquearibus & ultra reedificavi; quam etiam in auro, argento, gemmis & praedijs, pro modulo meo ditavi, & de Agar Saram esse feci.

¶ PRAEPOMINATA verò villa pro libertate sua, ad sumptus ecclesiae necessarios, omnia mobilia sua primum mihi tenuit; quia libertate ut amplius frueretur, postmodum dimiditavit.

PRIMA libertas haec est, quod defuncto in pace Episcopo, usque ad plenariam alterius institutionem, burgenses villae bona fide & bono consilio, castrum HOIENSE de redditibus villae conservabunt. Si verò nos, vel aliquis successorum nostrorum praescriptam libertatem, vel aliqua iura eorum (quod absit) infringere tentaverit, concedimus & statuimus, ut Dux Lotharingie, & alij tam clerici quam laici subnotati ad conservandum libertatem, & iura eorum (admonitione tamen praemissa) eis efficaciter assistere non omittant.

DIE

Die tertio dedicationis Harenfis ecclefie, hæc omnia fupradicta à meipfo corroborata funt & confirmata, fub anathematis vinculo, & à compare meo & coopereatore LIETBERTO Cameracenfi Epifcopo, & ab omnibus facerdotibus inibi aſſintibus. Et ne in poſterum prece vel pretio iſta poſſent immutari, impreſſione ſigilli noſtri prædicta volumus communiri, ſub aſſenſu & teſtimonio tam clericorum quàm laicorum.

ACTA funt hæc anno Domini MLXVI. Indictione IV. pontificatus noſtri anno XVIII. regni verò Henrici XI.

NOTATIONES.

THEODVINI diploma, ſed mutilum. Egidius Vallis aureæ monachus, Bruſthemius & Chapeauillius, rerum Leodiienſium ſcriptores, recitât. Quod quidem ſignarunt, ut iidem ſcriptores aſſerunt.

Hermannus Archidiaconus,
 Godeſcalcus Præpoſitus,
 Wolbertus Decanus,
 Aſtulphus Cantor,
 • Franco Scholaſticus.
 Bono Canonicus, Emo & Wolbodo.
 Godefridus Barbatus, Dux Lotharingæ,
 Albertus Comes Namurcenſis,
 Henricus Comes Luceburgenſis,
 Cono Comes Montifacuti,
 Walterus Aduocatus eiufdem villæ,
 Godeſcalcus de Cennano,
 Godefridus & Arnulphus de Florines,
 Godefridus de Floreſſia,
 Chriſtianus eius frater.

Ceterum Bozo Archidiaconus, & Abbas S. Mariæ XV. Canonicos in Huius S. Mariæ ecclesia posuerat. His alios totidem THEODVINVS Episcopus addidit, & eandem ecclesiam, à fundamentis vsque ad laquearia à se perfectam, anno 1066. dedicauit, præsentē LIETBERTO CAMERACENSIS Episcopo. Idem Pontifices corpus S. DOMITIANI Episcopi ad dictam ecclesiam ex ecclesiola, per S. Maternum primum Tungrensium Episcopum, constructa, transtulerunt: ut idem Ægidius in Gestis Episcoporum Leodicensium tradit.

CAPVT LXI.

*Robertus Frisius, Flandriæ Comes, anno
1072. confirmat prædia ac possessiones
monasterij S. Petri Gandensis.*

IN nomine Patris & Filij & Spiritus sancti, amen.
ROBERTVS Dei gratia Comes Flandriæ tam futuris quàm præsentibus in perpetuum. Quoniam Domini est salus, & non est vera salus, nisi in eo, qui dat salutem Regibus; toto cordis affectu & corporis gestu, si saluari volumus, eius seruituti insudare debemus: quippe cum ei seruire, regnare sit.

Sed quia terrenis negotijs occupati, vix aliquando possumus reminisci Saluatoris nostri, magnopere nobis

bis studendum est, vt faciamus nobis amicos, qui recipiant nos in æterna tabernacula, cùm defecerimus.

PROINDE petitioni dilecti nobis Abbatis FOLCARDI, & fratrum in ecclesia S. Petri Gandensis Deo seruientium, & pro nobis iugiter orantium, assensum præbentes, ne aliquorum infestatione in futurum molestantur & per hoc à Dei seruitio, & nostri memoria retardentur, præsentis scripti testimonio, omnia à prædecessoribus nostris in immobilibus, & mobilibus, in villis, terris, siluis, redditibus & decimis prædictæ Ecclesiæ tradita contradimus; & sicut à prædecessoribus nostris prælibatæ Ecclesiæ confirmata sunt, & nos propria animi deuotione confirmamus, vt omnia integre, quiete, & pacifice possideant & teneant.

1072. Vt autem hoc omnibus notum sit, & ratum & inconuulsum permaneat, præsentem paginam sigilli nostri appositione, & testium corroboracione signari præcepimus. Actum anno Domini M. LXXII. regnante Rege Francorum PHILIPPO.

Signum Roberti Marchisi.

S. Folcardi Castellani Gandensis.

S. Lamberti filij eius.

S. Alardi fratris eius.

S. Balduini.

S. Eustathij.

S. Hugonis.

S. Arnulphi filij eius.

S. Asserici de Afna.

S. Reineri patris eius.

S. Expolli de Suinarde.

S. Asserici de Munte.

S. Luberti de Didelsuena.

S. Rozonis de Melna,

S. Ioannis de...

S. Elberti de Rosebeca.

S. Ioannis de Buthem.

S. Arnulfi de Hardopa.

S. Sefridi de Marck.

S. Eustathij de S. Audomaro.

S. Walerici de Niuela.

NO-

NOTATIONES.

ROTBERTVS) cognomento Frisius, ob victoriam contra RICHILDEM, eiusque filium ARNVLVVM Flandriæ Comitem, nepotem suum, & contra PHILIPPVM Franciæ Regem, an. 1072. die 22. Februarij, in festo Cathedræ S. Petri, prope Casletum obtentam, plures per Flandriam ecclesias, in honorem principis Apostolorum ædificauit, aut collapsas instaurauit, aut alia ipsis beneficia contulit: vt in Annalibus Belgicis docui.

CAPVT LXII.

*Egmondana Abbatia in Hollandia
fundatio, dotatio, ac confirmatio
prædiorum, per Theodericum
V. Hollandia Comitem
an. 1083.*

IN nomine sanctæ & indiuiduæ Trinitatis.
Ego THEODERICVS Dei gratia Hollandiæ-
sum Comes, reputans mecum incertos
casus humanæ fragilitatis, decreui iustis
petitionibus assensum præbere, vt diui-
nam misericordiam in illo districto examine placabi-
lem merear habere.

gemisque decoratum, historiâ, id est, Medicinalē librū.

ECBERTVS, nominati Comitis filius, Dei gratia, Treuericę ecclesię Archiepiscopus, honorauit eundem locū Egmondensem, offerens Deo sanctoque ADELBERTO crucem auream casulam pretiosam, stolam pulcherrimam, cingulum auro intextum, dalmaticam, Subtile, Missale, Capitulare, Historiam, uetus nouumque testamentum continentem, multosque alios libros, scriniū argenteum, plenum reliquijs Sanctorum.

ARNULPHVS Comes, cum coniuga vxore sua LVITGARDA, obtulit ad prædictum locum in *Thosa* mansus duos, in *Casterchē* duos mansus & quartam partē vnius in *Wlzen* tres mansus & vnum agrum, in *Saxham* dimidium mansum, in *Forneholc* tres mansus, in *Norgha* mansus quinque, in *Lopsen* mansus nouē, iuxta flumen *Ma rne* ... mansus, & quartam partem vnius, in villa *Leiden* mansum & sextam partem vnius, in villa *Bergan*, ab occidente Rheni posita, tres mansus, ecclesiā *Flardinga* cum decimatione terræ, inter flumen *Matlinga*, & riuium *Turlede*, qui vocatur *Larga*.

THEODERICVS III. prædicti Arnulphi filius, cum coniuge sua OTHELHII DE, obtulit S. Adelberto in *Rademburch* quattuor mansus, decem libras singulis annis soluentem, in *Rademburgherbrocke* terram XVI. uncias soluentem, in *Sutram* terram XIII. uncias soluentem, in *VValdmannne Venna* terram XVI. uncias soluentem, in *Comitis Fringersa*, terram XVI. uncias soluentem.

SIGERTVS, cognomēto Siceo, prædicti frater Theoderici dedit S. Adelberto pro animæ suę remedio, terrā super *Gheest* nominatam *Northorpe*, *Snithen*, ad *Girngelandt*, *Isl* libransland, *Smirdingland*, *V. fiertelen*, *Lansmade* in *Ackerslote* XII. libras, in boues & libras.

FLORINTIVS III. Theoderici filius, cum bonæ memorię vxore sua GERTRUDE, obtulit ad supra dictū locū terrā in *Esmundelf*, V. libras & uncia soluentē, in *Lusfhusa* mansus xxxii. in *Stervoye* mansus xxvi. uncias soluentē, iuxta *D. H.* mansus, ex alia parte *Delf* ix. mansus. *Allys V.*

HVIVS Florentij filius sui ego quartus THEODE-

quem humiliter deprecatus est prædictus Abbas STEPHANVS, vt pro amore Dei & reuerentia SADALBERTI, renouarem & confirmarem auctoritate mea omnia prædecessorum meorum dona, ad EGMONDENSEM ecclesiã pertinentia. Cuius petitioni libenter assensum præbui, & summæ caritatis auctoritate confirmaui, vt omnia supradicta libertate teneat, possideatque prædicta Ecclesia, & à terra *Vimmorosuchta* usque in *Heram*, quæ est videlicet eiusdem ecclesiæ, nullus mortalium audeat placitum habere, sine Abbatis permissione, vel iniuste inde aliquid decerpere, hominesque eiusdem ecclesiæ in toto Comitatu nostro, sine teloneo esse, nullusque debeat eos opprimere, sed sint sub Abbatis potestate, & cum Causidico suo placitum habeat ipse.

Quod si aliquis ex eis, qui ex parentibus suis iuste pertinet ad prædictum locum, negare & contradicere voluerit, liceat memorato Abbati, suisque successoribus, cum Aduocato suo illum tenere, & ad iustitiam trahere, in cuiuscumque ministerio sit. Similiter faciat de redditibus ius quicumque sedet super terram prædictæ ecclesiæ, & non vult soluere quod debeat iuste: Aduocatus Abbatis intret domum illius, & tantum de rebus accipiat, quantum debet ille, sine alicuius iudicis contradictione.

Si quis verò, quod futurum non credimus, nostrorum vel extraneorum, hanc libertatem ecclesiæ voluerit infringere, iram Dei & omnium Sanctorum incurrat, & hoc, quod nititur, nunquam perficere valeat, sed cum Inda traditore Domini, & diabolo & Angelis eius in die iudicii, & cum his, quorum vermis non morietur & ignis non exstinguetur, partem possideat. Qui autem hoc nostrum conseruauerint præceptum, gloriam & honorem & benedictionem percipiant à Domino, & misericordiam consequantur, & gratiam inueniant in auxilio oportuno.

Vt autem istius nostræ concessionis auctoritas stabilis & inconuulsa permaneat omni tempore, hanc char-

chartam conferibi fecimus, & beneuolentiz dilectionisque nostræ sigillo corroborari.

Huius rei testes sunt dominus Abbas STEPHANVS, Florentius, & Anselmus, presbyteri.

LAICI, Adelbertus, Heremannus, filius Popponis, Engelbertus Stathaloech, Thesario Adalun Castellanus, tres germani, Gerbrandus, Isbrandus, Guntwachar, Dodo de Riswije, Thidert, Thiebald, Thigard Blankart, alijque quàm plurimi.

Eodem die, coram eisdem testibus, mutuaui contra S. Adelbertum nouem manus in *Maisland a Scoepleda* (nunc *Scipluden*) in Mosam, & in *Wester-ricam* tres manus à Mosam in *Vronemscalc*, dans censum in *Alcema* VIII. librarum singulis annis.

Insuper, precante & adiuuante OTHELHILDA vxore mea dilectissima, concessi Abbati STEPHANO, suisque successoribus iudicariam potestatem, quæ *Limbocht* vocatur, tenere.

ACTVM est hoc publicè in FLADRINGA, coram populi multitudine, anno Dominicæ incarnationis M. LXXXIII. Indictione VI. regnante HENRICO, XXVII. anno Imperij sui, CONRADI Traiectensis Ecclesiæ Episcopi anno Episcopatus sui VIII. domini STEPHANI Abbatis anno XXVI. suscepti pastoralis officij, VII. Kal. Augusti.

NOTATIONES.

HUIUS diplomatis archetypum, in archivis Abbatiz Egmondanz, coram oculis se usurpassè, *Gulielmus Heda*, in Historiâ Episcoporum Ultræctinorem, disertè testatur. Cuius apographum, ex Hedæ commentarijs transcriptum, *Ianus Douſa* suis Annalibus Hollandicis inseruit.

Ceterum hic Theodericus, nomine quintus Hollandiæ Comes, primus exstitit, qui repudiata antiqui moris simpli-

simplicitate, nudum Comitum titulum maioribus suis hactenus usurpatum, adiecta regionis, cui præerat (Hollandiæ inquam) appellatione auxit atque amplauit: ut Guilielmus Hed¹, & Ianus Douſa annotarunt.

FLARDINGA seu Fladirtinga, Hermanno Contracto Phladirtinga, *Vlaerdighen*, peruectum est Hollandiæ opidum, ad Mosam fluvium. Fuit primorum Hollandiæ Comitum sedes ac domicilium: aded ut idem Contractus Theodericum V. vocet Marchionem Phladirtingæ.

C A P V T LXIII.

*Lotbertus Abbas Hasnoniensis anno
1088. vendit Giselberto, Balduini
Gandensis filio, alodia in Aloſt,
Raſſeghem & Lede.*

IN nomine sanctæ & indiuiduæ Trinitatis, Patris, & filij, & Spiritus sancti. Quoniam industriæ est Prælatorum, non tantum ea prospicere, quæ in præsentiarum sunt, verum etiam longe sagacitatis porrigere oculum, ego LOTBERTVS, gratia Dei, Abbas Hasnoniensis cœnobij, per huius nostræ conscriptionis paginam, quæ consilio fratrum, nostrorum concepta, concepta peregi, posteris commendare curavi.

BALDVINVS Marchio, venerabilis, nostri reformator loculi, prædecessorum negligentia pane ad destructionem reducti, alodium in ALOST & RASSEGHEM & LEDE, quod iure possiderat hereditario, Ecclesiæ nostræ mæcipauit: cuius vsusfructus in vita sua, & post decessum suum

suum aliquantulo tempore nobis prouenit.

INGRAUESCENTE verò mundi nequitia, qui totus esse probatur posicus in malitia, cum deuastatione tyrannorum, circumquaque manentium, paruum vel nullam nobis conferret utilitatem; distraxi, pretiumque eius in reditu meliore locui, & per manum iunioris Comitis ROTBERTI cuiusdam GISELBERTO, Balduini GANDENSIS filio, perpetui.

ACTVM anno ab Incarnatione Domini MLXXXVIII. Indictione x. Epacta xiv. Concurrente iv. regni Regis Francorum PHILIPPI XXV. ROTBERTI Comitis iunioris xi. Huic adsertioni adfuerunt testes idonei.

1088.

Balduinus, filius Balduini de Gandauo.

Theodericus de Aldenarda.

Euerrardus de Tornaco.

Walterus, filius Balduini de Gandauo.

Gerardus de Soiteghem.

Godefridus de Lathem.

Wenemarus Castellanus Gandensis.

Willelmus de Olfene.

Gerardus frater eius.

Raso de Gaiera. Astricus de.

Berno de Tenremonda.

Ralicardus de Cordes, & fratres eius.

Stephanus de Boular.

Stepo de Borfele.

Lambertus & filius eius.

Rangotus de Tenremonde.

Arnulfus & frater eius.

Anselmus de Sipe.

Gocelinus de Lidekerke.

Remboldus Niger, & filius eius.

Theodericus de Scendelbec, & frater eius.

Ingelbertus, Adalhardus.

Rothardus de Rasseghem. Sigerus ...

Hb

NO-

NOTATIONES.

LOTBERTVS) fortè Rotbertus, Abbas monasterij Halnoniensis in Ostrouandia siti, ad Scarpum fl. in diœcesi Atrebatensi: de quo vide supra cap. 22.

BALDVINVS) cognomento Montensis, Flandria Comites, Halnoniense cœnobium Benedictinis an. 1070. tradidit, amotis clericis, & templum nouum ibidem exstruxit.

GISELBERTVS) fuit filius Balduini Alostani seu Gandauensis, ut alibi vocatur. Balduini autem pater fuit Rodulfus. Ex quibus liquet familiam Gandauiam diu ante an. 1088. possedisse ditionem Alostanam. Qui autem fuerint primi, & quot ex ordine Comites Alostani, difficile fit certò adfirmare. Primus itaque sit BALDVINVS cognomento CRASSVS, secundus BALDVINVS LVSCVS, Crassi filius. tertius IVANVS CALVVS, Lusci frater, quartus & postremus THEODERICVS, Iuani filius: de quibus infra suis locis agemus.

Comitatus porrò Alostanus magnam veteris *Brachbanti* (quod olim supra Tornacum extendebatur) portionem comprehendit. Præter opida duo, *Alostum* & *Gerardi-Montem*, vici centum septuaginta duo aut circiter in eo numerantur: ex quibus nonnulli vsque ad Montem S. Trinitatis, Tornaco vicinum, porriguntur.

RASSEGEM) seu Reslegem, Baronia vetus gentis Villanæ, & Comitum Isægemi.

LEDE) Baronia per Albertum Pium, Belgarum Principem, instituta: quo loco basilica est amplissima, Deiparæ cultu ac miraculis ab aliquot sæculis clara.

CAPVT LXIV.

*Gerardus II. Cameracensis Episcopus
alodia aliquot, iure hereditario ad
se pertinentia, dat Ecclesia Ca-
meracensi, & alia alodia à
Manſcelino Praeposito do-
nata confirmat 1089.*

IN nomine sanctæ & indiuiduæ Trinitatis.
GERARDVS Dei gratia Cameracensis E-
piscopus, omnibus in Christo renatis ex-
lorum gloriam appetere remigio cari-
tatis.

SCIANT presentes, & his, qui nascentur, studeant e-
narrare: quomodo ego pro salute animæ meæ & præ-
decessorum meorum, trado ad vsus fratrum sanctæ Ca-
meracensis ecclesiæ, matris nostræ, alodium de *Liesseins*
& de *Wulrechem*, cum moneta, cum teponeo & macera
& districto, cum molendinis, cum terris cultis & in-
cultis, siluis, pratis, cum seruis etiam & ancillis, alodium
quoque apud *Odenghem*, quod ibi habeo, libera ab omni
aduocatione, & cetera quæ mihi in BRACBANT heredi-
tario iure succedunt: vnde in anniuersario meo fratres
cibentur, & residua in vltibus eorumdem dispendantur.

GENVS quoque seruorum & ancillarum, duo festi-
cet denarij à viro, vnus à femina, in Natiuitate S. Marię
annuatim soluantur, & in lege, qua ceteri sunt, de elec-
Hh 2 mosyna

mosyna teneantur, & dies anniuersarius patris mei matris meæ, fratrisque mei celebretur.

DONO etiam, domini *Manscelini*, eiusdem ecclesiæ Prapositi & Archidiaconi petitione, altare de *Calderio* eidem matri nostræ Ecclesiæ, liberum ab omni persona sed annuatim persoluat quæ cetera eiusdem Archidiaconatus capitales ecclesiæ, tali tamen conditione, ut ter in anno fratres ipsi in Refectorio conueniant, quinta scilicet feria Absolutionis, & in festiuitate S. GAVGERICI, quæ est in Augusto, & in sui obitus anniuersario.

DAT etiam idem MANSCELINVS eidem Ecclesiæ alodium, quod apud *Maronis VValdum* habet, seruos etiam & ancillas, concedentibus & assentientibus fratribus suis *VValtero*, & *Tertunino*, sicut iure possidet hereditario: serui tamen & ancillæ sub lege sint elemosinæ. GERARDVS quoque *Cordella* alodium suum, quod apud eundem *Maronis VValdum* & circa *Teneram* iure hereditario possidet, eidem confert Ecclesiæ.

HORVM igitur petitione, canonica fretus auctoritate, tam in ea præscripta quàm sua huic confirmo Ecclesiæ charta & anathemate.... Ut autem ratum & inconvulsu hoc maneat, corrobore sigilli mei impressione, & subtus signatorum attestatione.

Signum mei ipsius GERARDI Episcopi.

S. eiusdem MANSCELINI Prapositi & Archidiaconi.

S. Desiderij Archidiaconi.

S. Gerardi Archidiaconi.

S. Frederici Archidiaconi.

S. Alardi Prapositi & Archidiaconi.

S. Aufridi Archidiaconi.

S. Hugonis Decani.

S. Wuerneboldi Scholastici.

S. Griodonis Cantoris.

Signa Casatorum.

Ansell de Ribodimonte,

Fulconis Vicedomini.

Walteri Tonitruui.

Amultrici.

Arnulfi, Walteri.

Wenchelonis, Walteri Coleti.

ACTVM Cameraci anno ab Incarnatione Domini M.
LXXXIX. Præfulatus mei XIV. Indictione XII.

1089.

NOTATIONES.

GERARDVS II.) Cameracensis & Atrebatensis Episcopus, Lietberti successor, an. 1092. viuere desijt. Post cuius obitum Atrebatenses proprium sibi Episcopum ab Urbano Papa an. 1093. impetrarunt. Urbani diploma paulò infra recitabimus.

ODENGHEM) nunc *Oudeghem* vel *Auweghem*, toparchia territorij Teneramondani, quam David Lindanus in sua Teneramonda lib. 3. cap. 6. multis descripsit. Huic vicinus est vicus *Mespelaer*, ditionis Aloftang, in quo bis mille circiter nummi aurei, à Romanis cusi, anno 1607. ab agricola sunt inuenti, moxque per vniuersam Europam sparsi.

REFECTORIO) Canonicos communi olim Refectorio vfos fuisse, Molanus in libris de Canonicis docet, & Triclinia, quæ varijs locis eo nomine supersunt, abundè testantur.

Hh 3 CAP.

CAPVT LXV.

*Henricus III. Comes Louaniensis &
Bracbatensis an. 1086. fundat do-
tatque Abbatiam Afflige-
mensem.*

IN nomine sanctæ & indiuiduæ Trinitatis . Ego
HENRICVS, diuina propitiante clementia, BRACBA-
TENSIS PATRIÆ COMES ET ADVOCATVS, omnibus
tam præsentibus quàm futuris fidelibus, omne da-
tum optinuum & omne donum perfectum, descendens
à patre luminum.

NO RVN vobis facimus qualiter miles quidam meus,
GERARDVS nomine, cum alijs quibusdam, quos æque
diuina gratia & præuenit & subsecuta est, balteo mi-
litari deposito, vt meliorem inuenirent hereditatem,
militiam Iesu Christi professi sunt, & in Comitatu meo
loco ab antiquis HAFELINGEM vocato, modò autem
Nouo monasterio appellato, habitationem saluosam ad-
huc & desertam elegerunt, vt quantò amplius remoti
à secularibus, tantò sub regula beati Benedicti Deo ser-
uirent familiariùs.

EREXERVNT autem ecclesiam in honore beati Petri
Apostolorum principis, vt ubi antea erat spelunca la-
tronum, habitatio inciperet tandem rectè viuentium,
& qui erat locus rapinæ & homicidij, mutaretur in
possessionem pacis & fructus eleemosynarum,

QVO-

QVONTIAM VERO locus ipse ad comitatum nostrum hereditario iure videbatur pertinere, ego fraterque meus GODEFRIDVS, ab eisdem exorati fratribus, & pro remedio animarum nostrarum, omniumque antecessorum nostrorum, legitime & ex toto libere ad altare ipsius Ecclesiæ tradidimus: præterea, quoniam sapientissime probata valde nobis placuerit militaris eorum industria, tam pro seculari eorum amicitia, quam pro remuneratione diuina, de eodem alodio adiacente, & ad seruitium nostrum remanente, in siluis & pratis, in campis & pascuis, in piscationibus & venationibus, omnem eis usum habere nobiscum.

VT autem per amplius beneficium, maius ad Dei seruitium cresceret eis desiderium, capellam nostram liberam in *Vpauera* subterius sitam, cum tota decimatione superioris ecclesiæ, cum debita instituendi presbyteri subiectione, cum terris insuper aliquibus nostræ culturę subsistentibus, cum teloneo & maceria, cum molendinis, & curtibus ad nos in eadem villa pertinentibus, huic traditioni legitime addidimus.

QVOD si, vt verè de misericordia Dei præsumimus, ad meritum eorum accesserit, & numeris Abbatem eligere, baculumque super altare positum ipsi committere, nullo Principe, nullo Episcopo contradicente, in eorum erit potestate, quatenus secundum eorum regulam eligatur, qui eligendus est, & per ostium Iesu Christi ingrediatur, qui ordinandus est, remota omni aliena contradictione, & suspecta occasione. Nos vero de aliqua sibi illata iniuria, si appellare voluerint, quasi pro animabus nostris, pro eis nos exponemus, nec quidquam aliud de loco illo nisi orationes fratrum & Dei retributionem recipere volumus.

ET vt hæc nostra traditio vel conditio omnibus retro sæculis rata & inconuulsa permaneat, charta & atrimēto rem, vt est, notamus & roboramus. Ante omnia Dominum omnipotentem & Sanctos eius citamus, & fideles nostros, qui huic traditioni interfuerunt, idoneos

neos testes subterfignamus.

Steppo Bruffellenſis, & frater eius Walterus.
 Baldunus de Aloſt. Gerardus de Cumberſica.
 Adalbertus Snikart. Theodericus de Budengem.
 Anſelmus de Erpe. Sigerus frater eius.
 Herebrand de Hordingoſchen.
 Folcardus & Godeſcalcus filij eius.
 Ingelbertus Kaluarſtert. Sigeris Anderlechtenſis.
 Onulfus de Miluerſchem. Gillebertus de Laca.
 Arnulfus & Obertus de Ordengehem.
 Henricus Cameracenſis eccleſiæ Canonicus.
 Alardus Canonicus, & Godero & Meinerus, clerici
 de Louania.
 Ioannes Canonicus de Petingehem.
 Gerardus de Leneca. Godefridus de Lathem.
 Franco. Amandus. Hugo de Bruffelle.
 Amalricus de Beckenſele. Sigerus de Aloſt.
 Walterus de Aſcha. Walterus de Hamme.

1036.

Actum eſt hoc anno ab Incarnatione Domini milleſimo octogefimo ſexto, regni verò *Henrici* Regis triceſimo quinto, præſulatus *Gerardi* Episcopi decimo.

NOTATIONES.

BRABATENSIS) patriæ Comitem primus ſe ſcripſit Henricus, eo nomine III. Comes Louanienſis, de quo ſaltem conſtet. Sic Henricus III. Lotharingæ eo nomine Dux, circa annū 1250. titulum Brabantæ Ducis primus aſſumpſit. Henricus porro Comes anno 1095. in haſtiludio apud Tornacum periit, Niuellis conditus: vt Sigebertus in Chron. ſtatuit. Fratri ſine liberis defuncto ſucceſſit *Godefridus Barbatuſ*, qui Comitatu Louanienſi an. 1106. Ducatum Lotharingæ adiunxit.

ADVOCATVS) Eccleſiæ Niuellenſis. Sic & Gemblacenſis

sis ecclesiæ Aduocati, à multis retro sæculis, fuere Comites Louanienses: vt ex Othonis I. Imp. diplomate supra cap. 32. recitato liquet.

GERARDVS) cognomento Niger, miles, id est, Eques vt hodie loquimur, illustriori genere natus.

HAFFLINGEM) hodie *Afflighem*, illustris Benedictinorum apud Brabantos Abbatia, inter Bruxellam & Alostum sita.

CODEFRIDVS) Barbatus, Henrici frater paulò antè à me laudatus, verus Brabantiz Numa (vt sic loquar) varia apud Brabantos monasteria à fundamentis partim excitauit, partim ab alijs incohata perfecit.

WAVERA) municipium celebre inter Bruxellam & Namurcum: Et quæ etiam nunc ibi Præpositura, seu cella aliquot monachorum, Affligemio missorum.

STEPPO) Castellanus Bruxellensis.

CAPVT LXVI.

*Vrbanus II. Papa Atrebatensibus dat
proprium Episcopum an. 1093.*

VRBANVS Episcopus, seruus seruorum Dei, Clero & Populo Atrebatensi salutem & Apostolicam benedictionem.

ATREBATENSIS ecclesia, vna ex nobilioribus Ecclesijs comprouincialibus Remensis metropolis, solemnibus canonum monumentis freta, olim principalis sedes Episcopatus fuit, proprium Pontificem habuit, suam diocesim & cetera

pontificalia iura firmis antiquitate rationum instrumentis obtinuit.

VOLVIMVS itaque , & Apostolica auctoritate precipimus, vt iugo Cameracensis subiectionis ab Ecclesia vestra excullo, & recepta dignitate , primis temporibus, rationabili firmitate possessa , Cardinalem Episcopum vobis & Ecclesia vestra vtilem eligere, & electum per manum Metropolitanam vestram consecrare, & Ecclesia vestra incardinare studeatis. En verò, qui canonico consensu cleri & populi electus fuerit, Apostolica auctoritate interdiciamus, ne inpositam ipsi electionem, dissimulatione aliqua huius rone ordinationis, subterfugiat.

SOLET enim fieri, vt Ecclesia persecutionis tempore suis ordinibus, suis populis, subsidijs etiam temporalibus destituta, alijs temporaliter committantur ecclesijs. Postquam verò, ijs, quibus imminuta fuerant, Domino donante, abundare cœperunt, pristinam repleant dignitatem. Data Romæ.

NOTATIONES.

VT olim, stante Imperio Romano, sub Remorum Metropoli Ciuitates XI. videlicet *Suessonum, Catalaunorum, Veromandunorum, Atrebatium, Cameracensium, Tornacensium, Siluanensium, Bellouacorum, Ambianorum, Morinorum & Bononiensium*, numerabantur; sic primis Ecclesia saculis Metropolitana Remorum Ecclesia Episcopatus XI. sibi suffraganeos habuit. Testatur id Hincmarus Remensis Episcopus in suis Epistolis, non vno loco.

GALLIA exinde per Hunnos, Gothos ac Vandalos vastata, *Atrebatensis & Cameracensis, Veromandunensis* (et *Noviomensis & Tornacensis; Morinensis & Bononiensis* Ecclesia

Ecclesiæ, per S. Remigium Remensem Episcopum (cui Hormilda Romanus Pontifex vices suas commiserat) fuerunt vnita. Id colligitur ex Hincmari Epistola VI. per Buzum Moguntia an. 1602. edita, cap. 18.

Cameracensis & Atrebatensis Episcopatus vsque ad an. 1093. Nouiomensis & Tornacensis vsque ad an. 1146. manserunt vnitæ. Atrebatensibus Vrbanus II. Tornacensibus Eugenius III. Papa, proprium cuique Episcopum dedit: vt in Annalibus Belgicis docuit.

CAPVT LXVII.

Codefridus Bullonius, Dux Lotharingia, postea Rex Hierosolymorum, copiosius dotat monasterium seu Prioratum S. Petri, in municipio Bullonici, à Codefrido Barbato, Lotharingia Duce, fundatum.

IN nomine Patris & Filij & Spiritus sancti amen. Ego CODEFRIDVS, legitimus successor & heres Ducis CODEFRIDI BARBATI, filijque eius potentissimi & iustissimi Ducis CODEFRIDI, auunculi mei, representans, nec non beneficia, quæ Diuina mihi gratia donauerat, recogitans, de ijsdem donis suis, ad
 I i 2 augen-

augendum seruitium eius, destinati reddere aliqua.

Et quia præfatus annus meus GODEFRIDVS apud ecclesiam beati Petri Apostolorum principis, quæ sita est ante castrum in BVLONIVM, religiosos fratres, ex cœnobio beati Huberti Pontificis, concedente venerabili THEODERICO Abbate, pro remedio animæ suæ constituerat, & eandem constitutionem suam de nominatis ibidem redditibus, auctoritate & priuilegio ALEXANDRI Papæ confirmari fecerat, mihi quoque visum est iustum, ex effectu diuinæ inspirationis, vt qui eram eius honoris, essem & particeps deuotionis.

HANC meam intentionem cū retulissem matri meæ IDAE, prædicti Ducis filia, & fratribus meis BALDVINO & EVSTATRIO, eorum deinde consilio & consensu voluntario, ecclesiam nostram, nostri proprii & hereditarij iuris de BASEIO, destinauimus & donauimus, ad augmentum prædictæ elemosynæ aui mei GODEFRIDI, donandam perpetualiter beato Petro & beato Huberto.

QVOD donum vt ratum & firmum esset, eandem matrem meam & fratres meos mecum BVLONIVM duxi, & in præsentia optimatum meorum, vestituram prædictæ ecclesiæ in *Baseio*, sine vlla calumnia & cōtradictione, simul deposuimus super altare beati Petri, eandemque donationem ego ipse, qui eram legalis Aduocatus ecclesiæ, Abbate THEODERICO II. ibidem præsentē, iure tuendam recepi.

ACTVM publicè BVLONII anno Dominicæ Incarnationis MLXXXIIII. Indictione II.

NOTATIONES.

GODEFRIDVS) cognomento Barbatus Coziloni patri, adhuc viuenti, in Ducatu Mosellano susceptus est; iuxta Hermannum Contractum. Ducatu illo postmodum, ob rebellionem, ab Henrico IV. Rege priuatus, in Italiam se contulit, & BEATRICEM, Pontificij Italiae Marchionis viduam, Frederici II. Mosellanorum Ducis filiam, duxit vxorem. Exinde Ducatum Lotharingiae inferioris obtinuit, & an. 1070. moriens, Viriduni est conditus. Liberos reliquit *Godefridum* cognomento *Iustum* seu *Gibbosum*, & *Idam*, Godefridi Bullonij matrem. 1070.

GODEFRIDVS) cognomento IUSTVS seu GIBBOSVS patri in Ducatu Lotharingiae inferioris successit, & vnà Marcam Antuerpiensem tenuit. Vxor illi fuit MATILDIS potentissima Italiae Marchionissa, Beatricis paulò ante laudata filia, quae amplissimas possessiones Ecclesiae Romanae, testamenti tabulis, legauit, & an. 1115. obiit. Godefridus porro Gibbosus an. 1076. Antuerpia à sicario confossus est, & Viriduni iuxta patrem humatus.

CAPVT LXVIII.

*Ida Boloniensis Comitissa, Godefridi
Bullonij, Hierosclymorum Regis,
mater, decimas Genapia, an.
1096. dat monasterio Af-
fligemiensi.*

IN nomine sanctæ & indiuiduæ Trinitatis. Ego **IDA** Boloniensis Comitissa, humilis Christi ancilla, cū-
ctis in fide manentibus gaudia promereri pro-
missa fidelibus.

NOVVM fieri cupio, tam præsentibus, quàm futuris,
signum meæ dilectionis, erga dominos meos & fra-
tres videlicet monachos cœnobij **NOVI MONASTERII**,
cui vocabulum **HAFFLINGEM** inditum erat ab anti-
quis. Quoniam quidem mihi multisq̃ue eorum com-
placuit conuersatio, & religionis affectus, dignum
dixi me commendare talium orationibus, nec in in-
certo diuitiarum sperare, sed has potius cum eis parti-
cipare.

IGITVR in alodio meo & villa, quæ vocatur **GENA-
PIA**, pro salute animæ meæ, patris quoque mei **DUCIS
GODEFRIDI**, & **Comitis EVSTATII** domini mei, ec-
clesiam cum decimis & vniuersis eius redditibus, fir-
miter perpetuoq̃ue iure tenendam dedi supradictis
fratribus, in idiplum filijs meis **GODEFRIDO**, **EVSTA-
THIO** & **BALDVINO**, mihi cooperantibus.

Fi-

FILIUS quoque meus Dux GODEFRIDVS in eadem villa *Genapia* quinque manios terræ donauit iisdem fratribus, ad quos ego postea in augmentum concessi quasdam partes circumiacentes, planè sextum mansum continentes, ab omni comitatu, & censu tributatio libe ras & expertes.

INSUPER autem quidquid sibi vendicabant, quippe quod à prioris doni tempore possederant, & vsibus suis assignauerant, siue in silu s, siue in pascuis, siue in fatis, eis concessi eadem libertate, qui tenui, sed & omne participium in silua, & reliquo vsuario communi, in hoc nihilominus filijs meis consentientibus mihi.

FACTVM est autem hoc apud *Tractium*, in ecclesia S. SERVATI confessoris præsentibus etiam reliquis S. GERTRVDIS virginis, pro simili negotio illuc tunc alatis. *Maesricht* Ut autem hæc traditio omnibus retro sæculis rata & inconuulsa permaneat, omnem rem, vti gesta est, litterarum memoria commendamus, & sigillis nostris ego & GODEFRIDVS filius meus roboramus, & testes idoneos, qui huic rei interfuerunt, subter signamus.

Signum Lamberti nostri Capellani.

S. Roberti Capellani.

S. Gerardi Comitis de Gelre, & fratris eius Henrici.

S. Godefraldi de Iacen.

S. Henrici de Cuck. S. Arnulphi de Rede.

S. Cononis de Montant.

S. Theoderici de Bemel.

S. Henrici de Birbaica.

S. Balduini de Osteruic.

S. Walteri de Grimberges.

S. Reineri Aduocati Leodicensis.

Denique de scriptis testibus & illud notum facimus, quod Comes HENRICVS, qui eandem villam in beneficium à nobis tenuit, duobis annis, antequam hæc donatio confirmaretur, nobis reddiderit, ad opus fratrum, quod ad eum pertinebat.

FAC-

CAPVT LXIX.

*Forestenſis Abbatia, monialium Bene-
dictinarum, prope Bruxellas, à Gi-
ſelberto Aloſtano fundatur, & à
Fulgentio I. Abbate Afflige-
mienſi legibus firmatur.*

IN nomine ſanctæ & indiuiduæ Trinita-
tis. Ego FVLGENTIVS Dei gratia primus
Abbas in loco, qui vocatur HAFELIN-
GEM, omnibus Chriſti fidelibus, poſt hu-
ius exiſta carnis, in regimine viuorum
habitaacula cum Sanctis.

NOTVM vobis fieri volumus, quòd quidam miles
GISELBERTVS nomine, filius *Baldvini de Aloſt*, filij *A-
dolphi*, alodium, quod ab Abbate S. Petri de HASNON e-
merat, noſtræ eccleſiæ, pro ſalute animæ ſuæ & omniũ
anteceſſorum ſuorum, libere tradidit, vt in eodem a-
lodio, cum eiſdem alodij appenditijs, eccleſiam &
clauſtrum, in honore beatæ Mariæ Virginis, conſtrue-
retur, vbi ſub regula S. Benedicti, mater ſua nomine
ODA, cum filia LVTGARDE, monachicam duceret vi-
tam.

HIS me, ſimul cum fratribus, conſentiente, quæſiuit
à nobis charta & ſigillo hæc confirmari, ne nos, vel
poſteri noſtri, ex his beneficijs, deinceps loco illi con-
terendis, aliquid vſui noſtro, abſque voluntate ſoro-

rum inibi manentium, vindicaremus, si regulariter & secundum subscriptam institutionem vixerint. Sin autem non, quod auertat Deus, persoluant auri vnciam, quam idem miles, caussa respectus, per singulos annos nobis dari instituit.

Huius rei testes sunt.

Albertus Snagardus.

Bernerus de Tenremonde, & nepos eius Africus,

Ianxo de Aloft, & Henricus priuignus ipsius,

Sigerus de Aloft,

Suboldus Castellanus, Godescalcus nepos eius,

Tiboldus de Hossfode.

Et quia animabus earum vagatio non expedit, constitui, ut ex nostro loco fratres atate & moribus maturos habeant, qui inibi per se habentes habitacula, tam de diuinis officiis, quam de secularibus procurent eis quoque necessaria.

VNA autem ex iisdem aptior ceteris regendis, electione Abbatis & sororum Dominum timentium, ab ipso Abbate proponenda est illis. Absque consilio Abbatis in suo consortio nullam eis concedimus recipere, nec Abbati vllam, absque earum consilio, eis inferere.

ORDINAVS insuper & præcipimus, ne cupiditate aliqua, infantium vel iuencularum sibi attrahant multitudinem, ne quoque aduersus Conuersas puellaris præualeat leuitas, & ipsius congregationis destruat sanctitas. Notamus etiam Abbatem, vel eius nuntium, si necesse fuerit, publico placito, quod ter sit in anno, interesse; quia præter illum alius Aduocatus ipsius alodij non æstimabitur. Quod si contigerit in earum possessione, vel in earum conuentu, alicuius rei magna transgressio, Abbatis præstolabitur præsentia.

SUPER omnia autem decreuimus ordinem *Cluniacensem* sanctimonialium de *MARCINIS* debere eas obseruare, vel aliarum feminarum, sub regulari Abba-

Abbate consistentium; ita vt numquam de clauſtro, poſtquam intrauerint, liceat exire, ſed clauſtri clauem Abbas habeat, aut monachus maturus, & Deum timens, cui bene credat. Profeſſiones ſuas coram Abbate faciant: nulli mortalium, & maxime hominum, abſque licentia in colloquutione ſocientur.; quod tamen cum magna grauitate & honeſtate ſit, præter verba otioſa, & riſum mouentia, & abſque inordinata coniunctione, & hoc non ſine teſtimonio ſororum Dominum timentium, cum clara luce diei.

FACTA eſt huius traditionis charta, anno Domini Incarnationis milleſimo nonageſimo ſexto, Indictione IV. eo anno, quo occidentales, vna conſpiratione, Ieruſalem contra paganos proficiſcuntur, cum quibus & iſte GIſELBERTVS profectus eſt. 1096.

Ego autem, poſt diſceſſum ipſius *Giſelberti*, loca ipſius alodij peragrans, & ſitum congregationi aptum non inueniens, in eccleſia FORESTENſI, ab ODONE Cameracenſi Epifcopo nobis tradita, eas tranſuli: vbi Chriſtus, qui eſt ſacrarum virginum ſponſus, pacem tribuat eis, & vitam quietam det eis, inibi ſandè & caſtè ſub eodem ſponſo ſuo viuere, per omnia & in omnibus ei placere, vt cum eodem in cæleſti palatio poſſint regnare, & in eius pijs amplexibus valeant æternum gaudere. Quod filius æterni Regis eis præſtare dignetur. Fiat, fiat, fiat.

NOTATIONES.

GISELBERTVS) seu Gilbertus , Balduini Aloftani filius, Adolphi seu Rodulphi nepos, an. 1083. à LOTBERTO Abbate Hafnonienfi emit tria alodia, *Aloft, Raffeghem & Lede*: vt ex Lotberti diplomate, fuprà cap. 60. recitato, liquet. Ex his *Aloftanum* alodium idem Gifelbertus, ad bellum facrum profecturus, an. 1096. Deo obtulit, ad monasterium ODAE matri fuæ, LVTGARDI filiz fuæ, alijsq; virginibus extruendum. Sed cùm Aloftanus fundus ad id minùs idoneus videretur, FVLGENTIVS Abbas Affligemienfis, in ecclefia Foreftenfi , prope Bruxellam , ab ODONE Cameracenfi Epifcopo accepta, monasterium constituit: vbi hodieq; perstat illuftris nobilium virginum Abbatia.

ALBERTVS SNAGARDVS) in diplomate Henrici Comitis Bracbatensis, quod fuprà cap. 50. produxi, vocatur ADALBERTVS SNAKART.

BERNERVS DE TENREMONDE.) Daudis Lindani Tenreramondam, Antuerpiæ an. 1612. excufam, vide. lib.

Marchien- I. cap. 6.
ves.

MARCINIS.) Exlimo designari sanctimoniales Marchianenfes , quarum disciplina olim fuit laudatiffima, iuxta reformationem Cluniacensem, vt hic dicitur. Anno tamen falutis 1096 quo diploma iftud fcriptum eft, nò moniales, fed monachi relidebāt Marchianis: fed regulæ feu disciplinz ipfarum memoria etiamnum reftabat. Monialibus porrò Marchianenfibus monachi anno 1028. funt fubrogati , agente Balduino Barbato, Flandriæ Comite: vt in Originibus Benedictinis, & Annalibus Belgicis docuimus.

1096.

HOMINVM,) id eft, virorum, phrafi Gallica.

GISELBERTVS profectus eft ad bellum facrum, eo ipfo

ipſo anno, quo GODEFRIDVS BULLONIYS ANSELMI
RIBOLDIMONTANVS, Aquicinctini monaſterij funda-
tor, & alij plurimi procères Belgæ.

CAPVT LXX.

*Ida Boloniensium Comitissa anno 1098.
dotat S. Bartini monasterium in
Artesia.*

IN nomine sanctæ & indiuiduæ Trinitatis. Cùm
constet vnicuique incerta & imminens mors,
quàm necessarium nobis sit, salutis nostræ bonis
opibus eleemosynarumque largitionibus insiste-
do consulere, cotidianus mundanæ rei defectus
satis ostendit.

VND EGO IDA, Boloniensium Dei gratia Comitissa,
notifico tam futuris quàm præsentibus quibuscumque,
quòd ob salutem animæ meæ, nec non pro anima do-
mini mei Comitis EUSTATHII, & pro incolumita-
te filiorum meorum EUSTATHII, GODEFRIDI, & BALDU-
INI (qui contra pagnanorum incurſus, ex præcepto
Apostolico Hierosolymam profecti sunt) omnes con-
suetudines & Comitatum, & quidquid ad me pertine-
bat de terra, quam *Ondigir & Berewoldus* Deo & S.
Bertino, ad eleemosynam pauperum tradiderunt, dō-
no LAMBERTO Abbati de cœnobio eiusdem Christi
confessoris BERTINI, & fratribus ibidem Deo seruien-
tibus, perpetuò possidendas concesserim: ea videlicet
ratione, vt nullus de heredibus prædictorum viro-
rum

CAPVT LXXI.

*Baldricus Nouiomensis ac Tornacensis
Episcopus parochiam Tiletanam donat
Canonicis Harlebecensis an. 1105.*

IN nomine sanctæ & indiuiduæ Trinitatis.
EGO BALDRICVS Dei gratia Nouiomen-
sium siue Tornacensium Episcopus. Quo-
niam nobis à speculatoribus Ecclesia-
rum, ad cultum sanctæ Religionis, mul-
ta documenta, quibus virtus ad virtutem promoueri
potest, conseruata sunt, animaduerti inter cetera ni-
hil Deo placabilius, animæ verò nostræ nihil fore sa-
lubrius, quàm fratres Domino canonicè famulantes, ne
deuiant, diligenter obseruare, & ad vsu[m] eorum, qui
pro nobis exorant, ne turpis lucri sceditatibus insudēt,
beneficia ecclesiarum cum beneuolentia conferre.

QUA PROPTER quādam dignis petitionibus cuiusdā
ROTBERTI assensum prebens ei dimissionē persona-
litatis de altari, quod in villa, quæ dicitur TILLETVM,
situm est, concessi, & intercedentibus venerandis
Principibus, videlicet Comite ROTBERTO, & dilectis-
sima coniuge sua CLEMENTIA, LAMBERTO quoque
Archidiacono, & ceteris clericis, nostris assentientibus.
Proposito Harlebecensis Canonice pro meis præde-
cessorumq; meorum criminibus redimendis, cū omni
deuotione contradidit scilicet tenore, vt quādiu Rot-
bertus vixerit, de redditibus altaris viginti solidos
denariorum omni anno fratribus persoluat. Illo
verò mortuo, ipsum altare cum omnibus sibi perti-
nentibus, siue decimis, siue terris, siue aduocationi-
bus, siue quibuscumque administrationibus, ad
mensam fratrum, ibidem Saluatori deseruien-
tium,

tium,absque illius contradictione perpetualiter appendat.

ILLVD etiam adnectendum censui , vt Præpositus illius altaris curam gerens,vnoquoque anno , in festiuitate SS.Simonis & Iudz,Episcopo siue ministris eius decem solidos denariorum soluat. Porro si Archidiaconus , siue Decanus in ecclesia supranominatæ villæ synodum tenuerint , ad procurationem suam , statuto tempore , priores consuetudines habeant , sicque ab omni alia exactione prædictum altare Præpositus, cum ipsiis fratribus , liberum in perpetuum teneat.

QVOD vt nostris seu futuris in temporibus ratum & inconvulsus maneat , sub anathematis interdictione confirmaui, & sigilli mei signo corroboraui, his præsentibus,

Lamberto Archidiacono , Guidone Cancellario,

Gontero Decano, Gontero Præposito,

Balduino Cantore,Henrico Decano,

Lietberto Canonico,Frætherico Decano.

Geldulfo Canonico. Athelolfo Canonico.

1105.

ACTVM est Tornaci anno ab Incarnatione Domini millesimo centesimo quinto. Indictione XIII. regnante PHILIPPO Rege Francorum , domino BALDRIKO episcopante, ROTBERTO iuniore, principatum Flandriæ obtinente. Ego GUIDO Cancellarius subscripsi.

NO-

NOTATIONES.

BALDRICVS) seu Baldericus , Nouiomensis ac
Tornacensis Episcopus , is est, qui scripsit Hi-
storiam seu Chronicon Cameracense & Atre-
batense, Duaci an. 1615. typis editum, sæpe à no-
bis citatum: quo nihil vtilius aut accuratius in isto ge-
nere scriptionis. Scripsit & Chronicon Morinense seu
Tertuanense : quod vtinam quis in lucem proferat?
Rogatus item fuit à Godefrido Episcopo Ambianen-
si, vt Historiam diœcesis Ambianensis scriberet: quod
an præstiterit, nescio. Viuere desijt an. 1112.

TILETVM) opidum linificio opulentum, Flandriæ
velut vmbilicum obtinet.

ROTBERTVS II.) cognomento Hierosolymitanus,
Flandriæ Comes, an. 1111. decessit, Atrebat ad S. Ve-
dastum conditus.

CLEMENTIA) Guilielmi Burgundiæ Comitiss filia.
Calixti II. Papæ soror, an. 1131. obiit Borburgi sepulta
in nobilium virginum cœnobio à se condito.

scriptis continentur, siue à ceteris Dei fidelibus iam prædictæ Ecclesiæ, quæ cognoscitur ad titulum B. *Mariæ* semper Virginis Domini nostræ, & B. *Vulganij* confessoris, à principio fundata, iuste donata, & canonicè sunt possessa, siue in posterum concedenda, pondere nostræ auctoritatis à Canonicis & eorum Prælatibus disponenda auctorifamur.

PRAETEREA ecclesias SS. *Leodegarij* atque *Laurentij* martyrum, & eorum episcopales reditus, sicut prædecessor noster venerabilis & religiosus Episcopus *LIEBTERTVS*, ad vsus Canonicorum donauit & concessit, nos quoque consequenter annuimus & concedimus: ita tamen vt presbyteri, qui in ijs ecclesijs populo præficiendi sunt, per manum Canonicorum, siue eorum Prælatorum, *Atrebatensi* Episcopo semper offerantur, & sicut canonicum est, de honestate vitæ suæ Episcopo professionem faciant, & obedientiam promittant, & sic curam populi suscipiant & gerant.

DE DECANO autem, iuxta timorem Dei, & auctoritatem sanctorum Canonum eligendo, liberam Canonicis concedimus facultatem: de ADVOCATO autem in suis causis, sicut ex rogatu & permissu Comitum cognouimus, quem voluerint, & quamdiu voluerint, & non vltius, Canonici hunc talem habeant Aduocatum. Datum *Atrebat* anno Dei Christi 1106. Indictione XIII. septimo Idus Iunij, anno autem pontificatus domini *LAMBERTI* Episcopi *Atrebatensis* XII. regnante *PHILIPPO* Rege in Francia, *ROBERTO* iuniore Comite in Flandria, *EYSTATHIO* Comite Bononiensium & *Lensenfium*.

1106.

CAPVT LXXIII.

*Odardus Cameracensis. Episcopus an.
1108. confirmat Teneramonda-
num Canoniorum collegium, à
Remigio seu Ringoto Caluo,
Teneramonda domino, eius-
que coniuge Adelvvide
fundatum. 1108.*

IN nomine sanctæ & indiuiduæ Trinitatis, amen.
ODARDVS, per gratiam Dei Episcopus Camera-
censis, pro salute animæ meæ, meorumque præ-
decessorum, pro magna Ecclesiæ deuotione, do-
minæ ADELVVIDIS, venerabilis vxoris REMIGII TE-
NERAEMONDANI & omnimoda supplicatione Canoni-
corum Teneramondensium, eos ab omni persona,
omnique laica vexatione, auctoritate Dei & nostra
emancipamus, & Canonicis eius ecclesiæ canonicam
libertatem assignamus, concedentes vt Decanus, qui
Canonicorum ibidem Deo famulantium curam ha-
buerit, in ecclesiæ malefactores excommunicandi po-
testatem habeat. Sic tamen vt eadem ecclesiæ, pro li-
bertatis memoria, tres Teneramondensis monetę so-
lidos Decano Bruxellensi ad vsus nostros singulis an-
nis persoluat.

Dvo ecclesiæ altaria de *Opvuyck & Lebbeke* ecclesię
Teneramondensis, sanctæ scilicet *Trinitatis & S.
Christiane*, solummodo ad ædificia siue ornamenta
Ll 3 ecclesiæ

ecclesiæ retinenda, libera canonicè tradidit in quibus, saluis nostris redditibus pontificalibus, presbyteri per Decanum & Canonicos statuuntur, & ipsi nobis vel ministris nostris ad Curam suscipiendam præsententur.

PRAEFATAE quoque ecclesiæ alodia de *VVinsla* in campis, in siluis, in pratis, de *Morsle* in campis, in siluis, in pratis, de *Gheuerghem* in campis, in siluis, in pratis, cum omni Iustitia terræ & silvæ, liberè & integrè confirmamus: solis Canonicis vsibus profutura.

Præterea quæcumque, à quibuscumque, in terris, in siluis, in pratis, seu in alijs possessionibus præfata Ecclesiæ oblata sunt, vel in posterum offerri contigerit, modis omnibus ad Canonicorum vñs permānere ac conservari decernimus. Quæ bona ne tradantur oblivioni, nostri sigilli imaginatione signamus: & ne ab aliquo violentur, auctoritate Dei & nostra, sub anathemate prohibemus. Huius confirmationis testes sũnt.

Signum Rodolphi Archidiaconi.

S. Anselmi Archidiaconi.

S. Eucardi Archidiaconi.

S. Sigardi Decani.

S. Lamberti Subdecani.

S. Lamberti, Sanctæ Mariæ Canonici.

S. Gerardi Canonici.

S. Marcellini Canonici.

1108. Peractum est hoc, anno Dominicæ Incarnationis millesimo centesimo octavo, Indictione prima, prædicti Episcopi anno tertio. Salus & gloria omnibus Christianis.

NO-

NOTATIONES.

ODARDVS) siue Odo, ex primo Abbate monasterii S. Martini Tornacensis, factus Episcopus Cameracensis. obiit an. 1113.

REMIGIVS) alias Ringotus, cognomento Caluus, collegij Canonorum & ecclesie Tenermondanæ fundator, an. 1106. vivere desijt: vt in eiusdē ecclesie libro Obituario, vt vocant, legitur.

BIENNIO post ADELVVIVS, quondā Remigij vxor, tunc vidua, confirmationem hanc fundationis impetrauit. Plura vide apud Lindanum in Tenermonda lib. 1. cap. 6. & lib. 2. cap. 2.

CAPVT LXXIV.

Baldvinus cognomento Securis, Flandria Comes, alodium Valsense ecclesie S. Petri Insulensis detractum, circa an. 1115. eidem restituit.

EGO BALDVINVS, Dei miseratione Flandrensis Comes, contra Deū & ecclesiam B. Petri Insulensis me peccasse, & multū male egisse, per Dei gratiam recognosco. Alodium enim, quod venerabilis predecessor meus Comes BALDVINVS, qui eam fundauit, & in ea sepultus est, ad honorem & seruitium Dei, & Fratrum sustentationem, prædictę ecclesie pro remissione peccatorum suorum contulit, & priuilegio

uilegio suo firmavit, ego peccator contra Deum & salutem animæ meæ, iniuste subtraxisse recognoui.

Nunc itaque Dei miseratione respectus, coram venerabilibus, Teruanensium IOANNE, & Nouiomensium ac Tornacensium LAMBERTO, Episcopis, me in hoc & in alijs peccasse confiteor, & culpam dico, & prefatæ Ecclesiæ ius suum, scilicet prædictum alodium, quod est in villa *Vals*, in territorio Aquilgranensi, recognosco, & nulli omnino amplius inde Warandus ero.

PRECOR etiam successores meos & fideles meos, quatenus omni modo, cum Dei adiutorio, elaborent, ut Ecclesiæ illa ius suum, & alodium quietum & liberum rehabeat.

EGO VERO CAROLVS, consanguineus & successor Comitis BALDVINI, in præsentia ipsius id ipsum pro iustitia recognosco, concedo & confirmo.

Signum IOANNIS Morinensis Episcopi.

S. LAMBERTI Nouiomensis & Tornacensis Episcopi.

S. CLEMENTIÆ Comitissæ.

S. Alardi Pincernæ.

S. Balduini Gandensis.

NOTATIONES.

BALDVINVS) cognomento Securis, nulla prole relicta, an. 1119. decessit, Audomaropoli ad S. Bertinum conditus. Heredem scripsit amitinum suum CAROLVM cognomento BONVM seu PRIM, Canuti Danorum Regis filium.

IOANNES Morinorum Episcopus, Iuonis Carnutensis Episcopi discipulus, Ipris ad S. Martinum, Formisellæ & alibi Canonicos regulares constituit, & an. 1130. obiit.

CAPVT LXXV.

Eustathius Comes Bononiensis, Godefridi Bullonij frater, terram Mercensem, quæ ad S. Bertini monasterium pertinet, ab omni exactione liberam facit, anno.

1122.

IN nomine sanctæ & indiuiduæ Trinitatis. Ego EUSTATHIVS, Dei gratia Bononiensis Comes, notum facio tam futuris quàm presentibus quibuslibet, ad salutem animæ meæ, nec non per omnia patris mei Comitæ EUSTATHII, matrisque meæ IDÆ Comitissæ, & fratrum meorum GODEFRIDI Hierosolymitani Regis, atque BALDEVVINI, qui ei in regno successit, terram, quam beatus Bertinus infra ministeriũ de *Merck* possidet, videlicet quæ ad eleemosynam pauperum pertinet, à comitatu & omnimoda consuetudine, nec non ab omni prorsus exactione liberam fecisse..... præter decimam & fossatum: sic tamen vt de eodem fossato demonstratio illa, quæ vulgò *Besene* vocatur, nullatenus exigatur.

Huius autem libertatis concessio facta est à me EUSTATHIO apud *Capellam*, post reditum meũ ab Hierosolymis anno XX. Dominicæ autem Incarnationis millesimo centesimo vicesimo secundo, Indictione XV. regnante LVDOVICO Rege in Francia, nec non

1122.

M m

Da-

DANENSE KAROLO Marchionatum administrante in Flandria: praesente IOANNE Morinorum Episcopo, & alijs testibus idoneis tam clericis, quàm laicis, quorū nomina subtus habentur annotata.

Signum EVSTATII Comitis.

- S. IOANNIS Episcopi Morinorum.
- S. Heriberti Archidiaconi.
- S. Walteri Archidiaconi.
- S. Lamberti Abbatis S. Bertini.
- S. Balduini Abbatis S. Wolmari.
- S. Rainaldi Abbatis Andernensis.
- S. Mangerij Abbatis de Capella.
- S. Alulfi Cancellarij.
- S. Lamberti. S. Bernardi.
- S. Rodulfi, filij Comitis Eustathij.
- S. Arnoldi.
- S. Eustathij Vicecomitis
- S. Balduini Conestabilis.

NOTATIONES.

CAPELLA) B. Mariæ titulo clara, est Benedictinorum Abbatia, diœccsis Bononiensis, haut procul à Caletto, in ministerio seu territorio Merkenfi, an. 1090 ædificata,, ab Eustathio seniore Comite Bononiensi, huius Eustathij itemque Godefridi Bullonij patre: vt supra cap. 60 ex Iperio & Meiero docui.

DANENSIS KAROLVS.) Designatur CAROLVS BONVS seu PIUS, Flandriæ Comes, S. Canuti Danorum Regis filius, Brugis an. 1127. ab impijs cæsus: cuius vitam, Parisijs an. 1615. editam, scripsit *Gualterus Teruane-*sis Canonicus, ad Ioannem illius vrbs Episcopum.

Ardres.

ANDERNENSE seu Andrense monasterium, in diœcesi Bononiensi, an. 1084. fundauit *Baldwinus* Gifnarium Comes, monachis Benedictinis, ex Carofenensi apud

apud Pictones cœnobio euocatis: vt Iperius & Meierus tradunt.

ALIUD est ARDENSE monasterium in eadem diœcesi Poloniensi situm, quod an. 1144. Balduinus Præfectus regularibus ord. Præmonstratensis tradidit: teste Micro. Apud eruditos in pretio est *Lamberti Ardensis* ms. Chronicon, ab huius loci Canonico regulari cōscriptum: in quo leguntur curiosa de Comitibus Bononiensibus & Gifnensibus.

CAPVT LXXVI.

*Godefridus Barbatus, Lotharingæ
Brabantiaq; Dux, Montem S. Guiberti
immunitate ac priuilegijs
an. 1123. honorat.*

IN nomine sanctæ & indiuiduæ Trinitatis. GODFRIDVS, gratia Dei Comes Louanienfis, Dux Lothariensis, omnibus veritatis amicis.

SIT notum vobis, quia diebus meis & ANSELMi Gemblacensis Abbatis, iuxta villam, quæ *Belrius* dicitur, erat locus, qui nunc Mons S. GVBERTI de nomine eius cognominatur. Mons quidem in cultus, sed munitioni aptus, prædium Gemblacensis ecclesiæ erat, & ecclesia, quæ in eo fuerat, iam multo tempore destructa erat: sed tamen secundum quantitatem suam, quod Leodicensi Ecclesiæ debebat, tempore congruo persoluebat.

ABBAS & monachi & familia Ecclesiæ timentes, quod timendum erat, scilicet ne quacumque occasione iniustus peruasor locum inuaderet, & munitione ædificata vicinos, & maximè familiam Ecclesiæ affli-

geret.habito mecum consilio,feria quarta Paschæ, fe-
retur.S. GVLBERTI,cum reliquijs,illuc deportauerūt,
& Deo cooperante,& per beatum Guibertum infir-
mis multam sanitatum gratiam largiente; ecclesiam,
vt cernitur hodie,aedificauerunt, multo sumptu & la-
bore:vt locus ille non habitatio vastatoris, sed domus
esset Saluatoris.

GAVDEBAM actum meo consilio,vt mihi in Gem-
blacensi cœnobio esset ad Deum frequens oratio, &
vnde vicinis non perturbatio, sed animarum & cor-
porum esset consolatio.Cùmque propter pacis & con-
cordiæ vnitatem,multi illuc conuenirent, & ad habi-
tandum sibi domos construerent,iterum habito consi-
lio cum amicis meis & cum supradicto Abbate, & fa-
milia Ecclesiæ,decreui,vt locus ille cum opido Gem-
blacensi ius legale & consuetudinarium in omnibus
haberet. Vno me excepto, nullus ibi quidquam iuris
haberet;Aduocatum nullum, nisi me susciperet; per
Abbatem & per me,si necessitas exigeret,componen-
da componerentur,corrigena corrigerentur.

QUAMVIS autem ego,sicut & antecessores mei, per
manum Imperatoris sum constitutus Aduocatus Gem-
blacensis cœnobij, tamen vt omnimodò esset rata
mea constitutio,adhibita est etiam Leodicensis Epif-
copi talis confirmatio,vt si ego vel aliquis successò-
rum meorum quod constitutum est mutauerit, ana-
thema sit Amen.Amen.

1123.

ACTVM anno Dominicæ Incarnationis millesimo
centesimo vicesimo tertio, Indictione prima,epacta
vicesima secunda, domino ALBERONE, primo huius
nominis,Leodicensem Episcopo,

NO

NOTATIO.

ANSELMVS) Abbas Gemblacensis, is fuit, qui Sigeberti Gemblacensis monachi: Chronicon ab an. 1112. vsque ad an. 1149. cōtinuauit: quod Auctarium, cū ipso Sigebertino Chronico, typis Antuerpiæ an. 1608. edendum curauimus.

CAPVT LXXVII.

*Antuerpiana S. Michaelis Abbatia,
ord. Præmonstratensis, an. 1124. fundatur ac dotatur, per Hildolphum Præpositum, & Canonici Antuerpienses, qui S. Norberto eiusque sodalibus ecclesiam S. Michaelis cesserunt, ad basilicam Marianam, nunc cathedralem, sese transtulerunt.*

IN nomine sanctæ & indiuiduæ Trinitatis. Ego HILDOLPHVS, Præpositus S. MICHAELIS in Antuerpia, tam futuris quàm præsentibus in perpetuum. Qualiter præfata ecclesia nostra ad vñs Canonorum Præmonstratensis ordinis transierit,
M m 3. & qua

& qua de caussa assensus Capituli nostri eis datus fuerit, præsentis scripti attestacione notificamus.

CVM in diebus nostris quidam TANCHELINVS nomine in partibus nostris aduenisset, & veneposito sermone à fide, & à Sacramentis Ecclesię plurimos auertisset, hac de caussa, vt illa hæresis, quę prouinciam nostram occupauerat, funditus extingueretur, consilio domini BYRCHARDI Episcopi, & totius populi, & assensu Capituli nostri, Dominũ NORBERTVM, virum nostris temporibus, spectabilis religionis, accersiri curauimus, eiq̃ue ac suis fratribus regulam B. Augustini seruantibus, suamque institutionem exequentibus supradictam ecclesiam, cum capellis in eius cœmeterio fundatis, & tribus curtilibus & iugero terrę, eidem cœmeterio adiacentibus, cum quattuor præbendis, per manus memorati Episcopi tradidimus, circumspeditione vigilēs, digneque perpendentes, quod eorum faginaremur orationibus, & bonis spiritualibus, si eos sustentaremus beneficijs temporalibus.

Nos verò prius numero duodecim, numerum nostrum in octo terminauimus præbendis, & cum his & Præpositurę nostrę integritate, ad ecclesiam B. MARIE in eadem villa transfulimus. Ceteras verò quattuor præbendas, per omnia eis consimiliter participantēs, proprio nostro arbitrio dedimus. Excepto quoddam alodia & mancipia, quę vsque ad hæc tempora Ecclesia illa possederat, in nostros singulariter vsus segregauimus.

BAPTISMVS verò celeberrimi temporis, videlicet Pascho & Pentecostes, in ecclesia illa obseruabitur, reliquo autem tempore Parochianus noster baptizandis prouidebit. Infirmos autem visitare, & communicare, oleoque inungere, confessions audire, mortuos sepelire, omnibus hæc ab eis querentibus liberè concedimus.

Vt autem tam præclarę beneficentię sædus inuiolatum inter nos & ipsos semper permaneat, hoc definitum est, vt quodcumque munus infirmis & moriens paroc-

parochianus, siue in terra siue in alia substantia, cuius ecclesiæ aliquid obtulerit, aut pro se offerri instituerit, per medium diuidatur. Quod verò alienus sanus vel infirmus, aut parochianus incolumis dederit, ecclesiæ, cui hoc datum fuerit, absque partitione possideat.

IPSÆ VERÒ Ecclesiæ sedulas in inuicem iuges sibi debebunt fraternæ caritatis orationes, in omnibus necessitatibus sese supportantes. Pro commemoratione verò suæ libertatis, vtraque ecclesiæ persoluet Cameracensi Præsuli aurum nummum Antuerpiensis monetæ & ponderis, singulis annis, in festo S. Lucæ.

VL autem hæc rata & inconuulsa permaneant, sigilli nostri impulsione, & testium subscriptione, qui interfuerunt, & hoc donum dederunt, annotari curauimus.

Ego HILDOLPHVS Præpositus S. Mariæ.

Anselmus Canonicus. Bernardus Canonicus,

Giselbertus Forcas. Raduardus Canonicus.

Ouo Canonicus. Raduardus scriptor.

Rogerus Canonicus. Hildenuinus Parochianus.

ACTVM autem est hoc anno Verbi incarnati millesimo centesimo vicesimo quarto, Indictione secunda, Epacta tertia.

1124.

NOTATIONES.

HILDOLPHI diploma istud exstat & apud Card. Earonium tomo XII. Annalium, quod Antuerpia ipsi ad urbem misimus, ex Ecclesiæ nostræ Antuerpiæ scrinijs fideliter depromptum.

TANCHELINVS.) homo totus impius ac petulcus, Sacramentariam, Adamiticam & alias hereses Brugis, Antuerpiæ, in Zelandia, & alibi per Germaniam inferiorem sparsit. Anno 1113. vrbe Brugenſi pulſus, demum apud Antuerpiam à viro zeloſo percuſſus An. 1116. an. 1116. occubuit.

EIVS

Et vs hereses Antuerpiæ pullulantes S. NORBERTVS, candidi ord. Præmonstratensis conditor, à Canonico-
rum collegio in subsidium euocatus, cùm per se tum
per suos iugulauit: vt in Chronico Præmonstratensi
fusiùs docui.

CAPVT LXXVIII.

*Burchardus Cameracensis Episcopus
ecclesiam Antuerpiensem libertate
donat, & approbat Canonico-
migrationem ex basilica S.
Michaelis ad basilicam
S. Mariae, an. 1124.*

IN nomine Patris & Filij, qui est veritas, & Spiritus sancti, qui est amborum charitas. BURCHARDVS, diuina miseratione Cameracensium Episcopus, tam futuris quàm præsentibus in perpetuum. PONTIFICALIS sollicitudinis, & compensationis est, à nobis seu ab alijs bene gesta, quando opportunum fuerit altius promouere, & promota, vt permaneât, firma sanctione solidare. Eapropter AN-
R-
VERPIENSEM Ecclesiam qualiter ad vsus duodecim Canonico-
rum libertate donauimus, & postmodum ad altius per diuinam inspirationem sublimauimus, præ-
sentis pagine attestatione notificamus. Sanè prioris foundationis & libertatis pritiilegium huiusmodi est.

CVM in Ecclesiaste scriptum sit: *Sibene feceris, siro-
eni feceris, & erit gratia in bonis tuis multa;* Nobis, qui

in specula positi sumus, obnixius est perpendendum, ne erogationis nostræ gratia illicita largitione irrogetur. Igitur ecclesijs, quibus præsumus, in posterum prouidentes, personarum nostrarum consilio, hortatu etiam & petitione domini GODEFRIDI, gloriosi Lotharingæ Ducis, ecclesiam S. MICHAELIS, quæ est ANTVERPIÆ, hætenus vnius personæ inuestitione, & parochialis presbyteri seruitio contentam, cum appendicijs suis, capella scilicet S. WALBURGIS, quæ est in eodem burgo, & capella de LINLO, & BIRENDRECHT, & ORTHOREN, & omnibus quæ infra ambitum præfatæ parochiæ continentur, ad vsus Canoniorum, in eadem seruientium, manumittimus.

PERSONARVM quoque substitutiones, & quaslibet exactiones (soluta quotannis in festiuitate S. Lucæ, nobis seu successoribus nostris S. Mariæ Cameracensis ecclesiæ Episcopis, canonicè substitutis, à præfatæ ecclesiæ, pro libertatis suæ memoria, nummo auri Bilantij) excluso certo pontificali debito, interdiciamus. Eo quidem tenore, vt Præpositus cum duodecim Canonicis ibidem in præsentī statuatur. Nos verò Ecclesiæ nostræ dignitatem canonicè conseruantes, decernimus, vt à Canonicis Præpositus canonicè electus, nobisque seu successoribus nostris præsentatus, curam Canoniorum de manu nostra suscipiat, & nobis, more Præpositorum præfatæ Cameracensis ecclesiæ, debitam obediētiam impendat.

Ad hanc ergò Canoniorum institut ionem perpetuè muniendam, eandem ligandi atque soluendi potestatem, quam mater nostra Cameracensis ecclesiæ in peruasores suos habet, sæpefatæ S. Michaelis ecclesiæ in malefactores suos concedimus, & vt presbyteri parochiales à Præposito & Canonicis substituti, Curam à nobis seu ministris nostris recipiant, decernimus.

VT autem libertate à nobis tradita Canonici inibi substitui possent, præfatus Dux duas partes manipulorum decimæ, quæ ad ANTVERPIAM, & eius ambitum

N n

perti-

*God. Bul-
lonius.*

pertinent, quas à prædecessore suo illustris memorie GODEFRIDO Duce, & postea Ierosolymitano Rege, S. MICHAELIS ecclesiæ traditas, iniuste subtraxerat, eidem ecclesiæ recognouit, & concessit, & vt nostri decreti auctoritate firmarentur, inpetrauit.

*S. Norber-
tius.*

EVOLVTO autem non multo tempore, clerici præfatæ ecclesiæ S. Michaelis, multa circumspeditione vigiles, digneque perpendentes, quoddam eos, quorum sustentarentur carnalibus, saginare debent spiritualibus (nam eos hæresiarchæ *Tanzelini* venenosus sermo infecerat) ad se fratrem NORBERTVM, virum nostris temporibus spectabilis religionis, accersire curauerunt, eique ac suis fratribus regulam B. AUGUSTINI seruantibus, suamque institutionem exsequentibus per nostras manus ecclesiam supradictam, quam à nobis susceperant, cum capellis in eius cæmeterio fundatis, & tribus curtilibus, & iugero terræ, eidem cæmeterio adiacentibus, contradiderunt.

IPSI verò prius numero duodecim, numerum suum in octo terminarunt, & se cum octo præbendis, & præposituræ suæ integritate, ad ecclesiam B. MARIE transfulerunt. Reliquas verò quattuor præbendas, per omnia suis consimiliter participantes, sub nostræ auctoritatis confirmatione tradiderunt: excepto quoddam alodia & mancipia, quæ vsque ad hæc tempora ecclesia illa possederat, in suos vsus singulariter segregauerunt.

BAPTISMVS verò celeberrimi temporis, videlicet *Pascha & Pentecostes*, in vtraque seruabitur ecclesia: reliquo autem tempore parochianus sacerdos S. Mariæ baptizandis providebit. Sepeliri quoque defunctos in vtriusque ecclesiæ cæmeterio licebit.

VT autem tam præclaræ beneficentiæ fædus inuiolatum inter ipsos semper permaneat, hoc definitum est, vt quodcumque infirmus & moriens parochianus, siue in terra siue in alia substantia cuius ecclesiæ obtulerit, aut pro se offerendum instituerit, per medium diuidatur. Quod verò alienus, sanus vel infir-

mus, aut parochianus incolumis dederit, ecclesia, cui hoc datum fuerit, absque partitione possideat.

Nec minùs vtramque ecclesiam integra & parili libertate donamus. Ipsæ verò ecclesiæ, seclusa inuicem omni exactione, iuges sibi debebunt fraternæ caritatis orationes, in omnibus necessitatibus sese supportantes. Pro commemoratione verò suæ libertatis, vtraque Ecclesia persoluet Cameracensi canonico & catholico Præsuli aureum nummum, Antuerpiensis monetæ & ponderis, singulis annis in festo S. Luca, priori dimisso debito.

QUAECVMQUE igitur Pontificum seu Principum largitione, imò quorumlibet Catholicorum collatione, memoratis Ecclesijs oblata sunt, vel vterius conferentur, huius nostri decreti munimento, eisdem ad vsus, vt dictum est, Canonicoꝝ assignamus. Ne qua verò Canonica sæcularisue persona, processu temporum, in hanc nostri decreti paginam, spiritu calumnia, moueatur, collata conseruatoribus pace, in peruafores, quoad resipuerint, anathematis exterminium promulgamus, atque nostra subsigillatione, & canonica adstipulatione confirmamus.

SIGNVM Vrlevaldi Præpositi,

S. Ioannis Archidiaconi. S. Radulphi Archidiaconi,

S. Anselmi Archidiaconi. S. Anselmi Præpositi.

S. VVidonis. S. Roberti. S. Gerardi Capellani,

S. Oilardi Decani. S. Hugonis, Heriberti, Canonicoꝝ,

ACTVM est autem hoc, anno incarnati Verbi mil-^{1124.}
lesimo, centesimo, vicesimo quarto. Indictione secunda, epacta tertia, Præsulatus domini BYRCHARDI nono.
Ego WERIMBALDVS Cancellarius scripsi & recensui.

NOTATIONES.

BVRCHARDVS) Odoni an. 1113. defuncto in Episcopatu Cameracensi successus est, & anno 1130 viuere desijt, vt Dodechinus in Chron. tradit, aut an. 1133. Idē an. 1124. Antuerpiensem Deiparæ basilicam, Canonicorum accessione & ædificijs mirifice auctam, consecrauit. Quod versiculi vulgares testantur :

*Vndecies centum ductis & sex quater
(annis,
Virginis à partu conciliante reum;
Burchardus Præsul hæc atria, nec minus
(aram,
Sacrauit mediū, quod tenet ecclesia.*

S. WALBURGIS) capella seu ecclesia, in verteri burgo Antuerpiensi sita, est ea ipsa, quam Rohingus seu Rothingus, Antuerpiensium Princeps, & eius coniux Bebelina, S. Willibrordo Archiepiscopo Ultraiectino circa an. 725. donarunt. De qua vide supra cap. 6.

LINLO) hodie *Lillo*, vicus seu pagus ad Scaldim, tertio lapide ab Antuerpia, nunc in propugnaculi formam redactus, & aquis magna ex parte obrutus. Hinc non longè absunt vici, *Berendrechts & Orthoren*, nunc *Ordenen*.

AVRVM BISANTIVM) seu Bisontinum, ita dictum à
Ve-

Vesontione Sequanorum metropoli, quam Itali *Bisanzon*, Galli *Besanzon* nuncupant.

LIETARDVS porrò, Burchardi in Episcopatu successor, Canoniconum migrationem ex Michaëlitana basilica ad Marianam an. 1135. Indictione XI. præfatus sui anno quarto confirmauit. In quo diplomate inter alia dicitur, Canonicos sibi oblationes Paschæ & Pentecostes reseruasse, reliquas verò S. Michaelis fratribus, & ecclesiæ S. Mariæ Magdalenæ sororibus, sub eodem conditionis tenore, per omne tempus concessisse. Ex quibus patet, vt in alijs multis, præsertim Germaniæ monasterijs, sic & in Michaëlitano apud Antuerpienses cœnobio, moniales ord. Præmonstratensis simul cum fratribus, sed claustro ab ijs separatas, olim vixisse.

CETERVM Canonici Antuerpienses, vt Romæ Canonici S. Petri in Vaticano, pileis quotidie vtuntur violaceis, qui color est Ecclesiæ Romanæ. Olim & vestes eiusdē coloris gestarūt, quod veteres picturæ docent. Baronius certē in Annalibus suis, ad an. 393. multis demonstrat, clericorum olim vestitum nec album, nec nigrum, sed violaceum fuisse.

creberrimis Canoniorum querimonijs concuterer, tandem confilio accepto, cùm tamen à quibufdã, ficut aliquibus ex vobis patuit, pro ea mihi promitteretur pecunia, Ecclefie recognoui & conceffi, Deo & vobis fic exiftimans fatisfacere.

AD HÆC omnia fuccellorum meorum cùm timerẽ fraudem & malitiam, ne ficut, contra Ecclefiam malẽ actum eft, fimile quid fieret; Dominum meum Imperatorem conueni; & omnium prauorum hominũ cauillationem fecludens, Imperialis testamenti fubfcriptione & fubfignatione firmari impetraui. Super his autem tam idoneè & tam iufte ordinatis & confirmatis, cùm Epifcopus ecclefiam canonicæ libertati traderet, rogatu meo, in pagina fuz libertatis fub anathemate confirmauit.

SED quia funt nonnulli ex vobis, qui prædictam decimiam, à me in feudo acceptam, quorum BERNEON & alter OLDEIVS eft, mentiuntur, quidam verò à me emptam fabulantur; quibus omnibus diem fæpius conftitui; & cùm ad præfentiam minimè venirent, liberorum virorum iudicio, Ecclefie conferuauit.

PRECOR igitur vos tam homines quàm amicos meos, B. Tribunal, & fratres eius, O. filium, TITDON, WILDBODON, & ceteros quofq; amicos meos, quatenus Ecclefie, contra malefactores fuos, iuftitiã conferuetis, & eam tam in decima, quàm in alodio, in feruis, & ancillis, & ad omnem Canoniorum querimoniam, mei cauffa, fideliter iuuetis. Valete.

NO-

NOTATIO

De Marchionibus Antuerpiensibus.

HENRICVS.) Dux Limburgi & Lotharingæ inferioris, idemque Marchio Antuerpiensis. Habuit enim Antuerpia, cum pago Rieniſi ſuos olim Principes ſeu Marchiones, ac Comites proprios primò Francorum Regibus (qui Romanos è Belgica ac reliqua Gallia pepulerunt) poſt Germaniæ Imperatoribus obnoxios.

BENEFICIO Theoderici, Francorum Regis, ROTHINGVS ſeu ROTHINGVS, cum vxore ſua BEBELINA, Marcâ Antuerpienſem an. 725. tenuit, & S. Willibrordus Archiepiſcopo Vltraieſtino eccleſiâ veteris caſtri ſeu burgi Antuerpienſis, ac tertiam partē telonei donauit: vt ex eiſdem Rothingi diplomate ſupra cap. 6. recitato liquet. Rothingi principatum quinam exceperint, non conſtat; primis antiquitatum noſtrarum monumentis, per Normannorum vaſtationes, penitus perperditis.

Anno 1008. GOTHILO cognomento MAGNVS Comitatum Antuerpienſem poſſedit; vt ex diplomate S. Henrici Imp. ſupra cap. 44. producto conſtat. Idem poſtea Ducatum Lotharingæ inferioris, anno ſcilicet 1023. deſuncto fratre Godefrido, obtinuit. Frederico demum Moſellanorum Duce an. 1034. ſine filiis mortuo, Moſellanâ ſeu ſuperiorem quoque Lotharingiam ab Henrico Imp. impetrauit.

LIBEROS reliquit, Godefridum Barbatum ſeniorē, Gozilonem ſeu Gothelonem Ignauum, Fredericum, qui poſtea Stephanus IX. Papa fuit, & Odam Baldrico Comiti Louanieniſi, infra cap. 65. lauda to, nuptâ.

GOTHILONI Magno filius GOTHILO IGNAVVS in
Marca

Marca Antuerpiensi, & in Ducatu Lotharingæ inferioris successit; iuxta Hermannum Contractum.

GOTHALONEM Ignauum *Fredericus*, Lotharingæ inferioris Dux Adelberonis Episcopi Metensis, & Henrici Boariæ Ducis frater, an. 1046. excepit. Fredericum intra Andouerpum an. 1055. Godefridus Barbatvs senior & Balduinus Comes Flandrensis obiederunt, sed irrito conatu; vt Sigebertus in Chronico testatur. Obijt is an. 1064.

GODEFRIDO auunculo suo successus est idem GODEFRIDVS BARBATVS senior. Duxerat is Beatricem, Frederici II. Ducis Mosellani filiam, Bonifacij Italici Marchionis viduam, & an. 1070. decessit, Viriduni conditus. Liberos reliquit Godefridum Gibbosum & Idam Godefridi Bullonij matrem ex Eustathio Comite Eolonienfi.

Barbato filius GODEFRIDVS GIBBOSVS in Marchionatu, itemque Ducatu Lotharingæ inferioris succenturiatus, an. 1076. Antuerpiæ à sicario confoditur. & Viriduni iuxta patrem conditur, nulla prole relicta. Vxorem duxerat Mathildem, potentissimam Italici Marchionissam, Bonifacij & Beatricis, quos supra laudauimus, filiam.

DE MATHILDE, sua olim Principe ac Marchionissa est quod Antuerpia sibi applaudat. Fuit virilis animi mulier, quæ pro Romanis Pontificibus contra Henricum IV. Regem & Pseudopontifices non semel arma sumpsit. Anno 1115. moriens magnam Tusciæ partem Ecclesiæ Romanæ legauit. Id S. Petri patrimonium hodie dicitur.

AN. 1076. Henricus IV. Imp. Ultraiecti existens Ducatum Lotharingæ inferioris filio suo *Conrado*, Marcam verò Antuerpiensem GODEFRIDO BULLONIO, ex Eustathio Comite Bolonienfi, & Ida Godefridi Gibbosi sorore nato, attribuit: vt Lambertus Scaffnaburgensis tradit. Idem Bullonius Lotharingæ inferioris Dux an. 1089. ab eodem Imperatore creatus est,

O o

Sig-

Sigeberto teste;obiitque demum Rex Hierosolymitanus an.1100.

God.Bullonio defuncto , HENRICVS Comes Limburgensis(cuius in hoc diplomate fit mentio) vacantem S.R.I.Marchionatum ad Scaldim , cum Ducatu Lothariensi,ab eodem Henrico IV.obtinuit.

HENRICO Limburgensi ob rebellionem capto,Ducatus & Marca GODEFRIDO BARBATO , Comiti Louanienfi,ab eodem Henrico an.1106.attribuntur.

ANNO 1126.God.Barbatus,Conrado Imperium ambiendi adhærens,à Lothario illius amulo vtraque dignitate priuatus est,VALERANO Limburgensi,Henrici Exducis,filio substituto. Infra exstat diploma Auerbodiense, in quo hic Valeranus, *Dux & Marchio* disertè nuncupatur.

LOTHARIO mortuo, Conradus Imp. eidem GODEFRIDO BARBATO an.1137.& Lotharingiam inferiorē, & Marcam Antuerpiensem rursus attribuit ac confirmauit. Is vtrumque principatum ad Codefridos, Henricos,& alios suos in Brabantia successores transmisit.Obijt autem Barbatus an.1140. stilo Romano, in Affligemiensi Benedictinorum Abbatia, tertio lapide à Bruxella,conditus.

Hæc de primis Antuerpiensium Marchionibus,hatenus obscura, in gratiam vrbis nostræ Antuerpiensis,fusiùs enarrare visum fuit;ad *Wiclonem,Ansbertum,Arnoldum*,& alios nescio quos,à Wolfango Lazio , eiusque sequacibus confictos Marchiones , explodendos.

CAPVT LXXXI.

*Henricus V. Imp. decimas Sanctiflitanas
Antuerpiensi S. Michaelis ecclesie
concedit, petente Godefrido Bar-
bato, Leth. Duce & S. R. I.
Marchione ad Scaldim,
an. 1125.*

IN nomine sanctæ & indiuiduæ Trinitatis. HENRICVS Dei gratia Romanorum Imperator Augustus. Duni utilitatibus sanctæ Ecclesiæ pro fauore consulimus, antecessorum nostrorum statuta non solum confirmamus, verû etiam augmentare curamus, idq; ad profectum totius Imperij à Deo nobis collati congruere haudquaquam diffidimus. Dignum est etiã vt Celsitudo regalis Principum petitionibus eò libentius faueat, quo promptius eos in sua perseuerare prospicit fidelitate.

OMNIBVS igitur tam præsentibus quàm futuris notum esse volumus, nos consilio & petitione fidelis nostri GODEFRIDI, videlicet Ducis & Marchionis, concessisse ecclesiæ S. Michaelis Archangeli, quæ est sita in burgo, qui dicitur ANTVERP, oninem decimã, quæ continetur à terminis Sandstliten vsque Olmemuthen: ita vt quartam eiusdem decimæ partem ecclesiæ Præpositus sibi retineat, & reliquas in vsus fratrum conseruet.

Huius autem nostrę traditionis testes idoneos
subscripsimus, quorum nomina hæc sunt;

Conradus Osnaburgensis Episcopus,

Burchardus Cameracensis Episcopus,

Gerardus Merseburgensis Episcopus.

Alij quoque Principes,

Arnulphus de Los, *Theodericus* Comes,

Gerardus Comes, *Paganus* Comes,

Otho de Mares, *Vilhelmus* Comes,

Hermannus Piscis, *Stephanus*.

Hoc etiam *MATHILDIS* Romanorum Regina sua
corrobavit præsentia. Huius autem chartę traditio
facta est, præsentē eiusdem ecclesię Præposito *HIL-*
DEVVINO & obnoxie petente. Et ut hoc nostrę aucto-
ritatis præceptum, per futura tempora, firmum &
inuiolabilem obtineat vigorem, manu nostra subter-
firmauimus, & sigilli nostri impressione iussimus
insigniri.

SIGNVM domini *HENRICI* Romanorum Impe-
ratoris.

BRUNO Cancellarius recognouit. Data XI. Kalēdas
Decembris, an. Dominicę Incarnationis MCXX.....
Indictione regnante *HENRICO* Romanorum Im-
peratore. Actum est apud Traiectum in Christo fe-
liciter. Amen.

NOTATIONES.

HENRICVS V. IMP.) an. 1125. Leodij Pascha
celebrauit: inde per Nouiomagum veniens
Ultraiectum, ibidē feria quinta Pentecostes
vivere desijt: succedente Lothario, Saxonū
Duce. Hoc ipso anno suspicor diploma istud conscrip-
tum fuisse.

ARNOLPHVS Comes Lofsensis, fundator Abbatiz
Auer-

Auerbodiensis instituti Præmonstratensis; cuius diploma vide infra.

THEODERICVS Comes eo nomine sextus Holládiæ.

GERARDVS Comes Gelriæ.

CAPVT LXXXII.

*Balduinus Comes Alostanus, eiusque
frater Iuanus an. 1125. ecclesiam
& pradia varia in Herenbal-
deghe dant monasterio
Affligemiensi.*

IN nomine sanctæ & indiuiduę Trinitatis.
Ego BALDVINVS DE ALOST ac frater
meus IWANVS notum fieri volumus om-
nibus in Christo fidelibus. quod diuina
vt credimus compuncti inspiratione de
peccatis nostris, & considerantes quàm breues sunt
dies hominum, reddidimus ecclesiam de HERENBAL-
DEGHE in manum Episcopi, ad opus Ecclesię HAF-
FLIGEMIENSIS, pro redemptione animarum nostrarũ,
& patris nostri, parentumque nostrorum.

DEDIMVS etiam eidem Ecclesię Haffligemiensi
duo curtulia in Herenbaldeghe, iuxta molendina
iacentia, ac duos mansos terrę, qui iacent ante portã
ipsius: qui mansi quoniam feodum erant LOTHREWINT
de Herenbaldeghe filij Liuini, mutauimus vnã

Oo 3 cum

cum curtilibus erga illum cum libero alodio culturæ nostræ.

REDDIDIMVS præterea molendina de Herenbaldegghem, quæ mater nostra pro anima patris nostri sepeliatæ Ecclesiæ contulerat, pro salute videlicet animarum nostrarum ac parentum nostrorum. Insuper alodium nostrum in TESTREPA, quod necdum alicui in feodum assignaueramus, eidem Ecclesiæ contulimus in omni iure libertatis & dominij, quo illud tenebamus, à telonco ac vestigali, in omni loco dominationis nostræ, ipsam Ecclesiā liberam facientes; ut participes efficeremur orationum fratrum, tam viui quā mortui, & ut defunctis nobis facerent, quidquid vni ipsorum defuncto fieri solet.

Ut autem hæc nostra traditio rata & inconuulsa perpetualiter permaneat, hanc chartam inde conscriptam sigilli nostri impressione fecimus confirmari, subscriptis etiam ac notatis testibus, quorū hæc sunt nomina:

Willelmus de Vorfelar.

Goselinus de Ordengem.

Folcardus de Asca.

Albertus de Herenbaldenghem.

Arnulfus Kerkescem.

Rudolfus de Nielle, filius Fromini.

Anselinus de Blaresfelde.

Ascelinus, Amman de Bruxella, & filius suus Henricus.

Arnulfus ac Ingelbertus de Breda.

Henricus Vulpes.

Willelmus de Aloft, Dapifer.

Oldeius & frater suus Luardus, Gandenses.

Acta sunt hæc anno Domini MCXXV.

NOTATIO.

HVC diplomati appensum est sigillum, cum hac inscriptione, STIGILLVM BALDVINI GANDENSIS. Ex quo liquet, Comites istos Alostanos ex GANDENSI seu GANDAVIA familia fuisse (de qua supra cap. 35. egimus) & nunc ALOSTANOS, nunc GANDENSES fuisse cognominatos.

AMMAN) apud Bruxellenſes idem est etiamnum, quod Prator.

ANNO MCXXV.) Errat itaque Meierus, qui Balduinum Gandensem, Iuani fratrem, an. 1124. obiſſe ſcribit.

CAPVT LXXXIII.

*Godefridus Barbatus, Lotharingæ
Brabantiaque Dux & Comes Lo-
uanienſis, fundat Fliderbecan. m
ſeu Vlirbecanam Benedicti-
norum Abbatiam, prope
Louanium an. 1125.*

IN nomine ſanctæ & indiuiduæ Trinitatis. Ego GODEFRIDVS, Dei ordinatione, Dux & Marchio Lotharingæ, atque Comes Louanię, omnibus fidelibus cęleſtes mercari diuitias.

CONSIDERANS omnem mundi gloriam, inſtar fluminis

minis, raptim præterfluere, & omnes amatores suos subito inanes & vacuos relinquere, vtile mihi fore perspexi & necessarium, vt de diuitijs, diuinâ mihi largiente bonitate concessis, aliqua seruis Dei viuës impartirer, quæ moriens integra inuenirem.

Locvm itaque quendam FLIDERBECA appellatû, ab omni potestate, tam mea, quàm Ecclesiæ Louanienſis, liberum, beato Petro Hassligemienſis ecclesiæ (sicut moris est Principibus) cû omnibus pertinētis suis libere tradidi; vt Abbas Hassligemienſis cellâ ibi Dei & meâ meorumque opitulatione, exstrueret, monachos poneret, qui die noctuque pro mea, meorumque salute, Deo supplicarent. Vt autem firma pax & concordia inter clericos & monachos, sicut decet, inuiolabiliter perseveret, ex vtraque parte inmutabiliter decretum est, ne altera pars quidquam, quod iuris sit alterius partis, sibi vsurpet.

ADVOCATVS verò loci erit, quicumque LOVANIAE Comes fuerit; qui Aduocatum alium pro se numquā constituet. nec de Aduocatia illa aliud beneficium exiget aut recipiet. nisi deuotas à fratribus orationes, & æternam à Christo remunerationem. Præterea omnem vsum tam in siluis, quàm in pascuis, & aquis meis, fratribus libenter annui, & vt à teloneo, & omni huiusmodi exactione, in omni loco mei iuris, perpetuò sint liberi.

Vt autem hæc traditio nostra firma & inconuulsa perseveret, presentem paginam sigillo meo signaui, & idoneis testibus, quorum subscripta sunt nomina, confirmaui.

Signum Meuronis Decani.

S. Richesonis Scholastici, S. Euerardi.

S. Ioannis & Henrici de Bierbeke.

S. Henrici de Landen.

S. Wilhelmi de Becheuoort.

S. Arnulfi de Oppenthorp.

Datum est hoc LOVANIAE anno Incarnationis, milleſimo, centesimo, vicesimo quinto.

NOTATIO.

LOVANIA) feminino genere passim apud medijs
 xui scriptores, hodie LOVANIVM, sedes veterum
 Comitum Louanienfium, habet Academiam à
 Ioanne Brabantie Duce an. 1426. institutam,
 toto orbe celeberrimam. *Lipsium*, plurà qui volet,
 legat.

CAPVT LXXXIV.

*Parcum seu viuarium ferarum, prope
 Louanium, à Godefrido Barbato,
 Loth. Brabantieque Duce, in Ab-
 batiam ord. Præmonstratensis
 an. 1131. conuertitur.*

ALEXANDER, gratia Dei sancte Leodienfis
 Ecclesie Episcopus, per suam patentem
 litteram, notum facit tam præsentibus
 quàm futuris, quod GODEFRIDVS Dux
 Lotharingie, idem & Marchio & Comes
 tam pro salute sua quàm suorum, siluulam in
 Australi parte Louanij sitam, quam fossa & vallo
 clausam ferali lustro deputauerat, Deo inspirante, in
 P p vsus

vlus meliores volens conuertere, annuentibus filiis suis GODEFRIDO, & HENRICO, fratri Gaultero, Abbati ecclesiæ beati Martini de suburbio Laudunensis ciuitatis, ad fundandum & ædificandum ibidem ecclesiam, in honore beatę Marię donauit.

Et postea nube seditionis discordiæque inter ipsū Episcopum & Ducem antè habitæ, in beatę pacis serenitatem (Deo propitiante) conuersa, Episcopus prædictum locum in conspectu plurimorum, qui pro reformanda pace conuenerant, liberum fecit, ad petitionem Ducis prædicti, liberauitque prædictus Episcopus prædictum locum, ab omni parochiali iure.

Præterea verò prædictam ecclesiam & Abbatem, tam à sua, quàm ministrorum suorum qualicumque exactione prorsus absoluit. Generali tamen Synodo, si ab ipso monitus fuerit, nequaquam interfesse negligat: & ordinauit de decimis, & alijs multis punctis, in alia littera desuper confecta contentis.

1131.

DATVM Leodij anno Domini MCXXXI.

N O T A T I O .

LAUDUNENSIS) S. Martini Ecclesia Canonico-
rum, in suburbano sita , anno 1121. in
regulare ord. Præmonstratensis cœnobium à
S. Norberto est conuersa, obtinetque secundum locum inter eiusdem ordinis Abbatis.

PARCENSIS Abbas est Ducis Brabantię Archicapellanus, & quidem hereditarius.

CAP.

CAPVT LXXXV.

*Alexander Episcopus Leodiensis, Innocentij II. Papæ mandato, an. 1131.
 è terra eleuat corpus S. Gerardi
 Abbatis Broniensis, & illius
 monasterij prædia recenset.*

IN nomine sanctę & indiuidę Trinitatis
 amen. Omnibus sanctę matris Ecclesię
 filijs & beneuolis pax perennis, amen.
 Accenso in terris super candelabrũ
 caritatis igniculo, multi renuntiauerunt
 & ius & sæculo. Quorũ de numero, Deus sanctissimi
 & venerabilis patris nostri GERARDI nobis argu-
 mento multiplici declarauit gratiam, cuius ego A-
 LEXANDER Dei gratia Leodicensis Episcopus, licet
 indignus, diuina reuelatione & præceptis salutaribus
 monitus, nec non mandatis domini Papæ INNOCEN-
 TII, qui & Gregorius, delegatus, hac indie recolò
 sacrosancti corporis attollentiam.

NOTVM sit igitur omnibus tam futuris quàm præ-
 sentibus, quodd cum super hoc adfuissemus BRONTI,
 plures ibi nobiliores adfuerunt: inter quos maximè
 GODEFRIDVS, Namuci Comès illustris, ad honorem
 Dei sanctique sui militis GERARDI festinus accessit;
 cateruatimque affinis & remotis plebibus, nobisq;
 tantę solemnitati reuerenter, vt decebat, assistentibus,

& ancillas & facultates Ecclesiæ, vel in hominib^s cohabitantes in omni ipsius possessione.

VICECOMITATVM & ceteras obsecutrices dignitates Abbas, cum voluerit, erogare poterit.....

VT hæc igitur, quæ prælibauimus, & valeant in æternum, tam nostri quàm Comitis GODEFRIDI Namucensis impressione sigilli fecimus confirmari, cum subscriptione nobilium virorum clericorum & laicorum, qui rei celebratæ testes adfuerunt.

Ioannes Archidiaconus & S. Crucis Præpositus.

Hermannus Archidiaconus & Niuellensis Præpositus.

Arnulphus Comes Lofsensis.

Ebalus de Florinis.

Gualterus de Barz.

De familia beati Lamberti.

Theodericus de Ponten.

Wedericus de Prato.

Lambertus & Arnulphus de Hoio.

Albricus de Vileir, & alij multi.

Ex parte Comitis.

Henricus filius eius cognouit & probauit.

Ingobrandus de Ham, & Ingobrandus filius eius.

Rigoldus de Wange.

Theodericus de Fengict. Gualterus filius eius.

Libertus de Bosieris.

Manasses adolescens de Hirse, & alij quàm plures.

Actum Bronij feliciter anno Dominicæ Incarnationis millesimo centesimo XXXI. Indictione IX. 1131.
Concurrente III. Epacta XX. imperante LOTHARIO, anno regni eius sexto, Episcopatus nostri tertio. Duret in sæculorum sæcula, amen.

NOTATIONES.

GERARDVS) Abbas & fundator monasterij Bro-
nienſis, quod nunc S. Gerardi dicitur, in
diœceſi Namurcenſi, Vide ſupra cap. 30 & 36.
NAMVCVM) hodie Namurcum. Vide ſupra
cap. 36.

CAPVT LXXXVI.

*Innocentius II. Papa eccleſiam maioris
Xenodochij, quod S. Ioannis dicitur,
in vrbe Bruxellenti, an. 1131.
conſecrat. Diploma pontificium,
an. 1497. ſe vidiffet teſtatur
Henricus Bergius Came-
racenſis Episcopus.*

HENRICVS DE BERGIS, Dei & Apoſtolicę Se-
dis gratia Episcopus Cameracęſis vniuer-
ſis & ſingulis præſentes litteras inſpe-
cturis, pariter & audituris, ſalutem in Do-
mino ſempiternam.

QVONIAM pium eſt & rationi congruum, veritati
teſtimonium perhibere, in ijs præſertim, per quę ſa-
lus

lus procuratur animarum, deuotioq; crescit in populo, & cultus augetur diuinus, hinc Vniuersitati vestræ notum facimus, ac tenore præsentium fideliter attestamur, quod litteras fel. record. INNOCENTII Papæ, consecrationis, dedicationis & Indulgentiarum ecclesiæ S. Ioannis Bruxellensis, nostræ diœcesis, cum sigillo oblongo, in cera viridi impendente impresso sigillatas, nobis per dilectos nobis in Christo Mamburnos & Gubernatores hospitalis dictæ ecclesiæ S. Ioannis præsentatas, nos cum ea, quæ decuit, reuerentia recepmus, eiusmodi sub tenore.

ANNO ab Incarnatione Domini millesimo centesimo tricesimo primo, Idibus Octobris, regnante LODOVICO seniore in Francia, dominus Papa INNOCENTIVS ecclesiam istam dedicat, in honore B. Mariæ virginis, & beatorum Apostolorum Petri & Pauli, & B. Stephani protomartyris, & beatorum confessorum pariterq; Pontificum Medardi & Gildardi. Quo factò huius dedicationis; diem tot annis agi solennem à populo celebri festiuitate instituit, quot & peccatorum veniam se adepturos, & Domini gratiam promerituros incunctanter se à Sede Apostolica, ex auctoritate B. Petri, scirent, qui ad hunc diem singulis annis conuenire, hunc solenniter peragere, hunc diem cū spiritali iucunditate, cū cordis puritate & animi pia deuotione, ex iussu & auctoritate Apostolica celebrarent. 1131.

EXTERARVM autem regionum plebes ne peractæ benedictionis, & tantę gratiæ, & tanti muneris haberentur expertes, tribum mensium tempus dominus Papa indicit, vt locum veniæ, donum gratiæ, in hac domo orationis perciperet, quicumque huc hoc tempore, cum deuoti cordis sacrificio, adueniret, & pœnientię munus Deo satisfaciens offerret, & condigna satisfactione à præteritis rescipisceret. Huic autē dedicationi interfuerunt,

HYGO Rotomagensis Archiepiscopus, Ostiensis
Epis-

Episcopus.

MATTHEVS Albanensis Episcopus,

ALBERVS Virdunensis Episcopus,

GAVERIDVS Catalaunensis Episcopus,

ALVISVS Atrebatensis Episcopus.

Post quarum quidem litterarum præsentationem & receptionem, nobis & per nos, vt præmittitur, factas, fuimus per præfatos Mamburnos & Gubernatores dicti Hospitalis, debita cum instantia, requisiti, quatenus ipsas præinsertas litteras auctoritate nostra ordinaria transumptari, exemplari, & collationari, ac in publicam Transumpti formam redigi facere, nec non aliquas Indulgentias eis concedere dignemur.

Nos HENRICVS Episcopus præfatus, attendentes postulationem eiusmodi fore iustam & rationi conionam, quodq; iusta petentibus non est denegandus assensus, idcirco dicta nostra ordinaria auctoritate, litteras istas præinsertas, in præsentia Reuerendi in Christo Patris domini GODEFRIDI, eadē gratia Episcopi Daguelis, nostri Suffraganei, ac nobilis viri domini ROLANDI DE MOL militis, *Reineri de Atrio* Canonici Anderlechtensis, *Sernatij de Kerhouen* presbyteri, Leodicensis diocesis nostri Capellani & *Francisci Lupart* clerici ac nostri Secretarij, Rectoris parochialis ecclesiæ de Celles, nostræ diocesis, vidimus, legimus atq; tenuimus. Et quia illas sanas & integras non vitiatas, non cancellatas, neque in aliqua sui parte suspectas, sed omni prorsus vitio & suspicione carere reperiimus, eas ratas & gratas habentes & approbantes, ipsas per nostrum Secretarium inibi, in prælibatorum dominorum conspectu, exemplari, collationari ac transumptari, & in publicam transumpti formam redigi fecimus

In quorum & omnium & singulorum fidem, & testimonium præmissorum, præsentis litteras fieri & per Secretarium nostrum subscribi, sigilliq; Cameræ nostræ iussimus appensione communiri.

Datum

Datum Bruxellæ nostræ diœcesis, 22. mensis No-
uembris, anno Domini 1497. 1497.

NOTATIO.

INNOCENTIÛ II. Papæ diploma iam recitatum hodieque adseruatur Bruxellis, in S. Ioannis Xenodochio, cum pontificio sigillo appensò. Quæ porrò fuerit causa aduentus Pontificis in Belgicâ nostram, paucis edisseram.

Anno 1130. HONORIO Papæ defuncto, INNOCENTIVS II. legitimè electus successerat, alijs Petrum Leonis in schismate eligentibus. Innocentius Petri potentiam veritus, mari se commisit. & in Galliam appulit. Nouiomo, Cameraco, alijsque vrbibus lustratis, an. 1131. mense Martio Leodium ad Lothariû Imp. se contulit. Inde in BRABANTIAM hoc ipso anno venit, & Idibus Octobris templum maioris xenodochij, quod S. Ioannis nuncupatur, BRUXELLIS solenni ritu consecrauit.

REMIS postea Concilium habuit, cui S. NORBERTVS & S. BERNARDVS interfuerunt: ac demum in Italiam redijt, ijsdem viris sanctis, cum Imp. Lothario, comitantibus.

CAPVT LXXXVII.

*Lotharius III. Imp. iura ac priuilegia
ecclesiæ S. Seruatij Traiectensis ad
Mosam an. 1132. confirmat.*

IN nomine sanctæ & indiuiduæ Trinitatis.
Ego LOTHARIUS huius nominis Rex Ro-
manorum tertius. Notum sit omnibus
tam posteris quàm præsentibus, quòd se-
cundùm priuilegia antecessorum nostro-
rum, TRAIECTENSI Ecclesiæ beati SERVATII quamdã
legem & iustitiam renouauimus, quam antea trecen-
tis annis, & eo amplius in quiete & silentio tenuerat,
& eam ad sensu & fauore ALEXANDRI Leodiensis E-
piscopi, confirmauimus, ad destruendam controuer-
siam, quam Prepositus & Fratres de S. MARIA Traie-
cti, in contradictione eiusdem legis, suscitauerant.

EST autem ipsa lex & iustitia talis, quòd ecclesia
parochiæ S. SERVATII sola in Traiectensi vrbe habet
decimas & terminum: & omnes, de quacumque re-
gione ad manendum ibi confluxerint, præter fami-
liam S. Mariæ, sanctique Lamberti, ad iustitiam Regis
pertinent, & in parochia S. Seruatij baptizari & se-
peliiri debent.

Et consuetudo est, longo usu in habitum conuersa,
vt presbyter parochiæ S. Seruatij, & presbyter paro-
chiæ

chiæ S. Mariæ, præfidente Archidiacono, communiter habeant Synodum in ecclesia S. Mariæ: ita vt presbyter parochiæ S. Seruatij appellet suos, videlicet omnes pertinentes ad iustitiam Regis, vbicunque maneant in eadem vrbe, & culpas eorum synodali lege corrigat.

Quod si quis hanc iustitiam vltcrius infringere tentauerit, offensam Dei & nostram & successorum nostrorum, Regali potestate fungentium, incurrere merebitur: quia dignum est, vt quod tam libera Ecclesia, regno attinens, tanto tempore obtinuit, nostro Regali banno stabile & inconvulsam permaneat.

ACTVM est hoc Aquisgranî, in Paschali curia, anno 1132. ab Incarnatione Domini M. C. XXXII. Indictione, X. regnantē Lothario huius nominis Rege Tertio, ALEXANDRO Episcopo Leodij existente.

Huius rei testes fuerunt,

VVilhelmus Prenestinus Episcopus Cardinalis.

Matthæus Albanensis Episcopus Cardinalis.

Ioannes de Crema presbyter Cardinalis.

VVido diaconus Cardinalis.

Albero Treuerensis Archiepiscopus.

Stephanus Metensis Episcopus.

Lietardus Cameracensis Episcopus.

De Principibus,

Dux VValeramus. *Dux Simon.*

Comes Arnulphus de Los.

Goswinus de Falcomonte.

Gerardus Hostade.

De Fratribus Ecclesiæ,

Ioannes Decanus.

Willo Camerarius.

Winandus Custos.

Henricus Cantor.

Reinerus Scholasticus.

Godefridus. Christianus. Walterus.
Signum Domini LOTHARII inuictissimi Romano-
rum Regis Tertij.

EGO ANSELMVS, ad vicem ADELBERTI Moguntini
Archiepiscopi, Archicancellarij, recognoui.

NOTATIO.

NE quis miretur hic, inter testes, aliquot S. R. E.
Cardinales nominari, moneo diploma istud
an. 1132. scriptum, quo INNOCENTIVS II. Papa,
à Petro Leonis Antipapa pulsus, in Gallia cū
multis Cardinalibus & Episcopis agebat, auxilium à
Lothario Rege postulans: qui anno sequenti Inno-
centium armata manu restituit, & in sede pontificia
collocavit.

1131

LOTHARI I porrò priuilegium iam recitatū MAXI-
MILIANVS I. Imp. confirmavit, tabulis an. 1517. die 18.
Decembris Hagenoæ datis.

CAP.

CAPVT LXXXVIII.

*In Grimbergena ecclesia (quæ primò Canon-
icorum ord. S. Augustini, post mo-
nachorum fuit) S. Norbertus in-
stituti Pramonstratensis Cano-
nicos an. 1128. collocavit: id
Liethardus Episcopus Ca-
meracensis an. 1132. pro-
bavit, & priuilegijs
firmauit.*

IN nomine sanctæ & indiuiduæ Trinitatis.
LIETHARDVS Dei gratia Cameracensium
Episcopus, tam futuris quàm presentibus
in perpetuum. Diuina attestâte scriptura,
quæ ait: *Ante mortem tuam benefac: quoniâ
non est apud Inferos inuenire cibum:* ad benè agendum
inuitamur: prouidendum itaque nobis est, ne de no-
stra tarditate post mortem abiudicemur.

Ecclesiam igitur GRIMBERGENSEM, in honore S.
Dei genitricis Mariæ, & S. Petri Apostolorum princi-
pis.....sitam, exaltare & nobilitare decreuimus: &

qualiter ad nos à prædecessoribus nostris emancipata perueniret, subnotare censuimus. Cùm enim præfatam ecclesiam GUALTERVS quidam nobilis, quia in alodio suo sita erat, teneret, dominus ODO, prædecessor noster, petitione ipsius Gualteri, & redditione, eandem ecclesiã ab omni laica manu, & exactione aliqua & debitis obsonijs ad vsum *Canonicoꝝ*, secundum regulam B Augustini viuentium, primò emancipauit.

Succedentibus verò tēporibus, cùm illi nihil profecissent, & penitus ecclesiam in nihilum redacta reliquissent, iterũ petitione eiusdem prædicti Gualteri, monachorũ ordinẽ sub eadem libertate ibidẽ imposuit. Sed & illi persecutiones malefactorũ, & paupertatẽ sustinere non valentes, iterũ desolatã reliquerũt.

Nouissime verò defuncto Gualtero, heredes eius GERARDVS videlicet & ARNVLPHVS quia patris & matris & parentum eorum ibidem ossa requiescebãt, desolationem ecclesię non ferentes, petierunt à domino NORBERTO, viro spectabilis religionis, per legatum suũ hominem quendam ALVARIVM nomine, vt suę religionis fratres in præfata ecclesia poneret.

Ipse verò tandẽ petitionibus eorũ acquieuit, & fratres ibidẽ impositi, sub tutela Abbatis & fratrum PRÆMONSTRATÆ ecclesię, per aliquot tempus commemorantes, & de die in diẽ, adiutrice gratia, in melius pro sua paupertate & proposito proficiẽtes, à nobis & Abbatem & præfatam libertatẽ innouari petierunt. Nos verò iustis eorũ petitionibus annuimus: sic videlicet vt libera esset à seruitio, à ceterarum cõsuetudine ecclesiarum, ab omni prorsus exactione Episcopi, Archidiaconi, & Decani.

His autem ecclesię concelsis, Ecclesię Cameracẽsi hoc solum de illa habendum retinui, ordinationẽ fratrum, & filialem loci subiectionem. Et si quem, secũdũ ordinem & tenorem Præmonstratę ecclesię, à qua descendit religio, Abbatẽ canonicẽ elegerint, vel eiusdem Præpositum, ego & successores mei sacrent, vel

vel vbi petitione fratrum, & necessitate idonea cogente eum sacrari permiserint: si quid etiam in concilijs, in Synodo, de iure & negotijs, & vtilitatibus ecclesiasticis tractare contigerit Episcopum, de quiete sua Abbas euocetur ad eius dirigendum consilium.

IPSEMET verò Abbas parochia cuiuslibet sacerdoti boni testimonij committat, quæ Episcopi per se vel vnũ de suis fratribus ad suscipiendam populi curam præsentet. Qui si peccauerit, vel fratribus in aliquo molestus fuerit, sicut ab Episcopo vel ministro eius, sic ab Abbate remouetur vel corripitur.

CONCEDO etiã vt si inbannitur terra, remotis excommunicatis, hæc canter Ecclesia, clausis ianuis. Interdico aut em, ne quæquam à prædicto ecclesiæ claustro, sine permissione Abbatis, & assensu totius cõgregationis liceat discedere, discedetẽ verò nullus audeat recipere.

BONA etiam & possessiones, quas iuste & legitimè prædicta Ecclesia possidet, ad vsus Canonice-rũ regulariũ ibidem Deo seruientium, presentis scripti pagina confirmamus: altare videlicet de *Wamblinus* cum appendicijs suis, *Barkehem*. *Radelegim* & *Ramsdum*: altare de *Meysse*, cum appendicijs suis *Opehem* & *Rode*, altare de *Srombeke*, & decem & octo mansos terræ. Ex quibus prædictus *Gualterus* sex dedit, *Gerardus* filius vnum, *Aluericus* tertius filius suus, ..., *Reinerus* duos; & quod superest, antiquitus possedit Ecclesia. Quæcumq; præterea iuste adipisci poterit, firma & illibata illi cõferuentur. Ad arcendas igitur quorũlibet importunitates, d ita cõseruatoribus pace, in præuaticatores, quo ad respuerint, excommunicationis sententiã proferimus, atque canonica subsignatione, nostraq; subimaginatione huius nostri decreti paginã confirmamus.

Signum mei ipsius *LIETHARDI* Episcopi.

S. Ioannis, Theoderici, Alardi,

Theoderici, Gerardi, Archidiaconorum.

S. Elebaldi Præpositi, Gildardi Decani, Rothber-

ti Cantoris. Guidonis, Hugonis, Werimbaldi,

Lantberti, Adam, Bartholomæi, Canonicorum,

Acti m

1132.

ACTVM est hoc Cameraci, anno Incarnationis Domini millesimo centesimo tricesimo secundo, Indictione decima. Ego WERIMBALDVS Cācellarius scripsi & recognoui.....

NOTATIO.

GVALTERVS)BERTOLDVS, Grimbergæ & Mechliniæ toparcha(cuius & supra cap.68. facta est mentio) filios habuit GERARDVM, ARNVLPHVM,&ALVERICVM:vt ex recitato diplomate colligi datur.

BERTOLDORVM porrò familia olim præpotens fuit, & quæ varia olim bella cum Brabantia Ducibus gessit:vt Diuzus,Harxus,& alij fuisse narrant.Huic familiæ originem ac dotationem debet & Locus S. BERNARDI,illustris Cisterciensium Abbatia ad Scaldim, secundo lapide ab Antuerpia.

GRIMBERGA,Baronię titulo nunc clara,præter Abbatiam,habet arcem insignem ac vetustam.

CAP.

CAPVT LXXXIX.

*S. Bernardo Clara Vallis Abbate pe-
tente, Tungerloënsis ecclesia à Bur-
chardo Cameracensi Episcopo li-
bertate donatur, & Canonici
regulares ord. Præmonstra-
tensis in ea collocantur,
an. 1133.*

IN nomine sanctę Trinitatis & indiuiduę
Unitatis. Notum sit tam præsentibus quã
futuris in perpetuum. Desiderium, quod
ad religionis prepositum & animarum
salutem pertinere monstratur, animo
nos decet libenti concedere, & petentium desiderijs
congruum impartiri suffragium.

Ego itaque BURCHARDVS Cameracensium Episco-
pus petitionē religiosorū virorum, WALTMANNI
videlicet Antuerpiensium Abbatis, & BERNARDI
Claraualensis, approbandam æstimauī, supplicantū,
vt ecclesiam de TONGERLO libertate donarem, qua-
tenus in ea fratres Præmonstratensis ordinis, sub re-
gula B. Augustini degentes, libere & quietē Deo fa-
mulari valeant. Quam petitionem bonam iudicans,
ideoque benignè exaudiens, prædictam ecclesiam

R r

beatę

beatæ Dei Genitricis, semperque Virginis Mariæ, ab omni exactione, debitisque oblationibus ad sustentandos Canonicos, in ea Deo sanctęque eius genetrici feruientes, liberam facio.

DEINDE, vt canonicum & iustum est, libens constituo, vt in statuendo Abbate sanior pars conuentus liberam potestatem obtineat; electus verò Camera-
censi Episcopo presentetur, vt ab eo sine vlla contradictione, vel cuiuslibet personę aliqua exactione, consecratus, in parochia sua ius synodale libere obtineat.

FRA TRIBVS autem eiusdem loci, auctoritate Dei & mea, prohibeo, ne post factam obedientiam, aliquid proprium secundum communis vitę professionem, liceat habere, neque sine eiusdem Abbatis licentia, & assensu Congregationis, discedere. Si verò per inobedientiã aliquis discesserit, & à qualibet ecclesia vel persona ignoranter, vel scienter receptus fuerit, postquam Abbatis querimonia quocumque modo retentori innotuerit, nisi eum sine dilatione dimiserit, sit retentor, cum retento, in sententiã excommunicationis. Si autem, clausis quoque ianuis, hæc cantet Ecclesia, Abbas quoque ad synodũ non cogatur, nisi sigillatis Episcopi litteris fuerit euocatus.

QVId autem hæc ecclesia possessionum habeat, huic chartę inferere necessarium iudicauimus: Duas partes decimę eiusdem ecclesię, & dominicaturam, videlicet quadraginta bonarios cum molendino vno: terram in eadem parochia soluentem annuatim xix. sextaria brasij, cum x. vasculis hordei: terrã insuper ibidem soluentem xii. solidos, & denarium vnum, cum ceteris terrę debitis, & manso vno, soluente manipulum quartum: & insuper mansum vnum, *VV*imple mansum soluentem v. solidos, cum suis debitis: *V*ele terram soluentem iii. solidos & dimidiũ, cum reliquis debitis.

QUI CVMQVE autem ista infringere aut auferre, vel huic nostræ paginæ, sigillo nostro signatæ, contraire præsumpserit, in extremo examine, cruciandus æternaliter diabolo tradatur. Pax igitur & benedictio conservatores protegat; dissipatores verò ultio ignis æterni cum diabolo feriat.

Ut autem hoc ratum omni tempore habeatur, atque à nullo præsumptore maligno violetur, quoscumque dissipatores huius mei beneficii, à græmio matris Ecclesiæ eiectos publicè excommunicavi, nisi ad emendationem & satisfactionem venerint.

Signum mei ipsius BURCHARDI Episcopi.

- S. Ioannis Archidiaconi.
- S. Theoderici Archidiaconi.
- S. Rudolphi Archidiaconi.
- S. Paruini Abbatis S. Sepulcri.
- S. Walteri Abbatis S. Auberti.
- S. Hugonis Decan.
- S. Eustathij Scholastici.
- S. WALTMANNI Antwerpiensis.
- S. BERNARDI Clareuallensis.

Acta sunt hæc Cameraci anno Dominicę incarnationis millesimo centesimo XXXIII. regnante CON-
RADO semper Augusto. 1133.

NOTATIO.

BURCHARDVM Cameracensem Episcopum an. 1130 obiisse, tradit Dodechinus in Chronico. Alij volunt eum vsque ad an. 1133. vixisse: quo anno & diploma istud est conscriptum, quod hodieque integrum Tungerlorum adseruatur, Ex quo effici videtur, duos in schismate Episcopos Cameracenses

centes, BYRCHARDVM & LIETARDVM (cuius posterioris aliquot diplomata paulò antè produximus) istis temporibus exstitisse. Quid mirum? cùm & duo de Pontificatu Romano, Innocentius II. & Petrus Leonis, & totidè de Imperio, Lotharius & Conradus, tunc contenderèt, Conrado Burchardus, Lothario autem adhæsit Lietardus: vt ex subiuncto diplomate liquet.

WALTMANNVS) fuit primus Abbas monasterij S. Michaelis in vrbe Antuerpiensi: cuius ibidem tumulus hodieque visitur.

S. BERNARDVS) Abbas Claræ vallis non solum ordinis sui Cisterciensis, sed & Præmonstratensis eximius propagator fuit. Testis esto locuples Abbatia TUNGERLOENSIS, quæ in medijs Campaniæ nostræ ericetis sita, reliquas omnes Brabantie Abbatiàs edificiorum amplitudine atque elegantia superat. Fundum porro Tungerloensem, ad monasterium excitandum, dono dedit GISELBERTVS, vir diues, qui acceptis à Burchardo Episcopo litteris, Præmonstratû ad Hugonẽ Abbatem se contulit, & sodales ad fundandum cœnobium petijt atque impetravit: vt in ms. Chronico Tungerloensi legitur.

Capelle-kercke.

PARVINVS fuit Abbas monasterij S. Sepulcri in vrbe Cameracensi, cui alodiũ suum & capellam extra muros veteres vrbs Bruxellensis, an. 1136. dono dedit Godefridus Barbatus, Lotharingie ac Brabantie Dux. Ex ea capella postmodum facta est ecclesia parochialis, cognomento Capellenfis, quæ nunc vrbi Bruxellensi est inclusa.

WALTERVS fuit Abbas monasterij S. Auberti, patroni nostri, quod est Canonicoꝝ regulariũ in vrbe Cameracensi.

CONRADVS.) Cùm anno 1125. Henricus V. Imp. Ultraiecti obiisset. LOTHARIVS Dux Saxonum, Euegardo & Romano Legatis Apostolicis procurantibus,
à Ger-

à Germaniæ Episcopis ac proceribus eodem anno est susceptus, & Idibus Septembris Aquisgrani coronatus: vt Anselmus Gemblacensis in Chron. narrat.

LOTHARIO ad Imperium euecto CONRADVS (cuius in hoc diplomate fit mentio) Frederici Sueuorum Ducis, ex Agnete Henrici V. Imp. filia, filius se obiecit, à nonnullis Germaniæ proceribus Imperator salutus. Lothario sub finem anni 1137. defuncto, CONRADVS pacificè Imperium obtinuit, Aquisgrani in Quadragesima an. 1138 coronatus.

CAPVT XC.

*Lietardus Cameracensis Episcopus donat
Canonici ecclesiæ S. Gudilæ
Bruxellensis altare in Melt-
bruck, an. 1134.*

IN nomine sanctæ & indiuiduæ Trinitatis. LIT-
TARDVS gratia Dei Cameracensis Episcopus tam
futuris quàm præsentibus in perpetuum.

BONORVM iusta petitio cùm sit exaudienda, & per temporalia bona æterna promerenda, petitioni bonorum honestum duxi acquiescere, & pro æternalibus quædam mea temporalia dimittere. Altare siquidem, quod est in *Meltbruck*, omni personatu liberum, tradidi *Brucella* in oratorio S. MICHAELIS Archangeli, & gloriosæ virginis GVDILÆ quiescentis

ibidem, absque personarum mutatione, in perpetuum pro mea salute, Canonikorū XIV. ibidem famulantium satisfaciens petitioni: ne tamen redditus Cameracensis Ecclesia imminueretur, excepi.

Ut autem quod feci ratum permaneret, & Congregatio prædicta pacificè altare obtineret, banno confirmavi, & sub anathemate, ne aliquis ad hoc conturbandum vel subuertendum exurgeret, interdixi. Huius facti testium nomina subsignauimus.

Signum Theoderici Archidiaconi.

S. Gerardi Archidiaconi.

S. Balduini Decani.

S. Alexandri Decani.

S. Motini. S. Mionis magistri.

S. Gualteri magistri.

S. Guilelmi sacerdotis.

S. Fromoldi sacerdotis.

S. Gualteri Capellani.

1134. Hoc autem actum est BRVCELLAE anno Dominicæ incarnationis M.CXXXIV. Indictione X. anno præfulatus Domini LITTARDI III. CODEFRIDO Duce fines Lotharingæ obtinente & LOTHARIO imperante.

EGO GVIRENBALDVS Cancellarius subscripsi.

NOTATIO.

ISTVD Liehardi diploma, ex autographo (quod Canonici Bruxellenses adseruant) à me fideliter descriptum, Burchardiano visum fuit subnectere, vt habeant eruditi, quod de annis vtriusque Antiquitatis expendant.

CAP.

CAPVT XCI.

*Godefridus Barbatuſ, Loth. & Brab.
Dux, an. 1133. fundat Bigardiam
maiores, qua eſt Abbatia mo-
nialium Benedictinarum,
prope Bruxellas.*

IN nomine ſanctæ & indiuiduę Trinitatis, GODEFRIDVS, diuina miſeratione, Dux & Marchio Lotharingę, & Comes Louanij, omnibus tam præſentibus, quàm futuris in perpetuum. Admonet nos Scripturę diuinę pagina, dicens: *Bene fac iuſto & inuenies retributionē magnam, & ſi non ab ipſo, certē à Domino.*

EAPROPTER ego magnę illius retributionis partē, inuenire deſiderans, hiſ qui in hoc ſæculo, ſecundū iudiciū humanum, iuſti iudicabuntur, bene facere diſpoſui, vt eorum orationibus æternam apud Deum mercedem poſſim adipiſci. Locum igitur quendam deſertum, in meo alodio ſitum, qui BIGARDIS dicitur, ancillis Dei WIVINAE & EMVVARAE libera deuotione contradidi, vt quidquid in Deo ſeruientiū merito accreſceret, meę & ſucceſſorū meorū ſaluti proficeret.

ET quia bonis initijs ipſe cooperari ſolet, qui totius boni initium & perfectio eſt, cœpit idem locus & ſo-
rorum

rorum numero, & possessionum augmento succrescere; cuius ego congaudens profectus, & prospiciens utilitati, fororum ibi congregatarum voluntate, assensu, & petitione, locum ipsum, cum omnibus suis pertinentijs, cœnobio Hasligimensi subieci, & Abbati regendum commisi, ut ipsius providentia & interior ancillarum Dei status ordinetur, & exterior substantia disponatur.

QVÆCVMQVE verò vel ex meo alodio eis concessi, vel ab alijs acquisita, ut liber Aduocatus, suscepi, Deo & sanctæ eius Genitrici, ad usum fororum libera donatione contrado, & ut in perpetuum rata & inconvulsa permaneant, præsentis privilegij auctoritatem, sigilli mei impressione, & testium ad stipulatione, confirmo. In quibus hæc nominatim designo alodia, in *Anster, Helbeck, Berchem, VVene, Rensele, Beuernc.* Testes autem, ubi locum præfatum ancillis Dei tradidi, hi interfuerunt:

Steppe de Brusella, & frater eius.

/ Walterus Redescot. Lambertus de Craynhem.

Sigerus de Anderlecht. Arnulfus de Asca.

Franco Castellanus. Amalricus de Bigardis.

Franco de Isca, & fratres eius Godefridus & Amalricus.

Walterus de Anslier. Amandus de Brusella.

Cum Abbate commissi fuerunt hi.

Balduinus Decanus de Brusella.

Onulphus presbyter. Ioannes de Anderlecht.

Franco Castellanus. Ingelbertus de Atrio.

Franco Kalo.

Actum est autem anno Dominicæ Incarnationis millesimo centesimo tricesimo tertio, Indictione vndecima.

NOTATIO.

SWIVINA seu Viuina virgo & prima Abbatisſa Bigardienſis an: 1170. obiit, eſtq; è terra eleuata & in feretro collocata an. 1177. per Arnulſum VII. Abbatem Aſſiligemi enſem, iuſſu Alardi Cameracenſis Epiſcopi.

CAPVT XCII.

*Arnulphus, ſeu Arnoldus III. Comes
Loſſenſis fundat Auerbodienſem
Abbatiam, ord. Præmon-
ſtratenſis.*

EGO ARNOLDVS Dei gratia dictus Comes de Los, LVDOLPHO filio meo, eccleſiam S. Mariæ ſanctiq; Ioannis Bapt. in AVERBODIO noſtro alodio fundauimus, & in ea Canonicos Præmonſtratenſis ordinis, ſub regula B. Auguſtini degentes, collocauiſus, quibus omnem terram cum nemoribus, à terminis *Endelberge* uſque ad terminum, qui dicitur *VVhepach*, conceſſimus; eccleſiam ipſam de *Teffenderloe* cum decimis & appendicijs largiti ſumus. Hanc etiam donatione

1135. nationem nostram à patre nostro vniuersalis Ecclesię Põtifice, beatę memorię INNOCENTIO II. firmari fecimus. Acta sunt hæc anno Incarnationis. Dominicę millesimo centesimo tricesimo quinto.

Innocentij II. Papa diploma.

1139. INNOCENTIUS Episcopus seruus seruorum Dei Ecclesiam beatę Marię, sitam in Auerbodio, quam nobilis vir ARNVLPHVS Comes, eiusq; participes, pię donationis intuitu, fundauerūt, sub protectione S. Petri suscipimus, & præsentis priuilegij pagina comunimus. Datum Luterani, anno dominicę Incarnationis millesimo centesimo tricesimo nono, Pontificatus nostri anno decimo.

Alexandri Episcopi Leodiensis diploma.

EGO ALEXANDER Dominici gregis, in Episcopio Leodicensi, humilis custos, notum facio ARNVLPHVS Comes de Los, assensu aliorum nobilium participum suorum, scilicet Arnulphi de Areschot, Arnulphi de Dieft, Cunonis de Repe, & Rodulphi Abbatis monasterij S. Trudonis, alodium, quod nominatur AVERBODIVM, ad honorem Christi dedit pro salute animę suę

Hoc autem in diebus nostris stabilitū est, me teste, me præsentem, temporibus LOTHARII Imperatoris, BRUNONIS Archiepiscopi Colonienfis, PAGANI Ducis Limburgensis & GODEFRIDI Comitis Namurcensis.

Stephani Metensis Episcopi diploma.

STEPHANVS diuinā miseratione Metensis Episcopus Terram, quę AVERBODIVM vocatur, vsque ad hæc tempora, solis latronum & prædonum spurcitijs, rapinis ac homicidijs vacantem, in qua, cum alijs viris nobilibus, portionem aliquam Ecclesia S. Trudonis habuit, consensu RODVLPHI eiusdem ecclesię Abbatis, ecclesię S. Ioannis Baptistę, quę inibi fundata est, liberè possidendam contradidimus. Huic nostrę tradi-

traditioni assensum præbuerunt Aduocati ecclesię S. Trudonis, WALERANVS Dux & Marchio Lotharingę, & GISBERTVS de Durachio. Testes adhibiti,

Bruno Colonienfis Archiepiscopus.

Albero Episcopus Leodicenſis.

Comes Godetrīdus de Namurco.

Arnoldus de Los.

Lambertus de Monte acuto.

Actum anno Incarnationis Verbi millesimo cen- 1136.
tesimo tricesimo sexto.

Philippi A. Colonienſis diploma.

PHILIPPVS Dei gratia Colonienſis Archiepiscopus dilectis in Christo Fratribus, STIPPONI Abbati, & toti conuentui in AVERBODIO..... Domum vestram in Auerbodio, quam licet possessione tenuem, deuotione tamen inuenimus locupletem, in protectione nostra suscipimus.

NOMINATIM autem ius patronatus ecclesię de *Tessenderlo*, à Comite de Los vobis collatę, similiter ius ecclesię de *Theſſolt*, item quidquid pertinet ad curiam vestram de *Cheiserbuch*, item beneficium quod contulit vobis GERARDVS Comes de Los in *Tessenderlo*, præsentis scripti patrocinio confirmamus. Datum in Auerbodio, pontificatus nostri anno decimo octauo.

NOTATIONES.

AVERBODIVM in Brabantia & Leodienſis agri confinibus situm est: Abbas tamen in comitijs Ordinum Brabantię suum habet locum.
ARNVLPHVS) Comes Loffenſis diploma
Henrici IV. Imp. signauit, supra à me productum.

Sf 2 CAP.

CAPVT XCIII

S. Foillani monasterium incohatur , prope Rodium Hannoniæ opidum, Burchardo Cameracensi Episcopo dotante, & ecclesias aliquot parochiales an. 1125. attribuyente.

Id Nicolaus Burchardi successor, an. 1137. confirmavit.

BURCHARDVS permissione diuina humilis Episcopus Cameracensis dono ad augmentum cultus diuini, in sacello de SENOPHE, sito in loco martyrij S. FOILLANI, altaria de Strepij, Serefle, Espinon, Mignan, de Crois, Varlers, Derkenne, & Trunere, vt ex ijs viuere possint fratres, è Fossensi ecclesia sumpti. Et si contingat locum hunc ad Abbatialem dignitatem euehi, volo vt Abbas canonicè electus, pastorem deferat ad Capitulum ecclesiæ Fossensis, & soluant quotannis eidem Capitulo denarium aureum vnum, aut denarios argenteos XII. Datum in SENOPHE anno millesimo centesimo vicesimo quinto.

Ni-

Nicolai Cameracensis Episcopi confirmatio.

IN nomine sanctę & indiuiduę Trinitatis, ego NICOLAVS, Dei gratia Cameracensium Episcopus, tam futuris quàm præsentibus in perpetuum salutem. Cū nostri ordinis sublimitas, imò omnium fidelium salus exigat, bene facta aliorum diligere & approbare, laudamus & qua possumus officij nostri auctoritate corroboramus piam deuotionem & benefactum prædecessoris nostri domini BURCHARDI. Qui Apostoli verba retractans, dicentis, *Dum tempus habemus, operemur bonum ad omnes, maximè autem ad domesticos fidei*, ob animę suę salutem, & beati martyris FOILLANI meritum, frequenti & honestę petitioni Ecclesię Fossensis condescendens, quę de emācipatione & honorificentia illius loci erat, in quo prædictus martyr passus fuerat, suarum personarum communicato consilio, locum illum sacri sanguinis illius vnda respersum, & frequenti miraculorum luce perspicuum, vbi & capella in honorem illius sita erat, emancipauit; & tam ipsum, quàm altare de *Strepy* cum omnibus suis appendicijs, seu & altare de *Archenne* prope *Niellam*, item & altare *VVallers*, & capellam *Borle Fontaine* beato martyri Foillano, & Ecclesię Fossensi, super sanctissimum ipsius corpus, quod ibidem ad hoc perficiendum, cum plurimis Sanctorum corporibus delatum erat, contradidit, ad vsus siquidem fratrum qui in eodem loco in silua, quę *CHERBONTIRENSIS* dicitur, sub regulari habitu & ordine, Deo & B. martyri Foillano deseruirent.

QVIA verò istud non sine aliquo labore & multimoda expensā Ecclesię Fossensis factum est, ut aliquid honoris & respectus capiti & membro, prout iustum est, proueniret, statuit etiam ut singulis annis Ecclesia illa Cherbonirensis Ecclesię Fossensi, in dedicatione eiusdem, aureum numinum, vel XII. nummos censualiter solueret: & si locus ille meritis

B. Foillani & fratrū religione aded multiplicaretur, vt loci facultas Abbatem exigeret, & conuentus ille Abbatem sibi canonicè eligeret, electumque Cameracum ad consecrandum perduceret; consecratus Fossas, ad accipiendum pastorale baculum ab altari B. martyris Foillani, & adrenouandas societates & confraternitates veniret, & eo defuncto prædictum baculum Fossas super idem altare, inde iterum suo tempore à successore recipiendum, Fraternitas remitteret.

Hoc autem tam rationabile institutum, quod Deo annuente à præmemorato antecessore nostro factum est, vt ratum & inconuulsum permaneat, ego NiCOLAVS, Dei gratia eius successor, & Cameracensium Episcopus, approbo, & qua possum officij mei auctoritate & sigilli impressione, & personarum mearum canonica ad stipulatione corroboro, Dei gratiam & pacem concedens conseruatoribus, terribilem maledictionē & iram tremendi iudicij promulgans præuaricatoribus. Actum anno Incarnationis Domini millesimo centesimo tricesimo septimo.

4137.

NOTATIO.

CHERBONIRENSIS id est, Carbonaria silua, veteribus nota, hodie magna est pars Hannoniæ. Rodium, *Roux*, opidum gentis Croyæ, Comitatus titulo ab anno 1530. inclauit. Huic adiacet Abbatia S. Foillani martyris: de quo in Fastis nostris egimus.

CAP.

CAPVT XCIV.

*Iuanus Comes Aloftanus, eiusque vxor
Laureta, Theoderici Flandria Co-
mitis filia, an. 1139. dotant
Truncinienſem ord. Præ-
monſtratenſis Abba-
tiam, prope Gan-
dauum.*

IN nomine ſanctæ & indiuiduæ Trinitatis,
ego IWANVS DE GAND. Quoniã plurima
niſi ſcripta fuerint, à memoria elabuntur
& reuolutione temporum in obliuionem
rediguntur, neceſſe eſt litteris notari, quod
poſtmodum expedit reminiſci.

NOTVM igitur facio tam futuris quàm præſentibus,
quodd alodium meum in villa, quam BURST vocant, ſeu
quidquid iuris inibi erat, excepta mancipatione ſer-
uorum, ab omni noſtra vel laica poteſtate omnimodo *Drongen.*
mancipatum, pro amplificando Dei nominis & laudis
honore, ad vſum fratrum Trunchinienſis eccleſiæ,
Præmonſtratenſem ordinem profitentium, Deo ſan-
ctæque Mariæ genitrici ſuæ, perpetuæ Virgini, quæ
loco præfato præſidet, liberè tradidi, vnà cum vxoris
meæ

- S. Oilardi, & fratris eius Theoderici de
Niueia.
S. Henrici patruelis eorundem.
S. Willelmi de Viua.
S. Gerardi, & fratris eius Hugonis.
S. Gernasij. S. Hugonis de Affne.

Actum TRANCHINIS anno millesimo centesimo
tricesimo nono Incarnationis Dominice, Indictione 1139.
II. Epacta XVIII. Concurrente VI X Kal. Octobris.

CAPVT XCV.

*Conradus Imp. an. 1145. confirmat
Marſnam, & alia prædia mona-
ſterio S. Remigij Remenſis
donata.*

IN nomine sanctæ & indiuiduæ Trinita-
tis. CONRADVS diuina fauente clementia
Romanorum Rex secundus.
NE damnosa in posterum quod actum
est deleret obliuio, scripto memoriali
commisimus, qualiter dominus Ono venerabilis
Abbas S. Remigij confessoris & Francorum Apo-
stoli, nostram præsentiam apud Tractum vltius
visitauerit, & possessiones ecclesiæ suæ, quæ in regno
nostro adiacent, nostro petierit priuilegio confirmari,
Marſnam videlicet cum omnibus appendicijs suis.
T c *Ilerta,*

Herta, Cluma, Lita, Angledura, Becca, præbē das quoque Marſnēſes in vſus monachorū, decedentibus clericis, tranſmutatas. Nos itaque tam religioſi viri petitionibus diligenter obtemperauimus, & tam poſſeſſiones ſupradictas, quā præbendas in vſus monaſticos conuerſas Regiæ Maieſtatis ſigillo corroborauiſus.

Hoc etiam latere poſteros nolumus, quod ſingula eccleſiæ S. Remigij priuilegia, in præſatis poſſeſſionibus, n ullum ſpecialiter Aduocatum determinant, niſi Regem Romanorum. Noſtræ ſiquidem diſcretionis eſt, legaliter prouidere tam legitimum monachis Aduocatum, qui potiùs prodeſſe nouerit, quā obefſe, potiùs alodium tueri, quā vaſtare. Stabilitū equidem & ordine iudiciario in noſtra curia adiudicatū, quid Aduocatiz debeat.

In talibus ſcilicet placitis generalibus, quotānis ſeruitium determinatum, tertiam partem pecuniæ, in talibus placitis generabilibus acquiſita, recipiet Aduocatus. Villicos miniſteriales, & Scabinos ponere vel deponere poterit Prepoſitus Marſnenſis, ſine Aduocato. De redditibus S. Remigij, per Villicum & Scabinos, placitabit Prepoſitus, ſine Aduocato. Si effuſio ſanguinis, ſeu banni infraſcriptio, ſeu latrocinium infra alodiū emerſerint, placitare non poterit Prepoſitus ſine Aduocato; & exinde tertiam partem recipiet Aduocatus. Exactiones, tallias, quas quidā precarias vel petitiones nominant, vel accubitus vaſtatorios, regia cenſura contradicit penitus Aduocato.

Becc.

Si infra alodiū terra culta vel inculta, molendina ab heredibus emancipata fuerint, monachi in vſus ſuos libere ſibi vendicabunt ſine Aduocato. Siluas, fruteta, & dumos, ſub cenſu annuali, Prepoſitus ad commodum Eccleſiæ, quibullibet tradere poterit ſine Aduocato.

QVTCVMQVE igitur hanc Aduocatiz determinationem auſu temerario, quod abſit, infringere tentauerit,

tauerit, centū libras auri purissimi componat, dimidietatem Cameræ nostræ, & reliquam partem prædictæ S. Remigij ecclesiæ. Et vt hæc verius credatur, & omni deinceps tempore in conuulsa seruentur, hæc inde chartam scribi, & sigilli nostri impressione insigniri iussimus, manuque propria, vt infra videtur, corroborantes, idoneos testes subternotari fecimus. Quorum nomina sunt hæc:

Hartbertus Traiectensis Episcopus.

Anselmus Havelburgensis Episcopus.

Cunradus frater noster, Traiectensis Præpositus.

Henricus Comes de Gelre.

Hermannus Comes de Cuick, & frater eius
Comes Godefridus.

Adelbertus Comes de Noruenick.

Marquardus de Crumbach.

Walterus de Louenhufen.

Libertus de Spileberck.

SIGNVM domini CUNRADI Romanorum Regis secundum.

EGO ARNOLDVS Cancellarius, vice HEINRICI Moguntini Archiepiscopi & Archicancellarij, recognoui, anno Dominice Incarnationis M. C. XLV. Indictione octaua, regnante Cūrado Romanorū Rege II. anno verò regni eius octauo. Data est apud vltimus Traiectum, in Christo feliciter Amen.

1145.
Trecht.

consilio, damna plurima rebus intulisse, hominibus meis præfatam Dei domum iniuste conturbantibus, nec, ut debui, restituisse, nec iniuriam pro potestate vindicasse.

CIVIS facti tandem pœnitens, & iudicium Dei metuens, inito sapientum hominum meorum & religiosorum virorum consilio, pacem & indulgentiam reatus mei humiliter quaesivi ac impetraui, Hæc ille cum hominibus mei veni, ductus in ecclesiam, coram altari S. Petri satisfactionem feci, & omnem emendationem coram Deo & ministris eius, & omni congregatione promissi.

SILVAM meam, quæ *Hokerda* vocatur, pro anima mea ac parentum meorum, in restitutionem damni & eleemolynam liberaliter ecclesiæ contuli. Terram adjacentem, tam fratrum quam aliorum circummanentium vsui delegavi. Hanc communi placito duo nobiles viri, *Stephannus de Boular* & *Herbertus de Dèrregem*, ad opus ecclesiæ in manus susceperunt, testes in perpetuum legitimæ donationis futuri.

SILVAM fratrum apud *Ordengem*, quam seculari potentia vendi & succidi prohibui, omni voluntati eorum, potestati, utilitati, sepefita mea potestate, concessi. Volo etiam, ut in omni terra potestatis meæ honor ac fidelitas præfatæ ecclesiæ integrè custodiat. Rebus ac familiæ ipsius pax inuiolabilis ab omnibus hominibus meis teneatur, & fratribus iusta desiderantibus, quod iustum est offerentibus, iniustitiam fieri à quoquam hominum in ditione mea omnino prohibeo. Familiam ecclesiæ in pace & defensione, quam pater meus & auunculus tenuerunt, custodire decreui, & ab omni exactione liberam reddidi: excepto, si quis eorum aliquid possideat, quod publico debito subiacere debeat.

Ut hæc igitur rata & inconuulsa permaneant, nec vlla successorum meorum vel quorumlibet hominum importunitate infringi valeant, scripto anno-

CAPVT XCVII.

Conuentio facta an. 1179. inter Godefridum Brabantia Ducem, & Philippum Flandria Comitem, super matrimonio, quod Henricus, Godefridi filius, cum Mathilde, Philippi nepte, contraxit.

HÆc est conuentio facta, inter Comitem Flandriæ PHILIPPVM, & Ducem Louaniæ GODEFRIDVM, super contractu matrimonij HENRICI filij Ducis, & MATHILDIS neptis Comitis, quæ scripto commendata est, ne memoriæ nouerca obliuione possit offuscari in posterum.

SCIANT itaque omnes & singuli, quodd Dux GODEFRIDVS dedit HENRICO filio suo, ad dotandam inde MATHILDEM neptem Comitis, Brussellam cum castello, hominijs, & omnibus pertinentijs, Viluordā cū hominijs & omnibus pertinentijs, Leuua cum hominijs, & omnibus pertinentijs, Vcclā, & Rusehbroc cum hominijs, & omnibus pertinentijs, & quidquid Dux habet inter Sonnam & Flandriam.

F. Sennam.

HENRICVS autem, assensu patris sui, & suorum hominum

minum consilio, dedit hæc omnia prænotata in dotem Mathildis, antequam ei nuberet: hac interposita conditione, quòd si contigerit Henricum mori absque herede, vel etiam relicto post se herede aliquo, dotem illam possidebit Mathildis libere & absolutè tota vita sua. Si verò Mathildis decesserit non suscepto herede ex Henrico, Comes Flandriæ tenebit Brussellam, quotusque ei reddantur mille & quingentæ libræ Flandrensis monetæ, quas dedit Duci.

ILLUD quoque sciendum, quod si Henricus plùs vixerit quam Dux pater eius, succedet ei in Ducatum tanquam heres suus, & omnia ad eum devoluentur iure hereditario: quæ Dux modo possidet, præter Vrtinam & Comitatum de Arschot. Et si forte contigerit Henricum mori ante patrem, heres Henrici, si quem post se reliquerit ex Mathilde sæpe dicta, ita succedet Duci avo suo in Ducatum & omnem possessionem suam, præter Vrtinam & Comitatum de Arschot, sicut Henricus fecisset, si diutius patre vixisset.

Nè quis ergò præsumat in posterum præscriptæ conventioni contraire, & eam aliquatenus calscire, ego GODEFRIDVS Dux Louanæ præsens scriptum sigilli mei auctoritate corroborari, & homines meos in testimonium subscribi præcepi, qui ex præcepto meo fidem suam dederunt, quòd ista omnia, quæ in isto continentur chyrographo, rata & inconvulsa observabuntur: ita quod si ea, quod absit, infringere attètauerint, ipsi & omnia sua cum Comite Flandriæ & in ipsius auxilium remanebunt. Sunt autem isti,

Arnout Dapifer de Rotflar.

Arnout de Velpe. Inieramus de Orbais.

Reinerus de Gate. Willelmus de Eirbeka.

Castellanus de Brutèlla.

Walterus de A. Arnout de Bigarda.

Gerardus de Grembergis. Walterus Bertout.

Daniel de Craienhem. Reinerus Ruschbusci.

Willelmus frater eorum. Henricus de Ascha.

Got-

Gotsuinus de Adenghem. Ingelbertus frater
eius.

Osto de Trasennies. Walterus de Bolthem.

Gotsuinus de Leue. Pollart.

Alardus Rapa. Gotsuinus de Saudenten.

Hawel de Hobuse. Henricus de Scoten.

Scabini omnes cum pracone Waltero, & quàm-
plures burgensium de Brusella & meliores.

Actum prius Andwerpię, & postea consummatum
Brusellę, anno Domini M.C.LXXIX.

1179.

NOTATIONES.

CONVENTIONEM hanc descripsi ex autographo
pergamenico, cui appensum est sigillum Go-
defridi Ducis, hac inscriptione: *Godefridus*
Dei gratia Dux Lotharingę. Sigillo impressa est
effigies equitis armati, sinistra scutum tenentis.

(V. RTINA) *Orten.* nisi fallor, hodie Silua Ducis.
vrbs Brabantię episcopalis, an. 1184. condita a Gode-
frido III. Brab. Duce.

Vv

CAP.

CAPVT XCVIII.

*Baldvinus , Comes Hannonia &
 Marchio Namurci, fundat ac do-
 tat altare in Montensi S.
 Walde trudis basilica,
 an. 1195.*

NOS MARGARETA, Flandriæ & Hanno-
 niæ Comitiſſa, notum facimus vniuer-
 ſis, quod nos litteras piæ recordationis
 BALDVINI quodam Comitis Hannoniæ,
 Marchionis primi Namurcenſis, proavi
 mei, non cancellatas, nec abolitas, nec in aliqua ſui
 parte vitatas ſigillo ipſius ſigillatas vidimus, in hac
 forma.

NOTUM ſit vniuerſis Chriſti fidelibus tam præſen-
 tibus quam futuris, quod BALDVINVS Comes Hanno-
 niæ, Marchio primus Namurcenſis, Balduini Co-
 mitis & Alæidis Comitiſſæ filius, vxorem habuit no-
 biliffimam Margaretam, Theoderici Comitis Flan-
 diæ filiam, Philippi potentiffimi Flandriæ, & Viro-
 mandæ ſororē, de qua filios habuit milites strenuos,
 Balduinum ſcilicet primogenitum, Philippum medi-
 um, Henricum tertium, & filias. quarum vna fuit
 Elizabeth glorioſiſſima Francorū Regina, Philippo
 illuſtri Francorū Regi deſponſata.

PHILIPPO quoque Flādiæ & Viromandix Comite
 de-

defuncto, ipse Balduinus, cum Margareta vxore sua, Principum Flandriæ per aliquot annos possedit. Idemq; Balduinus, ex parte matris suæ Aleidis, & auunculi sui Henrici, Namurci & Luxemborch Comitum, iure Namurcum adeptus fuit. Vnde ipse Balduinus ab Henrico Romanorum Imperatore, Frederici Imperatoris filio, factus fuit Marchio Namurcensis & Princeps Imperij: a quo etiam Henrico Imperatore Balduinus prædictus filius eius, in militem tuit ordinatus: Defuncta autem Margareta prædicta, ipsa Brugis in monasterio S. Donatiani sepulta fuit, cui in hereditate & Comitatu Flandrensi succeffit supradictus filius eius Balduinus. Balduinus autem, iure ipsius Margarete, ad Comitatum suum Hannoniensem, & ad Marchiam Namurcensem, relicta filio Flandria, redijt.

Hic quidem Balduinus Comes Hannoniæ, Marchio Namurcensis, vir animosus & magis discretioris, & miræ memoriæ, salutis animæ suæ volens prodere, instituit in Montensi ecclesia, in medio monasterij B. Waldetrudis, altare in honorem B. Iacobi Apostoli, fratris, inquam, B. Iohannis Euangelistæ: in quo quaque die in perpetuum Missa, quam ecclesiasticus ordo pro fidelibus defunctis celebrari instituit, pro animæ eius salute celebrabitur.

Sacerdos autem, qui ad hæc complenda à domino Comite supradicto & eius successoribus, qui Comitatum Hannoniæ tenebunt, semper instituetur, saluo iure Canoniorum S. Germani in Offertorijs, xv. modios segetis, in parte decimæ Conitis apud Lessinas annuatim habebit, medietatem scilicet meruagij, & medietatem auenæ. In quarum celebratione Missarum propriæ, tam in Collectis, quàm in Secretis & Postcommunionibus, pro ipso Comite dicentur orationes: Missa autem illa semper ante sonitum horæ primæ celebrabitur. Ille autem sacerdos in procensionibus & alijs officijs ecclesiæ B. Waldetrudis, in

maioribus solemnitatibus anni erit: qui quidem sacerdos de plenario Missarum complemento & de iure Canonorum prædictorum conseruando, iuramentum præstabit.

Ad hæc ecclesia B. Waldetrudis, intuitu caritatis & maioris dilectionis, concessit supradicto Comiti, quoddam quoque die Lunæ, post eius decessum, ante ipsū altare S. Iacobi, (ante quod quidē altare ipse Comes, vbicumque locorum cum mori contigerit, corpus suum sepeliri disposuit,) Missa conuentualis cum prædicto sacerdote, adhibitis quoque diacono & subdiacono, ante horam primam cantabitur: diaconus autem & subdiaconus ecclesiæ, qui ad Missam tenebuntur, quaque die Lunæ in festos. Andree annuatim in censibus de *Lesinas* viginti solidos à Comite Han-none, quos æqualiter diuident inter se, habebunt.

In Anniuersario autem supradicti Comitis cum summa veneratione celebrando, ecclesia B. Waldetrudis annuatim in festo S. Andree, in censibus domini Comitis apud *Lesinas* LX. solidos denariorū habebit, præter illas sex libras, quas ipsa ecclesia in ipsidem censibus pro concambio *Braine Villotte* habebat antea, & præter quinque solidos, quos pro decima de *Trenort* habebat. Illi autē sex solidi in Anniuersario tali distinctione distribuentur, quoddam quisque Canonicus vel Canonica B. Waldetrudis, & quisque Canonicus S. Germani, in Vigilijs anniuersarijs quattuor denarios. in Missa verò sex denarios habebit: quisque autem sacerdos vsque ad duodecim, qui nō fuerit Canonicus S. Waldetrudis vel S. Germani, in ecclesijs Montensibus diuina celebrans, tam in monasterijs quā in capellis, scilicet B. Waldetrudis & S. Germani, & S. Petri, S. Andree, S. Seruatiij & Leproforum, & de *Bertaimont*, duos denarios in Vigilijs, & quattuor in Missa habebit: Pullatores campanarum sex denarios: in luminare autem duo solidi, & in Offertorium sex denarij conuertentur.

Rector

Rector verò scholarum, si non fuerit Canonicus, quatuor in Vigilijs, & quattuor in Missa denarios habebit.

Si quis autem Canonicus vel Canonica in Vigilijs vel Missa defuit, nihil portionis habebit: non o pro præbenda impignorata, vel ad censum data præbenda portionem istam perdere debet: qui etiam ad negotia Ecclesiæ missus fuit, vel infirmitate detentus, portionem suam percipere debet. Quisquis autem sacerdos, exceptus prædictis, tres denarios, diaconus verò quisque & subdiaconus duos denarios & de alijs clericis quisque vnum denarium habebit: si quid in reservum fuit, in ecclesiam distribuetur.

Ut autem hæc omnia rata permaneant, scripto chyrographis iusto commendata sunt: cuius quidem scripti medietatem, sigillo supradicti Comitis Hannoniæ & Marchionis Namurcensis roboratam, ecclesia B. Waldetrudis sibi referunt, aliam verò scripti medietatem, sigillo B. Waldetrudis signatam, saepe nominatus Comes sibi retinuit. Testes,

Dominus Balduinus Camberonensis,

Dominus Hugo S. Gislens,

Dominus Bartolomeus S. Dionysij in

Broqueria,

Dominus Abraham Maricolenfis,

Dominus Nicolaus S. Foillani,

Dominus Wedricus S. Ioannis Valencenensis:

Abbates.

De hominibus Comitatus.

HENRICVS & GUILIELMVS, fratres eius.

Nicolaus de Barbencione. Eustatius de Lene.

Rogerus de Condato.

Gislebertus Præpositus S. Germani Montensis.

De ecclesiis vero testes.

Nicolaus Cameracensis Archidiaconus, ipsius ecclesiæ Præpositus.

Gislebertus prædictus, ipsius ecclesiæ Vicepræpositus

positus & Custos.
 Rainerus Decanus & Scholarius S Germani.
 Nicolaus Narra. Nicolaus du Suarj:
 Romundus Willems, Canonici.
 SARA Decana.
 Elizabeth de Abechies.
 Sara de Hain.
 Hedudis de Villa.
 Mainfendis de Frasne.
 Hauwidis Pierdocem. Maria & Beatrix de Him.
 Hauwidis de Gara. Mathildis & Agnès de Fontanis.
 Bertha & Maria de Quernon. Gerla de Horuets.
 & Canonici alii multi.

1195.

ACTVM mense Decembri in Conceptione gloriose virginis Mariæ, anno Dominicæ incarnationis MCLXXXV.

ITEM vidimus litteras claræ memoriæ BALDVINI quondam Flandriæ & Hannoniæ Comitis, avi nostri, sigillo ipsius sigillatas, suas & integras, in hac verbis.

EGO BALDVINVS, Flandriæ & Hannoniæ Comes, Balduini Comitis Hannonicæ, & primi Marchionis Namurcensis filius, vniuersorum Christi fidelium, tam modernorum quam posterorum descriptioni dignum duxi significare, quod bona patris mei bonæ recordationis, Comitis Hannoniensis & primi Marchionis Namurcensis, vestigia sequi intendens, bona ipsius facta circa Montensæ ecclesiâ B. Walde-trudis recognoscere, & eidem ecclesiâ tam affectu quam effectu confirmare decreui.

PATER quidē meus bonæ recordationis, vir Christianissimus, Princeps illustris ac potentissimus, dū in saculo viueret, salutis animæ suæ volens providere, Montibus in monasterio B. Walde-trudis, quando-cumque & etiam vbicumque decederet, corpus suū sepeliri petijt, & ante sepulcrū suū altare in honorem S. Iacobi Apostoli, fratris B. Ioannis Euangelistæ

geliste in illi tui ordinavit, ut ibi perpetuò divina celebrantur pro salute animarum suarum, scilicet in Missa, quam ecclesiasticus ordo pro fidelibus defunctis celebrari ordinavit.

SACERDOS autem ad hæc complenda à quolibet Comite Hannoniæ semper instituitur, iuxta iure Canonicoꝝ B. Germani, in suis Officiis, salvo etiam officio ecclesiastico, quod & Canonici S. Germani & eorū Capellani debent B. Waldetrudi. Vnde sacerdos ille super complemento prædictorum iuramentū in sui institutione præstabit.

DEINDE statutum fuit & firmatum, ne harū Missarum ordinatio, ex negligētia seu avaritia (quod absit) aliquatenus postponatur vel mutetur in posterū, quod illa Missa quæ pro animabus debet celebrari, semper prima & cum Prosa & veneratione celebrabitur, & in quaque Missa primæ orationes tam in Collectis quam Secretis & Postcommunibus propriæ & speciales pro anima patris mei dicentur. Si autē in Missarū illarum officio sacerdotē percepero negligētē, licebit mihi eum amovere & alium instituere.

A Missis illis excipiuntur dies quidam in anno, scilicet dies in Cēna Domini & in Parasceue, & in vigilia Paschæ, octo dies Paschæ, in quibus quaque die Missam *Resurrexi* cantabit sacerdos ille, & dies Ascensionis Domini, & prima dies Pentecostes, & diēs festus omniū Sanctorum, & prima dies Natalis Domini. In Purificatione autem B. Mariæ & eius Annūtiatione, & Assumptione, & Nativitate, Missæ de B. Maria præcedent, & pro fidelibus defunctis Missæ sequentur. Ille autem sacerdos annuatim quindē modios segetis in parte decima domini Comitris Hannoniensis apud *Istimas* habebit, medietatem scilicet merugij, & medietatem avenæ.

AD hæc Ecclesia B. Waldetrudis, intuitu caritatis & maioris dilectionis, quam erga eundem Principē suum gerebat, concessit sæpe dicto Comiti, quod quicque

quaque die Lunæ post eius decessum, ad ipsum altare B. Iacobi Missam conuentuilem, cum prædicto sacerdote, adhibitis quoque diacono & subdiacono, celebrabit. Diaconus quoque & subdiaconus, qui ad hæc implenda instituētur, viginti solidos quoque anno in festo S. Andree, in censibus domini Comitis apud *Lesinas* habebunt, quos æqualiter inter se diuident.

Ad hæc statutum est, vt in illa Missa, quæ pro fidelibus defunctis celebrabitur, ex custodia ecclesiæ cereus vnus accendatur: quaque die Lunæ, cum à conuentu ecclesiæ Missa celebrabitur ibidē pro defunctis, duo cerei accendentur.

In Anniversario autem spediētis Comitis cū summa veneratione celebrādo, ecclesia B. Waldetrudis annuatim in festo S. Andree in censibus Domini Comitis apud *Lesinas* sexaginta solidos denariorum habebit, præter illas sex libras, quas ipsa Ecclesia in eisdem censibus pro concambio *Braue Pithore* habebat antea, & præter quinque solidos, quos pro decima de *Tronchoit* habebat. Spediētus autem pater meus hæc omnia Montenſi ecclesiæ plenius confirmauit: quo defuncto, iuxta suam antea factam petitionem, corpus eius in prædicto loco sepultum fuit: ante cuius sepulcrum altare B. Iacobi constructū fuit. Ego verò hæc prælibata elemosynarum benefacta volens rata obseruari, eidem Montenſi ecclesiæ, cum solemni approbatione scripto commendata, & sigilli mei appositione roborata & testibus subscriptis signata, confirmaui. Testes.

MARIA Flandriæ & Hannoniæ Comitissa, ipsius Comitis vxor.

PHILIPPVS & HENRICVS, fratres eiusdem Comitis.

HENRICVS & GVILIELMVS, patrui eiusdem Comitis.

Nicolaus de Rues, Cameracēsis Archidiaconus, ipsius Ecclesiæ Præpositus.

Gis-

Gislebertus Prapositus S. Germani, eiusdem
ecclesiæ Custos

Nicolaus de Barbancione. Eustachius de Lens.

Goswinus Prapositus Sonegienſis.

Balduinus Custos Sonegienſis

Henricus Montēſis Caſtellanus. Ioannes Rufus

Villicus de Leſtinis, & quàm plures alij Do-
mini Comitis fideles.

Actum menſe Februario anno Dominicę incarna- 1195.
tionis MC.LXXXXV.

Nos autem MARGARETA, Flandriæ & Hannoniæ
Comitiſſa ſuperius nominata, omnia & ſingula ſu-
pradiſſa à meis prædeceſſoribus ſuperius nominatis
conceſſa & confirmata laudamus, approbamus &
confirmamus, & faciemus ea tanquam terræ Han-
noniæ Domina firmiter obſervari, ad hæc, quantum
in nobis eſt, ſucceſſores meos Comites Hannoniæ in
poſterum obligantes. In quorū omnium testimoniū
& munimen præſentes litteras dñæ eccleſiæ S.
Waldetrudis tradidimus, ſigilli noſtri munimine ro- 1266.
boratas. Datum anno, Incarnationis Dominicę mil-
leſimo ducēteſimo ſexageſimo ſexto, menſe Octobri.

XX

CAP.

delibus esse non debeat dubium, quin manus Domini hæc omnia operata est. Nihil speratum à nobis aut promissum antea contigit, sed tunc demum nobis noua Dominus procurauit auxilia, cum nihil humani videretur consilij superesse.

Et quidem si bene meminimus, per litteras Vniuersitati vestræ transmissas, nostri progressus & status narrationem eò usque deduximus, vt vrbe populosa capta, violenter à paucis, tyranno fugato, ac filio Illici ALEXIO coronato, mora nostra permilla foret & ordinata per hiemem, vt potenter obtinerentur, si qui resistere viderentur Alexio; & nunc breuiter narranda suscipimus, quæ postea circa nos contigerunt, eo prænotato, quod sicut opera hominum non fuere sed Dei, quæ Græcis intulimus, ita non hominum opera sed demonum fuere, quæ cum Imperatore nouo Græcorum per omnia Græcia nobis ex perfidia confecta retribuit.

Nos siquidem, ne discordiæ inter nos & Græcos fomitem ministraret moribus nostris aduersa barbaries, de ciuitate exeuntes, ex aduerso ciuitatis, interiacente portu, ad preces Imperatoris castra posuimus; & ex insperata seu innata malitia seu Græcorum seducta perfidia animo recedit à nobis, cui tanta contulimus beneficia, Imperator, & in omnibus, cum patre Patriarcha & mole Nobilium, nobis promissis periurus & mendax, tot incurrit periuria, quot nobis præstitit iuramenta.

Vnde nostro tandem destitutus auxilio, prælia contra nos meditatur in cassum, & in nauigium quod cum adduxerat & sublimauerat ad coronam, procurat incendia: sed voto tam crudeli Deo nos protegente fraudatur, sit per cuncta deterior, & hominum suorum cædes & rapinæ proueniunt, imminente foris pugna, intus timoribus coarctatur, Imperatorem & æmulum parantibus Græcis: ea occasione captata quod nullum ad auxilium nostrum debet habere refugium.

Nihilominus tamen inter quaslibet duas turres seu petraria seu mangonellum erigitur, turribus autem super eriguntur lignæ turres altissimæ stationū sex: super quam supremam stationem aduersum nos porriguntur scale, appodiationes seu propugnacula continētes, paulò minùs excelsis scalarum capitibus, quàm iacere in altum posset arcus à terra. Murū etiā ipsum murus circumcingit inferior, duplexq; fossatum, ne muris vlla applicari valerent ingenia, sub quibus possent latitare fossores.

INTERIM terra mariq; muros tentat perfidus Imperator, nos semper Domino protegente, & suos frustrante conatus. Iam propter ordinationem nostram, ad prædam victualium procul exeuntibus nostris, vsque ad mille animas hominum pugnatorum, Imperator occurrit in multitudine Græcorum, primog; congressu dissipatur omnino, cæsis captisque non paucis, sine damno nostrorum: fuga ignominiosa consulens sibi, clypeum abiecit, arma deponit, & nostris vexillum Imperiale demittit, nobile, quam sibi præferri faciebat, Iconiam, quam Ordini Cisterciensi nostri dedicauere.

ITERATO nauigium nostrum flammis aggreditur, intempestæ noctis silentio, sexdecim naues suas accensas, velis in altum expansis & inferiùs colligatis, ad proram flante fortiter Austro, nostras mittit in naues: sed Domino fauente, cum multo labore nostrorum custodiuius indemnes, & ardentibus nauibus clauis infixis, catenis hærentibus, nostrorū remedio trudentur in pelagus, & ab imminente mortis periculo à Domino liberamur.

Nos igitur terrestrem cum prouocauimus ad pugnam, & ponte atque amne transmissio, qui exercitum nostrum separabat à Græcis, cuneis ordinatis ante portam diu stetimus regiæ ciuitatis & Imperialis palatij, quod *Blacherna* nuncupatur, in nomine Domini agminum Israel, præcedente Cruce viuifica,

parati ad prælium Græcos excipere, si eis placuisset exire. Et quidem pro militum exercitio exeuntem nobilem Græcū quendam nostri prædites trucidarunt Sic in castra reuerſi terra marique præprouocamur, sed dāte Domino ſemper ac triumphaliter obtinemus.

MITTIT ad nos pacis fidei legatos perfidus incubator Imperij, poſulat & optat um Duce colloquium. Cui quidam cum Dux magnanimus obieciſſet, quodd nulla cum eo poſſit eſſe pacis ſecuritas, qui dominum ſuum carceri incluſiſſet, poſt poſita iuriſiurandi religione, & fidei ac fæderis inter eos quantumlibet firmiter obtinentis, ... eidemque bona fide conſuleret, vt dominum ſuum reſtueret, & humiliter veniam poſtularet, noſtras etiam pro ſe permitteret preces: & quodd cum eodem domino ſuo miſericorditer, ſi vellet, agere deberemus, ac quidd quidd contra nos egerat venenose, ſi vellet, rediret ad animum, imputare vellemus ætati lapſus conſilij. Ille vana verba ſubintulit, quia quodd reſponderet rationabiliter, non haberet. Obedientiam autem Romani Pontificis & ſubuentionem Terræ ſanctæ, quodd iuramento & ſcripto Imperiali firmauerat, ALEXIVS adedd reſutauit, vt vitam amittere præcligeret, Græciamque ſubuerſi, quā quodd Latinis Pontificibus Græcia ſubderetur.

NOCTE igitur inſequenti dominum ſuum laqueo ſuffocat in carcere, cum quo ipſo die prandiū ſumpſerat. Inde & claua ferrea, quam tenebat in manu, latera morientis & coſtas inaudita crudelitate conſregit, caſusque vitam, quam caſu extorſerat, conſingit exemptam, ac Imperiali ſepultura conceſſa propalatum omnibus ſcelus funeris honore diſſimulat.

Sic nobis hiems tota perficitur, donec nauibus noſtris ſcalisque apratis, & inſtrumentis bellicis præparatis, nos & noſtra recipientes in nauibus, V. Idus Aprilis, hoc eſt, feria ſexta ante Paſſionem Domini, vnanimiter pro honore ſanctæ Romanæ Eccleſiæ, &
ſub-

subuentione sanctę Terrę, nuali pręlio inuadimus ciuitatem, & sine multo nostrorum sanguine, fuimus tanta percęsi, vt inimicis, nostris in opprobrium verteremur; quorum ea die pars per cuncta superior; adęd vt tracta in terram Gręcis compelleremur nostra bellica instrumenta relinquere, & infecio negotio ad ripam redire cogeremur aduersum, ea die, vt videbamus, inutiliter fatigati.

CONTVRBATI igitur multum & contempti, sed deum in Domino roborati, definito rursum consilio intauramur ad pugnam, &II. Idus Aprilis, hoc est, feria secunda post Passionem Domini, flante Borea, rursum applicamur ad muros, scalis nauium, scalis turrium applicatis, cum multo labore nostrorū, per multum resistentibus Gręcis: sed ex quo cominus gladios sentire nostrorum, non diu belli anceps durauit euentus. Duę siquidem naues pariter colligatę, quę nostros Episcopos Suefionensem & Trecentensem deterebant, quarum erant insignia, *Paradisus & Peregrina*, scalis suis scalas turrium attigerunt, & felici auspicio peregrino & pro Paradiso pugnantes, hostibus admouerunt.

PRIMA muros obtinent vexilla Pontificum, ministriq; cęlestium Sacramętorum prima de cęlo cōceditur victoria: irruentibus verō nostris, Domino iubente, cedit multitudo infinita perpauis, & propugnacula relinquentibus Gręcis, nostri audacter militibus portas aperiunt. Quorum Imperator, qui non procul à muris adstabat, cū armatum conspiceretur ingressum, statim tentoria derelinquit & fugit. Nostri cędibus occupantur, ciuitas capitur populosa, recipiuntur in palatijs Imperialibus, qui nostrorum enses effugerant, multaq; cęde facta Gręcorum, nostri sese recolligunt. Aduersperascente iam die, arma fessi deponunt, de assultu palatiorum in crastinum tractaturi: suos recolligit Imperator, crastinam hortatur ad pugnam,

pugnam, asserens, quòd nostros in potestate nunc habeat inter murorum septa conclusos: sed nocte late ter dat terga deuictus.

Quo comperto, Græcorum plebs attonita de substituendo Imperatore pertractat, & mane factò ad cuiusdem CONSTANTINI nominationem procedunt pedites, non expectata deliberatione maiorum, ad arma profiliunt: & terga dantibus Græcis, fortissima & munitissima palatia reliquantur, totaq; in momēto ciuitas obtinetur, diripitur: equorum innumera multitudo, auri & argenti, scricarum pretiosarumque vestium, arque gemmarum, & omnium eorum, quæ inter diuitias ab hominibus computantur, tam inæstimabilis abundantia reperitur, vt tanta tota nō videatur possidere Latinitas; & qui admodum pauca negauerant, nobis cuncta diuino consilio reliquerūt; vt securè dicamus, quia maiora his mirabilia, circa bellorum casus, nulla vnquam narret historia: vt impleta Prophetia manifeste videatur in nobis, quæ dicit; *Prosequetur vnus ex vobis centum alienos*: quia si inter singulos victoriam partiamur, quilibet ex nostris non pauciores quàm centum obledit & vicit.

Nunc autem non nobis victoriam vsurpamus. ... sed dextera Dei & brachium veritatis eius reuelatū est in nobis. A Domino factum est istud, & super omnia mirabilia mirabilius est in oculis nostris.

ORDINATIS igitur diligenter, quæ disponenda rerum poscebat euentus, ad electionem Imperatoris vñanimitè & deuotè procedimus, & omni ambitione seclusa, cum sex Baronibus VENETORVM, venerabiles viros Episcopos nostros, Suefionensem, Halberstadiensem, Trecentem, Dominum Bethleemitanum, qui à partibus transmarinis, auctoritate Apostolica, nobis fuerat delegatus, Aconensem electum, & Abbatem Pucedij, Imperatoris nostri sub Domino constituimus Electores. Qui oratione premissa, vt decuit, Dominica *Misericordia Domini*, personam nostram, quod à nostris meritis procul erat,

vnanimiter ac solemniter elegerunt, diuinas laudes clero ac populo pariter acclamante, sequente Dominica, qua *Inbilate* cantatur, præcipiente Petro Apostolo, Regem honorificari, ei que obedire quasi præcellenti, & Euangelio nuntiante, quoddam gaudium nostrum nemo tollet à nobis, cum ingenti honore atque etiam tripudio, more etiam suo applaudentibus Græcis, ad honorem Dei & sanctæ Romanæ Ecclesiæ, ac subuentionem Sanctæ terræ, gloriosè coronatum, ad Imperij fastigia Deo & omnibus amabiles Patres.... Pontifices, cum vniuersorum applausu & pijs lacrimis, sublimi ruit.

ADERANT incolæ Terræ sanctæ, ecclesiasticæ militaresque personæ, quarum præ omnibus inestimabilis erat & gratulabunda lætitia: exhibitum Deo gratius obsequium asserebant, quam si ciuitas sanctæ Christianis esset cultibus restituta; cum ad confusione perpetuam inimicorum Crucis, sanctæ Romanæ Ecclesiæ terræ, quæ Hierosolymitanæ sese ciuitatis regia deuouerat, quæ tandem tam potenter aduersaria itetit & contradixit vtrique.

Hæc est enim, quæ spurcissimo gentilium ritu, pro fraterna societate, sanguinibus alternis ebibitis, cum infidelibus ausi est sapiens amicitias firmare feræ, & eosdem diu mamilla lactauit vberim, & extulit in superbiam sæculorum, arma, naues & vidualia minuitando. Quid e contrario fecit peregrinis, magis edocere sufficiunt in omni genere Latinorum exempla, quàm verba. Hæc est, quæ in odium summi Pontificis, Apostolorum principis nomē u-dire vix poterat, nec vnā inter Græcos eide Ecclesiā credebat, qui omnium ecclesiarū ab ipso Domino accepit principatum, & sicut recens eorum recolit memoriam, qui viderunt, Legatum Apostolicū morte turpissima condēnauit: ita vt pro Apostolici culminis reuerētia, nec ipsam paginam præsentē sustineamus mortis illius recordatione pollui, cum nec inter

martyres legatur vlla consimilis, licet pœnas eorum inuenerit ingeniosa crudelitas.

HAEC est, quæ Christū solis dedicat honore picturis, & inter titulos nefandos, quos sibi spreta Scripturarum auctoritate confixerat, plerumque etiam facere consueuerat lauacri salutaris.... iacturā. Hæc est, quæ Latinos omnes non hominum nomine dignabatur, sed canum; quorum sanguinem effundere penè inter merita reputabant, nec vllam pœnitentiæ satisfactionem præsentabant laicis monachi, penes quos, sacerdotibus spretis, tota ligandi atque soluendi consistebat auctoritas.

HAEC, & eiusmodi deliramenta, quæ epistolaris non valet explanare angustia, impletis iniquitatibus eorum, qui ipsum Dominum ad nauicam prouocabant, diuina Iustitia, nostro ministerio, digna ultione percussit; & expulsis omnibus Deū odientibus, & amantibus sese, terram nobis dedit omniū bonorum copijs affluentem, frumento, vino & oleo stabilitam, fructibus opulentam, nemoribus, aquis, pascuis speciosam ad manendum, & cui simile non continet orbis, aère temperatam.

SED nec in his desideria nostra subsistunt, nec ab humeris nostris sustinebimus vexillum regale deponi, donec terra ipsa incolatu stabilita nostrorum, partes debeamus inuifere transmarinas, & Deo dante propositum peregrinationis explere. Speramus enim in Domino Iesū, quodd qui cœpit in nobis opus bonum, ad laudem & gloriam nominis sui, & inimicorum Crucis depressionem perpetuam, perficiet, confirmabit, solidabitque.

VNIVERSITATEM igitur vestram propensius exoramus in Domino, vt gloriæ huius atque victoriæ, & spei peroptatæ, cuius ostium magnum nobis apertum est, dignemini esse participes. Quod absque vllâ vobis dubitatione continget, si nobiles & ignobiles, cuiuslibet conditionis aut sexus, eisdem desiderijs accensi,
ad

ad veras & immensas diuitias capeſſendas, temporales pariter & æternas, vnanimiter accurratis. Vniuerſis enim, Deo dante, ſufficiamus, quos nobis Chriſtiana Religioſis zelus adduxerit: vniuerſos volumus, ſicut & poſſumus, ſecundùm ſtatus ſuos varietatibusque natalium, & augere diuitijs & honoribus ampliare.

SPECIALITER autem Deo amabiles viros Eccleſiaſticos, cuiuſcunq̃ religionis aut ritus, in Domino poſtulamus, vt ad idem populum Dei potentibus verbis accendant, & exemplis edoceant: ceteruatiim & ipſi venire feſtinent, & morare in locis antiquiſſimis & vberriſſimis, non iam in ſanguine, ſed in multa libertate & pace, omniumque bonorum aſſuentia Eccleſiam plantatam; ſed ſemper, vt decet, in omnibus ſuorum licentia Prælatorum. Valete.

CAPVT C.

*Henricus I. Lotharingia & Brabantia
Dux an. 1206. fundat ac dotat Lo-
uanienſem S. Gertrudis Abba-
tiam, qua eſt Canonicorum -
regularium, nobili ge-
nere ortorum.*

IN nomine ſanctæ & indiuiduæ Trinitatis amen. Sciat vniuerſitas præſentium & poſteriorum, quod ego HENRICVS Dei gratia Dux Lotharingiæ, diuina præordiante prouidentia, volens amplificare

cultum domus Domini , pro salute animæ meæ , & omnium antecessorum meorum , omniumque fidelium , in ecclesia S. GERTRUDIS in Louanio , Canonicos regulares de ordine & vita regularium , institutionis S. Augustini , instituendos , tamquam verus patronus approbauit , consensu & voluntate Præpositi & Canonicorum ecclesiæ S. Petri in Louanio , ad quorum ius ecclesia prænominata spectabat : qui libero consensu eam , ad vsum diuini scruiij , à præfatis Regularibus ibidem in perpetuum obseruandi , tradiderunt.

An prædictorum itaque Regularium sustentationem , contuli stabiliter in eleëmofynam sextam partem totius decimæ de *Landen & Dormala* , illam scilicet partem , quam Daniel de Crainhem diu tenuit sibi pignori obligatam , & filius suus Ægidius , & vsum lignorum in silua mea , quæ dicitur *Merdal* , accipiendorum , ad necessitates eorum , & cū vno plastro tantum , qui vsum in nostro vulgari *Fagus* appellatur.

PRAETEREA liberam eis conféro potestatem , prædictæ ecclesiæ atrium circumcludere sepibus vel muro , si possint , & in eo ipsorum officinas , quæ religiosis competunt , adificare , scilicet Dormitorium & Refectorium , & alia eorum necessaria , & possessiones , quas possunt iuxta se emere , eis indulgeo , ad loci eorum amplificationem , ac dilationem etiam claustralis curiæ. Liberè & plenè cōcedo præfatis Regularibus domistationes , cum curtibz earum , quæ concluduntur inter plateam , quæ dirigitur versus ecclesiam S. Petri & *Tilam* fluuium , & quæ atrio S. Gertrudis continuantur , vt habeant eas in omnimoda plenitudine iuris , qua ego & antecessores mei eas possidebamus , scilicet cum censibus earum , & alijs iustitijs , quæ ipsis domistationibus appendebant.

N^o igitur in dubium veniat in posterum, quæ sunt illæ domistationes, eas nominare expressis vocabulis dignum duxi. Domistatio, quæ fuit antiquitus Ioannis de S. Gertrude, quæ soluit mihi & antecessoribus meis quattuor denarios census, & quæ modò diuisa est in sex mansiones; in mansionem Godefridi de S. Gertrude, & mansionem Arnoboldi Piscatoris, & mansionem Walteri Regis, & mansionem Ioannis Bec de Dieft, & mansionem Henrici de Velthem, & mansionem Arnoldi de Godobolsrode. Item domistatio Walteri Maah, & domistatio proxima atrio.

DEDI etiam potestatem sepedictis Regularibus has domistationes emendi, cum hereditatibus, cum possunt, me non requisito, vel aliquo herede meo, vel aliquo Officiario vel Iudiciario meo, vel successorum meorum.

PRAETER hæc sciant omnes, quòd ipsos Canonicos & omnia bona eis collata, & conferenda à fidelibus, meæ & successorum meorum suppono protectioni, nè aliquis contra eos audeat malignari, & ut perpetua pace gaudeant.

UT autem hæc omnia firmam in Domino stabilitatem obtineant, præsens scriptum confirmari curavi sigilli mei appensione, ut omnis falsitatis calumnia in posterum sopiatur.

Actum anno Dominicæ incarnationis millesimo ducentesimo sexto.

1206.

CAPVT CI.

*Aegidius Bertholdus, Dominus in
Berlar, ex familia toparcharum
Machlinia & Grimberga, an.
1235. fundat Abbatiam S.
Bernardi, ord. Cisterciensis,
prope Antuerpiam.*

IN nomine Patris & Filij & Spiritus sancti. AEGIDIUS BERTHOLDVS, vir nobilis, vniuersis præsens scriptum inspecturis, cognoscere veritatem.

*Agid. de
Berthout.*

*Vremden.
Ouvven.*

VNIVERSITATI vestrae notum fieri cupimus, quòd nos communicato consilio cognatorum & amicorum nostrorum, virorum religiosorum & iurisperitorum, de consensu & voluntate viri nobilis WALTERI BERTHOLDI, domini & consanguinei nostri, quidquid iuris habemus, vel habere possumus in villis de *Vrimede*, de *Millenghem*, de *Brochem*, & de *Oudem*, in terris, molèdinis, pratis, siluis, aquis pascuis, mansionarijs, redditibus siue censibus, aridis, siccis, & rebus alijs (saluis tamen nobis, & successoribus nostris, hominibus feodalibus & familijs, & de sanguine, & huiusmodi iuribus superioribus) liberè & absolute contulimus, in puram eleemosynam, ob remedium animæ nostræ & animarum patris, matris, & prædecessorum nostrorum, in manus Abbatis VILLARIENSIS,

sts, Cisterciensis ordinis, in Brabantia, Leodiensis diocesis, ad fundandum monasterium monachorum eiusdem ordinis, vbicumque in prænominatis quatuor villis, infra terminos nostros, locus ad hoc inuentus fuerit magis idoneus. Ita etiam quod ibidem Abbas resideat, & conuentus ordinis memorati.

CONVENTVS autem ille sumendus est de monasterio Villariensi, & non aliunde. In memorato autem monasterio, quale ius habet Dux Brabantiæ in monasterio Villariensi, tale nobis & successoribus nostris referuamus. Testes, qui interfuerunt huic facto, sunt hi viri nobiles.

ÆGIDIVS BERTHOLDVS, pater noster.

Waltherus Bertholdus		consanguinei nostri.
Henricus Bertholdus		

Nicolaus		filij Peregrini.
Willelmus		

Gosuinus Boc		milites.
Arnoldus Pottere		
Walterus de Haght		

Magister Gaufridus, Canonicus Louaniensis.

Godescalcus		sacerdotes.
Henricus de Berlar.		

Mater nostra CATHARINA.

Vxor nostra HELVIGIS, & multi alij.

ET vt donatio ista rite facta robur habeat in perpetuum, sigillum nostrum presentibus appendere curauimus. Datum & actum apud BERLAR, anno Domini M.CC. tricesimo quinto, feria tertia ante Purificationem B. Mariæ virginis.

Ballar.

1235.

CAP.

CAPVT CII.

*Henricus II. Lotharingia & Brabantia
Dux Locum S. Bernardi ad Scal-
dim Abbati eiusdem monasterij
in purum alodium confert,
an. 1243.*

Hemmesem

IN nomine sanctę & indiuiduę Trinitatis.
Ego HENRICVS, Dei gratia Dux Lotha-
ringię & Brabantię, omnibus presentes
litteras inspecturis, cognoscere veritatę.
NOVERIT Vniuersitas vestra, quod
GOSVINVS miles, dictus Eock, totum feodum, quod
de nobis tenebat in territorio de *Hemmesem* in pratis,
aquis, piscarijs, siluis, terris cultis & incultis, rediti-
bus, & rebus alijs ad opus Abbatis & conuentus de
Loco S. BERNARDI, Cisterciensis ordinis, qui ab ipso
GOSVINO præfatum feodum, titulo emptionis, iuste
acquisiuerunt, in manus nostras quasi veri domini, &
Superioris ipsius feodi reportauit, atque iusto modo
verpauit, nihil sibi iuris, nihil suis heredibus in di-
cto feodo, ad præsens vel in posterum, reseruando.

Nos verò, ob remedium animę nostrę, patris, ma-
tris, & vxoris, predecessorum & successorum no-
strorum, dictum feodum præfatis Abbati & conuen-
tui in purum contulimus alodium, libere & absolute
per-

perpetuò possidendum, nihil iuris nobis vel posteris nostris, præter tres articulos altæ Iustitiæ, scilicet manifestam sanguinis effusionem, membrorum mutilationem, & vitæ ablationem, si excessus delinquentium hoc exegerit, in ipso alodio reseruando.

Nos insuper dictos fratres Abbatem & conuentum, cum omnibus bonis suis, sub protectione nostra suscipimus & tutela. Ipsi enim fratres pro peccatis nostris tenentur specialiter orare. Huic autem factio interfuerunt,

Arnoldus Abbas Villariensis.

Franco monachus.

Ioannes Conuersus ibidem.

Abbas de Hellenchines.

Magister Daniel.

Simon Capellanus noster.

Franco Canonicus de Liera.

Willelmus de Grimberges.

Arnoldus Dapifer de Rochelar.

Gerardus de Isca.

Willelmus & Hugo, fratres, dicti Noise, & alij
quàm plurimi.

In cuius rei testimonium præsentem chartam sigillo nostro duximus roborandam. Actum anno Domini millesimo ducentesimo quadragesimo tertio, 1243.
feria tertia post festum Petri ad Vincula.

CAP. CIII.

*Ludovicus Bertholdus , Dominus in
Berlar, donationes ab Ægidio fratre
suo factas, ad fundandum S. Ber-
nardi monasterium, prope Ant-
nerpiam, approbat an. 1245.*

IN nomine Patris & Filij & Spiritus sancti. HEN-
RICVS Dei gratia Dux Iotharingiæ & Brabantia,
omnibus præsens scriptum intuentibus testimo-
nium veritatis acceptare.

*Sophia
uxor.*

Bruchem.

NOVERITIS, quòd vir nobilis LODEWICVS DE BER-
LAR, dictus BERTOYT, in præsentia nostra & multorù
hominum nostrorum, constitutus, eleemosynam in
villis de *Primede*, de *Millenghem*, de *Brughem*, &
de *Oudem*, quam pia memoria vir nobilis ÆGI-
DIUS BERTOYT, ipsius germanus, iamdudum legaue-
rat ad fundandum novum monasterium ordinis Ci-
sterciensis, quòd nunc fundatum LOCVS S. BERNARDI
vocatur, ratam habuit & acceptam, nihil sibi iuris vel
suis heredibus in eadem eleemosyna reseruando, sal-
uis sibi hominibus feodalibus & mansionarijs, ad idẽ
feodum pertinētibus in villis eisdem, & alta Iustitia,
ita quòd nullum Iustitiariũ sacularem adducere po-
terunt fratres dicti monasterij in ipsis villis, præter
ipsum LODEWICVM, & WALTERVM BERTOYT, ac eo-
rum successores, nisi ipsis fratribus à dictis nobilibus
Iustitia deesset.

SI QUÆ ad preces nostras, intuitu Dei, & ob reme-
dium animæ suæ, matris, fratris, prædecessorum &
successorum suorum concessit, vt dicti fratres ad lo-
cum

cum sibi magis congruum suam transferant Abbatia:
ita quod capella infra terminos dictæ eleēmosynæ
remaneat, vbi Missa pro animabus fundatorum quo-
tidie, cum id congruè fieri poterit, in perpetuam
memoriam celebretur.

ORATIONES etiam omnes, cum ceteris beneficijs
spiritualibus, quas ipsi & eorum successores in perpe-
tuum facient, animæ sępe dicti *ÆGIDI*, & omnium
suorum successorum, concesserunt intergraliter dicti
fratres, ac si Abbatia eorum apud vnā dictarum vil-
larum remansisset. Testes interfuerunt hi,

Walterus Bertout, dominus ipsius Lodewici.

Henricus Bertout.

Godefridus frater noster.

Willelmus de Grimberges.

Arnoldus de Rochelar, Dapifer.

nobiles

Henricus de Ottenhoue.

Gerardus de Isca, Dapifer noster.

Gosuinus dictus Boc.

Walterus de Hacth.

Walterus Clutinc.

milites.

Reinboldus de Thunis.

Henricus de Heisbroec.

Alexander de Hemminesem.

Daniel Castellanus de Geneppia.

Godefridus de Bruel.

Simon Capellanus noster.

Willelmus clericus noster, & multi alij.

In cuius rei testimoniū præsentem chartam si-
gilli nostri munimine duximus roborandam. Actum 1245.
anno Domini millesimo ducertimo quadragesimo *Ko. fil.*
quinto, mense Septembri, apud RYSLENBERGE. *berch.*

CAPVT CIV.

*S. Ludouicus Gallie Rex Comitatum
Artesie, à Ludouico patre suo insti-
tutum, an. 1237. confirmat.*

IN nomine sanctæ & indiuiduæ Trinitatis amen.
LVDVICVS Dei gratia Francorum Rex, notum
facimus, quòd cum claræ memoriæ genitor no-
ster, LVDVICVS Rex Francorum illustis, in te-
stamento suo ordinauerit, & pro parte hereditatis
assignauerit carissimo fratri nostro ROBERTO terram
Atrebatensy, quam idem genitor noster ex parte matris
suæ habebat, *Atrebatum*, *S. Andomarum*, & *Ariam*, cū
pertinentijs eorundem, & post decessum carissimæ
dominæ matris nostræ B. Reginæ Francorum illu-
stris, *Hesdinum*, *Bapalmum*, & *Lens*, cum eorum per-
tinentijs, quæ eadem domina mater nostra tenebat,
nomine dotalitij, ex parte *Isabella* Reginæ, auis no-
stræ, mouentia: Nos sinceritatem dilectionis, quam
ad eundem fratrem habemus, volentes per exhibiti-
onem operis ostendere, volumus, & eidem fratri no-
stro per præsentem chartam concedimus totam terrā
prædictam, saluis feudis & eleëmofynis, quæ tene-
bunt, & reddentur, sicut tempore genitoris nostri,
sibi & heredibus suis iure hereditario possidendam.

ITA quòd tam illam terram *Atrebaty*, *S. Andomari*,
& *Arie*, quam antea tenebamus, quàm illam quam
domina mater nostra nomine dotalitij possidebat, cū
co

eo iure quod eadem domina mater nostra in empti-
one habebat, quam apud Villanas fecerat, sita in fe-
odo *Lenfy*, tanquam hereditatem suam habeat, teneat
& possideat. Et ipse nobis homagium ligum inde
fecit, & heredes eius nobis & heredibus nostris
similiter facere tenebuntur; & nos prædictum dota-
litium, nomine matris nostræ, in loco sibi grato, &
placenti, ad terræ æquiualentiam commutauimus ei-
dem doming matri nostræ.

IDEM autem frater noster de prædictis, pro parte
terræ, quam habere debebat, se habet pro pagato:
nec ipse, nec heredes eius à nobis vel heredibus no-
stris amplius pro parte terræ possunt petere neq; pe-
tent. Quod ut perpetuæ stabilitatis robur obtineat,
presentem paginam sigilli nostri auctoritate, & Regij
nominis caractere inferius annotato, se cimus con-
firmari.

ACTVM apud Compendium anno incarnationis
Dominicæ millesimo ducentesimo tricesimo septi-
mo, mense Iunio, regni verò nostri anno XI. astan-
tibus in palatio nostro, quorum nomina supposita
sunt & signa.

Dapifero nullo.

Signum Roberti Buticularij.

Camerario nullo.

Signum Almarici Constabularij.

Data vacante Cancellaria. LODOVICVS.

NOTATIONES.

ROBERTVS.) primus Atrebatensis seu Artesia Com-
mes in Ægypto occubuit.

Artois

B.) BLANCA, mater S. Ludouici.

BUTICULARIUS) à Buticulis, *Bontaillicr*.

Z z 3

CAP.

CAPVT CV.

*Ducatus Burgundie Philippo filio à Io-
anne Francorum Rege an. 1363.
datur: quam donationem postea
Carolus V. Rex Philippifra-
ter anno 1364. editis tabu-
lis laudauit.*



CAROLVS Dei gratia Francorum Rex, no-
tum facimus vniuersis præsentibus, pari-
ter & futuris, nos vidisse litteras claræ
memorię domini genitoris nostri, formã
quæ sequitur continentes.

IOANNES Dei gratia Francorum Rex. Ad subdito-
rum quietem & pacem curam gerentes solliciti m, fa-
cti didicimus experientia, non modicum prodesse,
fideles & strenuos habere vassallos. Ipsorum enim
meritis, propulsis inuidis & æmulis, pacis tranquil-
litas acquiritur, & iustitia, omnium regnorum fun-
damentum, pacifice administratur, ad regnantium
gloriam & honorem: vnde feruor oritur dilectionis
ad dominum, cuius etiam crescit vigor subiectionis
in eisdem.

NOVIMVS insuper coronam stabiliri regię maiesta-
tis, dum personę præclari generis, moribus utique
&

& honestate vernantes, dignitatibus inclytis præferuntur. Ipsorū igitur adfistentia laterali non minūs sceptrā coruscāt regnantium, quā gemmis corona.

LAUDABILĒ aigitur prædecessorū nostrorū Regum, qui solita munificentia dignis consueuerunt digna rependere, sequentes vestigia, etsi singulos, iuxta suorum exigentiā meritorū, desideremus prosequi fauoribus gratiosis, digniores tamen censemus debere dignioribus insigniri. Attēdentes quòd etsi naturaliter nostris tenemur liberis assignare, unde statum iuxta suę perspicuitatem prospiciā, honorificē continuēt; ad hoc tamen impendendum eò liberaliūs inducimur, quò instantiūs eorū continuata merita id expolcunt.

Et desiderantes affectuosiūs grauamina & oppressiones, irruētibus hostibus, illatas subditis nostris *Ducatus Borgundia*, qui ex successione bonę memorię PHILIPPI, vltimū Ducis eiusdem, in nos, vt propinquiorem in genere, nouiter est delatus, amputare, & ipsorū prouidere quieti: & ad memoriā reducentes grata & laude digna seruitia, quę carissimus PHILIPPVS, filius noster quartò genitus (qui sponte expositus mortis periculo, nobiscum imperterritus & impavidus stetit in acie prope *Piclanos*, vulneratus, captus & detentus in hostium potestate) ibi & post liberationem nostrā hactenus exhibuit, indefesse, & vero amore filiali ductus: ex quibus suā meritò cupientes honorare personā, perpetuoque premio fulcire, sibi paterno correspondentes amore, spem & fiduciam gerentes in Domino, quòd ipsius crescēte prouidentia, dicti nostri subditi Ducatus eiusdem, à suis oppressiōibus releuentur:

NOTVM itaque facimus vniuersis, præsentibus pariter & futuris, quòd nos his & alijs iustis considerationibus excitati, & ad humilem supplicationem subditorū nostrorū dicti Ducatus, prædictum

lentes & concedentes eidem, vt ipse suiſque heredes ex proprio corpore, in legitimo, vt prædicatur, matrimonio pro creati, qui ei ſuccedent in Ducatu prædicto, vtantur & fruantur perpetuò & pacifice vniuerſis & ſingulis priuilegijs, franchiſijs, iuribus, libertatibus, & prærogatiuis, quibus uſi ſunt hætenus & vtuntur ceteri pares Franciæ, omni modo & forma, quibus tenebant dictum Ducatum, & dictis priuilegijs uſi fuerunt hætenus Duces Burgundiæ, & utebatur dictus defunctus vltimus Dux PHILIPPVS, dum viuebat; ſaluis tamen donationibus & conſeſſionibus, ſi quas fecimus, poſtquam dictus Ducatus deuenit ad manum noſtram, vt prædicatur, quas nolumus effectu fruſtrari. Saluis inſuper, & retentis nobis & ſucceſſoribus noſtris Franciæ Regibus, ſuperioritate & reſorto dictorum donatorum; fide etiam ac homagio Ducis præſtandis nobis & ſucceſſoribus noſtris prædictis, modo debito & cõſueto fieri & præſtari per Duces Burgundiæ temporibus anteaſtis, regaliſque & iuribus alijs regijs ad nos pertinentibus ad cauſam noſtræ Coronæ, & quæ habebamus viuente dicto vltimo Duce defuncto, in Ducatu prædicto,

PRO quibus donatis prædictis, dictus filius noſter nobis fecit homagium tanquam Dux & primus Par Franciæ prædictus & eo modo, quo defuncti duces Burgundiæ tenebantur, & conſueverunt facere nobis, & noſtris prædeceſſoribus. Ad quod homagium admiſimus eumdem: quem per hoc emancipauimus, & extra poteſtatem noſtram paternam poſuimus, & ponimus per præſentes. Saluo inſuper & retento, quòd ſi dictus filius noſter, vel ſua poſteritas, vt prædicatur, procreanda deceſſerint, quod abſit, abſque herede ex proprio corpore, ſuccedente in dicto Ducatu, præmiſſa vniuerſa & ſingula ſic donata, pleno iure integraliter reuertentur ad nos, & ſucceſſores noſtros Reges, qui pro tẽpore fuerint, noſtrę Coronę dominio applicanda.

PER hanc autem conſeſſionem noſtram præſentẽ & donum, *Ducatũ Thronis*, quem cum ſuis perti-

uentijs dicto filio nostro aliàs donauimus, ad manum
nostram ponimus, & retinemus, ordinaturi de co-
dem ad nostrę beneplacitum voluntatis. Quapropter
damus presentibus in mandatis vniuersis Prelatis,
& alijs personis ecclesiasticis, vniuersis Ducibus,
Comitibus, Baronibus, & alijs nobilibus, alijsq; cle-
ricis & laicis, ad quod pertinuerit, quatenus homa-
gia & deneria, honores, seruitia, & obedientias, in
quibus nobis tenebantur ante donationem presentē,
ratione Ducatus & aliorum donatorum predictorū,
present & faciant indillatē & de cetero dicto filio
nostro, suisq; heredibus antedictis, de legitimo ma-
trimonio procreandis, modo & forma, quibus ipsa
fecerant, & facere debuerant dicto vltimo defuncto
Duci: per quorū prestationē nos inde absoluimus pe-
nitus, & quitamus eos dē, volumusq; obediant dicto
filio nostro, tanquā Duci dicti Ducatus & Pari Frā-
ciæ primo, plenariē, & absque difficultate quacūque.

MANDAMVS insuper dilectis & fidelibus Consili-
arijs nostris, Præsidentibus, & alijs gentibus nostri
parlamenti Parisiensis, vniuersis insuper Iustitiarijs
& Officiarijs nostri regni presentibus & futuris,
quatenus dictum filium nostrū & heredes suos, præ-
dictos Duces Burgundiæ & Pares Franciæ, in om-
nibus casibus atque locis, in iudicio & extra, vt Du-
ces & primos Pares Franciæ recipiant & admittant,
ipsoſque faciant & permittant vt & gaudere pacificē
prærogatiuis, franchisijs, libertatibus, honoribus, &
iuribus Ducatus & Pariatus, & nostram presentem
ordinationem teneri perpetuū inuiolabiliter: nihil
facientes vel attentātes in contrarium quoquomodo;
non obstantibus consuetudinibus, statutis, vsibus, &
priuilegijs contrarijs quibuscumque, donisq; &
gratijs dicto filio nostro factis aliàs, & quæ in præ-
sentibus non fuerint expressata.

Quod vt firmum & stabile permaneat in futurum,
nostris presentibus litteris fecimus apponi sigillum;
saluo in alijs iure nostro, & in omnibus alieno Datū
Gar-

Germiniaci supra Maternam in die sexta Septembris, anno Domini millesimo trecentesimo sexagesimo tertio. *Per Regem. Iuo.* 1363

Nos igitur memores, quodd ipso domino genitore nostro adhuc superstite, attentis causis & considerationibus, quibus ipse dominus genitor noster, in donatione dicti Ducatus Burgundia, carissimo fratri nostro PHILIPPO, de quo in eisdem litteris fit mentio, ducebatur, quas veras & efficaces fuisse & esse cognouimus, amore insuper speciali, quem ad ipsum fratrem nostrum semper habuimus, & adhuc gerimus & habemus, dictam donationem, & cetera contenta in litteris supra scriptis grata habuimus, ex tunc pro futuris temporibus bona fide promittentes in contrarium non venire, quouis exquisito colore & occasione, ad quicumque statum nos venire, vel ascendere contingeret. Et super hoc nostras sibi litteras recolimus concessisse, ipsas litteras, donationem, & cetera in eis contenta, rata habentes, & grata, eas volumus, laudamus, approbamus, & de speciali gratia, auctoritate nostra regia, & certa scientia, tenore presentium, confirmamus, volentes & concedentes, ut ipse frater noster dicto Ducati, & alijs sibi donatis predictis, suisque heredes, ex suo corpore, in recta linea, & legitimo matrimonio procreandi gaudeant & utantur, iuxta prescriptarum serie litterarum.

Et ex abundanti, ipsius & suorum securitati providere volentes, dictum Ducatum, & alia sibi prescriptarum serie litterarum donata, tenenda & possidenda, modo & forma, quibus in eisdem continentur litteris, eidem fratri nostro donamus & concedimus, de nostris, gratia, scientia & auctoritate predictis. De quibus ipse frater noster, ut Dux & Par Francie predictus nobis fecit homagium, sub forma in prescriptis inserta litteris, ad quod ipsum admissimus: saluis & retentis eis, quae dictus dominus genitor noster decrevit, per prescriptas litteras, sibi & suis successoribus retineri: Quapropter danus presentibus in man-

datis vniuersis & singulis Prælatiſ, & alijs personis eccleſiaſticis, Ducibus, Comitibus, Baronibus, & alijs nobilibus, ceteriſq̃ clericis & laicis, ad quos pertinebit, quatenus homagia, fidelitates, honores, ſeruitia, & deueria, quibus Duci dicti Ducatus tenentur, & teneri poſſunt & debent, præſtent & faciant indilatè, & de cetero dicto fratri noſtro, & ſuis herediſ, in legitimo matrimonio procreandiſ, modo & forma in ſupraſcriptiſ litteriſ expreſſatiſ. Per quorum præſtationem noſ inde abſoluimus penitus, & quitamus eoſdem, eidemq̃ obediãt tanquam Duci.

QVEM ſiquidem fratrem noſtrum in Parlamento noſtro Pariſienſi, & vbique in regno noſtro, in iudicio & extra, & ſuos heredes prædictoſ Duces Burgundiæ volumus in omnibuſ caſibuſ, vt *Duces Burgundia & primos Pares Francia* admitti, recipi & tractari, ac vt & gaudere Priuilegijs, iuribuſ, & honoribuſ Ducatuſ & Pariatuſ perpetuò, pacificè & quietè.

Et vlteriùſ donum & gratiam dicti domini genitoris noſtri prædictam & noſtram præſentem amplianteſ. *domum Burgundia*, ſitam in monte S. Genueſæ Pariſiuſ, quæ à longiſ temporibuſ citrà fuit Ducum Burgundiæ, eidem fratri noſtro pro ſe & ſuiſ herediſ prædictiſ donamus, de gratia & auctoritate prædictiſ, tenendam cum ſuiſ pertinentiſ, eo modo & forma, quibuſ dictuſ vltimuſ Dux Burgundiæ eam tenuit, quoad vixit.

Now obſtantibuſ eiſ, quæ dictuſ dominuſ genitor noſter voluit in ſuiſ præſcriptiſ litteriſ nō obſtare, & doniſ per ipſum, vel noſ dicto fratri noſtro aliàſ factiſ, quæ pro expreſſiſ in præſentibuſ haberi volumuſ & cenſeri: Quod vt firmuſ & ſtabile perpetuò perſeueret, noſtrum, quo ante ſuſceptuſ regni noſtri regimē utebamur, præſetibuſ litteriſ fecimuſ appoſuiſ ſigillum; ſaluo in alijs iure noſtro, & in omnibuſ alieno.

Datum in LVPARA prope Pariſioſ, die ſecunda Iunij, anno Domini milleſimo trecentefimo ſexageſimo quarto.

FINIS

INDEX RERVM.

A ffligemium	215.223.	Berch prope Ruramond.	85.
Albrada.	133.156.	Berengar. Comes Namur.	112.
Alostani Comites 211.	196. 299.	Berengar. Rex Italia.	100.
Alus mons	92.	Bertholdi	281. 327.
S. Amandus	20.	S. Bertini Abb.	17. 226. 243.
Anaspis, Anappe	101.	Rigardia	288.
Andana	21.	Blandinium	125.
S. Andrea Abb.	154.	S. Bonifacius A. Mog. & Vlt.	38.
Antonium prope Torn.	91.	Bonnenfe patium	115.
Antwerp. Comitatus	153.	Bononienses Comites	243.
Antwerp. Marchiones.	247.	Bulloniense mon.	220.
Antwerp. burgi ecclesia.	27.	Bractatensis pagus 75. Comitatus	92.
Antwerp. collegium	247. 256.	Brugensis ecclesia	136.
260		Bruxell. collegium	158. 162. 286.
Aquisgranensis ecclesia	43.	Xenodochium	271.
Arton	93.	Burgund. Ducatus	331.
Artisia Comitatus	320.	C ameracum.	
Atrebatensis ecclesia	218.	Cameracensis Comes Isaac	120. 129.
Atuuary ad Nervum	86.	Canonicorum collegia	54. 84. 152.
S. Audomarus	17. 19.	Regula	51.
Auerbodium	290.	Canonicorum regular. monast.	
Aufridus	135. 140. 145. 152.	Cisoniense 100. Falempinense.	
Austria, Austrasia	14.	Cap. lla in Merck	20. 244.
B aldericus Ep. Tornac.	234.	Carbonaria silua.	295.
Balericus Ep. Vlt. & iell.		Carissiacus palat.	105.
Bald. Ferreus	64. 67.	Carolus Mag.	43. 48.
Balma, Palma,	85.	Car. Caluus.	72. 78.
Batua	86.	Car. Simplex 113. 119. eius regni	
S. Baonis mon.	57. 145. 161.	exordium	117.
Bedenfis pagus	34. 87.	Car. bonus Flan. Comes.	244.
Benedictinorum Abbatia Affli-		Carolus Dux Loth.	
g. miensis 215. Amanlina	22.	Castellum, kessel	79.
Banoniensis olim 57. Bertinen-			612.
fis	17.		

INDEX

Cifonium	100.	Gerberga	152
Cisterc. ord. Abb. ad Scaldim	327	Gistbertus Dux Loth.	113
S. Claudy Albaria	89	God. Barbarus	264 283
Clodoveus Rex	2.	God. Bullonius.	
Colonia Agrippina		Gorzia	149.
Comitis olim non perpetui	147.	Gozilo Comes Antwerp.	153.
Condatum	90.	Graphio, Comes	19
Condruſy	93.	Grimberga	278 281
Conſtantinopolis	312	S. Gudila	160
Crispinum	89	S. Guibertus	135 162.
Cukensis Comes.		H ainuensis Comes Sig. hardus	
D Agobertus Rex	37.	H arlebeca	165. 168. 171. 157.
Deonant opidum	91.	Hasbania	92
Dickelmanna	91.	Hasnonium	102
S. Donatianus	64 136.	Hautuary ad Nersam	86
E Bo A. Remensis	65.	S. Henricus Imp.	153
Egmondia	114. 204.	Henricus Aupeps	133
Einhardus	57.	Holland. Comit. initia	107. 114.
Elnonense mon.	21.	Horreum Treuerense.	23.
Epiernacum	72	Husenſis Comitatus	37. Eccl. ſua
S. Euerardus Cifon.	100.	200.	
S. Eugendi Abb.	89.	S. Humbertus.	35.
Exempta Abbatia	126. 192	I Nda	72
F allempinum	155.	I nnocentius II. Bruxellis	274.
Fanum Maris.	26.	Insulensis Castellani	159. Canon.
Flairtinga.		ci	196. 241.
S. Foillani Abb.		S. Irmina	34. 93.
Foreſtum	356	L aubium	89. 110.
Foffa, opidum	89. 100	L edi, Lira.	22.
Francorum lingua Germanica	15	Lenſenſe coll.	232.
S. Fredegandus	19	S. Leo IX.	161.
Friſonum Comites	107.	Liptinenſis ſynod. in Ilann.	39.
G Andenſes Comites.	143.	Lugas, Leudica	93.
S. Gaugerici mon.	89.	Lothar. re gredi uifo.	78
Gelria Comes Gerardus		Lotharienſes Comites.	133. 134.
Gemblacum	133		ALA
S. Gerardus Abb.	123. 266.		

M alina	90.	Sara fl.	80.
M ansum,	108.	Scarponna	93
M aricolenfis Abb.	25.89.119.	Schola in palatys Episcoporum	
M arsna.	65 158.298.	49.	
S. Medardus.	13.16.	S. Sornatis eccles.	89.275
M erebeca	91.	Sunnlacum	90.
M essincnse mon.	186.195	Susterens Abb.	84.
S. Michaelis Abb.	89.247	T an helinus	243
S. Mommolenus	17.21.	T axandria	92.
N Amurc. Co mites	126.	Teneramund. coll.	239
N obiliacum	154.	Testrebant	80.107
S. Norbertus	248	Theoderic. I. Holl. Comes	113.150
O snaburg Episcop.	48	Therense mon.	152.
O rtcn.	302	S. Trudo	175.182
O strouandia	105	Truncinum	296
O tho I. Imp.	130.	Tungelros	182.
O tho II.	141.146.	V alcntiana	26.
O tho III.	147	V eromandui	140
P Arcensis Abb.	266.	Vesontio	88
S. Pauli Abb.	152.	Victoriacum	101.
P laicium	102.	S. Vindictanus	21.26.
R agineri Comites	113.158	Vinea	173
S. Remigijs	1.	Vlirbeca	264
R ibnarij seu Ripuarij	86	Vlraictl. eccles.	34.
R ienfis pagus	30.	V Vasia, V Vasia	107.
R odulfus Abb. Trud.	173	S. VValburgis	253.
R omarici Mons	86.	V Vesterlo	153
R othingus Ansuerp. Princeps	27.	S. VVillibrordus.	27
S alina opidum	87.	V Villigisus	126.
S alme Comitatus	87.	S. VVina	290
S. Sal uij mon.	89	Z acharia Papa epistola	40.





